

আৰ্ক্ষম



রূপদশী'

মিহালম

১০ শ্যামাচরণ দে স্ট্রীট : কলিকাতা—১২

— তিন টাকা —

RR
৮৮১.৪৪৩০১
গৌরীশঙ্কর / SM

এই লেখকের
এই কলকাতায়
রূপদর্শীর নকশা
মেঘনামতী

মিহালয় : ১০, শ্যামাচরণ দে স্ট্রীট, কলি—১২ হইতে
গৌরীশঙ্কর ভট্টাচার্য কর্তৃক প্রকাশিত।

নাভানা প্রিন্টিং ওয়ার্কস লিমিটেড,
৪৭, গণেশচন্দ্র অ্যাভিনিউ, কলিকাতা—১৩ হইতে
শ্রীগোপালচন্দ্র রায় কর্তৃক মদ্রিত।

নিবেদন

রূপদর্শীর নক্শার পর রূপদর্শীর সার্কাস—একই লেখকের দুখানা বই বছর না পেরতেই বের হল। মনে হচ্ছে লেখক পাঠকমহলে বেশ খাতির জমিয়েছেন। এটা সুলক্ষণ। তাঁদের নেকনজর এভাবে বজায় থাকলে চাই কি ভবিষ্যতে আরো দু-একখানা বই ছেড়ে দিতে পারেন।

লেখকের এবারকার রচনাগুণের অধিকাংশই দেশ পরিচয় বের হয়েছিল। দু-একটা এধার-ওধার থেকেও টেনে আনা হয়েছে।

রূপদর্শীর লেখার সঙ্গে ‘অ’ অর্থাৎ অহিভূষণ মালিকের ছবি থাকা রেওয়াজ হয়ে দাঁড়িয়েছিল। আফশোষ, এবার সে রেওয়াজ ভাঙল বলে। দোষটা রূপদর্শীর। ‘অ’-এর ছবিগুলো তাঁরই অনামনস্কতার দরুণ সংগ্রহ করে রাখা সম্ভব হয়নি। পাঠক-পাঠিকাগণ তাঁর আঁকা প্রচ্ছদ দেখেই এবারের মতো যেন লেখককে মাপ করেন।

কৃতজ্ঞতা মানবহৃদয়ের একটি অমূল্য সম্পদ। কথার প্রকাশ করলে তাকে ছোট করা হয়। তবু কথা ছাড়া লেখকের পক্ষে কিছু প্রকাশ করবার আর দোসরা হাতিয়ারই বা কি? অগ্রজপ্রতিম কানাইলাল সরকারের কাছে আমার ঋণের আর শেষ নেই। এই পুস্তকখণ্ড প্রকাশ করার ব্যাপারে তাঁরই আগ্রহ, স্বল্প এবং পরিশ্রম সবচেয়ে বেশী ব্যয়িত হয়েছে।

আর দুজনের কথাও বলা দরকার—শ্রম্বেশ সাগরময় ঘোষ এবং সন্তোষ-কুমার ঘোষ। এঁদের উৎসাহ এবং সক্রিয় সাহায্য না পেলে লেখকের পক্ষে কোনও রচনাই কোনওদিন সম্ভব হ’ত কি না সন্দেহ। বন্ধুবর রমাপদ চৌধুরী এবং শ্রীমান সবিতেন্দ্র রায় যত্নসহকারে প্রুফ দেখে দিয়েছেন, আর শ্রীঅর্ধেন্দ্র দত্ত মশায় সন্দ্রর হেড্‌পিস্‌গুলো করে দিয়েছেন, সেজন্য তাঁদেরকে ধন্যবাদ। আর ধন্যবাদ জানাই আনন্দবাজার পত্রিকা প্রেসের প্রিন্টার শ্রীসুরেশচন্দ্র ভট্টাচার্যকে। এই বই প্রকাশ করবার জন্য তিনি অশেষ পরিশ্রম করেছেন।

কলিকাতা

অলমিতি

মহালয়া

২০

১৩৬০



শ্রীভবানীপ্রসাদ ঘোষ
প্রারজতকান্ত সেনগুপ্ত
ও
শ্রীঅহিভূষণ মালিক
বন্ধুবান্ধবেষু

অপন জেতা

এ যেন খড়ের ঘরে চড়ুই ধরা। দরজা জানালা বন্ধ করে হুস হাস তাড়া লাগাচ্ছি, হয়রান হয়ে দৈবে ভবিষ্যতে টপাস করে নিচে একটা পড়েছে কি অমনি খদপ—খরব বলে খাপ্ পেতে আছি। কিন্তু বৃথা। খড়ের চালে সহস্র ফুটো, ইচ্ছে করে ধরা না দিলে চড়ুই ধরা সাধ্য কি :

লেখাটা আমার এই চড়ুই ধরার মতোই। ভাব ভাবনা সবই চলে ওই চড়ুই পাখির চালে। ধরি ধরি করেও নাগালের বাইরে ঝামেলা বিস্তর দেখে পালা প্রায় সাঙ্গ করে এনেছিলাম।

মগজে তা দিলে আমার ভাবনা কোন ফায়দা দেখায় না। লোকের সঙ্গে ঘুরে ঘুরে দুনিয়ার রং চোখে মাখি। লোকগুলো যেন সদরমা টানার কাঠি।

যে নকশাগুলো এতাবৎ বুনছি তার টানা আর পোড়েন সবই আমার আপনার ভাই বেরাদরদের জীবনকে নিয়ে। দিনের পর দিন ঘুরেছি এই জীবনের সঙ্গে 'জান-পহেচান' করতে। যেন নিত্য নতুন অভিসারে যাওয়া। জীবন আও-রাতের মতই খেলোয়াড়। পরলা নজরে মূর্চকি হেসে মনটি দুলিয়ে দিয়ে সেই যে ভিড়ের মধ্যে মিশে গেল, তারপর আর নো পাত্তা। এখন এক বেড়ুলা দিওয়ানা তুমি প্রাণের দারে তাকে খুঁজে বেড়াও। এমনি করে ঘুরতে ঘুরতে লবেজান হয়ে 'দুস্তোর' বলে যদি হাল ছেড়ে দিলে তো ব্যস, সব গেল। দুর্বলোর সে কেউ না, কিন্তু তুমি যদি তার ঘুরোন চক্র কাটিয়ে উঠে উল্টো পাকে তাকে ঘোরাতে পার, সে হিম্মত যদি তোমার থাকে তা সে তোমার কেনা বাদী।

জীবনকে ধরলেই শব্দ হল না, ভাব করতে হবে তো। তুমি যে তার দিলের দোস্ত, তা যদি সে না বোঝে, তবে তো সে মূখে কুলুপ দিয়ে রাখবে। তাই তাড়াহুড়ো করো না, শনে পর্বতলঙ্ঘনম্, আগে পাশে বস, ফদলশবার রাতটুকু মনে আছে কি? মদখ গুঁজে থাকা সেই ঘোমটা-পর্যায়ের ছবি মনে পড়ে? প্রবল ভয় ভয়, আড়ল্ট আড়ল্ট, তারপর সসঙ্কোচে ছোঁরাছুঁরি, মদ মদ হাসি, তারপর ধীরে ধীরে টুকটাক কথা। ঠিক এমনি ধারা কড়া কারবার জীবনের সঙ্গে।

জীবনের অজস্র রূপ ছড়িয়ে আছে চান্দিকে, কটার নকশাই বা আঁকতে পেরেছি। কটা জায়গাতেই বা পৌঁছতে পেরেছি। অনেক পাঠক ফরমাশ দিয়ে-ছিলেন, অনেক গুরুদ্বানীর লোকেরাও আশা রেখেছিলেন, আরো নকশা লিখি।

‘সাক্ষী’

সে সবগুলো আর এই কিস্তিতে হয়ে উঠল না। সে সব আবার নতুন পাণায় গাইব না হয়।

আজকে বরং নিজের কথাই বলি। হিলাম মিস্তরি, রাত পোহাতেই হয়ে পড়লাম লেখক। একেবারে ‘গল্প হলেও সত্য’।

বিস্তান্ভটা বলি। হা চাকরী, জো চাকরী করে ঘুরে বেড়াচ্ছি। ভোর না হতেই ফ্যান্টারীর গেটে থম্মা দিচ্ছি। চাকরী যদি দূটো খালি, লোক জমোছি দূশ। আর সব কাজ ছলে কলে ফ্যান্টারীর কাজ গায়ের বলে। বাদেই গায়ের তখনো জোর, তারা কনুই-এর গুঁতোয় রাস্তা করে ভিতরে ঢুকে সালাম ঠুকছে। বারা একটু রোগা দুবলা, তাদের তরে কাম নেই। এমনি করেই একদিন, দুদিন, পাঁচদিন। এক দরজা, দু দরজা, পাঁচ দরজা। তারপর একদিন দেহের বক্সী বলটুকু ছেঁড়া গেঞ্জীর মত এক ফ্যান্টারীর গেটে ঝুলিয়ে রেখে সালাম দিয়ে বেরিয়ে এলাম। উপরে আশমান, পেটে কঁধে আর চক্ষে আশ্বাস।

শহরের কলে বিনা পরসায় পানি মেলে। পেট ভর্তি জল খেয়ে মুখটা একটু তুলেছি কি দেখি একটা পেন্সিলে লেখা বিজ্ঞাপন, ‘প্রফ রিডার’ চাই। অমুক রাস্তার অমুক নম্বরে অমুক কাগজের এডিটরের সঙ্গে সাক্ষাৎ করুন। গেলাম। তখন আমি মরীয়া। এডিটার ছিলেন না, ম্যানেজার ছিলেন। দেখা করলাম। কি চাই বললাম। এর আগে কখনো এ কাজ করেছো? মাথা দিয়ে টরেটকা করলাম, অ্যাও হয় অও হয়। কতদিন করেছো? এবার মুখ এগিয়ে এল। আমার সঙ্গে শলা-পরামর্শ কিছ, না করেই ঝড়াক্সে জবাব দিলে, চার বছর। আরে আরে বলে কি? বেশ, তা সাইকেল চড়তে জানো? চমকে উঠলাম। সাইকেল চড়ে প্রফ দেখতে হবে না কি? কিন্তু সকালে উঠেই প্রতিজ্ঞা করেছিলাম, আজ কম্পভর, হব, যে যা শব্দবে, হ্যাঁ ছাড়া আর না বলব না। বললাম, হ্যাঁ, কিন্তু স্যার, সাইকেল কি হবে? কেন, স্টলে স্টলে কাগজ দিয়ে আসতে হবে না বিক্রীর জন্য? তা ভো বটেই। আচ্ছা বিজ্ঞাপন আনতে পারবে?

আর আমাকে পায় কে? ততক্ষণে আমি আজে হাঁ-এর সাইকেলে উঠে প্যাডেল করতে শুর, করেছি। গড় গড় করে চালাতে লাগলাম, হ্যাঁ। বেশ, তাই লেখা-টেখা আসে? নিশ্চয়ই। মাইনের খাতার আমি কখনোই অন্য লোকের মত টিপ ছাপ মারিনি। গোটা গোটা অক্ষরে নামসই করেছি। বললাম, আজে হ্যাঁ। মানে কবিতা-টবিতা? বললাম, কবিতা, গল্প, প্রবন্ধ, ক্রমশ প্রকাশিত উপন্যাস, তাক্সার সঙ্গে মোলাকাৎ, খেলার বিবরণ, স্মৃতিকথা, বিজ্ঞাপন—সব স্যার, সব।

কিন্তু আমার দিকে এতক্ষণ চেয়েছিলেন। চাওয়া নয়তো যেন আমার কথাগুলো চোখের কণ্ঠিতে ঘষে নিচ্ছিলেন। চাটনী খাওয়া ফিনিশ হয়ে টাক্স

‘সাক্ষী’

যেমন টক করে এক আওয়াজ তোলে, তেমনি এক আওয়াজ করে কস্তা বললেন, কাল এসো। বললাম, কি দরকার স্যার, একদিন বসে যাই। আপনাকে আর আমাকা কণ্ট দিই কেন? বলেই প্রদুফের গাদা টেনে নিলাম। বললেন, আহা-হা, এখনো যে মাইনে ঠিক হল না। বললাম, একটা কিছু করবেন, সে ভরসা আছে। কিন্তু এখানে মাইনে বেশ দেওয়া হয় না। বললাম, ঠিক আছে দাদা। তাহলে পঞ্চাশ টাকা পাবে। যা ইচ্ছে। হ্যাঁ, মাসের দশ তারিখে অর্ধেক পাবে, আর বাকীটা মাসের শেষ নাগাত। তখাস্ত।

বহাল হলাম নতুন কাজে। হস্তায় হস্তায় কাগজ বের হয়। প্রদুফ দেখি। প্রেসে গিয়ে কম্পোজিটারদের খবরদারী করি। কাগজ ছাপা হলে প্যাক করি, ঠিকানা লিখি, বিজ্ঞাপনের তাগাদা মারি, সাইকেলে করে (মধ্যে মধ্যে যখন বেলারাটা কামাই করে) বাগবাজার, বালীগঞ্জে পাড়ি মারি। একবার দিয়ে আসতে, আর একবার ফেরৎ আনতে। চাকরী জটিল, আর আমাকে পায় কে? গর্বে ফুলে কোলা ব্যাঙ। আমি কি? কোহং? জনলিস্ট।

কম্পোজিটার তাগাদা মারে, স্যার, তিনের ফর্মার দেড় পেজ খালি, ম্যাটার দিন। একটা গল্প দিন স্যার, কি সব এসে-ট্রেসে পাঠাচ্ছেন, একটা রগরগে লন্ড ইন্সটোরী ছাড়ুন দিকি। এই প্রেসটায় কাজ করে স্যার কিস্‌সু স্‌দুখ পাইনে। হ্যাঁ, যখন শ’ বাজারে কাজ করতুম, বাঁড়ুজ্যে প্রেসে, সে স্যার গিয়েছে একদিন। বদলেন। এক বইয়ের কাজ ধরা হল, ‘নিচের তলার গল্প’ না কি বেন, ওই গোছের নামটা, বলব কি স্যার, পড়তে পড়তে কি পদলকটাই না চাগান দিয়ে উঠত, মনে হত, মনের মধ্যে যেন ঘোড়াতে হামাগুড়ি দিচ্ছে। আরেকবার স্যার বিটি প্রেসে, ‘দুরন্ত যৌবনজ্বালা’, নিয়ে সেরেফ ফাটাফাটি হয়ে গেল দুজন কম্পোজিটারে। কি না লাস্ট চ্যাপ্টারটা কে কম্পোজ করবে। যাক সে কথা, এখন কিছু ম্যাটার দিয়ে দিন তো, নইলে ওদিকে ফর্মার আটকে থাকবে, মেক-আপ হবে না।

গল্প চাই? আধ ঘণ্টা বাদে এসো। খেলার খবরটাই তিনের ফর্মার ভুলে দাও। লিখতে বসলাম গল্প। দেড় পেজ এক কড়া প্রেমের গল্প। স্যার, এক পেজ কবিতা চাই। স্যার, দেশ-বিদেশের টাটকা খবর চাই দু পেজ। স্যার, এবারের তারকার প্রথম প্রেম তো আজও এল না। ঠিক হয়, সব হবে, এসো আধঘণ্টা পরে, তিন কোয়ার্টার পরে, দেড় ঘণ্টা পরে।

স্যার, বিশুবাবু যে কবিতা দিয়েছেন, পাঁচ লাইন কেটে দিন, বড় হয়ে গেছে। স্যার, এডিটোরিয়াল এক প্যারাগ্রাফ বাদ দিয়ে দিন। স্যার, ছবিটার

‘সাক্ষী’

ভুলে ভাল চার লাইন পোরোয়ি লিখে দিন। দিচ্ছি, দিচ্ছি, দশ মিনিট পরে এসো, বিশ মিনিট পরে, পঁচিশ মিনিট পরে।

এমনি করে এক বছর, লেখার কারখানায় হাত পাকলাম, গুরু হ'ল কম্পোজিটাররা। বল না এখন কি চাই? গল্প না উপন্যাস না বেলে লেটার মানে হালের ভাষায় রম্যরচনা না কবিতা।

লেখার নেশায় লিখে যাওয়া, সে ব্যাপারটা কেমনতরো টের পাইনি কখনো। লেখাই আমার পেশা। কলম পিষে রুজির জোগাড়, আমার লম্বাটে খোদা লিপি।

‘অ’ এর সঙ্গে আলাপ হল। আমার লেখার ঘোড়ায় ‘অ’ এসে রেখার লাগাম এঁটে দিল। এবার ওর কথাটাও বলি। যে সাক্ষীকে ‘সবে ধন নীলমণি’ ছিলাম সেটি চোখ বন্ধলে আবার বেরুলাম পথে। হঠাৎ দেখা এক বন্ধুর সঙ্গে। বেহালার রান্ন বাড়ির ছেলে। নাম সমরেন। তার কাঁধে পা রেখে তার বন্ধুর বন্ধু হলাম। তার দৌলতে নগদা লাভ একটি প্রুফ রিডারীর চাকরী। এক দৈনিক কাগজে। জিগোস করলেন, প্রুফ দেখতে জানেন? ঘাড় নামিয়ে জানালাম, হ্যাঁ। সে ঘাড় আর তুললাম না, সিগনাল ডাউন করেই রাখলাম। ক’টা প্রশ্ন হবে, ঠিক কি? কিন্তু আর প্রশ্ন হল না। সোজা বলে বসলেন, কাল অফিসে দেখা করবেন। অফিসে গেলাম। দেখা হল না। পরদিন, তাও না। রাম দুই সাড়ে তিন দিন পার হতে হঠাৎ একদিন চোখোচোখি। বললেন, সামনের মাস থেকে প্রুফ দেখতে লেগে যান। বললাম, যে আজ্ঞে।

প্রুফ দেখা জোর চলছে। মনিবের ঘর থেকে একদিন ডাক এল। ‘বস’ শুনলেন, ছোটদের সম্পর্কে কোন ধারণা আছে? বললাম, এককালে তো ছোট ছিলাম। ব্যাস্ তো কাল থেকে শুরু করে দিন। ‘অ’কে ডেকে বললেন, এ হল আর্টিস্ট, আপনাকে সাহায্য করবে। হস্তার চারদিন প্রুফ দেখি, আর বাকী দুদিন ছোটদের গার্জেন্সানি। ছড়া লিখি, গল্প লিখি, ‘অ’ আঁকে। মাস কতক পরে মনিবের ঘরে আবার তলব। সিনেমা দেখেছেন কখনো? আজ্ঞে হ্যাঁ। কেমন লাগে? আজ্ঞে তা বেশ। বেশ কথা, কাল থেকে আপনি সিনেমা এডিটর। বহুতাচ্ছ। ম্বিপদী ছিলাম ত্রিপদী হলাম। (হে ঈশ্বর, আরেকটা ধাপ উঠিয়ে দিলেই হাম্বা রবে বোরিয়ে পড়তে পারি।) আর সেই চতুষ্পদেই বেরুলাম, কিন্তু ‘অ’-এর আর আমার দুই দৃগুণে চারটে’ পা-ই হল। এক সকালে একই সঙ্গে দুজনেই নট-চাকরী হলাম।

‘অ’তে আর আমাতে সেই যে গিট বাঁধলাম, অনেক নোনা জল গিলে আর ঝড়ো হাওয়া খেয়েও সে গিট আজও ঠিক আছে।

‘অ’কে বলোছি, চল হে খিদিরপুর বাই, চড়া রোদ্দরে সেখানে গেছি।

‘সার্কাস’

দুপুর রাতে কলকাতা দেখেছি। যে সময়ে নাবিক লিখি, দুজনে ঘুরে ঘুরে হয়রান, কেউ আর পান্ডা দেয় না। কি যে ছিল আমাদের হাবে-ভাবে, তাতো আর জানিনে। সবাই কেমন সন্দ সন্দ করে এড়িয়ে এড়িয়ে যেতো। শেষে অনেক কণ্ঠে একজনের সঙ্গে ভাব জমালাম। নিয়ে গেল ওদের হোটেলে। গল্প-সল্প বেশ চলছে, সঙ্গে সিগ্রেটটা-আসটা, গরজ আমার, সাংলাই আমিই করছি। লেখাটা ঠিক সময়ে জমা দিতে না পারলেই কস্ম গদ্বলেট হয়ে যাবে। দু-চারটে খবর জিগ্যাস করছি, টুকটাক নোট করছি, ওপাশে এক নাক লম্বা বড়ো সেলর বসে বসে শুনছে, আর আড়চোখে ‘অ’-এর নদ্র নিরীখ করছে। ‘অ’ আপনমনে আঁকিবুঁকি কাটছে। হঠাৎ একটা ছোকরা পাশ থেকে ছুঁড়লে এক চীৎকার, চাচা, তোমারে বেবাক কাগজে তুলছে। যেই না বলা, বড়ো একেবারে ‘অ’এর উপর বাঁপিয়ে পড়লে, নিকালো, নিকালো। কি হল, কি হল, করতে না করতেই ‘মার হালারে, মার হালারে’ রব। কিসের থেকে কি হল, খতিয়ে দেখার সময় কই? অতি কণ্ঠে পৈতৃক প্রাণ বাঁচিয়ে বাড়ি ফিরলাম।

আবার উল্টোটাও ঘটেছে। ছবি আঁকবে শুনাই এক খেলোয়াড় দিবি সোনা হেন মদ্বথ করে, পোজ মেরে দাঁড়িয়ে বললে, সে চেয়ারা আর নেই দাদা। কি ছাতি, কি গুলো ছিল ওঃ। বাপের হোটেলে খেতুম আর শরীর বাগাতুম। এখন যা দেখছেন, এতো মহেজোদড়োর ধংসাবশেষ।

দিন রাত্তির সতর্ক চোখে ঘুরেছি। যা দেখেছি, যেটা ভাল লেগেছে, তুলে ধরেছি। দুর্দিন, তিনদিন, চারদিন পর্যন্ত একই জায়গায় চকর দিয়েছি, সময় মাপা, সম্বল মাপা। হস্তার পর হস্তা লেখার জোগান দিয়েছি।

শুধু কি টাকার জন্যে? সেটাই প্রধান কারণ, তবুও মিথ্যে বলব না, জীবনের যে বিচিত্র রূপ চতুর্দিকে ছড়িয়ে রয়েছে, তার সঙ্গে নিত্য অভিসারের নেশা, সেই নেশাটুকুই উন্মাদের মতো ঘুরিয়েছে। আর আত্মপ্রসাদ কি নেই? জীবনের এই যে বহুতর রঙের ছবি, পাঠকরা কাদের চোখ দিয়ে দেখেছেন? আমাদের চোখ দিয়েই না। তবে। সেটাই কি কম লাভ?

সার্কাস

এক

সার্কাস।

বিরাট তাঁবু! তাঁবু নয়, এক আস্ত শহর। এক আজব দুনিয়া। দুম দুম বাদ্য বাজে। মূহুর্থে মূহুর্থে গায়ে কাঁটা দেয়, বুক ধক্ ধক্ করে। এ কোন ধরনের লোক সব! তাঁবুর মটকা থেকে ঝাঁপ খেয়ে পড়ে। সিংঘীর মূখে মাথা ঢোকায়। হাতীকে বকের উপর রাখে। ছেলেগুলো যদি বাহাদুর, তো মেয়েরাও বাহাদুরনী। তারের উপর নাচতে পারো? চালাতে পারো সাইকেল? উঁচু এক পাটাতনের উপর কাঠের এক গড়ানে গাড়ি। তার উপর এক তত্ত্ব। সেই তত্ত্বের উপর দাঁড়াতে হবে। পারবে? শূধু দাঁড়ালেই চলবে না। নাচতে হবে, বল নিয়ে লোফালুফি করতে হবে। তাও এক আখটা নয়, তিনটে, চারটে, পাঁচটা.....শূধু কি বল? ওই ছোরাগুলো? ওগুলো লুফতে হবে না? আবার শূধুই কি ছোরা? আগুনের ছোরা আছে না? হ্যাণ্ডলে আগুন জ্বলছে দাউ-দাউ, প্রক্ষেপ নেই, একটার পর একটা ছোরা ছুঁড়ে আবার পটাপট লুফে নিচ্ছে। গায়ে হাতে একটু আঁচ কি তাত্ত্বিক ফোস্কা, কিচ্ছু না। ওয়া কি মায়াবী? ওদের মেয়েগুলো কি ডাকিনী?

বাঃ তা হবে কেন!

নাই যদি হবে, তবে কোন মন্তরে বশীভূত করেছে দাঁড়াগাছকে, তারকে, ছোরা-ছুরিকে, বাঘ সিংহ হাতীকে? কিসের বশে ওরা এদের কথা শোনে? ছোরা কি তোমার কথা শোনে? হাতী কি শোনে? ঘোড়া কি শোনে?

না না, মন্তর তন্তর নয়। সার্কাসে বুদ্ধরুদ্ধি নেই কোথাও। সেরেফ, মানুষের কেরদানি। তার সাহস, তার ধৈর্য, তার কন্টসহিষ্ণুতা, তার অক্লান্ত অভ্যাস। সার্কাস যদি দেখ তবে বুঝবে মানুষ কি? সে কি পারে আর কি না পারে? পশুকে বাগ মানানো তো তুচ্ছ, যার মধ্যে প্রাণ নেই, সেই দড়ি, কাঁছ, ছুরি, তারকেও তার কথায় ওঠাবে, বসাতে চাইলে বসাবে।

ছিল একটুকরো লম্বা দড়ি, তাতে এক ফাঁস লাগালে, তার পর দড়ির মাথা ধরে তাকে ঘোরাতে লাগলে। দড়ি-স্বত ঘোরে ফাঁস তত বড় হয়। ফাঁস বড় হতে হতে হলে দাঁড়াল সদর্শন চক্ৰ। উপরে, নিচে, সামনে, পিছে বন বন

‘সার্কাস’

ঘুরছে, দাঁড়র ফাঁস উঠছে, নামছে। কি ডাম্জব! সেই ফাঁস মনে হবে তুমি ঘোরাচ্ছ। তোমার শরীরের চারপাশে ঘুরতে লাগল, এই মাথার কাছে, এই পায়ের কাছে। এই কোমরে পেঁচিয়ে ঘুরছে। বাঃ বাঃ, আবার সেই ঘুরন-দাঁড়র ফাঁস ডিঙিয়ে ডিঙিয়ে লোকটা এদিক থেকে ওদিক যাচ্ছে, ওদিক থেকে এদিক। এ পায়ের থেকে ও পা, ওপায়ের থেকে এ পা, খুব ঘুরছে। দেখে মনে হবে কি সোজা, কি সোজা? কিন্তু করতে গেলে পারবে না।

পারবে, যদি প্র্যাকটিস্ করো, যদি ওই নিরেই লেগে থাক রাতদিন। ওই ধ্যান, ওই জ্ঞান করতে পার যদি।

এক একটা খেলা, দেখাতে আর ক’ মিনিট। কিন্তু শিখতে? দিন মাস বছরের কি হিসেব থাকে, না রাখা যায়? এই যে রোজ খেলা দেখানো, এও তো প্র্যাকটিস্। জীবনভোরই অভ্যাস।

অক্লান্ত অভ্যাস, নিখুঁত সময়-বোধ আর নিবিড় একতা, এক কথার এই হল সার্কাস। এক দোলনা থেকে আর দোলনায় লাফ মারবে, সময় এক পলক। তো প্রতিবারই ওই সময়টুকুর মধ্যে কক্ষ কিলিম্বার করতে হবে। একটু হের-ফের হয়েছে কি অর্মান ধপাস। পপাত চ মমার চ। ওই সময়টুকু বাগে আনবার জন্য তো অভ্যাসের দরকার, সাধনার দরকার।

আর চাই একতা। রিংবয় থেকে প্রোপাইটার অবধি সবাইয়েরই এক সুরে বাঁধা পড়া চাই। একটু গড়বড় সড়বড় কিছ্ হয়েছে তো, ব্যালান্স নষ্ট হয়ে যাবে। সার্কাস বরবাদ হয়ে যাবে।

সার্কাস-অলাদের জাত বেজাত নেই। কে কুলীন কে মৌলিক, তা জন্ম দিয়ে মাপা হয় না, মাপা হয় কক্ষ দিয়ে। যার নামে বক্স অফিসে ভিড় হবে, কনারন টাকা আসবে সেই তখন মূর্নিবের পেয়ারের। তার পোজিশন এক নম্বর। নইলে এখানে একটা জার্মানের যাঁ দাম, ফরাসীরও তাই। একটা বাঙালীর যা দাম, একটা মালাবারী কি মারাঠিরও সেই দাম। সব দেশের সার্কাসেই সব দেশের আদমী আছে, জেনানা আছে।

তবে, ভারতবর্ষে তিন জায়গার লোকই বেশী। বাঙলার আর মহারাস্ট্রের আর মালাবারের। এদেশে সার্কাস চালু হয় এই তিনটি দেশের উৎসাহ আর উদ্যমে। ১৮৮৪ সালে প্রোঃ চ্যিয়ার সার্কাস প্রথম কালাপানি পার হয়। আমেরিকা আর চীন মূল্যকে খেলা দেখিয়ে এসেছিল। তারপর দেবল সার্কাস ইতালীতে ঘুরল, ঘুরল দূরপ্রাচ্যে। বোসের সার্কাস গেল জাপান, চীন, ইন্দোচীন।

সে অন্য কালের কথা। সিনেমা তখনো আসেনি। তখনো লোকে আসল

‘সার্কাস’

নকলের ফারাক বুঝত। নকল ফেলে আসলের কদর করত। তাই সার্কাসের ছিল অমন রবরবা। কী লোকই না হত! আর এখন? কারই বা নজর আছে!

আমরা দূঃখ করে করব কি? ভদ্রলোক বললেন, যুদ্ধের মধ্যে সব দেশের সার্কাসেই ভাটা পড়েছিল। দূঃখ সে জন্যে নয়। যুদ্ধের পর আবার সব দেশেই সার্কাস মাথা চাড়া দিয়ে উঠল আর আমরা যে ভিঁমিরে সেই ভিঁমিরেই থেকে গেলাম। অবনতিটা হল অন্য দেশের সঙ্গে পা মিলিয়ে। তবে অন্য সবাই যখন আগে বাড়ল তখন আমাদের পা-ই শূন্য গুঁটিয়ে রইল। মজাটা মন্দ নয় মশাই।

যুদ্ধের মধ্যে যে সার্কাসের অবস্থা হয়ে এসেছিল নিব্দ নিব্দ, যুদ্ধ-শেষে অন্য দেশে তার তেজ আবার বেড়ে গেল দুনো। আমেরিকা আর রুশিয়া এই দু'দেশেই সার্কাস খুব জোশদার হয়ে দাঁড়াল। ওদের গভর্নমেন্টও মদত দিচ্ছে, পার্বলিকও।

এক একটা সার্কাস খাড়া করা, সে কি চান্ডিখানি কথা মশাই। কত মেহনৎ, টাকা পরসার কত ছড়াছড়ি! আপনাদের মালুম হবে কি করে? আপনারা টিকিট কিনলেন, খেল দেখলেন, তালি বাজিয়ে বাড়ি ফিরলেন। ডেলি খরচা কত জানেন? এই আমাদের খরচা দৈনিক হাজার বারশ টাকা, কম সে কম। এক একটা বাঘ সিংহ আছে না, দশ সের মাংস লাগে মাথাপিছ। খাসীর মাংসের দাম কত? কলকাতায় আড়াই থেকে তিন টাকা সের। তাহলে হিসেব করুন, চারটা বাঘ আর ছটা সিংহ থাকলে, কত খরচ হতে পারে? তেমন এক একটা হাতীর পিছে ডেলি খরচা বিশ টাকা। ঘোড়া পাঁচ, মানুষ পাঁচ। সেরেফ খেঁয়াকী খরচাই এই। আরো তো কত রকমের খরচ আছে।

আর মানুষ কি এক আধটা? যে কয়জন খেলা দেখায়, ব্যস? কটা লোক আর খেলা দেখাতে পারে? বিশ বড় জোর পাঁচিশ? কিন্তু তার চেয়েও ঢের ঢের বেশী লোকের দরকার হয় খেলার তোড়জোড় করতে। আপনি হাওয়াই ঝুলান্ন খেল দেখেছেন, ফ্লাইং ট্র্যাপিজ। তো ট্র্যাপিজের খেলা দেখাচ্ছে চারজন, আর তিন চারটা জোকার খুব রং ঢং করছে। কিন্তু এই খেলা জমাতে মজুত আছে বোল আঠারোটা রিং-বয়। চারটা তো উঠে গেছে তাঁবুর উপর। ট্র্যাপিজকে ঠিক ঠাক করছে। গড়বড় কিছ, না হয়, তার জন্য আছে কড়া নজর। আর বাদবাকী খটাখট খুঁটো পুঁতজে, সটাসট জালি টাঙাচ্ছে। কুঁতী ফুঁতী কাজ। এক মিনিট বরবাদ হবে, তো এক ঘণ্টা বরবাদ হয়ে যাবে।

এই রকম ‘টাইমিন’, রিং-বয় বললে। এক পাটিতে আমরা তিশ চান্সি ভি থাকি। আগে পিছে হয় জারগান্ন আমাদের কাজ। কোথায় নেই।

‘সার্কাস’

যার সঙ্গে আলাপ জমিয়েছিলাম সে ছেলোটো কালো কোলো, বেজার চটপটে। মূখে এখনো গোঁফের রেখা ওঠেনি। বেট্টে-খাট্টো এক জোয়ান ও থাকে যাচ্ছিল। তাকে ডাকলে, এ রিংমাস্টার, ইধর আও। বাবুজী, এ আমাদের সদর আছে, রিং-মাস্টার। উ অর্ডার দিবে তো আমরা কাম করব। ক্যা বে, বাতলাও না কুছ কামকা তরিকা।

জোয়ানটা ধমক দিলে, বকো মাং শালে। মারেগা এক ঝাপড় তো খুঁপড়ি যাকে ট্রাপিজ থেলেগা। মারব থাপ্পড় তো খুঁলি গিয়ে ট্রাপিজ থেলেবে।

ছোকরা একগাল হেসে বললে, বড়া ভাই। অমনি জোয়ানটাও হেসে দিলে। ছোকরাটা বললে, বড় ভাই, বাবুকে বল তো আমরা কি করি?

বড় ভাই বললে, সব কাম, বাবুজী, মেহনতের বিলকুল কাম এই রিং-বয়দের। সার্কাস যেখানে পয়লা যায়, কি থাকে সেখানে। স্ট্রফ ময়দান, বাস্ আর কি? খালি জঞ্জাল, ভাঙ্গা কাঁচ, টুকরা ইন্ট, গাড়া গর্ত। টিরেনসে নামলাম তো ট্রাকে মাল কে তুলবে? রিং-বয়। আর ময়দানকে ডেরেস করতে হবে না? আপনি যখন সেলুনে যান, বাল-উল ছাঁটেন, তো কাম কি ওখানেই খতম হয়ে যায়? মোচ ছাঁটবেন, দাড়ি কাটবেন, ‘সোনো’ পাউডার মূখে দিয়ে দলাই, মলাই, ‘ডেরেস’ উরেন্স করবেন, টেড়ি বাগাবেন, তবে ত্রো চেহারা খোলতাই হবে। তবে তো সদর চিকচিকাবে। পাঁচজনে দু’ এক নজর দেখে লিবে। তো এইরকম আছে ময়দান। আগে গাড়াগর্ত ভর্তি করতে হবে, জংগল জঞ্জাল সাফ করতে হবে, কাঁচ, লোহা দূরে ফে করতে হবে। একে বলে ময়দান ‘ডেরেসিন্’। ময়দান ‘ডেরেস’ হল তো, তাম্বু উঠাও। সেই শূন্য হবে খট্‌খট্‌ খুঁটো গাড়া। ভারী ভারী শাল গুঁড়ির আড়িয়া হাফিজ, রশারশির হরকসরং। দনাস্দন সনাস্‌সন, কাম পুরা হয়ে গেল। দু’ ঘণ্টার মধ্যে ‘তাম্বু’ উঠানা ফিনিস্। এক নয়া শহর বসে গেল। বাজা বাজল, বিজলী বাতির রোশনাই-এ ঝিলিক মিলিক শূন্য হল। ভিতরে গেলারী বসল, চেয়ার বসল চারো তরফ। পিছদ সীট তো মাস্দল ভি কম, আঠ আঠ আনা টিকট। সামনে যত, পয়সাও তত। রিং-এর কাছেই “বক্স”, পাঁচ পাঁচ টাকা, দশ দশ টাকা।

তাম্বু উঠল তো খেলার রিং। তাঁবুর মাঝখানে একদম যে গোল, ওই হল রিং। রিং থেকেই রিং-বয়। আর রিং-বয়দের এক সদর, আমি রিং-মাস্টার। অর্ডার দিব আমি তো পুরা করবে সব রিং-বয়। রিং বানাতে হয় বহাং হুঁসিয়ারীসে। বিলকুল থেল তো ওইখানে হয়। জুর্নানো জেনানা দৌড় ঝাঁপ করে। জানোয়ার কসরং দেখায়। একটুকরা কাঁচ কি একটা পিন্ পায়ে ফুটল তো হাজার দোহাজার রুপিয়া কোম্পানীর গজব, একদম চট্রিশ হাত পানির নিচে। ভাই

‘সার্কাস’

এত হুঁসিয়ারী, এত খবরদারী। আর এ খবরদারী কারা করে? এই রিং-বয়েরা। এক এক খেলার এক একরকম তৈয়ারী। ব্যালান্সের খেলা হবে, তারের উপর হাঁটবে জেনানা, তো খুঁটি লাগাও, তার টাঙাও। তারো আবার হিসেব আছে, বেশী টাইট চলবে না, বেশী ঢিলও চলবে না। একদম সই সই। এ খেলা শেষ হলো তো ঝটপট তোড়ো, ভেঙে দাও। হঠাৎ তার খুঁটি। ডিগ্বাজীর খেলা হবে? না পিরামিড? সতরঞ্জি আন, বিছানা বিছাও। এ খেলা খতম হয়েছে? এবার কি হাতীর খেলা? আচ্ছা তো তার সরঞ্জাম আনো।

দুঃখের কথা কি জানো বাবু সাহেব, তোমাদের চোখের উপর হরবৎখ আছি, কিন্তু দেখতে পাওনা আমাদের একজনকেও। তোমাদের নজর তখন তারে, নাচনেওয়ালী জেনানার উপর। আমাদের ঘামে মাটি ভিজ়ে সপ্‌সপ্‌ আর হাততালি কুড়োচ্ছে খেলোয়াড়রা। নসিবের চক্কর কে বোঝে?

তোমরা শব্দ তো খেলার তাঁবুটাই দ্যাখ। কিন্তু তাঁবু কি একটাই ওঠে? আরো ওঠে। সেগুলো থাকে তোমাদের চোখের অন্তরালে। তাঁবুই আমাদের ঘর বাড়ী, বাসা না পেলে খেলোয়াড়রাও এই সব তাঁবুতে থাকে। এইতো ও হিন্দু, আমি খ্রীষ্টান, ও মারহাটি, আমি মালাবারী, ওই ট্রোপিজ-অলা বাঙ্গালী, ব্যালান্স-উলিট চানৈ। বল ছোঁড়ে যে সাহেব সে ইহুদী, হাতী-অলা মুসলমান। মোটর সাইক্ল সাহাব ফরাসী। লেকিন্‌ উ সব, এই জাত আর ধর্ম আর চামড়ার সওয়াল সব নিজের নিজের পকেটে। তাতে কারোরই মাথাব্যথা নেই। সার্কাসের তাঁবুতে এসে সবাই সার্কাস-অলা, সবাই ইন্‌সান, সবাই মানুষ, ভাই বোদর।

তাঁবুতে খাওয়া, তাঁবুতে শোয়া। লগ্নরখানা সাথে সাথেই চলে। ইচ্ছা হলে এখানেও খেতে পার। ইচ্ছা হলে পাকও করতে পার, সে তোমার রুচি মতো।

রিং-বয় ছাড়া আর আছে স্টেবল্‌ বয়। জন্তুজানোয়ারের খিদমতগার। ঘোড়ার জন্য ঘোড়া-অলা, হাতীর জন্য হাতী-অলা, আশ্ব বাঘ-সিংহের ছোকরার নাম ‘শিকারখানা’, আংরেজীতে ‘মেনেজারী বয়েজ্‌’।

এই স্টেবল্‌ বয়দেরও অশেষ ঝঞ্ঝ।

ছোকরাটি বললে, কোনো কোনো জানোয়ার আস্ত শয়তান, আবার কতকগুলো নিরৈত বদম্‌শু। এদের দিয়ে খুঁশী মতো কাজ হাসিল করে নেওয়া বেজায় শক্ত। জান একদম হালুয়া হয়ে যায়। নাক দিয়ে যা জল আর গা দিয়ে যা পসিনা করে তাতে জাহাজ ভাসিয়ে লন্ডন তক্‌ পৌঁছানো যায়।

‘সার্কাস’

কিন্তু, তবু এদের কথা বদ্বতে হয়, আমার ইসারাও বোঝাতে হয়। না হলে খেলা দেখাবে কি করে? যেমন করে বাচ্চাকে শিখাতে হয়, ‘বল বাবা’ ‘বল মা’ ‘বল দাদা’ বলে বুলি ফোটাতে হয়, তেমনি ট্রেনিং এদেরও, এই জানোয়ারদেরও দিতে হয়। রাগলে চলবে না, অধৈর্য হলে চলবে না।

জন্তু জানোয়ারের জিম্মাদারী স্টেবল-বয়েদের। এ ছাড়া আছে পাহারা-দার। দিনে রাতে পালা করে চোকী দেয়। কি জানি কখন কি হয়ে যায়। দেশলাই-এর একটা জ্বলন্ত কাঠি, কি একটু আগুনের ফুলকি কোন ফাঁকে তাবুতে ঠেকল, তাহলেই গেল। এক তাবুর দাম বিশ পঁচিশ হাজার টাকা।

ম্যানেজার বললেন, এ ব্যবসার সবটাই রিস্ক। লাখ টাকার কাছ বরাবর লস্ট, কিন্তু সে টাকা উশুল হবে কি না কে জানে? তারপর দেখুন সরকারের সহযোগিতা মোটে নেই। বাঙলা আর বোম্বাই সরকার তবু কিছু কৃপা করেন। কিন্তু অন্যান্য প্রদেশ গলাটি কেটে ছেড়ে দেয়। তারপর ধরুন, এক স্থান থেকে অন্য স্থানে যাতায়াত। তাতেও কি অসুবিধে কম? সময়মত ট্রান্সপোর্ট পাওয়া গেল না, আটকে গেলাম দুর্দিন। সেই দুর্দিনে বেকার কত টাকা বেরিয়ে গেল। বক্স অফিসের উপরই আমাদের জীবন মরণ মশাই। টিকিট বিক্রী না হলে খাব কোথেকে? আর তাতেও দেখুন কত বাগড়া। শহরের মধ্যে মাঠ পাবার উপায় নেই। কেন যে ওরা তা মজুর করেন না বুদ্ধি। এই শহরের একটেরে কে আপনার সার্কাস দেখতে আসে বলুন তো। অথচ সার্কাস ছাড়া আর কি আছে যাতে গোটা ফ্যামিলি এক সঙ্গে মজা পায়, বলতে পারেন? এই যদি ব্যবস্থা হয় তো সার্কাস টিকবে কি করে?

এক একটা সার্কাসে ম্যানেজার থাকেন প্রায় ৪১৫ জন, তার উপরে একজন ডিরেক্টর, তার উপরে মালিক খোদ। এরা সবাই সার্কাসের সঙ্গে সঙ্গে থাকেন।

আর থাকেন খেলোয়াড়রা। অনেকে আবার পরিবার নিয়ে থাকেন। নিজেও খেলা দেখান, স্ট্রীও দেখান, ছেলে মেয়েরাও দেখায়। তাই সার্কাসের নেশা পৈতৃক। আবার অনেক খেলোয়াড়কে সেই জায়গা থেকেই ভাড়া করা হয়। অনেকে নিজের জিনিস নিজেই আনে। অনেক জিনিস কোম্পানীও দেয়। খেলোয়াড়দের বর্তাদিন শক্তি ততদিনই খাতির। অচল খেলোয়াড়ের স্থান সার্কাসে নেই।

সার্কাস শেষ তো ফের কাজ রিং-বয়দের। ভাঙচুর চলল জোর। চার ঘণ্টার মধ্যে তাবু নামল, প্যাকিং উকিন্ হয়ে গেল। লরী বোঝাই হল। টেকেনে চাপল। যে ময়দান, সেই ময়দানই পড়ে থাকল। বাদামের খোসা,

‘সার্কাস’

কাগজের চোঙা আর ছেঁড়া টিকিটের টুকরো হাওয়াতে সাতার কাটতে থাকল। মাটির বৃকে থাকল অনেক গর্ত। মোটা মোটা খুঁটির দাগ। স্নান কালিতে যেন লেখা, এখানে একদিন সার্কাস হয়েছিল।

এক সার্কাসের খেলোয়াড় আমাকে বলেছিল, আমরা খেলোয়াড়রাও ওই ছেঁড়া চোঙার জাত। তাকত ফরোলে ভাঙা বাদামের খেলার মত পড়ে থাকি অন্তরালে। কাঁচ কখনো সার্কাসের বাজনা শুনে চমকে উঠি। অচল দেহ নাড়তে পারিনে। স্মৃতি, শব্দ, ফিস্ ফিস্ করে বলে: তুমিও একদিন সার্কাস-বয় ছিলে।

স্নান হেসে খেলোয়াড়টি বললে, ভবিষ্যৎ আবার কি? আমাদের শব্দ বর্তমান। ব্যাণ্ডের বাদ্যে মাতাল হয়ে যাই। হাজার জোড়া চোখের উপর মৃত্যুর সঙ্গে ইয়র্কি মারি। হাততালি কুড়োই। পেট পরিবার পালন করি। তারপর দম ফরোলেই ফল্কা; তুবাড়ির খোলকে আর কে পৌঁছে?

(দৃষ্ট)

আমার এক বন্ধু আছেন, নাম ‘জরগব’। চমৎকার লিখতে পারতেন লিখতে শুরুরও করেছিলেন। কিন্তু যেই লোকে ধন্য ধন্য করতে লাগল, অমনি কলমের নিব থেকে কালি পড়েছে বললেন, লোকে তালি বাজাচ্ছে হে, এই বেলা সরে পড়ি। হাততালির প্যাঁচ বড় প্যাঁচ। পেঁচিয়ে ধরলে ছাড়ানো শক্ত। বলে সত্যি সত্যিই লেখার ময়দান থেকে একদিন সরে পড়লেন। তিন চার বছর আগের কথা, তিনি সার্কাস নিয়ে এক সুন্দর প্রবন্ধ লিখেছিলেন।

‘জরগব’ বলেছিলেন, শব্দ যদি মিল মালিক হন, আর তিনি যদি মনে করেন যে জামাই সে মিলের চিফ্ ইঞ্জিনিয়ার হোক, তো জামাই-এর পেটে কানাকড়ি এলেম না থাকলেও সে তরুণি তা হতে পারে। কিন্তু সার্কাসের বেলায় সেটি হবার জো নেই। এখানে নেপোমি চলবে না। শব্দ সার্কাস কিনলেন, আর জামাইকে করে দিলেন ট্রািপজ পেলেরার, বললেন, কাল থেকে বাপু ট্রািপজের খেলা দেখাবে, কি হয়ত বললেন, যাও তো বাছা ছপটি গাছা হাতে নিয়ে, ঢোকো তো বাঘের খাঁচাখানায়, মাথাটি পুরে দাও তো বাঘের মুখে, আর অমনি জামাতা বাবাজী সেটি হাঁসিল করে এলেন, ব্যাপারটি অত সোজা নয়। ‘নেপোটজম্’ সর্বত্র চলে, কিন্তু সার্কাসই একমাত্র জায়গা যেখানে তারও জরিজরী ঠাণ্ডা।

‘সার্কাস’

কথাটা যে কত বড় সত্য, প্রমাণ পেলাম সার্কাসের লোকেদের সঙ্গে আলাপ করে।

সার্কাসের খেলা হেকমতের খেলা! সে খেলায় হাতটি না পাকালে কদর নাস্তি। আর সার্কাসের টানও বড় জ্বর। টানটা পেশার যতটা না হোক তার বেশী নেশার। পেশার টান তবুও তো এড়ানো যায়। নেশা কি প্রাণ থাকতে ছাড়ে?

আজ আটচল্লিশ বছর হয়ে গেল, সার্কাসের সঙ্গে সঙ্গে। সেই বাড়ী থেকে পালিয়েছিলাম কবে! এখনও মনে করতে পারিনে ভাল করে। বছর বারো বয়স ছিল তখন। বৃকে ছিল আশা আর কলজে-ভরা তাজা দম। আর এখন দেখছেন তো? ভদ্রলোক হাসলেন।

বললেন, ষাট বছর বয়েস হল। দম নাই, খেলা দেখাইনা। আশা এক গোরে বাবার। সেটাই শৃদ্ধ পূরতে বাকী, আর তো সবই পূরেছে। কি কতক পোরেনি। তার জন্য পরোয়া নাই, দুখও না। তবু কেন দেশে দেশে ঘুরি বালবাচ্চা সঙ্গে নিয়ে? মার বয়েস এই নব্বুই, বড়ি বেঁচে আছে, আমাকে দেখবার জন্য বড় পাগল। কত চিঠি লেখে। তা গিয়ে যে দৃদৃন্দ মায়ের কাছে থাকব, তার কি উপায় আছে? শৃদ্ধ কি পরসার জন্যেই? মনেও ভাবেন না। আপনাদের আশীর্বাদে পরসার অভাব আমার কোন কালেই ছিল না। বাপ জীবনের কামাই রেখে গিয়েছিল। আরো তিন ভাই আছে দেশে। কাপড়ের কল আছে। তাতে আমরা হিস্যা আছে। ‘ইনকাম’ খরাপ নয় নিতান্ত। তবু সেখানে গিয়ে থাকতে পারিনে। যাই, দু পাঁচ দিন থাকিও। ভাবি আর ফিরব না, বাকী দিন কটা ঘরেই কাটিয়ে দিই। কিন্তু পারি না। যদি ব্যান্ডের বাজনা শুনিনা না শুনিনা তো মনে হয় কত বছর শুনিনা না। বাঘ সিংহার হাঁকাড় শুনিনা এক বেলা, তো মনে হয় যেন কত মাস শুনিনা না। চোখের সামনে হাজার বাতির রোশনি ভাসে না তো মনে হয় সবই অন্ধকার। মনে হয় সব কাঁকা। হাফ ধরে, বাতাস টানতে কষ্ট হয়। তাই চুপে চুপে একদিন বেরিয়ে পড়ি। তারপর ঘুরতে ঘুরতে সেই সার্কাসের তাম্বুতে ফিরে এলে তবে গিয়ে সোয়াস্টি।

সার্কাস এদেশে প্রথম আসে, লোকটি ভূরু কুঁচকে বললে, ঠিক মনে পড়ছে না, বোধহয় ১৮৭৮ সালে। বোম্বাই শহরে বিলাতের এক সাহেব তাঁর সার্কাস পার্টি এনে খেলা দেখান। তাই দেখে এক মারাঠি ভদ্রলোকের সখ টগ্‌বগিয়ে ছুট দিল। কিছুদিন পরেই, আর তাঁরই কেরামতিতে দিশী সার্কাস মাথা ছাড়া দিয়ে উঠল। তারপর থেকে দেখুন, এখন অন্ধ সে রেওয়াজ চলেছে।

‘সার্কাস’

ভদ্রলোক বলতে লাগলেন, চলছে, তবে গভর্ণমেন্ট যদি এই রকম ‘ক্যালাস্’ হয়, যদি নজর এদিকে না দেয় তো অচিরে এই সার্কাস বলে বস্তুটি ‘টুয়েল্‌ভ-ও-ক্লক্’ স্ট্রাক্’ করবে। সিধে বাঙলায় মশাই বারটা বাজবে। অথচ সার্কাস চললে সরকারের লোকসান তো নেই-ই বরং লভ্যই আছে ষোল আনার উপরে আরো আট পাই। সিনেমা থিয়েটার থেকে চার মাসে যে প্রমোদ কর পান, একটা সার্কাস শহরে চালু হলে এক মাসে সে টাকা তাঁরা সিন্দুকে তুলে ফেলতে পারেন। কিছুই তো তাঁদের করতে হয় না, যদি দয়া করে বেশ ভালমত জায়গা আমাদের জন্য বন্দোবস্ত করে দেন তবেই আমাদের পিতৃপুরুষ উদ্ধার হয়ে যান।

এই কলকাতা শহরটার কথাই ধরুন। ভেতরে এমন একটু জায়গা পাবেন না, যেখানে মন খোলসা করে সার্কাসের তাঁবু খুঁটো গাড়তে পারে। চিরদিন এমন ছিল না মশাই। এ লাইনে ঢের দিন থেকে আছি, অস্দিসন্দি সব এই নখের ডগে। ওই যে যেখানে এখন হিন্দুস্তান বিন্ডিংস্’ হয়েছে কি জি ই সি-র বাড়িটার ওখানে, কি এখন যে জায়গাটায় বার্মা গেলের অফিস হয়েছে, ওই সব জায়গা আগে ছিল ফাঁকা। অনেক সার্কাসের খেলা ওই জায়গাগুলোতে হয়ে গেছে। কি ধরুন বোঁবাজার থানা এখন যেখানটার, ওখানেও খেলা দেখান হয়েছে। আর হ্যাঁ ভুলেই যাচ্ছিলাম ওয়াছেল মোল্লা সাহেবের কথা। ওর দোকানবাড়িটা যেখানে, আগে তো ওখানেই সার্কাস ছিল। কি যেন নাম ছিল? হ্যাঁ মিনার্ভা সার্কাস। মোল্লা সাহেবেরই সার্কাস সেটা।

ভদ্রলোক খবরের জাহাজ। উৎসাহ পেয়ে পুরো ইন্টিমে ছুটলেন। বললেন, খুব আগে পারব না, তবে কুড়ি বাইশ বছরের খবর দিচ্ছি। ধরুন ১৯০০-০১ সালের কথা, কলকাতায় এল কালেক্টর গ্র্যান্ড সার্কাস। ০১-০২এ এল গ্রেট এসিয়াটিক সার্কাস। গ্রেট অলিম্পিক সার্কাস এল ১৯০২-০৩এ। ০৪-০৫ সালে গ্রেট রোমান সার্কাস। সেই বছরেই এল জার্মান সাহেব হেগেন বেগের সার্কাস। হুদুস্থুদু পড়ে গিয়েছিল শহরে। কিন্তু কি অদৃষ্ট দেখুন, দেশে ফিরতে পারলে না। কি হয়েছিল কে জানে, বোম্বাইতে পিস্তল দিয়ে সুইসাইড্ করলে। বেচারী। চুচু চুচু চুচু। কান কপালে কি লেখা কে বলবে মশাই। হ্যাঁ যা বলছিলাম। কালেক্টর গ্র্যান্ড সার্কাস আরো দুবার এসেছিল; ০৫—০৬ সালে একবার, আরেকবার এসেছিল ৪০—৪১এ। গ্রেট রোমানও দুবার এসেছে, ০৭—০৮এ আর ৪৭—৪৮এ। ০৬—০৭ সালে এসেছিল রুক্মা বাই সার্কাস। কত আর বলব? রয়্যাল সার্কাস এসেছে ০৮—০৯এ, সেই বছরই আবার হোয়াইটওরে সার্কাস

‘সার্কাস’

কলকাতায় এসেছিল। ৩৯—৪০ সালে এসেছে গ্র্যান্ড ফেরারী সার্কাস। ৪১—৪২এ এসেছে গ্র্যান্ড ওলিম্পিক সার্কাস। কত শুনবেন বলুন। তারপর যুদ্ধের হিড়িকে ভাল সার্কাস পর পর বছর তিনেক আসেনি। সেই থেকেই টেস্ট বদলে গেল বোধহয়। তারপর ৪৫—৪৬ সালে এল গ্রেট ইন্টার্ন সার্কাস, পরের বছর গ্রেট রোমান, তারপরে গ্রেট ওরিয়েন্টাল সার্কাস এল ৪৮—৪৯ সালে, ৪৯—৫০, ৫০—৫১ এই দুবছর পর পর এল জুর্বিবিল, আর এ বছর এই ৫২তে গ্রেট রয়্যাল সার্কাস। এই নিন আপনার পুরো হিসেব। কলকাতায় সার্কাস আসার একেবারে আপ-টু-ডেট হিসেব।

হ্যাঁ, তা যা বলছিলাম। আগে যাও বা স্টুটেব্ল্ জায়গা পাওয়া যেত, এখন তাও গেছে। বাড়ি ঘর, বিরাট বিরাট বিল্ডিং হয়ে সার্কাসের ন্যাতার মেরে দিয়েছে। অন্য অন্য দেশের গভর্নমেন্ট রিজার্ভ করা জায়গা রেখে দিয়েছে, শুধু সার্কাসের খেলা দেখাবার জন্য। ছেলেমেয়েরা ছবির নয়, সিনেমার নয়, সত্যিকার বাঘ সিংহ দেখবে, ডাক শুনবে, কিছু প্রত্যক্ষ জ্ঞান হবে তাদের। আমাদের দেশে তো আর সে সব ভাবাচিত্তার বালাই নেই। রিজার্ভ করা জায়গা তো দূরের কথা, নিজেরাই খুঁজে পেতে জায়গা যোগাড় করেছে। তুমি এস ডি ও সাহেব, দণ্ডমুণ্ডের কতী, একটা পার্মিশন শুধু করে দাও, তো তাতেও গাফিলতী।

বলে কি পার্মিশন কি চট্ করে দিলেই হল? খোঁজ খবর নিতে হবে না ভাল করে? যার জমি সে অনুমতি দিয়েছে কিনা, দিয়ে থাকলে লিখিত পড়িত কিছু আছে কিনা? পাড়ার লোকজনের আপত্তি আছে কিনা? এই এক মহা গ্যাঁড়াকল মশাই, এই পাড়ার লোকেরা। কিছুর মধ্যে কিছু নেই, আপত্তি জানিয়ে বসল। কি, না সার্কাস পাড়ার মধ্যে বসান চলবে না। কেন, না ছেলেদের চরিত্র খারাপ হয়ে যাবে। ওদের লেখাপড়া হবে না। একজন যদি এই কথা বললেন, তো পোঁ ধরলেন দোসরা জন। বললেন, লোকেরা দলে দলে আসবে সার্কাস দেখতে, আর রাতে পাড়া নোংরা করবে। দলে বাঘ সিংহ আছে নাকি? আছে। ও বাবা, দরকার নেই সার্কাসের। আমার গল্পটা বিবর্তীয় বিয়েন দিয়ে ‘উইক’ হয়ে পড়েছে। সিংহের ডাকে ভড়কে গিয়ে দুধ কমিলে দেবে। তাই বলছি সার্কাস ফার্কাসে কাজ নেই। এই দুই থেকেই নমস্কার।

তখন শুরু হয় পাল্টি চালের খেলা। হ্যাঁ আপত্তি নাকচ করতে পারি, কিন্তু মশাই ফিফার পাশ দিতে হবে। একটা ফ্যামেলি পাশ। রাজী?

‘সার্কাস’

তো বাস্, আপত্তি নেই, আমার। সার্কাস চলুক। একটা সার্কাসে ছেলেরা কত কি দেখতে পারে, শিখতে পারে।

‘ফিরি’ পাশের মহিমা তাহলে বদ্বন্দ্বন। ধোবা থেকে দারোগা আর মদুটে থেকে ‘ম্যাজিস্টার’ সবাই মদুকিয়ে থাকেন ‘ফিরি’তে সার্কাস দেখাবার তালে।

একটা সার্কাস এক জায়গায় নিম্নে যাওয়া কি চাঙ্কিখানি কথা। হুট করে কোন শহরে সার্কাস গিয়ে পড়ে না। কোথায় যাবে না যাবে আগে থেকেই ঠিক করা থাকে। ঠিক করাও কি সোজা? ধরুন সার্কাস যাবে বহরমপুর। তো তিন মাস আগে থাকতেই সেখানে তার ম্যানেজার গিয়ে হাজির। খবরাখবর নিতে লাগল খুঁটিয়ে। সেই শহরে কত লোক? লোকের হাতে পয়সা কেমন? কেমন সিনেমা থিয়েটার দেখে? সার্কাস এর আগে ওখানে কোনদিন গিয়েছিল কিনা? গেলে, কবে? কি কি খেলা দেখিয়েছিল? কেমন পয়সা পেয়েছিল? ইস্কুল কলেজ কটা? ছাত্রছাত্রী কত? নতুন কোন সার্কাস এলে সুবিধে পাওয়া যাবে কিনা? এইসব রিপোর্ট আসে ডিরেক্টর কি প্রোপাইটারের কাছে। তাঁরা পরে আলোচনা করে সিদ্ধান্ত করেন, সেখানে যাওয়া সমীচীন হবে কিনা? যদি তাঁরা হ্যাঁ বলেন, তো চল। তাঁবু উঠাও। আগু বাঢ়। ম্যানেজার মশাই বাগড়া দিলেই, কি ভুলচুক কিছু করলেই গেল। গোটা কোম্পানীকে তার খেসারৎ দিতে হবে। তাই সার্কাসের ম্যানেজাররা প্রায়ই জাঁদরেল হয়ে থাকেন। তাদের ‘পাওয়ার’ খুব। আর কাজকর্মও এমন জানে যা সচরাচর দেখা যায় না। রেল কোম্পানীর লোক চট করে বলুক দেখি, কলকাতা থেকে কালনার ভাড়া কত? হাতীর ভাড়া, ঘোড়ার ভাড়া কত? মালের ভাড়া কত? কতখানা ওয়াগন লাগবে। ক’খানা তার বন্ধ আর ক’খানাই বা খোলা? এ হিসেব চট করে যদি কেউ বলতে পারে তো সে এক সার্কাসের ম্যানেজার। এদের মাইনেও বেশ মোটা।

রকম রকম লোক নিয়েই সার্কাস। কেউ ফ্যালনা নয়, সবাই দরকারী। যেমন বাঘ সিংহ, তেমন পেলোয়ার, তেমন ক্লাউন। অন্য অন্য দেশের ক্লাউনরা যেমন তেজী, আমাদের দেশের ক্লাউনগুলো কিন্তু তেমন সরেস নয়। অথচ ক্লাউন ‘গেট্ সেল্’ বাড়িতে কত সাহায্য করে। বিলাত আমেরিকার কথা আলাদা। ক্লাউনের পিছনে ওরা টাকা ঢালে কত? দু তিন হাজার টাকা মাইনে পায় এমন ক্লাউনও আছে। কি তাদের রংদার পোষাক আর কি মেকআপ! ক্লাউন পয়সা দর্শনধারী, পরে গদুশিচারী। মেকদার চেহারা দেখেই যদি হাসির গুঁতোয় পেট না ফাটল তো আর ক্লাউন কি?

‘সার্কাস’

এই তো, তিন চার বছর আগেও আমি ক্লাউনের কাজ করতাম। আর করিনে, ছেড়ে দিয়েছি। এখন দাঁতের খেলা দেখাই। আগে এই খেলা দেখাতো আমার বউ।

বলেই লোকটি একটুক্ষণ থামল। একটু জিরেন নিয়ে বলল, আর আমি ছিলাম ক্লাউন। সতের রকম হাসতাম। ঠিক দশ মিনিট টাইম। আমরা ক্লাউনরা বেশীর ভাগ কাজ করি খেলার ইন্টারভ্যালগুলোতে। ওদিকে নতুন খেলার যোগাড়বন্দ্য হতে থাকে, আর আমরা মজাক্ মস্কারা করে সময়টা পার করে দিই। আর জানেন তো প্রোগ্রাম একবার ঠিক হয়ে গেলে তার নড়চড় হবে না। এই হল সার্কাসের রুল। কড়া ডিসিপ্লিন। আগে আমার বউ-এর দাঁতের খেলা। তারপরে চীনে মেমের তারের ব্যালান্স। মাঝখানের দশ মিনিট আমার। বৌ খেলা দেখাতে গেছে। আমি ফাইনাল মেক্‌আপ নিয়ে রেডি হিছি। রিং মাস্টার সিটি মারবে তো আমি পালটি খেতে খেতে রিংএ ঢুকব। এক হাতে ছোট এক তালি আর কোমরে বোম্বাই এক চাবি। চাবি তো তালার ঢুকবে না আর তখন আমি হাসব। এক রকম, দু’রকম, তিন রকম, এইভাবে রকম রকম সতের রকম হাসব। ঠিক পুরা দশ মিনিট। তারপর ফের সিটি বাজবে। ছাতা নিয়ে চীনা মেম আসবে তারে উঠতে, তখন আমার ছুটি।

সেদিন পুরো মেক্‌আপ নেওয়া শেষ হল না, রিং মাস্টারের সিটি পড়ল। তাড়াতাড়ি পালটি খেতে খেতে ছুটলাম। রিং-এর ভেতরে খুব গন্ড-গোল। ইঠাৎ নজরে পড়ল বোঁকে ধরাধরি করে ভেতরে নিয়ে যাচ্ছে। রঙে তার মুখ ভেসে যাচ্ছে। আমার মাথা ঘুরে উঠল। কিন্তু আমার প্রোগ্রাম সতের রকম হাসতে হবে। পুরা দশ মিনিট। প্রোগ্রামের নড়চড় নেই। তো বাবুজী পুরা দশ মিনিট হাসলাম।

ভেতরে যখন এলাম, বৌ তখন হাসপাতালে। ড্রেস পরেই ছুটলাম। হাসপাতালে যখন গেলাম, বৌ তখন অনেক দূরের এক জারগার চলে গেছে। আর নাগাল পেলাম না। সেই থেকে আমার হাসির খেলা বন্ধ হল। দাঁত দিয়ে চেপে ধরলাম রশির কোণা। ধীরে ধীরে উপরে উঠি, মনে হয় বৃদ্ধি বৌ-এর কাছ বরাবর পৌঁছালাম। আর যদি কোনদিন ছিঁড়ে পড়ে বাই তো মনে হত বৃদ্ধি ভালই। একখানেই মিলব গিরে। প্রাণের ভয় মূছে ফেলে খেলতাম। তাই দু’বছরেই পাকা হয়ে গেলাম। তখন এই খেলাতেই আমার রোজগার বাড়ল। তারপর দিন কাটল, বিয়েও করলাম আর একটা। এখন তাই একটু সাবধানে খেলি।

শ্রুশার্ণে চ

আপনাদের কি? লাসটি নামিয়েই খালাস। ডাক্তারী সার্টিফিকেট দেখাতে হবে না? কই আনুন সেটা যোগাড় করে। শব্দ শব্দ এখানে তম্বী করে কি হবে?

ভুল্ললোক বদ্বিয়ে বদ্বিয়ে হন্দ হয়ে গেলেন। কিন্তু শব্দবে কে? শব্দবে যে তার মূখে তো সেই একই কথা। কেন বাওয়া ল্যাঞ্জে খেলাচ্ছ। টুকুস করে রসিদটি কেটে দাওনা সদৃপদন্তর। সকাল সকাল পদ্বিয়ে বদ্বিয়ে বাড়ি পানে কেটে পড়ি।

নেশায় টং, চোখে রং। চোঁচিয়ে বললে, হেবো, বোতলটা এনেছিস তো। কিছু রেখেছিস তো শালা, না মিনিমাঙনা পেয়ে উইড়ে দিলি সব। এদিকে আল, মরা বাবু কি বলে শালা কান পেতে শোন। সেই কবে থেকে বলছি, বড়ো মরবে, সব রোডি হয়ে থাক, পাঁচজনের কাছ থেকে বেয়ে চেয়ে চাঁদা তোল, মাল ফাল কিছু আগে ভাগে কিনে রাখ, শালা পরের উবগার কন্তে হবে না। তা শালারা কথাটা কানেই নিলে না। এখন দ্যাখ শালা, সেই কথা ফলল কিনা। আর বেয়াঙ্কলে বড়ো মরলোও সেই মাঝরাতিরে! একে এই শীত, শালা হাড়ে যেন করাত চালাচ্ছে। এই হেবো, আননা বোতলটা, একটু চানকে নিই। কি বললি, নেই কিছু? মজা মারা পেয়েছো। মারব শালার পেটে এক লাথি। না থাকে নিয়ে আল একটা।

হেবো বললে, ম্যালা ম্যালা ইয়ে করিসনি। নিজেই তো সবটুকু সাবড়ালি, আবার চেলাছিস কেন। শ্মশানবন্দু এইছিস শ্মশানে, ভন্দরতাই রাখ।

যা যা শালা, এই কনকনে শীতের রাতে বউ-বিছানা ছেড়ে উঠে এলাম, কোথায় একটু ওম্ হব, না বাবা সব ফজা। মালকড়ির যোগাড় রাখিস নি তো উবগার করবার শখ কেন? কি করলি চাঁদার টাকাগুনো? কোঁসিলাকে ভাজিয়ে ভাজিয়ে ঘাট খর্চা যে মকুব করালুম সে টাকা গেল কোথায়? মরার টাকা টাঁকে পুরো না বাবা, হজম হবে না। খয়রাত করো খয়রাত করো।

হেযো এবারে একটু নরম মারল। বললে, তোর মূখে আর কিছু আটকান না, ভন্দরতাই তো শিখলিনি। এত রাত্রে মাল কোথায় পারি তুই। বরষা টাকাটা জমা থাক, কাল পরশু হবেখন মোজ।

‘সাকর্স’

তুমি টাকা ফ্যাল না, বলে কি কোথায় পারি? আরে এ পাড়ার নাড়ি নক্ষত্র সব জানা আমার, মড়া কি আজ পোড়াছি বাওয়া। এটা নিয়ে পচাস্তরটি। ওসব কাল পরশদুর ব্যবসায় আমি নেই, কলকাতা শহর, চেষ্টা থাকলে বাঘের চোখ মেলে আর একটা মড়া জুটবে না? দে দে টাকা দে এখন, গলা শুকিয়ে কাঠ মেরে গেল।

তারপর তো মশাই খুব মাইফেল বসে গেল। মড়ার নামে মড়া পড়ে পড়ে শুকুতে লাগল। ডাক্তারী সার্টিফিকেট না পেলে আমি ঘাট-রসিদ কাটি কি করে? ঘাটবাবু বললেন, রেসপন্সিবিলিটি নেই আমার? তা কে শোনে সে কথা। মাতালগদুলো, মশাই আমার উপর চড়াও হয় আর কি? শেষ পরে থানা পুঁজি শ করে ওদের বশে আনতে হয়।

বলতে লজ্জা হয় মশাই, ছত্রিশ জাতের লাস তো আসে এখানে, কিন্তু বেলেঙ্গাপনার বাঙালীদের তুল্য কেউ নয়। পাড়ায় পাড়ায় শ্মশান-বন্ধুর দল, সব যেন মুকিয়ে থাকে। একটা মড়া পেলে হয়, দেখেন না, কেমন ফর্তি লাগে সব। কাঁধে করে মড়া বইছে আর পাড়ার মধ্যে ঢুকে বাজখাই হাঁকাড় মারে, বলো হরি হরি বোল। সেই বিকট হাক মায়ের কোলে শিশুরও হাঁত-কপাটি লাগে। আচ্ছা বলুন তো এর কী অর্থ হয়। নিয়ে যাচ্ছি ডেড বিডি, কোথায় চুপচাপ শব্দ শান্ত হয়ে যাবি, তা নয়, হাঁকাড় মারছে যেন লীগ শীল্ড জিতেছে।

সমস্ত ব্যাপারটাই কেমন চোয়াড়ে চোয়াড়ে লাগে না! এই তো আরো পাঁচটা জাত আছে, লোক তো শব্দ এক আমাদেরই মরে না, খুঁস্টান আছে, মদসলমান আছে, দেখেছেন তো কিভাবে নিয়ে যায় ওরা। সাড়া নেই, শব্দ নেই, কেমন একটা শ্রদ্ধা, একটা সিরিয়াসনেস থাকে। এমন কি হিন্দু অবাঙালী বারা আসে তারাও পদে আছে মশাই।

তবে বলি শুনুন, ভদ্রলোক এবারে জেঁকে বসলেন, বেশী দিনের কথা নয়, একটা দল তো এল, সব ভদ্রসন্তান, দাহ টাহ চুকে গেল। এইখানেই শব্দ হল খাওয়া, মিষ্টি এসেছিল ম্বারিক ঘোষের দোকান থেকে। আমোদ ফর্তিতে খেলা নেই, কি করে দু’জন বাদ পড়ে গেছে। ছোকরা দুটো একটু এদিক ওদিক ঘোরাখুরি করছিল। মিষ্টির চাঙারীও খতম হয়েছে আর ছোঁড়া-টোও এসে হাঙ্গির। বললে, আমাদের মিষ্টি কই? তখন এ চার ওর মূখের দিকে ও চার তার মূখের দিকে। মূতের ছেলে এসে বললে, একই অপেক্ষা করুন, আনিয়ে দিচ্ছি। বলেই একজনকে ধরকাছ থেকে মিষ্টি আনতে

‘সাক্ষী’

বললে। একটি ছোকরা বলে উঠল, আমরা কি ভিক্ষুক? পেয়ারের লোক-দের বেলায় স্মারিকের খাবার আর আমাদের বেলায় আদাড়েই পাদাড়ে। ও মিষ্টি আপনার বাপের শ্রাস্থ্য দেরেন। ছেলের মামা গর্জন করে উঠলেন, শিগগির উইথড্র কর কথা, নইলে জুড়তিয়ে মূখ ছিঁড়ে দেব রাস্কল। আরেকজন লাফিয়ে উঠল, কি যত বড় মূখ নয় ভত বড় কথা। ডেকে এনে অপমান। শ্মশান-বন্ধুদের ইনসাল্ট! মূহুর্তে কুরুক্ষেত্র বেধে গেল। দৃজন ঘায়েল। তাহলেই বৃদ্ধন শবযাত্রার মাহাত্ম্য কত?

মিষ্টি খেয়েই যে কত ফ্যামিলির গণ্যাবাহা করিয়েছে আমাদের সংকার সঙ্ঘের মেম্বররা, তার কি গোনাগদনুতি আছে কিছ?

অথচ চোখের সামনে এও তো দেখছি, শত শত হিন্দুস্তানীরা আসছে, মড়া পুড়িয়ে যাচ্ছে, না মিষ্টি না কিছ, খেলে বড় জোর একটা ডাব। ইস্তক পানটা সিগারেটটা নিজের পয়সায় খায়।

ভদ্রলোকের কাছ থেকে বিদায় নিয়ে ভেতরে এসে ঢুকলুম। এক চুল্লির কাছে বেজায় ভিড়। এক কবি সাহিত্যিক গত হয়েছেন। মৃতদেহ আনা হয়েছে। তার চার পাশে ভক্তবৃন্দ বসে আছেন সব। একজন গদুটি গদুটি এগিয়ে এসে শূদ্রুলে, ইনি কে ছিলেন? একজন জবাব দিলেন। শূনে তিনি খানিকক্ষণ গদম মেরে চোখ বৃজে দাঁড়িয়ে রইলেন। তারপর ধীরে ধীরে শিবনেত্র, উদ্বাহ হসে হঠাৎ চাঁৎকার দিয়ে উঠলেন, ‘ওফ্ হি ওয়াজে গ্রে-এ-এ-ট ম্যান, এ্যাজ বিগ এ্যাজ স্কাই। ওফ্, এমন লোক আর হবে না।’

দেখতে দেখতে কাগজের রিপোর্টার এল। অমনি মড়া টড়া ছেড়ে অনেকে ছুটলে তার পিছদ পিছদ। স্যার অনিবার্ণ সঙ্ঘের নামটা লিখবেন। সঙ্ঘের সেক্রেটারী শ্রীমুত অমুক মাল্যদান করেছেন। স্যার আমাদের নামটাও যেন ভুলবেন না, আমরা পদ্পিত সঙ্ঘের সভ্যবৃন্দ। ওই বড় মালাটাই আমাদের।

অন্যথারে প্রায় নিবোল্ট এক চুল্লীর কাছে এক সম্মাসী বসে। চিমটে করে আগদন তুলে তার এক ভক্ত গাঁজার কণ্কে তৈরী করছে। পাশে প্রসাদ-প্রার্থী কয়জন। কথোপকথন চলছে জোর। ইয়ে সংসার কুছ নেই বাবা। সেরেক ফাঁকি, বৃদ্ধা, হামলোগ সব এক একটা সং হ্যায়, জ্ঞানতা। আর টেনো না বাবা, তাহলে আমাদের বলতে হবে যে কিছই থাকবে না। সম্মাসীর কাছ থেকে কণ্কেটি নিয়ে একটি দম দিয়ে বলে উঠলেন, কুছ নেই বাবা, দর্নিয়াটো এক

‘সাক্ষী’

প্রকাশ্যে মায়া। এই দারা পুত্র তাত ভ্রাত কেউ নহে আপনা, যেমন পেট থেকে একা একা বাহির হওয়া তেমন একাই যেতে হোঁগা। কি বলব বরমচারী। হ্যাঁ বাবা চেলাজী, কস্কেটা দাও দিকি একবারটি, স্খটান দিয়ে নিই। হ্যাঁ যা বলছিলাম, এসেছ একেলা যাইবে একেলা মাঝখানে কেন বাধাও ঝামেলা। ও কেউ কিছ্ছ নয়। ইচ্ছে হয় সব ছেড়ে বনবাসী হই। কার জন্যই বা কি?

এমন সময় আরেকটি ঝাঁকড়া চুলো লোক এসে বসলে। রসতেই ‘কেউ কিছ্ছ নয়’ বলে উঠলে, কি ফকীর, আবার তুমিও এসে জুটলে বাপ, তা আমার সে টাকার কি করলে? ফকীর বললে, দেব দাদা দেব, বাড়িতে অসুখ বিসুখ। দাদা বললেন, সে তো ক মাস ধরেই শুনছি। সোজা পথে হবে না দেখছি। কেস টেস করতেই হবে একটা।

আরেকটা দল এসে গেল। মড়া নামিয়ে রসিদ আনতে ছুটল কেউ কেউ। এক বেশ মোটা সোটা রসবড়ার মতো টাপদসটপদস মহিলা ঘোরাঘুরি করছিলেন। সট করে এগিয়ে এসে জিগ্যেস করলেন, হ্যাঁগা বাছা, কিসে গেল? ম্যালেরিয়ায়? অ। আহাহা, এমন জোয়ান, কার কোল জোড়া ধন রে। কোন্ আবাগীর কপাল পড়ল গো। তা হ্যাঁ বাবা, বেথা কিছ্ছ হয়েছে? আঞ্জে হ্যাঁ। আহা। ছেলেপুতে কিছ্ছ? আঞ্জে হ্যাঁ। উহু। বাপ মা? ওই বে এসেছে। ওহো ওহো রে।

একটু এগিয়ে গিয়ে ডুকরে কেঁদে উঠলেন। দলটা এতক্ষণ চুপচাপ ছিল। এই ভদ্রমহিলাটিকে কাঁদতে দেখে মেয়েছেলেরা কেঁদে গড়িয়ে পড়তে লাগলেন। ভদ্রমহিলা ততক্ষণে অন্যন্তর গেছেন, চোখ পুঁছে আরেকজনকে জিগ্যেস করছেন, হ্যাঁ বাছা কিসে হল? কলারায়। আহা গো।.....

ঘুরতে ঘুরতে কাঠগদামে এসে হাজির হলাম। ভদ্রলোক ব্যাজার হয়ে বসে আছেন। গিয়ে বসতেই বললেন, লাস এসে গেছে? বিনীতভাবে বললুম, আঞ্জে না, সেজন্য আসিনি। এমনিই একটু আলাপ সালাপ করতে আসা।

কথাবার্তা বলছি, এমন সময় কয়েকজন লোক ঢুকলো। দেখি কঠ, চটপট। কাঠবাবু বললেন, কি, প্রমাণ সাইজের কাঠ চাই তো? ওরা অবাধ হয়ে শব্দলে, প্রমাণ কি মশাই? কাঠবাবু বললেন, আহা বলি বরস্ক লোক না কম বরসী?

বড়োমানুষ মশাই।

তাই তো জিগ্যেস করছি, ওরে এই ডোম, যা কাঠ দিয়ে আর। জলদি জলদি। কাঠবাবু হুকুম দিলেন।

‘সাক্ষী’

দেখুন মশাই বেশ শূকনো সাকনা দেখে দেবেন, যাতে এক পাকেই নেবে যায়। বহুদূর যেতে হবে। কাঠবাবু বললেন, কিছ্ৰু ভাববেন না, এসব আমাদের ঠিক করা আছে। লোকটি হাঁ হাঁ করে উঠলে, ও কী ওজন না করেই উঠেচ যে; ওজন দাও, ওজন দাও।

কাঠবাবু বললেন, কিছ্ৰু ভাববেন না, আপনারা ওদিকটা দেখুন গে, ও ঠিকই নিয়ে যাবে। লোকটি খেঁকিয়ে উঠলে, বাক্তালা ছাড়ুন দিকি। এই, চাপা ওজনে! ইয়াকীর জায়গা পাওনি। এই কাজ করে চুল পাকিয়ে ফেললুম।

গুণে গুণে ওজন করে কাঠ নিয়ে লোকটি চলে গেলে কাঠবাবু হতাশ হয়ে বললেন, ব্যাপারটা দেখলেন একবার। এসেছিঁস্ শ্মশানঘাটে, এখানেও বিষয়বৃদ্ধি! দেশটা গেল মশাই।

জিগ্যোস করলুম, কারবার চলে কেমন? দীর্ঘশ্বাস ফেলে বললেন, কোথায়? একদম ডাল। এই বর্ষার সিজিনটা বন্ড মন্দা। অঃঠার বিশটার বেশী জমছেই না ডেলি। পুজোর পর থেকে একটু তেজী হবে। পৌষ মাঘে কিছ্ৰু বড়োর চালান আসবে। তারপর থেকে আর বর্ষার শূরু অন্দি তবু ব্যবসাটা কিছ্ৰু চলবে। তারপর আবার মন্দা। কিছ্ৰু নেই মশাই, কিছ্ৰু নেই।

শোকসভা

দই-মিষ্টির শেষে যেমন পানের খিলি, না হলে ভোজ্য খতম হয় না। তেমনি চিতার শেষে শোকসভা, না হলে মরাটা কর্মপালিট হয় না। তাই তাকে দাহ করতে যাই আর না যাই তার শোক-সভায় হাজির হওয়া একবারটি চাই।

বেড়ে লাগে মশাই, ভদ্রলোক বললেন। বেঁচে থাকতে গুণে যার ঘাটতির শেষ নেই, পট্ করে চক্ষু দুটিকে মৃদেছে কি অমনি তার গুণ গাইতে গালে আর জায়গা ধরে না। এই তো মশাই, কি বলব, এতখানি বয়েস হল, ভাল মৃদে কেউ কথাটা কয়না। দেখে শুনে ইচ্ছে হয় টক করে একদিন টেঁসে গিরে নিজের শোক-সভায় এসে পিছনের বেগে জায়গা নিই।

দিনকতক আগে এক মিউনিসিপ্যালিটির কমিশনারের শোকসভায় গেছিলাম। লোকটার মতো হাড়কেম্পন আর দুটো দেখিনি। ও যতদিন কমিশনার ছিল পাড়ার রাস্তায় থোরা পড়েনি, নর্দমা হয়নি। এসব কথা ওই ভদ্রলোকেরই এক রাইভালের মৃদে শোনা। প্রথম জীবনে তাঁরা দুজনে ফ্রেন্ড ফ্রেন্ড ছিলেন। বৃন্দ্র বাজারে দু পয়সা কামিয়ে টাকার জোরে মিউনিসিপ্যালিটির গদীতে একজন বসতেই আরেকজন বিগড়ে গেলেন। তারপর চলল খিস্তিখেউড়। দুজনে দুই কাগজ খুলে ইনি ওনাকে প্রেমসে আক্ৰমণ চালালেন, নিজেদের বিদ্যায় কুলালো না তো ভাড়াটে লেখক আনলেন, মৃদু দেখাদেখি বৃন্দ্র তো বহুদিনই হয়েছিল, নতুন উপসর্গ ষোটা জুটলো সেটা মারামারক। দেখা হলেই কামড়ে দেওয়া। যাক বরাত মন্দ, কার্বাঙ্কল হয়ে কমিশনারটি তো স্বর্গে গেলেন, পাড়ার ছেলেরা ধরল একটা শোকজ্ঞাপক মিটিং করতে হবে। বক্তা হিসেবে বৃন্দ্রটি এলেন। আমরা সব মৃদু করে আছি কি বলে শুনতে। বেঁচে থাকতে তো সাধু কথা একটিও শুনিনি ওর সম্পর্কে।

তখন অন্য একজন বলছিলেন। আর বৃন্দ্রটি সভাপতির সঙ্গে হেসে হেসে কথা কইছিলেন। ভদ্রলোকের বক্তৃতা শেষ হতেই ইনি উঠলেন।

বলবো কি মশাই, তাম্বব বনে গেলুম, ভদ্রলোকের দুচোখ কেন জ্বল-জ্বলা ভিস্তি হয়ে উঠল, সর্বদা টস টস, এই পড়ে তো এই পড়ে। সামলে নিয়ে বক্তৃতা শ্রুত করলেন, “যিনি আজ আমাদের ছেড়ে গেলেন, তাঁহার মতো মহৎপ্রাণ, উদারচেতা আর নাই। শ্রুত ব্যক্তিগত পরিচয় তাঁহার বা পাইয়াছি,

‘সার্কাস’

ব্যক্তিগত সংস্পর্শে আসিবার যে সৌভাগ্য আমার হইয়াছে তাহা হইতে এককথা মন্থকণ্ঠে বলিতে পারি, তিনি ছিলেন নরশ্রেষ্ঠ। কৰ্ম্মিষ্ঠ বলিষ্ঠ নিভীক শার্দূলসম এই মহান ব্যক্তিত্ব আমরা যাহা হারাইলাম তাহাতে যে ক্ষতি আমাদের হইল কোনদিন আর তাহা পূরণ করা যাইবে না।”

তারপর মশাই ঝাড়া দেড় ঘণ্টা সেই ভদ্রলোকের গুণাবলী, ছোটকাল থেকে তিনি কি কি করেছেন, কতবার হেঁচেছেন, কেসেছেন তার ফিরিস্তি দিয়ে তারপর বসলেন।

আরেকবার তো মশাই গিয়েছি এক অধ্যাপক বন্ধুর বাড়ি, মফঃস্বলে। দেখি বন্ধুটি খেটেখুটে কবি নবীনচন্দ্র সেনের কাব্যের উপর এক বিরাট প্রবন্ধ লিখছে। কি ব্যাপার? বন্ধু বললেন, আর বল কেন নবীনচন্দ্র সেনের স্মৃতিসভা, কিছু বলতে হবে। বলে বন্ধু বক্তৃতাটি আগাগোড়া শুনিয়ে ছাড়লেন। পরদিন মিটিং। শোনা লেকচার আবার শুনতে হল। মিটিং শেষ করে ফিরব এমন সময় কয়েকটি লোক এসে নেমন্তন্ন করলে, স্যার একবারটি আরেকটা সভায় যেতে হবে। ভজহারি দাসের শোকসভা।

ভজহারি দাসটি কে?

একজন বললেন, সে কী আমাদের ভজহারিকে চেনেন না? এথেলোটিক ক্লাবের ক্যাপ্টেন।

একজন মাস্‌ল্‌ ফুর্লিয়ে বলে উঠল, এ গ্রেট পয়েন্ট অ্যান্ড ফিজিক্যাল কালচারিস্ট।

ঠিক আছে চল। বন্ধুটি সেই সভায় আবার সেই নবীন সেনের কাব্য-প্রতিভাটি আউড়ে দিলেন। বদলের মধ্যে শব্দ নবীন সেনের জারগায় ভজহারি দাসের নামটা জুড়ে দিলেন।

এই তো মশায় সেদিন কবি লোহিত মজুমদারের শোক-সভায় গেছলুম। গুড়ি করে ক লোক ট্যাম্‌ ট্যাম্‌ করছে। কিন্তু বক্তাদের স্ক্রুপ নেই। এস্তার বক্তৃতা চলেছে। শব্দ শব্দ চা এল। খেয়ে শরীরের আলস্য ভাঙলুম। বেশ লাগল। সভায় চা-টা একটু না হলে কি জমে? কি এক বাজে রেওয়াজ বলুন দিক, শোকসভায় আবার নিরব্ধ বক্তৃতা শুনতে হয়। তবে এরা দেখলুম বেশ প্রোগ্রেসিভ। দিতে খুঁতে জানে। সন্ধ্যার সময়, বিল্ট বিল্টও ছিল। এমন সময়েই তো ‘হট্‌ টি’এর সঙ্গে শোকোচ্ছ্বাস জমে ভাল। তেলেভাজাটাও আশা করছিলাম। তা সেটা বোধ হয় প্রোগ্রামে ছিল না।

তা এ ভদ্রলোকের কপাল খুব ভাল বলতে হবে। এ’রই আরেকটা

‘সাক্ষাৎ’

শোকসভা দেখলুম এক কলেজে। বোধহয় দিনকতক পড়িয়েছিলেন সেখানে। কলেজের ছেলেরা মিটিং ডেকেছে। ভদ্দরলোকের বন্ধুবান্ধব সব জড় হয়েছেন। সহ অধ্যাপক, যে কাগজে লিখতেন তার সম্পাদক, তাঁর প্রথম ছাত্র সবাই হাজির। একঘেয়ে বক্তৃতা কার শুনতে ভাল লাগে। পেছন থেকে একটি ছাত্র বললে, খুব চলে চ, সেই এক কথা বার বার বলছে। কাঁহাতক আর শোনা যায়। অন্য ছেলোটো বললে দাঁড়া না, আরো দু একটা শুন। এমন সময় সম্পাদক মশাই উঠলেন, উঠতে না উঠতেই বেশ জমে গেল। মাঝে মাঝে হাসির দমকে মন চাঙ্গা হয়ে উঠল। ছেলোটো বললে, জমেচে, বেড়ে বলছে, না রে? কি হাসায় মাইরী, উস্প।

সম্পাদক মশাই শুরুর করলেন, “প্রতিভা কার মধ্যে কেমনভাবে লুকোনো থাকে, বাইরে থেকে বোঝা যায় না, লোহিতবাবুর সঙ্গে প্রথম দর্শনে আমিও তা বুঝতে পারিনি, অসংখ্য বাজে কাগজের মধ্যে একদিন একটা কবিতা হঠাৎ আমার চোখে পড়ল। কাগজ বের করতে হবে অথচ কবিতা নেই, কি করি, কবিতাটি পড়লুম, দেখলুম ওর মধ্যে বস্তু আছে, একটু অদল বদল করলেই ভাল চেহারা দাঁড়িয়ে যাবে। তাই করলুম। উনি উৎসাহ পেয়ে সেই যে কলম ধরলেন সে কলম আর চৌত্রিশ বছরের মধ্যে থামল না। যোগাযোগ না ঘটলে প্রতিভার ঠিক স্ফূরণ হয় না। আমি অবশ্য আত্মশ্লাঘা করতে চাইনে। তবুও বলব, আমি যে ওর প্রতিভার বিকাশপথে একটু কাজে লাগতে পেরেছি, তাতেই আমি ধন্য। আমাদের কাগজের আগামী সংখ্যাটি ওরই স্মৃতিসংখ্যা হিসাবে বের করছি। তাই বেশী বলে আর কারো ধৈর্যচূড়ান্ত ঘটতে চাইনে। যারা সংখ্যাটি সংগ্রহ করতে চান আগাম অর্ডার দেবেন। নইলে সাম্প্রায় দিতে পারব না হয়ত।

আরেকটি কথা বলে বক্তব্য শেষ করি। সকলেই জানেন, তিনি এই পত্রিকার সঙ্গে যত ঘনিষ্ঠভাবে যুক্ত ছিলেন তেমনটি আর কারো সঙ্গে নয়। তিনি এই পত্রিকাটিকেই নিজের পত্রিকা বলে মনে করতেন। কাজেই তাঁর প্রতি যথার্থ শ্রদ্ধা জানানোর একমাত্র উপায় হচ্ছে এই পত্রিকার সঙ্গে ঘনিষ্ঠ সংযোগ রাখা। তাই বলি, আজ, যারা এখানে উপস্থিত আছেন, তাঁদের সবাইকেই বলি, অবিলম্বে এই পত্রিকার বার্ষিক চাঁদা পাঠিয়ে স্বগত কবি ও সাহিত্যিকের প্রতি প্রকৃত শ্রদ্ধা নিবেদন করুন। অনেকে বলবেন হয়ত, তবে এতদিন ধরে আপনার পত্রিকার ঠেকে গালাগাল করছেন কেন? তার উত্তরে বলি, এটা আমাদের ঘরের কথা, এতে কান দেবেন না।”

সম্পাদক বসলেন তো উঠলেন এক অধ্যাপক। উঠেই বললেন, “ওকে

‘সাক্ষী’

আপনারা শ্রদ্ধা করি বলেই জানেন, কিন্তু উনি ভাল মাস্টারও ছিলেন। ও’র কাছে পড়বার সৌভাগ্য আমার হয়েছে। কি ভীষণ মারতেন। ছোট বেলার ঠিক ভয়ে ইন্সকুলে যেতে ভয় পেতুম, পথে ঘাটে চলতে পারতুম না পাছে মাস্টার মশারের সঙ্গে দেখা হয়ে যায়। বড় হয়ে অবিশ্যি আর অতটা ভয় ছিল না কারণ তখন আমি ম্যাট্রিক পরীক্ষা দিয়েছি, জেলার মধ্যে একটা স্কলারশিপ তো পাবই, ডিভিশনের মধ্যেও পাব এ রকম জল্পনা কল্পনাও চলছে। তা ডিভিশনের স্কলারশিপটা আর পাইনি। ওটা দু নম্বরের জন্যে পেলেন বন্ধু-বর অতুল বাঁড়ুস্কে। তখন অবশ্য চিন্তাম না, পরে অতুলের সঙ্গে প্রেসিডেন্সীতে আলাপ হল, সে আলাপ বন্ধুস্কে দাঁড়াল, আজ ছত্রিশ বছরের মধ্যে দুজনের ছাড়াছাড়ি হয়নি। এই প্রগাঢ় বন্ধুত্বের রেওয়াজ আজকাল দেশ থেকে উঠে যাচ্ছে। আর কি-ই বা থাকল, কি-ই বা আছে। আগের মতো দুধ নেই, চাল নেই, চরিত্র নেই, চরিত্রের কথায় মনে পড়ল আমার স্বর্গীয় পিতৃদেবের কথা। তাঁর মতো সুদৃঢ় চরিত্র আমি বড় একটা দেখলুম না। যদি কোন জিনিসে একবার হাঁ বলতেন তো তা আর কিছুতেই না হত-না। সে সব আদর্শ আর কই? হায়, ভারত, তোমার ভবিষ্যৎ কি? বেশী আর কি বলব, আপনাদের ধৈর্যচ্যুতি ঘটাতে চাইনে। তবে দু চারটি কথা বলে আমার বক্তব্য শেষ করব। আদর্শ চরিত্র বলতে আমরা কি বুঝি? যে চরিত্র আদর্শ, তাই আদর্শ চরিত্র। এখন এই আদর্শ কি তা ভাল করে বুঝতে হবে। আমাদের ভারতবর্ষ আদর্শের পিতৃভূমি। এখানে পিতার আদর্শ, ভ্রাতার আদর্শ, পতির আদর্শ, পত্নীর আদর্শ, নারীর আদর্শ, সীতা সাবিত্রী অহল্যা কুন্তী ইয়ে মানে চতুর্দিকে ছড়ানো, সেই আদর্শ কথায় বলে ‘না জাগিলে ভারতললনা, এ ভারত আর জাগে না’—এই সব মহাপুরুষদের বাণী আদর্শজ্ঞান করে, সেই আদর্শকে সম্মুখে রেখে আমাদের আগুয়ান হতে হবে। আমি একটা উদাহরণ দিই, একবার আমার পিতা ভ্রমবশত, মানুষ মাত্রেরই ভ্রম হয়, ‘টু এর ইজ হিউম্যান,’ আমাকে কঠিন প্রহার করেন, পাছে আমার পিতার ক্রেশ হয় সেইজন্য আমি ক্রন্দন করি নাই। তাই বলছি, আদর্শ বলতে কি বুঝি? গীতায় গ্রীক্স বলেছেন—ম্যাও। পেছন থেকে কে যেন বেড়াল ডেকে উঠল। বক্তা থতমত খেয়ে চূপ মেরে গেলেন।

সভাপতি মশাই মৃদুস্বরে বললেন, লোহিতবাবুর কথা কিছু বলুন।

বক্তা তাড়াতাড়ি বলে উঠলেন, “ও হ্যাঁ, মাস্টার মশাই—এর কথা বলছিলাম, উনি ভয়ানক বদরাগী ছিলেন, বেজায় মারতেন, ঠিক ভয়ে আমরা ইন্সকুলে যেতুম না। তখন বড় খারাপ লাগত। কিন্তু এখন, আজ এই সভায় দাঁড়িয়ে মনে হচ্ছে, হায় অমন মার আর কাছ থেকে খাব। এইটুকু বলে আমি শেষ করছি।”

‘সার্কাস’

দর্শকরা স্বস্তির নিঃশ্বাস ফেললে। একজন বললে, ওঃ মাল একখানা একেবারে ম এ আকার, মূৰ্খন্য ল।

আরেকজন বললেন, “লোহিতবাবু, নিজের কণ্ঠস্বর শুনতে খুব ভাল-বাসতেন। আর কাউকে কথা বলতে না দিয়ে শব্দ নিজের বকে যেতেন। বাগদাই বাগদাই কবিতা লিখে, বাড়ির বারান্দায় লোক ধরবার জন্য বসে থাকতেন। ঠুঁর ভয়ে ওপথে কেউ হাঁটত না। দৈবাৎ কেউ গিয়ে পড়লে আর রক্ষা নেই, ধরে বাড়িতে নিয়ে যেতেন, তারপর ঘণ্টার পর ঘণ্টা কবিতা পাঠ চলত। বেচারার আর নিস্তার ছিল না। একদিন হয়েছে কি, আর একজন কবি এক বিরাট প্রবন্ধ লিখে ঠুঁকে শোনাতে এসেছেন। সেইদিন ঠুঁর দৃঢ়তা দেখেছিলুম। একটা কথা বলতে পারছেন না, বলবার জন্য আইটাই। কিন্তু সে ভদ্রলোকের প্রস্কেপ নেই। পাতার পর পাতা অস্লোনবদনে পড়ে চলেছেন। বিরক্তি নেই, ক্লান্তি নেই। নটায় পড়তে শব্দ করেছিলেন। শেষ করলেন সাড়ে এগারোটাতে। লোহিতবাবুর আশা, উনিও দৃঢ়-চারটে কবিতা শোনাবেন। এই নিয়ে লড়ালাড়ি হল। তারপর সে ভদ্রলোককে শুনতে হল পাণ্টা। পালা যখন শেষ হল রাত তখন একটা। সেদিন লোহিতবাবুর আদেখ্লেপনায় ঠুঁর উপর বিরক্তি হয়েছিলুম। আজ দৃঃখ হচ্ছে, সে জিনিস আর তৈ দেখব না।”

অবশেষে সভাপতি বললেন, “আজ যার শোকসভায় আমি হঠাৎ এসে উপস্থিত হয়েছি, তিনি কে জানিনে, শুনলুম তিনি কবি ছিলেন, কিন্তু আমার দৃঃভাগ্য তাঁর একটিও কবিতা পড়িনি, কিন্তু তাতে বৃঃতে বিস্দ্মায় কষ্ট হয় না যে, তিনি বিরাট কবি ছিলেন, এ গ্রেট পোয়েট, শুনলুম তিনি ভাল ভাল প্রবন্ধ লিখে গিয়েছেন, দৃঃভাগ্যের বিষয় আমি তাঁর একটি প্রবন্ধও পড়িনি, কিন্তু এটা বৃঃবেছি, তিনি মস্ত বড় চিন্তাশীল ছিলেন, এ গ্রেট থিংকার, তাঁকে চোখে দেখিনি, তবু জানি তিনি কন্দর্পকান্ত, তাঁর কথা শুনিনি তবু জানি তিনি কিস্করকণ্ঠ। তিনি নিশ্চয় স্বদেশপ্রেমিক ছিলেন। অত্যাচারী সাম্রাজ্যবাদী ইংরেজের অত্যাচার তাঁর হিমালয়সদৃশ মস্তককে কখনো নোয়াতে পারেনি, এঁদের লক্ষ্য করেই তো রবীন্দ্রনাথ লিখেছেন, ‘বল বীর চির উন্নত মম শির’। তিনি যে শব্দ স্বদেশপ্রেমিক ছিলেন তা নয়, ভাল খেলোয়াড়ও অবশ্যই ছিলেন, ঈর্ষাকাতর বাঙালী তাঁকে সুযোগ দেয়নি, নইলে আমার দৃঢ় বিশ্বাস হাইজাম্প লঙ্-জাম্প তিনি অনায়াসে অলিম্পিক চ্যাম্পিয়ন হতে পারতেন। তিনি যে মহাপুরুষ, তিনি যে ত্যাগী, তিনি যে স্বাধি, তিনি যে মহান, বিরাট তা সবই সত্য। কারণ তিনি দেহ রেখেছেন। আজ এই সভায় দাঁড়িয়ে আমি সেই লোকজরী কালজরী মহাপুরুষকে, সেই আচার্যকে শ্রদ্ধা জানাই।”

কেয়া ভাও

লাখ লাখ টাকার লেনদেন। সেরেফ শব্দ মূখের কথায়। তোমার জবান তুমি যদি না রাখ তো আমারটা আমিই বা রাখব কেন? আর কথার সূতোয় যে কারবার পাকাপোক্ত ঝুলে আছে, তার একটু নড়চড়েই যে বদলিয়াদটা উল্টে ঝড়াক করে মাটিতে নাবে, এতো সম্ভারই জানা। তাই পারতপক্ষে জবান নড়চড় কেউ করতে চায় না। ফাটকা বাজারের এই হল নিয়ম।

খাতার কলমে লিখিত, বারটায় মার্কেট খুলবে আর বন্ধ হবে উইক্-ডেতে চারটায়, শনিবারে দুটোয়। কিন্তু সে নিয়ম কে মানে? ভোর আটটার আসি আর রাত আটটায় বাড়ি ফিরি। বেসরকারী বাজার মশাই রাতদিনই খোলা। বাড়িতে ফোন আছে, ভদ্রলোক বললেন, রাত দুটোয় ক্লিং ক্লিং। ফোন তুললুম। বোসবাবু ক্যায়া ভাও? বললুম, ক্লোজিং সাড়ে সাত।

কাল মশাই বাজার বন্ড ক্লকচুয়েট (ওঠানামা) করেছে। ইন্ডিয়ান আয়রণে বড় ডালমাটাল। বিফোর ক্লোজিং সাত সাড়ে সাত, সাত সাড়ে সাত করতে করতে ঝপ করে লাস্ট মোমেন্টে সাড়ে পাঁচ ছয়ে নেমে পড়ল। দু-হাজার শেয়ার ধরে রেখেছিলুম হাজার চারেক কিল্লার করেছি সাড়ে সাতেই। দু-হাজার আর পারলুম না কিছতেই। বন্ড চপ্পল আছি।

ভদ্রলোকের নিঃস্বাস ফেলবার সময় নেই। টোবিলে তিনটি ফোন। তিনটেই তারস্বরে বেজে চলেছে। ফোন তুললেইঃ কেয়া ভাও? দর কত? সাত সাড়ে সাত।

অনেকক্ষণ ধরে উসখুস করছিলুম। এক অশুভ রাজ্যে এসে পড়েছি। এর লোক আলাদা, ভাষা আলাদা। এদের চলন-বলন সবই আলাদা।

একটু ফুরসৎ পেতেই জিগ্যেস করলুম, সাত সাড়ে সাত ব্যাপারটি কি? ভদ্রলোক একটুখানি মোলায়েম হেসে বললেন, শেয়ারের দর। এখন সাত আনা সাড়ে সাত আমরা ওঠা-নামা করছে। বন্ধলেন না?

বললুম, আজ্ঞে একটু খোলসা করে দিলে ভাল হয়।

ভদ্রলোক সদয় হলেন। বললেন, যে শেয়ারটার দাম দশ টাকা, সেই দশ টাকার শেয়ারটার দর এখন উঠেছে ছাব্বিশ টাকা সাত আনা, সাড়ে সাত আনা। টাকার কথাটা আমরা উল্লেখ করিনে, আনা নিয়েই টানাটানি।

‘সাক্ষী’

কথা শেষ না হতেই ফোন বাজল, ক্রিং ক্রিং। ভদ্রলোক ফোন তুলেই জিগ্যেস করলেন, কেয়া ভাও? সাড়ে ছ-সাত? ফোন রেখে বললেন, অঃ, কমছে। একটু বসুন, টপ করে একবার নিচে থেকে একটা পাক মেয়ে আসি। ভদ্রলোক দৃশ্ঢ় করে চলে গেলেন। এলেন দুই মারোয়াড়ী যুবক। একে যুবক, তায় মডার্ন। আঃ যা দেখলুম না, যেন ভীম নাগের কড়াপাক। রেস্কিনের বাড়ির তলোয়ার-ধার সূট, এক থোকা গোলাপ বুক-বোতামে, দশ আঙুলে বিশটি আংটি, আর মুখে কেয়া ভাও? এমন সরেশ চিজ চাক্ষুষ করে মেজাজ আমার তর হয়ে গেল।

দুজনে সামনে বসে কথাবার্তা চালাতে শব্দ করলেন বোম্বাই মেলের স্পীডে। বৃকলুম দুহুঁ দোঁহের মনের কথাটি নিজের ছিঁপে গেঁথে তুলতে চাইছেন। এই মন্দির বাজারে কিছ, মন্দি খেয়ে রাখব নাকি? ভাও আরো নামবে বলে মনে হচ্ছে। অন্যজন বললে, হাঁ, কম্‌সে কম্‌ দো আনা তো নামবেই। বলাবলি করতেই একজন ফোন তুলে জিগ্যেস করলে, কেয়া ভাও? ছ-সাড়ে পাঁচ? তো ঠিক হয়, চারশ’ লে লো, চারশ’ কিনে ফেল।

কেনা-বেচার ব্যাপারটা বড় মজাদার। শেল্লারের কাগজটি বেশীরভাগ লোকেই চোখে দেখে না, অথচ হাজার হাজার টাকা লেন-দেন হয়ে যাচ্ছে। এরা বসে বসে সাড়ে ছ’ আনায় চারশ’ কিনলে, সওয়া ছ’ আনায় পাঁচশ’ কিনলে, টাক থেকে আখলাটি খসাতে হল না।

ভদ্রলোক ফিরে আসতেই এ দুজন সম্মুখে হাঁক ছাড়লে, কেয়া ভাও? সওয়া পাঁচ, পাঁচ। একজন বললেন, স্টীল কোম্পানী? ভদ্রলোক বললেন, জানিনে। টক্ করে একজন ফোন তুলে শব্দোল, ভাই, স্টীল কোম্পানী? চাই, তিন। আড়াই তিন। বেচো দোশ। দশ বেচে দাও।

চল ভাই নিচুমে। দুজনে বেরিয়ে গেল। ভদ্রলোক বললেন, নিচে গিয়ে দেখুন কি কাণ্ড। প্যাসেজটুকু পেরিয়ে আসতে জানটা তুবড়ে গেছে।

ভদ্রলোক অতি অনামনস্ক। এখানকার সবাই তাই। বললেন, আমাদের কথা ছেড়ে দিন, ধড় আর মন দুজায়গায় থাকে। বসে আছি এখানে, কান আছে ফোনে, মন ঘুরছে হেথাসেথা। সন্মিথর হয়ে দুদণ্ড কথা বলব সে উপায় কি আছে? হ্যালো কেয়া ভাও? সাড়ে ছ-সাত? একটু চড়ছে মশাই। চলুন নিচেই যাই।

বেশ লম্বা-চওড়া বাড়িখান। তলার তলার ব্রোকারদের অফিস। অফিস ঘরনে একটি করে খুপরী। টেবিল চেয়ার বস তার অধিক ফোন। মদুতে

‘সাক্ষী’

মুহুর্তে কড়াং কড়াং। তারপর ফোনটি কারো মুখের কাছে উঠছে আর একটিমাত্র কথাঃ কেয়া ভাও, তারপর কতকগুলো সংখ্যার আনাগোনা।

দোতলার দাঁড়িয়েই মনে হল যেন সমুদ্রটাকে চেন বেঁধে কাছাকাছি আটকে রাখা হয়েছিল, কোন মোকায় চেন ছিঁড়ে হৃৎকার দিয়ে নিচের তলে ঢুকে পড়েছে। বাপ্‌স সে কি গজ্জন! কতকগুলো ডালগোল পাকানো শব্দ সমষ্টির মাঝ থেকে একটা চীৎকার তীরের ফলা হয়ে কানে এসে বিঁধল। সওয়া সাত লিয়া হাজার, সওয়া সাত লিয়া হাজার, সওয়া সাত লিয়া হাজার।

হৈ-চৈ চেঁচামেঁচি বগ্যা ছিঁড়ে যেন এধার ওধার ছুটছুটি করছে। লিয়া পান্‌চ-শ সওয়া সাত (সওয়া সাতে পাঁচশ নিলাম)। লিয়া তিন শ, লিয়া পঁচাশ! কে কার কথা শোনে। তখন কেনার পালা পড়েছে। সবাই একধার থেকে কিনতে লেগেছে। যে ব্যক্তিটি দর নামার শুরুরতেই ভয় পেয়ে দূর পরসা লোকসানে মাল ছেড়ে দিয়েছিল, এখন কেনার হাঁড়িকে দর উঠতে দেখে একপাশে দাঁড়িয়ে দাঁড়িয়ে হাত কামড়াচ্ছিল। লিয়া লিয়া করতে করতে হঠাৎ দেখি বাজার ঘরতে শূরু করল। চান্দিক থেকে বেচা বেচা রব উঠল। এবারে সে লোকটির মোকা। তারস্বরে চেঁচিয়ে উঠল বে—চা হাজার, বে—চা—জার, বে—চা—জার (হাজার বেচলুম)।

আবার হৈ-হুড়ুদুম লেগে গেল। রামবিরাম বালসুখরামের কাছা গণ্ডেরীমল চালমলের পকেটে উঠল। এর পা সে মাড়িয়ে দিলে। গোলমাল অত্যন্ত চাগিয়ে উঠল। অতিকণ্টে পাশ কাটিয়ে আবার উপরতলে উঠলুম। ভদ্রলোকও চট করে পাশে এসে বললেন, কার্টনিতে কিছু থেলে এলাম। বললুম, কার্টনি আবার কি মশাই? বললেন, আরে ওই তো রাস্তায়। ওখানে যে খেলাটা হয়, সেটা বে-আইনী তো। তার তো আর হিসেবপত্তর নেই, তাই ইনকাম ট্যাক্সের বালাই নেই। এই কার্টনিতেও লাখ লাখ টাকা বেচা লিয়া হয়। সব উইদাউট লেখাপড়া। শেয়ার বাজারের ভেতরে যে লেন-দেন হয়, তার তো হিসেব থাকে। সরকারকে হিস্যা বাবদে ট্যাক্স দিতে হয়। কিন্তু রাস্তায় তো সে বালাই নেই। লস্ লাভ সবই নেট্‌।

যাকগে যাক উপরে চলুন। এক কাপ চা খাইগে। ঘরে এসে দেখি ফোন চলেছে। ভদ্রলোকের পার্টনার ফোন ধরেছেন। হ্যাঁ, বাজার চড়বে বৈকি! দেখে তো মনে হয় বেশ মজবুত। কি বললেন, কিছু তেজিতে লাগাবেন? তা বেশ তো। কত? পাঁচশ? আচ্ছা দেখছি।

আরেকটি ফোন বেজে উঠতেই এ ফোনটি ‘এক মিনিট ধরুন’ বলে নামিয়ে রাখলে। রেখে ও ফোনটি তুললে। কি খবর ভাই? হ্যাঁ, বাজার

‘সাক্ষী’

সুবিধে ঠেকছে না, এখন কিছ্ চড়ছে বটে, কিন্তু আসলে বড় টিলে। কি বলছ? কিছ্ মন্দিতে লাগাবে? তা মন্দ কি? কাল বাজারে জোয় হবে কিনা এখন কি করে বলব? তবে হবেই যে, এমন লক্ষণও কিছ্ দেখছি নে। তা বেশত, মন্দিতে কত লাগাবে বললে? দুশ? আচ্ছা দেখছি।

সে ফোনটি রেখে আবার আগেরটার সঙ্গে কথা চালানো। কি বলছেন বাজারে তেজ নেই? আরে না না বেশ মজবুত। মন্দির কোন লক্ষণই নেই। তা লাগান পাঁচশ। আচ্ছা দেখছি।

ফোনটি রেখে পার্টনার বেরিয়ে গেল। ভদ্রলোক বললেন, বিজনেস-বাজার চক্র দেখলেন একবার। এক কানে তেজির মন্তর দিলে, অন্য কানে মন্দির। যে নৈবেদ্যে যে দেবতা ভুট্ট। লোকের মন জোগাতে না পারলে পার্টি থাকবে কেন?

এখানে প্রেম চাঁদির সঙ্গে। যার বরাতের পালে সুবাস তার বোটের সঙ্গে বোট বাঁধতে সবাই এখানে পা তুলেই আছে। আরে মশাই, কথা বলছুম না, এই সেদিন পর্যন্তও ছিল একটা পার্টি-দালাল। আর লড়াইটা পার হতে না হতেই ফেঁপে-ফুলে লাল। এখন তো লোকটা এই মার্কেটের হিরো। এক পাল মোসাহেব, হেঁ হেঁ করতে করতে পেছ পেছ চলছে।

ব্যাটাচ্ছেলো বাজারটা খারাপ করে দিলে মশাই। দল তৈরী করে ইচ্ছেমতো কন্ট্রোল করছে। দাম বাড়চ্ছে কমাচ্ছে। তবে হয়েছে এসেছে, আর বেশী দেরী নয়। কিছ্ বলতে তো কিছ্ ছিল না। চার-পাঁচ বছরের মধ্যেই আশী লাখ টাকা রোজগার করলে। ছেলে বললে, বাবা, আর ফাটকায় কাজ নেই, এসো এবারে একটা কারবার-টারবার খুলি। তা এ নেশায় একবার মজে গেলে ছাড়ান পাবে কার সাধ্য? যে পথে শূদ্ধ হাতে আশী লক্ষ এসেছিল সেই পথেই ষাট লক্ষ বোরিয়ে গেছে। তবু লোকটি পথ বদলায় নি।

শূদ্ধ কি বড়লোক মরে, বড়লোক আর কটা মরে, লোকসান বা দেয় পুঁথিয়েও নেয়। মরে গরীব, মরে মধ্যবিত্ত। চাকরীবাকরী করছে, কি ছোট-খোট ব্যবসা ফেঁদেছে, দু’পয়সা হাতে জমল কি রাতারাতি বড়লোক হবার স্বপ্ন চাপল। বাস, এলেন ফাটকা খেলতে। বাজার বোঝে না কিছ্, কিছ্ জানে শোনে না। যখন চোঁ চোঁ করে দাম চড়ছে, ফেরেববাজের পাল্লায় পড়ে একেবারে চড়াস্য চড়ায় গিয়ে কিনে বসলে। বাস তারপরই হু হু করে দাম কমেতে লাগল। তখন বাছাধনদের চক্ষে সরষের ফুল নৃত্য করতে থাকে। কিছ্ লক্ষণ আশায় আশায় থাকে, আর হয়ত কমবে না, আর হয়ত কমবে না, কিন্তু যেই দেখল কমছে, দিলে বিক্রী করে। নেট লভ্যাংশ লবডংকা। বা

‘সাকর্শ’

গরনাগাটি ছিল বোঁ-মেয়ের দেনা মেটাতে তা পত্রপাঠ গেল স্যাকরার দোকানে। সব ফক্কীকার। এই সব নীভস্‌রাই তো শিকার। এদের টাঁক খালি করেই তো আজ কয়েকজন ফুলে-ফেঁপে উঠছে।

স্পেকুলেশন মানে ফাটকা তো জুয়াখেলা নয়। খুব কড়া হিসেব আছে। এটা একটা বিজ্ঞানও বটে। সেই হিসেবমাত্তিক যে চলবে, সে বড়লোক খুব একটা হোক না হোক ডুববে না কখনো, অবশ্য সবেই মূলাধার, সেই বরাত।

দেখলেন না, ওই পেছন দিকে জ্যোতিষীদের কেমন প্রতাপ। সার সার বসে আছে পাঁজি-পাঁখি নিয়ে। কি রাশি? তুলা। আজ তিথি হল প্রতিপদ। চন্দ্র এখন ধনুঁরাশিতে। তা মন্দি লাগাইয়ে। দেখি আপনার হাত। আরে, শনির দৃষ্টি এখন শুক্রের উপর। এ তো খোলা বরাত। তেজিতে লাগান। সিওর সাকসেস্‌।

দুজনেই লাগালে মশাই। ডুবলে। ডুবছে, তবুও যাবে। ফেটালিস্ট, বন্ড ভাগ্যান্‌ভর হয়ে যেতে হয়। এই আমিও হয়েছি।

একটি লোক ঢুকতেই কথা বন্ধ হয়ে গেল। ভদ্রলোক শুধুধুলেন, কেয়া ভাও? লোকটি বললে, ক্লোজিংকা ভাও হায় সওয়া ছয়। ক্লোজিং-এর দর সোরা ছয়। তো ভাই, দেড়শ মন্দি খাই চল।

দু' টাকায় মামলা হাসিল

যেমন তত্ত্বপোশে ভাদুরে ছারপোকা ঠিক দেখলুম লোরর কোটে উকীল। বাইরের উঠোনটা একেবারে খিগবিগ করছে। গেলাম কি ছেকে ধরলে।

যত বলি—না মশাই, কোনো কাজকস্মে নয়, এমনি ঘুরতে ফিরতে আসা তা কে শোনে? কিসের কেস, কি বস্তান্ত, টানাটানি হ্যাঁচড়াহেঁচড়ি, শেষ পর্যন্ত 'নয় একটা এপিডেবিট্ করুন।'

ভাল জ্বালা! গিয়েছি এক বন্ধুকে খুঁজতে, পাশ করে কদিন ধরে কোটে হাঁটার্হাটি সুরু করেছে, কোথায় তার সঙ্গে দু'চারটে কথা কইব তা নয়, পড়লুম এক ফিঙের পাল্লায়। হাত এড়িয়ে ঢুকলাম বার-লাইব্রেরীতে। লম্বা এক টেবিলের চৌদিকে উকীল। কেউ ঘুমুচ্ছেন, কেউ খড়কে কাঠি দিয়ে দাঁত খুঁটছেন। দু'চারজন একথানা খবরের কাগজ আটখানা করে তারই পাতায় চোখ বুলুচ্ছেন। উকি মারতেই 'কি চাই, কি চাই' করে কাঁচম্যাচ হতেই সটকে পড়লুম।

দরজা বরাবর আসতেই এক জটলায় পড়লুম। দুই উকীলে ঝগড়া চলেছে, সালিশ করছেন আরেকজন। একজন একটু ওরই মধ্যে গন্তিলাগা, গায়ের কোটটাকে কালো বলেই মনে হল। পরস্পরে বলছিলেন, বলরামদা আপনিই বলুন দিকি, কি অন্যায় কথা, ও আমার ইস্কুল ফ্রেন্ড, ওর বিয়ে আমি দিয়ে দিইছি, পরীক্ষায় আন্সার বলে দিইছি, আর ওর কিনা এমন ব্যাভার। রাস্কল, লম্পট কোথাকার।

অন্য জন একটু তোৎলা। বললেন, খপরদা-দা-আর ম্-মুখ স্-স্-স্-সামলে বল্লিস। গাগ্-লাগাগাল খামাক্-কা দিাবিনি। আরে রেখে দে ভোর চোখ রাঙ্গানী, রেড আই আমাকে দেখাসনি, আমি মিছে কথা কইনে। এই তো বলরামদাই আছেন, আচ্ছা বলরামদা আপনিই বলুন, ওর বয়েস কত হবে?

কত আর, সাম ফিফটি এইট। বাষটি, দাদা বাষটি, এই ওকেই জিজ্ঞেস করুন। আর ওর লাস্ট ইসদুর বয়েস কত? আড়াই বছর। তাহলেই বদুন ক্যারেক্টারিটি কেমন? আমি তো ওরই সমান বয়সী, কিন্তু আমার ছোট ছেলে,

‘সার্কাস’

এই বাইশ বছরে পড়ল। সেটা বুঝুন একবার। আর অসুখ হয়ে দশ দিন পড়ে ছিলুম, ব্যাটা বলে কিনা, আমি মরে গেছি। এই সব রীতিয়ে আমার দুজন মজেল ভাঙিয়ে নিয়েছে। বলুন দিক।

বাইরে বেরুতেই চেনা এক লোকের সঙ্গে দেখা। জিগ্যাস করলুম, কি দাদা? দাদা বললেন, আর বল না ভাই। ব্যাটাদের কাণ্ড। কাল রাত্তিরে আসছিলাম সাইকেল করে, কনস্টবল ধরলে। কি? না উইদাউট লাইট। বল দিকিনি, চোখের সামনে জলজ্যান্ত লাইট রয়েছে আর বলে কিনা, উইদাউট লাইট। বললুম, চোখের মাথা কি চিবিয়ে খেয়েছ সেপাইজী। লাইটটা দেখতে পারছ না। সেপাইজী বললেন, হাঁ উ তো ঠিক হায়, অব্ থানা মে চলিয়ে। জলখলুম বাতিটি নিভে গেছে। বললুম, হ্যাঁ বাবা, হাম্ তো দেখা নেই, কোন সময় অজান্তে নিভ গিয়া। সেপাই বললে, হাঁ উ বাত্ তো বিলকুল ঠিক, লেকিন্ দেৱী মত্ কিজিয়ে, থানেমে তো জানেই হোগা। কেস তো লিখানেই পড়ে গা।

বুঝলুম ব্যাটা ল্যাজে খেলাচ্ছে, বিয়ারিং পোস্টে কিছ্ হবে না। পকেটে হাত দিয়ে দেখি সেখানটায় উঁচু নিচু কিছ্ নেই, সেরেফ লেভেল। কি আর করা, গুটি গুটি চললুম থানায়। দারোগাবাবু বড়াক্সে এক খাতা বের করে বললেন, সই করুন। বললুম, কিসে সই করছি দেখি একবার? দারোগাবাবু বললেন, দাখাদেখির কি আছে, নিয়ম হচ্ছে সই করা, সই করুন। বললুম, তা কেন? আমাকে একবারটি দেখতে দিন। দারোগাবাবু খিঁচিয়ে উঠলেন, এতো বস্ত দিক করতে সুরু করলে, এই নিন, কি দেখবার আছে দেখুন, দেখে সইটা করুন দিক। দেখলুম অপরাধ হচ্ছে উইদাউট লাইটে সাইকেল চালনা। বললুম, ব্যাপারটাতো বেশ মশাই, একটা লাইট বে লাগানো রয়েছে সাইকেলে, সেটা অর্মান উইদাউট হয়ে যাবে?

বলতেই দারোগা সাহেব চটে উঠলেন, মশাই-এর বাড়ি বর্ধমান না চম্বিশ পরগনা, বড় যে আইন কবলাচ্ছেন অ্যাঁ, দেখাচ্ছি মজা। বলেই তো ভাই দিলে চার্জসীট, সাইকেলটি দিলে রেখে, আর বললে সকাল দশটার হাজির হতে। তা এসেছি দশটার কিন্তু কোথায় কে? গোটা এগারোয় বাবুরা সব এলেন একে একে। ইতিমধ্যে উকিলের আক্রমণে তো ভাই গারে ঘা হয়ে গেল। এখন এই একটা বাজল, কিন্তু আরো কতক্ষণ বসতে হয় ঠিক কি?

সামনে বসেছিল গোটাকতক লোক। দেখলেই ফিরিঅলা কেলাস বলে মনে হয়। পেছনে উকীল লেগেছে। একটি লোক অনবরত বকে যাচ্ছে, আমার কোন কসুর নেই বাবা, ছেড়ে দাও। থানাদারকে জিগ্যাস করলুম, কি হে

‘সার্কাস’

ওকে ধরেছে কেন? বললে, পেটি কেস হ্যায়, ‘রোড বুল্যাকিন’ (রাস্তা জুড়ে রাখা)। লোকটি বললে, না বাবু আমি কিছু বিক্রী করিনি, বাজার করে ঘাড় ফিরছিলাম, হাত থেকে বাজার পড়ে গেল, উবু হয়ে কুড়িয়ে নিচ্ছি, এসে চেপে ধরলে। বললে, চল থানায়। আমাকে ছেড়ে দাও বাবা, গরীব মানুষ।

তোৎলা উকীলটি এমন সময় বেরিয়ে এসে ইদিক সিদিক চাইছেন। থানাদার বললে, ‘এই দেখ, উ যো ভকিলবাবু আছে না, উনকা বড়া জোর পাওয়ার আছে,’ ওকে যদি ধরতে পারিস তো চটপট খালাস হয়ে যাবি। আর চার আনা ফিস্ ওকে দিয়ে দিবি। ‘যা গোড় পাকাড়’। লোকটি ছুটে গিয়েই পা চেপে ধরলে, বাবু আমাকে খালাস দিন, আমার কোন কসদ নেই। উকীলটি তো খুব খুশী। বললেন, ভা-আ-বিস্‌নি। ঠিক করে দোব’খন। ফি ফ্ ফি এনোঁছস? লোকটি ট্যাক থেকে টকাস করে একটি সিকি বার করে তাঁর হাতে গুঁজে দিলে। সঙ্গে সঙ্গে ‘ই-ই-ই-ইয়াকশী’ বলেই উকীলবাবুটি টেনে কসালেন এক চড়। হেঁ হেঁ পড়ে গেল। লোক জমল। উকীলবাবু সরে পড়লেন।

হঠাৎ বড় গোল হ’ল। প্যায়দা এসে আসামীদের ডাকতে সুরু করলে। এর তার নাম ধরে ডাকে, আর হাজির বলে সাড়া নেয়। উকীলে ঘা খাওয়া লোকটির ডাক আসতেই পেস্কার বললেন, হুজুর লোকটি খামাকা মার খেয়েছে তোৎলা উকীলের কাছে, ওকে মাফ করে দিন। হুজুর হেসে মাফ দিলেন।

বন্দুটি গেলেন। হুজুর জিগ্যেস করলেন, কি ট্রাভেলিং উইদাউট লাইট? বন্দু বললেন, না হুজুর ট্রাভেলিং উইদাউট লাইটলিট্‌। বাতি ছিল, তবে নিভে গিয়েছিল। আচ্ছা, ফাইন আটা আনা। বন্দুটি আপত্তি জানালেন জরিমানার মিটার এক টাকায় উঠল। টাকা গুণে বেরিয়ে এসে বললে, আপে জানলে উকীলবাবুর একটা থাম্পড় খেয়ে নিতুম।

রেস্টুরেন্টে তর্ক বেঁধেছে। আচ্ছা দেখুন দিকি, গান শুনবে ‘অজুর সংবাদ,’ পয়সা দিতে চাইছে একটা, বাপুহে, এসেছে কোর্টে, শব্দুর বাড়ি নয়, এখানে সব কাজে পয়সা, প্যায়দা থেকে পেস্কার সবাই চোয়াল ফাঁক করেই আছে, তোমার ট্যাক না চুবসালে ওদের হাঁ তো বন্ধ হবে না, আমার কাছা ধরে টানলে কি হবে? উকীলবাবু বদ্বিয়ে বদ্বিয়ে হন্দ হলেন, কিন্তু মক্কেলটি গোঁ ছাড়ে না। বললে, তা কি ক’রে হয় বাবু, আপনিই বলেছ দ’ টাকায় মামলা হাঁসিল করে দেবা, আবার এখন বলেছ

‘সাক্ষী’

‘এগিট-ওপিট’ কতে হবে ট্যাকা দ্যাও। আবার বলছ, কেস ওঠাতে হবে ট্যাকা দ্যাও। আবার বলছ, সাক্ষী সাজাতে হবে ট্যাকা দ্যাও। খালি দফায় দফায় ট্যাকা, অত ট্যাকা দিতে হবে আগে কেন বললিনি, অন্য উকীল দিতাম।

উকীলবাবু খিঁচিয়ে উঠলেন, হ্যাঁ অন্য উকীল এই কোর্টের নাতজামাই। সে তোর বিনা পয়সায় এফিডেবিট করে দেবে, কেস ওঠাবে কোর্টে, সাক্ষী সাজাবে, তোমায় মামলা জিতিয়ে রাজা করে দেবে। নে তোর টাকা, যা সেই উকীলের কাছে, হুজুরের জেরায় যাদের কাছা কোঁচা ভিজে যায় তারা আবার উকীল। এই শর্মার কাছে যত কেসের জিত হয়েছে তা আর কার কাছে হয়েছে রে, মৃধু মৃধু কোথাকার। আমি ছাড়া এ কোর্টে আর উকীল কই। আর যারা আছে, দেখেছিস তাদের চেহারা? তাদের সব জুতোর মধ্যে খুঁর আর কাছার আড়ালে ল্যাজ নুকুনো, বদ্বালি, হতভাগা। সস্তা চাস যদি রিফু উকীল লাগা।

মক্কেল ভড়কে গেল। বাবু চট ক্যান, আপনার কাছে এমনি এইছি? তা যা তোমার ধর্মে লাগে করেন? উকীলবাবু বললেন, তাই বল, শোন দুটো টোনি’ সাক্ষী নে, খচা একটু বেশী পড়বে, তা হোক জেরায় টিকবে। বল তুে এখুনি তাদের ডাকি। একুনি আবার কার হয়ে কাঠগড়ায় দাঁড়িয়ে পড়বে, যাবে হাত থেকে ফস্কে। আমার আবার সব সরেশ মাল কিনা, মোটে পড়তে পায় না। মক্কেল ততক্ষণে টোপ গিলেছে। বললে, যা কর আপুনি।

ইতস্তত ঘুরছিলাম। ইচ্ছে ছিল একটা মামলা দেখব। সুযোগ ঘটল, ঢুকে পড়লাম এক ঘরে। এক উকীলবাবু জেরা করছিলেন।

হ্যাঁ, তোমার নাম কেয়া বোলো? নূরমহম্মদ। হুজুর এর নাম নূর মহম্মদ।

—বেশ তুম বাঁশতলা গলিকা রহনেঅলা হয়?—জী হাঁ।

হুজুর, বলছে আজ্ঞে হ্যাঁ।

উকীলবাবুর পায়িতারা দেখে ভাবলুম, ব্যাপার খুবই সাংঘাতিক। উকীলবাবু খাস বরিশালী হিন্দিতে জেরা চালাচ্ছেন। হুজুর মুখে নিভাব এনে শুনেন যাচ্ছেন। টাইম পেয়ে পেস্কারটি এক পশলা ঘুমিয়ে নিলে।

উকীলবাবুর লবজ শুনেন আমার এক পদ্রনো গল্প মনে পড়ল। আমার এক বন্ধুর কাকা প্রোফেসার ছিলেন। উকীলবাবুর মূলদুকী লোক। সায়গিশ বছর কলকাতায় একাদিক্রমে পড়িয়েও দ্যাশের শিল্প—ভাষা ছাড়তে পারেননি। তাঁর বৌদি একবার জিগ্যাস করেছিলেন, আচ্ছা ঠাকুরপো, এ্যান্ডিন কলকাতা থেকেও আপনার ভাষা বদলাল না? তা ক্লাশের ছেলেরা কিছু বলে না?

‘সাক্ষী’

প্রোফেসার বললেন, হঃ আমি ইংরাজিতে কই। তা একবার ধরছি। একটা পোলায় কয় কি স্যার আপনার বাড়ি কি পূর্ববঙ্গে। তা হে এক্ষেত্রে বদমাইল, হের কিচ্ছু হইবে না।

উকীলবাবুর হিন্দি শব্দে ভাবলুম একবার শুনোই—সার আপনার বাড়িও হেই পূর্ববঙ্গে?

বলতে হল না, হুজুরই বললেন, অনুবাদ করতে হবে না, জেরা করুন?

আচ্ছা হুজুর। অন্য সাক্ষী বোলাও। তো এল অন্য সাক্ষী। বেশ, সুরু হল জেরা, তোমাব নাম রাম খেলাওন? হাঁ হুজুর। তোমার ঘর হয় বাঁশতলা গলি? না হুজুর, হামারা গলি হয় চাঁপাতলা। কাঁহা? চাঁপাতলা। সে আবার কোন স্থান? আচমকা শক পেয়ে উকীলবাবু টায়া হয়ে গেলেন। সাক্ষী বললেন, বাঁশতলাকা দূসরা রাস্তা। ও আচ্ছা, তুম ফিন ফিন জুস্মাকো উধরসে যাতা হয়?

হুজুর খচে উঠেছেন ইতিমধ্যে। বললেন, আই ডোস্ট আন্ডারস্ট্যান্ড, হোয়ার আর ইউ ড্রাইভিং অ্যাট। (কি বলতে চান, বন্ধুতে পারলাম না)

আমরাও না। বিরক্ত লাগল, উঠে এলাম। আরো খানিক ঘোরাঘুরি করে চলে আসব। দেখি উকীলটি বেড়ার ধারে দাঁড়িয়ে দাঁড়িয়ে পান কিনছেন। উকীল বললেন, দাও দোঁহি দুই খিল পান। জুর্দা দিও বন্ধুচ, আইজ এজলাসে ছিল এক ভেঁপরা পাড়া। আমার জেরার মুখে কথা কওনের সখ আছিল। দিছি আচ্ছামতো তাসানি। শেষ পরে আর কথা নাই মুখে।

একটু পরে গলা নামিয়ে পানউলীকে বললে, দুইডা টাকা দ্যাও দোঁহি। এক্ষেত্রে কাল দিব কইছে, কাল পাইবা নিখাৎ।

সন্ধ্যা, গো রিপোর্ট

সামনে বিরাট বোর্ড, সার সার থোপ, প্রতি থোপে বালব্। যেই বালব্ জ্বলে উঠল অমনি সেটার মনোযোগ দাও। 'প্লাগ্' লাগিয়ে জিগ্যোস কর, 'নাম্বার প্লিজ্'। জবাব শোনো, ঠিকঠাক যোগ করে দাও নম্বরে নম্বরে। যে নম্বর চাই, দ্যাখ তা খোলা আছে কিনা? রিং করে দ্যাখ সে নম্বরে লোক আছে কিনা, কেউ 'হ্যালো' বলে সাড়া দেয় কিনা। দিচ্ছে না? বাস্ বলে দাও 'নো রিপ্লাই', সাড়া নেই। না কি সে নম্বরে কেউ কথা কইছে? তাহলে বল, 'এন্‌গেজড্'। সঙ্গে একটা 'সরি' বলো, নম্বর চাইলে 'প্লিজ্' বলো। স্কেননা, 'সাবস্ক্রাইবার'রা সব ভদ্রলোক, তাদের একটু খাতির করো। গ্রাহক বিগড়োলেই দফা শেষ। কড়া স্বরের একটি হাঁক, হ্যালো, 'ক্লার্ক ইন্‌চার্জ্' কে চাই, তারপর একটি 'কম্প্লেন্' মানে নালিশ, আধ ঘণ্টা ধরে চিল্লাচ্ছি, তোমার অপারেটরটি নম্বর দিচ্ছে না, বলি ঘুমুচ্ছে নাকি? —বাস্ তোমার চাকরী খতম। তন্ময় হয়ে কাজ করছ, প্লাগের পর প্লাগে কানেকশন্ দিচ্ছ, হঠাৎ তোমার পিঠে হাত পড়ল। চমকে চাইলে। ক্লার্ক ইন্‌চার্জ্। হুকুম হল, বোর্ড ছেড়ে উঠে এস। পাশের মেয়েকে ভার চাপিয়ে উঠে এলে। আর কোনো কথা নয়, নিকালো। কোনো প্রশ্ন নয়, কোনো অনুসন্ধান নয়, 'গেট আউট্'। জল মুছে ফেলে, রাপসা চোখ সাফ করে শুকনো মুখে বোরিয়ে এলে রাস্তায়। আপল করার সুযোগ নেই।

প্রথমে ছিল প্রাইভেট কোম্পানী। বেঙ্গল টেলিফোন কর্পোরেশন। তার আইন তার কানুন আলাদা। সংক্ষেপে বি টি সি রুল। কানুন আর কি? কিন-মজুরী। যেদিন কাজ সেদিন মাইনে। কাজ নেই তো হরিমটর খাও। ছুটিটাটা নেই, অবকাশ নেই, অসুখ বিসুখ নেই। অসুখ হয়েছে? তা বেশ ভো, এসো না কাজে। জ্বরদান্ত করছি নাকি আমরা? না কি মাথার দিবি ঝিল্লি কাজ করবার জন্য? খুশী হলে আসবে, ইচ্ছে হলে বাড়ীতে বসে থাকবে। তবে কাজ করবে না অথচ পরসা দিতে হবে, এটা একটু আশ্চর্য নয়? টেলিফোন কোম্পানী তোমার বাপ শব্দব্লের খাস তালুক নয়। অসুখ হয়েছে? তা অসুখ ভো আর কোম্পানী তোমাকে ইন্‌জেকশন্ দিয়ে দেহের মধ্যে ঢুকিয়ে দেয়নি। অসুখ হবে তোমার আর কড়ি গুণবে কোম্পানী। মাইরী আর কি।

‘সার্কাস’

অবিশ্য এটা সেই আমলের কথা। যখন কোম্পানী ছিল প্রাইভেট, রুদ্র ডিল বি টি সি’র। অপারেটর ছিল ফিরিঙ্গী মেয়েরা। তারপর টেলিফোনের মালিকানা নিলেন সরকার। ফিরিঙ্গী মেয়েরা কমতে লাগল। বাঙালী মেয়েতে ভর্তি হল খালি আসন। পোস্ট এন্ড টেলিগ্রাফের সঙ্গে জুড়ে দেওয়া হল টেলিফোনকে। চালু হল নতুন নিয়ম। ‘পি এন্ড টি’ (পোস্ট এন্ড টেলিগ্রাফ) রুদ্রের রাজ্য এল। দিন মাইনের বদলে মাস মাইনে, বছরান্তে ছুটি, বিনি পয়সায় ‘লাগু’। মেয়েরা একটু জিরেন পেল। কিন্তু সরকার বড় হুঁসিয়ায় লোক। বি টি সি মেয়েদের গায়ে হাতীটি দিলে না, তারা যেমন তেমনই রইল। শব্দ নতুন যারা ভর্তি হল, নতুন নিয়মের প্রজা হল তারা। পুরোনো মেয়েরা চাপাচাপি করল। কিন্তু চাপাচাপি করলেই কাবু হয়ে পড়বে এমন ঠুনকো সরকার নয়। তবে যখন নেহাৎ অসহ্য হল তখন একটু সুবিধে দিলে। সুবিধে আর কি? দিন মাইনের বদলে মাস মাইনে আর দিন পনের ছুটি। পি এন্ড টি রুদ্রে ওই যে আগে মফত লাগুটা চালু করেছিল, তাতে সরকার দেখল, বাঃ মেয়েদের তো দিবিয়া সুবিধে হচ্ছে, দাও ওটা তুলে। যা চালু হয়েছে তা আর তোলা গেল না অবিশ্য। তবে হালে যারা ভর্তি হল তাদের বশ্ব হল, তার বদলে নম নম করে একটা কিছুর দিলে, মাসে জলখাবারের এলাউন্স, পনেরটা টাকা। তবে না খেলে পয়সা ফেরৎ পাবে না। সরকারের মতো রসিক কে? পাশাপাশি তিনটে বোর্ড, তিনটে মেয়ে বসে কাজ করেছে, তার মধ্যে পুরোনো পি এন্ড টি লাগু খেতে চলে গেল, আর বি টি সি শব্দকনো ঠোঁটে ফ্যাল-ফ্যাল করে চেয়ে রইল। ওদের লাগুর পয়সা নিজের টাক থেকে যাবে। সতীন কাটা কিনা, এদের উপর তাই দরদ কি?

কাজ কি কম? গ্রাহক বেড়েছে, বোর্ড বাড়িনি। মানুষ তো, বস্তুর তো নয়। চল্লিশটে ‘কল’ যারা সামলাতে পারত তাদের ষাড়ে এখন চেপেছে একশ চল্লিশটে। পাবলিক কি এ খবর রাখে? কাজ না পেলে অপারেটরকে গাল্য-গালি। আর সে যে কি কুৎসিত ভাষা, কি অশ্লীল মন্তব্য, ভন্দরলোকের মেয়ে হয়ে কিভাবে তা উচ্চারণ করবে। তবে গ্রাহকরা ভন্দরলোক, জেন্টলম্যান সব, আমাদেরকে তো তাদের খাতির করতেই হবে, ‘পিজল্’ বলতেই হবে, ‘সরি’ বলতেই হবে।

মেয়েটি বললে, কিভাবে কাজ করি জানেন? সাড়ে সাত ঘণ্টা ডিউটি। মাঝে তিনটে ‘হাফ্ আওয়ার’, আধ ঘণ্টার ছুটি, মোট ষাটমিনি ছয় ঘণ্টা। অফিস টাইমে কি চাপ যে পড়ে। উঁচু বোর্ড, দাঁড়িয়ে থাক সান্নাক্ষণ। অনবরত চোখের উপর পিট্ পিট্ বালব্ জ্বলছে, এক সঙ্গে কুড়িটা পশ্চিগটা। এই বোর্ড সফ

‘সার্কাস’

করাছি, এই বোর্ড ভরে উঠছে। কানে বাজছে ‘হ্যালো’ ‘হ্যালো’ আর অগ্নিনিভি সংখ্যার উচ্চারণ। ঝাঁকের পর ঝাঁক কানের পর্দায় ঘা মারছে। মূখের খেঁচ শুনিয়ে গলা আটকে ধরেছে, জল খেয়ে গলা ভেজাবো ফুরসৎ নেই, অনবরত সাড়া দিচ্ছি, ‘নাম্বার স্প্লিঙ্’, ‘এনগেজড’ সারি’, ‘নো রিস্প্লাই’। মাথা কিম্ব কিম্ব করে ওঠে, গা ধরধর করে ওঠে, মাঝে মাঝে টলে ওঠে সমস্ত সংসার। ভাগ্য যদি ভাল হয়, সুপারভাইজার যদি সদয় হন তো ‘রিলিফ’ পাঠান, অন্য মেয়ে এসে একটু জিরেন দেয়। সেও কদাচিৎ। নইলে সেই হাফ্ আওয়ারের প্রত্যাশা।

তাও কি নিয়ম মত মেলে। কি যে খামখেয়ালী ডিপার্টমেন্টের, কেনই বা এরকম করে বুঝে উঠিনে। তিনটে ‘হাফ্ আওয়ার’ পাওনা, নিয়ম মতো একটানা দু’ ঘণ্টা কাজ করে আধ ঘণ্টা বিশ্রাম পাবার কথা। তা সুপারভাইজার করলে কি, প্রথম দু’ ঘণ্টার মধ্যেই তিনটে ‘হাফ্ আওয়ার’ দিয়ে দিলে। তখন আমার মোটেই দরকার নেই, কিন্তু কে শোনে তা। বলতে গেলেই অকথ্য গালাগালি। পেট মানে না তাই চাকরী করতে এসেছি, চাকরী গেলে খাব কি, তাই শত খোয়ার সহ্য করেও পড়ে আছি। আমাদের ঘরের মেয়েরা কতখানি নিরুপায় হলে তবে পথে বেরোয় চাকরী খুঁজতে। কতখানি নিরুপায় হলে এত অপমান, এই অমানুষিক কষ্ট সহ্য করেও কাজ করতে থাকি।

দাঁড়িয়ে দাঁড়িয়ে কাজ, কত মেয়ে ফিট্ হয়ে পড়ে যায়, সিট্ ছেড়ে একটু সাহায্য করব সে ফুরসৎ হয় না। সুপারভাইজার আসেন, ধরাধরি করে নিয়ে বান শূদ্রা করবান্ন জন্মে। শূদ্রা তো ভারি, খাবলা খাবলা জল মাথায় দিলেন, স্মেলিং সল্টেব শিশি শৌকালেন, ব্যাস্, শূদ্রা হয়ে গেল। না এক ফোঁটা দুধের বন্দোবস্ত, না কিছ্। যেই চোখ মেলল, তারপর আধ ঘণ্টা কেটেছে কি না কেটেছে বসিয়ে দিলে বোর্ডে। যদি গুরুতর কিছ্ হল, তো তখন রেহাই মিলল। বাড়ী যাবার হুকুম হল। তাও পৌঁছে দেবার ব্যবস্থা নেই। বাড়িতে খবর পাঠানো হবে, লোক আসবে তবে নিয়ে যাবে। আর লোক যদি না আসে, তবে শূয়ে থাক সেই থ্যাকথেকে ছারপোকার বাথানে, সেই ম্ললা ঘিনঘিনে গদিটার পরে। তোমার কোনো বন্ধুর ছুটি হলে তবে সে-ই তোমাকে নিয়ে যাবেখন।

কেন গ্রাহকরা হয়রানি হন? কেন তাঁরা ঠিকমত কাজ পান না? এক দিনের তরেও কি কেউ জানতে চেষ্টা করেছেন?

রিসিভার তুলেই আমাদের পান, কাজেই খিস্তিবাখিস্তি আমাদের উপরই করে যান। তাঁরা নম্বর না পেলে তো গরম হবেনই। কিন্তু কেন তাঁরা নম্বর পান না? সে কী আমরা ফাঁকি মারি বলে, সখীর সঙ্গে গল্পে মগ্ন হলে

‘সার্কাস’

হয়ে যাই বলে, প্রেমিকের সঙ্গে আলাপে ডুবে থাকি বলে? নিরন্তর এইসব মন্তব্য শুনতে হয়।

রাগ হয়, কামা পায়, কখনো কখনো অতি দৃঃখে হাসিও আসে। সহকর্মী ফিট্‌ হয়ে পড়ে মারা গেলেও যাদের উঠে যাবার উপায় নেই, ফদরসং নেই, তারা করছে প্রেমিকের সঙ্গে আলাপ! ফাঁকি একেবারে দিইনা তা নয়, কিন্তু তুলনায় কতটুকু?

গ্রাহকরা সাড়া পান না সম্পূর্ণ অন্য কারণে। মাম্বাতা আমলের বোর্ড, পচা গলা ‘কড’ (তার), অকেজো প্লাগ্‌। কাজ হবে কি করে? এমন ‘হেড্‌ স্টে’ (শোনবার কল) দেয়, সেরখানেক ভারী, কান ব্যথায় টন টন করে ওঠে। অনবরত খুটখাট কি শব্দ হয়, ‘কান্‌ট্‌ হিয়ার’ হয়ে যাই, শুনতেই পাই না কিছ্‌। হয়ত কেউ নম্বর চাইল, জবাব দিতে যাব, দিতে পাচ্ছিনে, কোন সময় ‘কড’ আলগা হয়ে গেছে, টের পেয়ে সুপারভাইজারকে বললাম, তিনি ক্লার্ক ইনচার্জকে বললেন, তিনি ‘এক্স্‌চেঞ্জ’ ইন্‌জিনিয়ারকে তলব করলেন, এক্স্‌চেঞ্জ ইন্‌জিনিয়ার এলেন, পরীক্ষা করলেন, খুটখাট করলেন তখন ঠিক হল লাইন। ইতিমধ্যে ঘণ্টাখানেক কাবার, গ্রাহক রিসিভার খুটখুট্‌ করে হয়রান হয়ে অপারেটরের চোন্দপুরুষ ধুয়ে দিচ্ছেন। যে অনুপাতে এক্স্‌চেঞ্জ বেড়েছে, যে অনুপাতে গ্রাহক বেড়েছে, সেই অনুপাতে যন্ত্রপাতি নতুন আমদানী হয়েছে অনেক কম। কথাটা একবার জিগ্যেস করুন না কর্তাদের, কি বলে শুনুন।

কি নিয়ে কাজ করি শুনবেন? ‘হেড্‌ফোন’ নিয়ে, উপরের টুক্‌ ‘হেড্‌স্টে’, মাথার সঙ্গে আঁটা থাকে, আর নিচেরটুক্‌ ‘মাইথ্‌পিস্‌’, মুখের নিচে ঝুলে থাকে। কথা বলতে বলতে তাতে থুথু ছিটকে পড়ে। কত মেয়ের কতরকম তো রোগ থাকে, তার ‘মাইথ্‌পিসে’ অন্য মেয়ের মূখ দিতে ঘেম্মা করে না? কত বর্শোছি, নিজের নিজের আলাদা ‘মাইথ্‌পিস্‌’ দিতে, কেউ কণ্‌পাতও করেনি। আমাদের মধ্যে টিবি রোগী আছে, তার ‘মাইথ্‌পিসে’ও জেনেশুনে মূখ দিতে হয়, হয়ত একটু ‘ডেটল্‌’ বুলিয়ে দিল, বাস্‌।

কে ঝগড়া করবে? সে সুযোগও নেই, ফদরসংও নেই। একটা ‘রেন্ট রুম্‌’ আছে, খান আশ্টেক সোফা কবে কেনা হয়েছিল জানিনে, হয়ত সীতার বনবাসকালে, ছিঁড়ে খুঁড়ে ফর্দাফাই, নারকোলের ছোবড়াগুলো যেন আমাদের দুর্দশা দেখে দাঁত বার করে হাসতে বেরিয়েছে। অল্প কয়েকটা বসবার জায়গা তিন-তিনটে এক্স্‌চেঞ্জের মেয়ে, আটবে কেন? ‘ঝাড়া দ’ ঘণ্টা দাঁড়িয়ে দাঁড়িয়ে ডিউটি দিয়ে আবার দাঁড়িয়ে থাক এখানে, তারপর ডিউটিতে ফিরে গিয়ে আবার

‘সার্কাস’

দাঁড়িয়ে দাঁড়িয়ে কাজ কর, যতক্ষণ না মূর্ছা খেয়ে পড়ে যাও। রাস্তিরে ডিউটি দিতে আসব, শোবার ব্যবস্থা দেখলে মাথা গরম হয়ে ওঠে। সেই ঠাসাঠাসি, গাদাগাদি। দিনের বেলায় সাড়ে সাত ঘণ্টা ডিউটি কিন্তু রাস্তিরে দশ ঘণ্টা। ওভার টাইম একেবারে লবডংকা।

জল খেতে দ্যায়, গেলাসের গায়ে লিপ্‌স্টিকের দাগ, ধোয় না পর্যন্ত। একটা আলমারী কি ডেস্ক নিজের বলতে কিছু নেই। কাজের জামগায় কিছু নিয়ে যাবার নিয়ম নেই। তাহলে কোথায় রাখব? ওভার কোর্টটা? বিছানার চাদরটা? যেখানে খুশী রাখ। খোলা জায়গায় রেখে যাই, ফিরে এসে পাব কিনা কে জানে?

মেয়েটি বললে, গরীবের মেয়ে, তবু আমার একমাত্র ওভারকোর্টটি খোয়া গেছে এমনি কবে। শীত আসছে, এবার বিনা কোর্টেই কাজ করতে হবে। ব্যাগ চুরি গেছে বার চারেক। এর তার কাছ থেকে দু’চার আনা ধার করে বাড়িতে ফিরেছি।

সবচেয়ে দুঃখের কথা, আমরা লোকের নম্বর জোগাই, আর আমাদের কোনো জরুরী দরকারে ‘কল্’ এলে শুনতে পাইনে। আমার সঙ্গে একটি মেয়ে কাজ করত। তার স্বামী অসুস্থ। তাকে রেখেই কাজ করতে আসত। নইলে বেতন কাটা যায়। চিকিৎসার জন্য টাকার তো দরকার। একদিন কাজে এসেছে। হঠাৎ ওর বাসা থেকে ‘কল্’ এল। ক্লার্ক ইন্‌চার্জ শুনল কি শুনল না বলে দিলে, ‘অন্ ডিউটি’। ফোন এল, হ্যালো হ্যালো, ওকে শিগ্‌গির পাঠিয়ে দিন। ক্লার্ক ইন্‌চার্জ ধমকে উঠল, কি খামাখা বিরক্ত করছেন, বলছি না এখন ওকে ডাকা হবে না, ডিউটিতে আছে। এবার অনেকক্ষণ পরে ডাক এল, হ্যালো, ওকে একটা খবর দিয়ে দেবেন, আর তাড়াতাড়ি করে আসবার দরকার হবে না, ওর স্বামী মারা গেছেন, ডিউটি শেষ হলেই তাকে পাঠিয়ে দেবেন।

আপিস কোম্পানীর দফতর

ডালহৌসি। আকাশ ছোঁয়া ইমারত, সহস্র দ্রুতগতি যান আর অজস্র লোক। ডালহৌসি অঞ্চলের আপিস-দিনের দশটা পাঁচটার চেহারা এই।

গতি, শব্দ গতি। ছোট, শব্দ ছোট। শব্দ দ্রুততা, শব্দ ব্যস্ততা। ঘড়ির কাঁটা লোকগুলোকে ধীরে সন্ধ্যা হাটায়। ঘড়ির কাঁটাই লোকগুলোকে ঘোড়দৌড় করায়। ট্রামে বাসে ঝুলতে ঝুলতে ডালহৌসীতে এসে নামে। সচাকিত চোখ পড়ে হয় কোনো ঘড়ি কোম্পানীর বাড়ীর মাথায়, নয়ত জি পি ওর ঘড়ি-গম্বুজে। সর্বনাশ! পাঁচ মিনিট লেট! কি সর্বনাশ! ছোট ছোট, হাজরে খাতাটা এখনো হয়ত পাওয়া যেতে পারে, এখনো হয়ত সুপারিন্টেন্ডেন্টের ঘরে চলে যাবেনি। কড়া রোদ্দে ওদের চাঁদ তেতে ওঠে, দরবাগলিত ঘর ভুরুর নিষেধ এড়িয়ে চোখে ঢুকে খোঁচা মারে। চোখে সর্ষে ফুল দেখার কথা, কিন্তু ওরা দেখে বড়বাবুর রক্তচন্দ্র।

ব্যস্ততায় দ্রুত ধাবমান এই মনুষ্যগণগুলো এখন আর কারো বাবা নয়, ভাই নয়, ছেলে নয়, স্বামী নয়, স্ত্রী নয়, বোন নয়। এখন এই সময়টুকু, আপিস দিনের দশটা থেকে পাঁচটাতক তাদের মাত্র একটিই পরিচয়, তারা কেরাণী।

ঘরে ঢুকে হাজরে খাতায় একটি করে টিক্, হাজির হয়েছি তার প্রমাণ, সময় মত দিতে পারলেই বাস্ নিশ্চিত! এবারে একটা চেয়ার বাগিয়ে বস। এজমালি বিজলী পাথার হাওয়া খাও। সদ্য খেয়ে ছুটে আসায় পেটে অজীর্ণতার বে ব্যাথাটুকু চাগিয়ে উঠেছে, পেট চেপে ধরে তার উপশম কর। তাড়াতাড়ি পেটপূরে খেয়ে আসতে পারিনি, বৈয়ারাকে বল জল আনতে, জল আনলে গলার ঢকঢক ঢেলে খালি পেট পূরো করো।

তারপর শব্দ কর দিনের কাজ, বাঁধা সড়কে চলা। ঘাড় গুঁজে খস খস কলম চালাও। লেজারের পাতা ওলটাও। ফাইলের খুলো ঝাড়, ডিক্টেশন নাও মনিবের। খট্ খট্ টাইপ করো। চিঠিপত্রের জবাব তৈরী করে বড়সাহেবের দস্তখত নাও।

সেই দপ্তরে একটি ফোটা অবসর। লাগু টাইম। যাও এবার মদখে কিছু দিয়ে এস। লাগু না হাত, এক কাপ চা, একটি দুটি সস্তা বিস্কুট, আর গোটা দুই বিড়ি। এই হল আপিস পাড়ার চর্বচোষ্যলোহাপেক্ষের সাধারণ নমুনা। পকেটের তাকতের উপর টিফিনের তারতম্য কিছু হয়, অবিশ্যি। তারপর এক

‘সার্কাস’

সময় এক কাপ চায়ের মত এই স্বপ্ন অবকাশটুকু শেষ হয়। আবার ষাও, বস গিয়ে যার যার চেয়ারে, ঘাড় গুঁজে কাজ কর।

তারপর পাঁচটা। ছুটি। মৃদু। যে ঘড়ি দুই সাঁড়াশি-কাঁটা দিয়ে এতক্ষণ গলা টিপে ধরেছিল, সমস্ত দিনের মতো রক্ত চোষা শেষ করে আলগা করে দিয়েছে তার দাঁড়া। ছাড়া পেয়ে পিল পিল বোরিয়ে এসেছে মানুষের পাল। এখন আর তত ব্যস্ততা নেই, তত উন্মেষ নেই, আছে শুধু সীমাহীন অবসন্নতা, শুধু নিজীবতা।

বাড়ী ফেরায় কারো তাড়া আছে, নতুন বিয়ে, বৌ চেয়েছে ছটার শোভে সিনেমা দেখতে। তাই এত তাড়া। ভিড়ভর্তি ট্রামটায় তারা আরো ভিড় বাড়ায়। কি কারো বাড়ীতে সংকটাপন্ন রোগী, কি কারো টিউশানি, তারাই বা দেরী করে কি করে? ট্রামের ভেতর তাই ঠাসাঠাসি। আর শব্দ হয় গালগল্প।

আরে, মল্লিক, আমাদের সেক্ষনে আজ যা কাণ্ড হয়েছে, তা আর কি বলব? বাঁড়ুজ্জে আজ লেট্। কারণ লিখলে স্ত্রীর অসুখ। তারপর পর পর যারাই ‘লেটে’ এসেছে কারণের ঘরে ‘ডু’ বসিয়ে গেছে। কে আর ভাল করে দ্যাখে, আবার নতুন করে কে লেখে। মিসেস্ বিশ্বাস, মিস্ চক্রবর্তী ওরাও লেট। ওরাও স্ত্রীর অসুখের নিচে ‘ডিটো’ দিয়ে গেছে। আর যাবে কোথায়? খাতাখানা দেখেই তো সুপারিশ্টেণ্টেণ্ট বড়োর মেজাজ একেবারে চড়াক-চাঁই। লেট্-ওয়ালাদের সব ডাকালে। তারপর খাতা দেখিয়ে সম্বাইকে একচোট নিলে। বলি পেয়েছেন কি আপনারা শুন, একই দিনে সবারই স্ত্রীর অসুখ করে গেল? বলি পরামর্শ করে নাকি? মিসেস্ বিশ্বাস, মিস্ চক্রবর্তী আপনাদের স্ত্রীরও অসুখ? বলি বাড়াবাড়ি নয় তো? ও! সে যা সিন্ একখানা, একেবারে যাকে বলে সিন্‌সিনাকি বদলাব্দ মাইরী। বদলে, তারপর সেক্ষনকে সেক্ষন মিস্ চক্রবর্তীর পেছনে লাগল। একজন একজন যায় আর জিগ্যেস করে, মিস্ চক্রবর্তী, ভাল ডাক্তার দেখাচ্ছেন তো, স্ত্রীর অসুখকে ‘নেগলেস্ট’ করবেন না। বলেন তো সুবোধ মিত্তরকে ভিয়েনা থেকে ডেকে পাঠাই। ইনি আপনার প্রথম স্ত্রী? মিস্ চক্রবর্তীর দফা গয়া হয়ে আছে।

জানেন দত্তদা, আমাদের সুরমা কাজ ছেড়ে দিয়েছে।

বলিস কি? তাদের সেক্ষন যে কানা হয়ে পড়বে, তাহলে।

হ্যাঁ, দাদা, কাজকর্মে আর মন নেই কারো। ওই তো ছিল ‘ইনসপিরেশন’। আমাদের আর কি, দুটো একটা কথা কইতো, দু এক খিলি পান চেয়ে খেত, বাস্। ওই আমাদের স্বর্গ প্রাপ্ত। তা এমন কপাল দাদা, তাও সইলে না। কি চেহারা!

‘সার্কাস’

কি রাইট! কিছুই তো করতে হত না, করতও না, ওর কাজ যা কিছু আমরাই তো করে দিতাম। সুপারিশ্টেণ্ডেণ্ট অবদি ওর কাজ করে দিয়েছে। সুপারিশ্টেণ্ডেণ্ট তো মদুৰড়ে পড়েছে। পড়বে না, সুদমা আসার পর থেকে কামাই নেই, কারো, লেট নেই। চেয়ার ছেড়ে নড়ত না পর্যন্ত কেউ, কি কাজের ঘটা।

হ্যাঁরে, তা এত সুখ ছাড়লে কেন মেয়েটা?

না ছেড়ে করবে কি বল? ওই যতটা, ওই যে ‘লিভ্ সেকশনের’ হোঁকাটা, ওই ব্যাটাছেলেই তো গোলমালটা বাধালে। হাইকোর্ট থেকে একটা ছেলে আসত, দেখেছিলেন, সুদমাকে যে পেঁছে দিয়ে যেত, ওর ব্যাগ্ ওয়াটারপ্রুফ বইতো, একসঙ্গে টিফিন খেতে যেত, সেই ছেলেটাকে যত একদিন আছা ধোলাই দিলে। বললে, হাইকোর্টের ছেলে হয়ে নজর দিচ্ছ এ-জির মেয়ের ওপর। ফের যদি এদিকে ঘুর ঘুর করতে দেখি তো খুপাড়ি খুলে নেব। তারপরেই যতের সঙ্গে সুদমার ভাব হয়ে গেল। ভাব থেকে লাভ্। লাভ্ থেকে বিয়ে। দশজনের আনন্দ একজনেই বাগিয়ে নিলে। এদেশে এখনো ঘোর ‘ইণ্ডিভিজুয়ালিজম্’ চলছে দাদা, ‘পাবলিক্ সেন্স গ্রোই’ করেনি, বদ্বলেন।

আরে শ্লা সন্তোষ যে। একা? কাউণ্টার-পার্টিট কই।

কে অরুণ? সেটাকে তালুক দিয়েছি। বড় কাটিয়ে দিলুম। আরে ভাই সেদিন ওই যে লেখাটা ওকে পড়ালুম না, বাস্ তারপর থেকেই শালাকে কাট্ দিয়েছি। অত বড় এক্সপেরিমেন্টটা ধরতেই পারল না। সেরেফ বলে দিলে কেরাণীর বাচ্চা হয়ে যে কবিতা লেখে সে নিউরোটিক। হারামী নাম্বার গুয়ান।

কিন্তু ও নিজে লেখে যে! বইও ছেপেছে। দূরের আকাশ। আ! কি সব কবিতা ভাই। সুপার্ব। বুক সিন্ সিন্ করতে থাকে।

রেখে দাও রেখে দাও তোমার নাইডু। মাস্তাক এখনো মাস্তাক। ওর জুড়ি আর ন ভূত ন ভবিষ্যতি।

কলকাতায় তো আর থাকা চলে না। কফি কিনতে গেলুম বাজারে তা ছটাকি একটা কফি দাম চাইলে পাঁচ সিকে।

গিটিকট?

আছে। কই?

মাম্বলি।

দেখি।

‘সার্কাস’

তুমি কি ধরনের উল্লুক হে। ভদ্রলোকের কথায় বিশ্বাস নেই।

খামাখা গাল দিচ্ছেন কেন মশাই। ওর ডিউটি ওকে করতে হবে না? টিকিট দেখালে কিছ্ মহাভারত অশুদ্ধ হয়ে যাবে না।

ওই বাঃ, মাশুলীটা কি হল? দেখি মিস্ত্রি পাঁচটা পয়সা। নাও হ’ল তো? যেন ফাঁকি দিয়েই চলে যাচ্ছিলাম। আমরা তেমন লোক নই, হ্যাঃ।

একী, মেয়েছেলেদের কাপড় ধরে টান দিচ্ছেন কেন? আম্পর্দা তা কম নয়।

ভেরি স্যারি, দৈবাৎ হাত লেগে গিয়েছে।

ইয়ার্ক করার জায়গা পান না। দৈবাৎ লেগে গিয়েছে? লায়ার কোথাকার। এই নিয়ে পাঁচবার টান দিয়েছেন। বড়ো হয়েছেন, কিছ্ বললাম না। ছি ছি।

বা দাদু বেশ। সিকিং সিকিং বেশ চলছে। আঁ। দিন দুঘা কষিয়ে।

আরে ভাই বিপদ তো এই বড়োদের নিয়েই। শরীরের তেজ কমছে, তাই মেয়েদের পাশে দাঁড়িয়ে, গন্ধ শব্দকে, আঁচল টেনেই সাধ মেটায়। এ তো ‘কমন্ সাইকোলজি’।

তারপর তোমার ছেলেটার খবর কি?

মারা গেছে।

সে কী, কবে? কি হয়েছিল?

সেস্টিক। ডাক্তার পেনিসিলিন দিতে বললে। পাঁচশ লাখ পেনিসিলিন দেওয়া হল। কিছ্ হল না। পরে জানা গেল ওষুধগুলো জাল।

চ্ছুক্ চ্ছুক্। কি বলব ভাই দুনিয়াটার হল কি? নীতিজ্ঞান কি একেবারে লোপ হয়ে গেল। এদের ধরে ধরে ফাঁসিতে ঝোলানো উচিত। জীবন নিয়েও ব্যবসা।

হ্যাস্‌শালা।

কি হল রে? দীর্ঘশ্বাস ফেলছিঁস কেন?

চাকরী আর থাকবে না। তিনদিন ধরে হিসেব মেলাতে পাচ্ছিঁনে। শালা কোথেকে ছটা পাই যে বেশী হচ্ছে, একেবারে মাথা খারাপ হয়ে যাবার যোগাড়। চাকরী তো বাবেই, বোটাও হাত ছাড়া হয়ে গেল বোধ হয়।

সে আবার কি?

বলিস কেন ভাই। ছ’ পাই-এর ঠেলায় অস্থির, রাতে ঘুম নেই। এদিকে

‘সার্কাস’

একাউণ্ট বন্ধিয়ে দেবার তাড়া, তার উপর বউ-এর ম্যানম্যানানি। চাল নেই, কল্যা নেই, বাচ্চার ফুড নেই। এনে দাও। যেন হচ্ছে করেই আমি ওসব সরিয়ে রেখেছি। এই নিয়ে কথার থেকে কথান্তর। আর কি, বউ গেছেন, বাপের বাড়ী আমিও দিবা দিয়ে দিয়েছি, আমি মরবার আগে যেন আমার বাড়ীতে না ঢোকে। সেই ইস্তক মনটা খারাপ। শালার আপিসে গিয়েছিলাম। দেখা পেলাম না। মনটা বড় খারাপ হয়ে গেছে। মানে বউটা আবার বড় সার্টিফিকেটাল কিনা, তাই ভাবনা। খুশ্ শালার সংসারে আর থাকব না। যেখানে সিম্প্যাথি নেই, সেখানে আর কি সদ্‌থে থাকা!

আরে নন্দদা যে ওদিকে গুটিগুটি হয়ে বসে আছেন যে। কি ব্যাপার আপিসেও যান নি দেখি।

এই ইয়ে, তোমার বউদির আবার—

কেন কি হয়েছে বউদির।

মেয়ে।

মেয়ে? এবারেও মেয়ে। আগের বছর যেন কি হ’ল?

মেয়ে।

ও, তা তার আগে?

মেয়ে।

তার আগে।

মেয়ে।

ও বাব্বা, বউদি যে দেখছি মেয়ে কলেজের বাস একখানা। দরজা খুলছেন আর মেয়ে বের হচ্ছে।

তাহলে বিয়েটা তুই করলিনে শেষ পর্যন্ত।

নাঃ।

তাহলে মেয়েটাকে নাচালি কেন শুধু শুধু।

সেটা ভুল। নাচাইনি তো, ঠিক করে ছিলাম বিয়ে করব। মেয়েটাকে স্পষ্ট করে বলিনি কিছু। বাবা-মা খুস্তান মেয়ের সঙ্গে বিয়েতে মত করবেন না। মা তো শুনে অবধি কান্নাকাটি লাগিয়েছে। ভাই বোন এদেরও যে মত ভাও নয়। তবু এ রিস্ক নিতে রাজী ছিলাম।

তা আবার মত बदলালি কেন?

ফ্যাটের জন্য—

ফ্যাটের জন্য?

‘সাক্ষী’

হ্যাঁ। তুই তো দেখিসনি, লেকের কাছে কি লাব্‌লি এক ফ্ল্যাটে সে থাকে। এই গৃহসঙ্কটের দিনে অমন ফ্ল্যাট যে-কোনো রিস্কই নেয়া যায়। আর এতো সামান্য বিয়ে। সেইজন্যই বিয়ে করব ভেবেছিলাম। এমনকি, বাপ-মা-ভাই—এদের অমতেও। যেদিন মতটা ওকে জানাব ভেবেছিলাম, সেই দিনই লাগু টাইমে ওর সঙ্গে দেখা। হস্তদন্ত হয়ে আমার আপিসে এসে হাজির। বলে, একটা ঘর খুঁজে দিন আমাকে। কার জন্যে? বললে, কার জন্যে আবার, আমার জন্যে। বললাম, কেন আপনার ফ্ল্যাটটা কি হল? এক গাল হেসে বললে, ওটা তো আমার নয়। আমার এক বন্ধুর দাদার। বিলেত যাবার সময় আমার জিম্মায় রেখে গিয়েছিলেন। আজ বোম্বে থেকে তার করেছেন, সস্ত্রীক কলকাতা পেঁছাচ্ছেন।

এখন কি করি বলুন তো? আর তো ওখানে থাকা চলবে না।

বোম্বে ব্যাপার। তাই কেটে পড়লাম। কেরাণীর কপালে আবার ফ্ল্যাট, তাও আবার পূর্ব-দক্ষিণ খোলা। বামন হয়ে চাঁদে হাত, হ্যাঃ।

ট্রাম এসে অবশেষে টার্মিনাসে থামল। বড় জোর ঘণ্টা খানেকের জার্নি। এই একটু সময়, আপিস পরের পথটুকু, এই পয়তাল্লিশ মিনিট কি এক ঘণ্টা সময়—এই সময়টুকুই এদের অবসর। ভাবনার জোয়াল থেকে মনকে একটু মুক্তি দেওয়া যায়। কেরাণীর পোষাকটি ছেড়ে মানুষের পরিচ্ছদে আত্মপ্রকাশ করা যায়। তারপর আবার যে কে সেই।

স্বপ্নতীরে থাম তালুক

ভদ্রলোক বললেন, আরে ডিপ্লোমা দেখবার দরকার হয় না। কলকাতা রুনিভার্সিটির ছেলের 'ইন্সটাম্পো'ই আলাদা। পার্বালিক সার্ভিস কমিশনে তো হরবখং দেখাছি। কিছু একটা জিগ্যোস করেছ কি অমনি, 'বেগ' ইওর পার্ডন্ স্যার'। বাস্ বৃক্কে নিলে কলকাতার রপ্তানী। আরও তো জায়গা বে-জায়গার ছেলেরা আসে, কিন্তু এমন ঠাসবুনোন উজ্জ্বল এক কলকাতা ছাড়া আর কুণাপি মিলবে না। কাজেই হটে যাচ্ছে। যেমন এক একজনের ছিঁরি, অকালে বড়ো মেরে গেছে, না আছে এনার্জি না ভাইটালিটি। কমনসেন্সট্রুও সব যেন স্মারভাঙ্গা বিল্ডিং-এ বন্ধক রেখে বোরিয়ে এসেছে। আরে ভাই সাধারণ একটা কথা জিগ্যোস করলেই 'ফ্যালাট'। কেতাব খুলে যা জিগ্যোস কর টকাটক বলে দেবে। তা সে ইকনমিকসই হোক আর দর্শনই হোক আর ইতিহাসই হোক। কিন্তু বইয়ের পাতার বাইরে একটা অতি সামান্য জিনিস জিগ্যোস কর অমনি হাঁ হয়ে যাবে। আর সে হাঁও আবার লম্বা চওড়া এমন যে খান তিনেক আড়াইটনি ট্রাক পাশাপাশি ঢুকে যেতে পারে।

এক ছোকরাকে প্রথম কোশ্চেনই জিগ্যোস করলুম, হোল্লাট্ ইজ্ ইওর ফাদার? ছোকরা জবাব দিলে, মাই ফাদার ইজ্ এ ম্যান্। বললুম, বাপু হে, তোমার বাবা বনমানুষ যে নন তা তো দেখতেই পাচ্ছি, বলি করেনটা কি? তখন একগাল হেসে বললে, স্যার, ভিকল অব্ ক্যালকাটা। বল দিক, এইসব ছেলেরাই যদি ডিগ্রীধারী তো সে জাতের পরমায়ু আর কতদিন? অথচ বাঙালীর ছেলেরা যে গবেট সে কথা তার পরম শত্রুরেও বলতে পারবে না। তবেই দেখ, বিদ্যের কি যে কলই বানিয়েছে বাঙালী—এই কলকাতার রুনিভার্সিটি—তুখোড় ধারালো ছেলে সব এক মদুখ দিয়ে ঢুকছে আর আশুতোষ-স্মারভাঙ্গা ঘুরে ওমদুখ দিয়ে ধার ভাঙা মেসশাবক বেরুচ্ছে। বিদ্যের ব্যাপারে যারা সব ঠিকদারী নিয়ে বসে আছেন, তাঁরা নিজেরাই যে এক একটা বিস্ময় পর্বত। মাথার চুল থেকে পায়ের নখ অবধি পাকা পাথরের গাঁথনি, একেবারে সলিড্ মাল, তা তাদের হাত দিয়ে আর এ ছাড়া কি বেরবে।

ভদ্রলোক বলতে বলতে উত্তেজিত হয়ে উঠলেন। বললেন, এখন বাঙালীকে যদি সারভাইব্ করতে হয়, পিছুহটার পাল্লা থেকে সরে যদি এগিরে

‘সার্কাস’

স্বপ্ন দেখতে হয় তো বাঙালী মানুষেরই কর্তব্য হ’ল না হোক অন্তত মাসে একদিন সম্মার্জনী দিবস পালন করা। গোলদীঘর পশ্চিম পাড়ের ওই তিনটি বিল্ডিংএর কামরায় কামরায় এত আবর্জনা জমেছে, সম্বাই মিলে ঝাটা না চালালে তা সাফ করা যাবে না। এ আমার অভিজ্ঞতা থেকে বলছি।

এমন ধারা মন্তব্য শুনেছিলুম এক বিদেশফের্তা শিক্ষকের মুখ থেকে। পেটে কিছ্‌র বিদ্যে আছে, সেই সুবাদে যুরোপ আমেরিকার ভ্রমণে গিয়ে বক্তৃতা করে বেড়িয়েছেন। বললেন, য়ুনিভার্সিটির গায়ে দোকানপাট, এ আর কোথাও দেখিনি। যেখানেই যান, য়ুনিভার্সিটি দেখলেই মনের ভাব একটু অন্যরকম হয়ে ওঠে। কি সোবার অ্যাটমস্‌ফিয়ার সৈন্যকার। আর এটাকে দেখুন দিকি। কি ক্যাডাভারাস্‌। এখানে জুতোর দোকান, গুদিকে কাপড়ের দোকান, সে পাশে সার্জিক্যাল ইনস্ট্রুমেন্ট, একেবারে ‘হরেকরকম্বা’। এখন একটা ‘আদর্শ’ হিন্দু হোটেল—ভদ্র মহিলাদের জন্য পৃথক বন্দোবস্ত’ সাইনবোর্ড ঝোলালেই ছবিটা কম্পিলিট্‌ হয়ে যায়। পারমিশন নেবার জন্যে ভাইস্‌-চ্যান্সেলারকে লিখব ভাবছি। বিষয়টা কিন্তু ভেবে দেখবার মত। কত যে মূর্খকিলে পড়তে হয় তার ঠিক আছে কিছ্‌র? বাইরে থেকে ছাত্র আসছে, প্রোফেসর আসছে হরদম। এই দোকানের নামাবলী-মোড়া য়ুনিভার্সিটি দেখে তাদের মূগ্ধ ঘুরে যাচ্ছে।

একবার একদল বিদেশী ছাত্র ওই পেলায় কাপড়ের দোকানটার ঢুকে চুপচাপ একপাশে বসে বসে কাপড় বেচা দেখাচ্ছিল। দোকানী এদের শ্রদ্ধে, কি চাই? ওরা বিনীতভাবে জবাব দিলে, স্যার, আপনার শিক্ষাদান পদ্ধতি দেখাচ্ছি। তারপর সঙ্গীর দিকে ফিরে বললে, মেথড্‌টা খুবই প্র্যাক্‌টিক্যাল, নয় কি জন? জন্‌ বললে, ও সিওর, নিশ্চয়। এটা একেবারে খাস এ য়ুনিভার্সিটির বৈশিষ্ট্য। তারপর মশাই, দেশে গিয়ে এরা এক আর্টিকেল লিখলে, কলিকাতা বিশ্ববিদ্যালয়ের শিক্ষাদান পদ্ধতি সবই মামুলী। তবে প্র্যাক্‌টিকেল্‌ বিজিনেস্‌ ট্রেনিংএর যে বিভাগটি দেখলাম সেটি একেবারেই নতুন।

সরস্বতীর খাস তালুকের প্রজা হবার মতো চিকন কপাল আমার নয়। ট্রাম বাসে যাই আর চোখ টেরিয়ে চাই। একবার এক বন্ধুর কাছে ভেতরে ঢুকেছিলুম। আর তাইতে আমার পুরো আক্কেল গজিয়ে গিয়েছে।

আমার এক বন্ধুর ভাই-এর মার্শালীট নিতে হবে। টাকা নিয়ে হাজির হলাম। কিন্তু নিয়ম-কানুন কিছ্‌ই জানিনে। একে ওকে তাকে জিগ্যেস করতে করতে বেতলা পাক খাচ্ছি। হঠাৎ হাজির হলাম এন্‌কোয়ারী আপসে। টেবিলের ওপর নুটিশ লেখা--অফিসার ইজ্‌ আউট্‌, স্লিজ ওয়েট্‌। অর্থাৎ কিনা কস্তা বাইরে গেছেন, একটু দাঁড়ান। দাঁড়িয়েই থাকলুম।

‘সাক্ষী’

ভেতরে জন কতক বসে আছেন। সেখানে তখন তুমুল তর্ক চলছে। বেড়ালে শ্লেগ ছড়ায় কি না। একটা বড়ো আর একটা ছোটরা। ছোটরা বলছে, ছড়ায় না। বড়ো বলছে, আলবৎ ছড়ায়। এক দেহ থেকে ছোঁরা লাগলেই আরেক দেহে ও রোগ ছড়িয়ে পড়ে, আর এতো বাবা জলজ্যান্ত বীজাণুকেই পেটে পুরে রাখা। বেড়ালে ইঁদুর খায়, আর কে না জানে ইঁদুরের গায়ে শ্লেগ থ্যাক্ থ্যাক্ কচ্ছে। বেড়াল কখনো মানুষে পোবে?

আমি দাঁড়িয়েই আছি। আরো ক’জন আমার মত জমে গেলেন। সোঁদিকে শ্রুক্ষেপ নেই। ভেতরে তখন বেড়াল প্রসঙ্গ শেষ হয়ে অন্য আলোচনা শুরু হয়ে গেছে। হাইকোর্টে কার সম্মান বেশী। জুরীর না জজের। ছোটরা বলছে জুরীর, বড়ো বলছে জজের। সে এক হাতাহাতি ব্যাপার। আমরা ঠান্ন দাঁড়িয়ে। মিনতি করে বললুম, মশাই, একটা কথা জিজ্ঞাস্য করতে পারি? বড়ো ধমকে উঠলে, ডিস্টার্ব করবেন না এখন। বললুম, মার্শাল নিতে হলে কোথায় টাকা জমা দিতে হবে, একটু বলবেন কি? বড়ো বললে, তা জানেন না তো এসেছেন কি কণ্ডে? যে জানে তাকে পাঠিয়ে দিন গে।

আবার শুরু হল অন্য প্রসঙ্গ। ফিল্মে নামলে, মেয়েদের ক্যারিয়ার সত্যিই নষ্ট হয় কি না? ধমক খেয়ে ধমকে গিয়েছিলাম। জবাব দেবার আগেই পেছন থেকে এক তাগড়াই জোরান এগিয়ে এল। গুলো ফুলিয়ে বললে, খাসা রসিকতা তো, এনকোয়ারী অফিসে বসে আছেন আপনি, আর খবর যোগাড় করতে যাব পণ্ডা তেলির কাছে? বলি কি পেয়েছেন? ছোটরা একটু ঘাবড়ে গেল। বললে, যান না, ওসব দ্বারভাণ্ডার।

একটি মেয়ে বললে, তবু আপনাদের দেখলে কথাবার্তা বলেন, আমরা যে গতজন্মে কত পাপ করেছিলুম। দু বছর য়ুনিভার্সিটিতে পড়েছি তা দেখুটি বছর গেছে শুধু সেক্রেটারীর অফিস আর অ্যাসিস্ট্যান্ট কন্ট্রোলারের অফিস আর রেজিস্ট্রারের অফিস করতে করতেই। পড়াশুনা কখন করব? এমনই এক একটা অফিস যে দশবার করে গেলে তবে একটা কাজ করে ওঠা যায়। আমরা এক বন্ধুর ‘পারমিশন’ এসেছে। এদিকে মিস্ অমুক বলে নামটি লেখা হয়েছে আবার ভেতরে লেখা ‘হিজ’। তাই দেখে বললুম, ভাই, এটা ‘হার’ করে নাও, নইলে এদের ব্যাপার জানিস তো। মেয়েটি দেড় মাস পরে এসে বললে, ভাই এখনো আমাকে ‘হার’ করতে পারলুম না, তুই একটু দেখাবি। গেলাম এনকোয়ারীতে। গিয়ে দেখি বড়োবাবু টেবিলে পা তুলে দাঁবি একটা ঘুম লাগিয়েছেন। ডাকাডাকি করতেই ধমকে উঠলেন, চুপ করুন, এটা আপনাদের

‘সার্কাস’

হোস্টেল নয়, কন্সনট্রেশন্‌ নস্ট করে দেবেন না। কি করবো ধমক খেয়ে চুপ মেয়ে থাকলাম।

আরেকটি মেয়ে বললে, ইস্কুলের যে স্মৃতি, কলেজের যে স্মৃতি মনে উজ্জ্বল হয়ে আছে তেমন কোন ছবি জীবিত বেলায় নেই। কেমন যেন এলোমেলো ভাব, কারো সঙ্গে কারো অন্তরের যোগ নেই। কেমন কেমন যেন। অথচ কত তো স্বপ্ন ছিল। যেদিন শুনলাম অ্যাডমিশান পেয়ে গেছি সেদিন থেকে কত আগ্রহে প্রতীক্ষা করেছি প্রথম দিনের প্রথম ক্লাসটির জন্যে। থাকতাম সেই কতদূর মফস্বলে, তাড়াহুড়ো করে এলাম। দূর দূর বন্ধে ক্লাসে গেলাম। না জানি কি শুনব? ও মা, কিছুই না। প্রোফেসার মশাই দায়সারা গোছ দূচার কথা বলেই চলে গেলেন। আমি তো ধপাস করে মাটিতে পড়লাম। তারপর সবই গতানুগতিকতায় গড়িয়ে গেছে।

ঘুরছি ফিরাছি এক ভদ্রলোকের সঙ্গে দেখা। আমাকে দেখে জিগ্যেস করলেন, হ্যাঁ মশাই, এখানকার কস্তাব্যাক্তি কে বলতে পারেন? বললাম, নামে তো জানি ভাইস-চ্যান্সেলার। কেন বলুন তো? দেখি ভদ্রলোকের চুল উস্কুখুস্কু, চোখ বসে গেছে।

ভদ্রলোক বললেন, দেখুন তো কি মর্শাকিলে পড়েছি। কাল ছেলের ইন্টারভিউ, মেডিকেল কলেজে ভর্তি হবে, কবে টাকা জমা দিচ্ছে, আজও মার্শালীট বের করতে পারলাম না, আজ না পারলে সর্বনাশ হয়ে যাবে, ছেলোটর কেরিয়ার খতম হয়ে যাবে, কি করি বলুন তো? কার কাছে যাই? নিয়ম হচ্ছে ফি জমা দেবার তিন দিনের মধ্যে মার্শালীট দিতে হবে। তা দেখুন, দিস্ ইজ্ দি টেনথ্ ডে, আজ নিয়ে দশ দিন। এসেছি দশটার আর এখন বেলা বাজে তিনটে, ঘুরে ঘুরে হররান হয়ে গেলাম। এ ডিপার্টমেন্ট বলে ওখানে যান, ও বলে সেখানে যান। কি করি বলুন তো, আজ মার্শালীট না পেলে সর্বনাশ হয়ে যাবে। এর জবাব দেবার মতো ক্ষমতা আমার ছিল না। ভদ্রলোক পাগলের মতো আরেক ধারে চলে গেলেন।

আরেক ভদ্রলোকের সঙ্গেও কথা হচ্ছিল। তিনি পড়াশোনার কথায় ক্ষেপে উঠলেন। বললেন, রাখুন রাখুন, আমার জানা আছে, পড়াশুনা কেমন হয়। সবার কথা বলছি, কিন্তু বেশীর ভাগ প্রোফেসারই তো হিজ্ মাস্টারস্ ভয়েস্। দিনের পর দিন বছরের পর বছর, একই লেকচার দিয়ে চলেছেন, কমা ফর্দুলিস্টপাটি পর্বন্ত মদুখন্ড। তার চেয়ে বাবা এক কাজ করলেই হয়, রেকর্ড করিয়ে নিলেই হয় লেকচারগুলো, একটা কলের গান টেবিলে বসিয়ে রেকর্ড চাপিয়ে দিলেই ল্যাঠা চুকে যায়, গলার কণ্ট বাঁচে। পড়াশুনার তো

‘সাক্ষী’

এই ছিঁরি, আবার ফেল করাবার ঘটটা দেখুন। আমার এক বন্ধুর মেয়ে এবারে পরীক্ষা দিয়েছিল। যথারীতি রেজাল্ট বেরুল, তার নাম নেই। ক্রস-লিস্ট আনানো হল, ইতিহাসে ফেল। মেয়ে বললে, এ হতেই পারে না, আর যাতেই হোক, হিস্ট্রিতে ফেল করতেই পারিনে। আমার খাতা আবার দেখা হোক। ওঃ কি বলব মশাই, সেই খাতা রি-একজামিন করতে গিয়ে আমার লাইফ কমসে কম সাত বছর কমে গেছে। শেষ পর্যন্ত একশ রকম টালবাহানা কাটিয়ে তবে খাতা আবার দেখাই। মেয়ের কথাই সত্যি। যিনি খাতা আবার দেখলেন তিনি চুক্ চুক্ করে বললেন, বড়ই আফশোস, মেয়েটার প্রতি খুবই আঁচর করা হয়েছে। এ মেয়ে পাশ করে যেত।

বললুম, যেত কি মশাই, পাশ করিয়ে দিন। ভদ্রলোক জিভ্ কেটে বললেন, তাকি পারি? বাঃ কেন পারবেন না। ভদ্রলোক বললেন, কি করি বলুন, প্রোফেশন্যাল কার্টসি। সহকর্মীর বেইজ্ঞ জ্ঞানত করি কি করে? সত্যিই মেয়েটির ব্যাডলাক্। আবার একবার পরীক্ষা দিক, আর কি। তাই শুনলে আমি তো থ। চোখের উপর একটা মেয়ের ভবিষ্যৎ নষ্ট হয়ে যেতে বসেছে, বন্ধু সন্ধুও, অনায়াস হয়েছে তা স্বীকার করেও চুক্ চুক্ এর বেশী ভদ্রলোক কিছু করতে পারলেন না। শেষে আমি বললুম, মশাই, বুঝতেই তো পারেন মধ্যবিত্তের মেয়ে, একবারের বেশী পড়বার টাকা যোগাড় করবে কোথা থেকে, জীবনটা মাটি হয়ে যাবে? আপনার কাছে তো ফেবার চাইছি না, পাশ করা মেয়ে ফেল করিয়ে দিলে, তারই প্রতিকার করতে বলা হচ্ছে। ভদ্রলোক ফের চুক্ চুক্ করে বললেন, সবই বুঝি ভাই, কিন্তু করবার কিছু নেই। তখন বললুম, তবে খাতা ফিরে পরীক্ষা করার মানে কি হল? ভদ্রলোক জবাব দিলেন, ওই একটা স্যাটিস্ফেকশন্ আর কি? নম্বর নতুন করে বাড়ানা আর চলবে না, তবে যোগেটোগে ভুল থাকলে শ্রদ্ধে দেওয়া যেত। বারোটো বেজে গেল মেয়েটার আর কি?

আর একজন তাড়াতাড়ি বললেন, তাহলে আমার কথাটা শুনুন। আমার ভাইপো, মশাই মোটামুটি ভাল ছেলে। আই এ পাশ করে বললে, বি এস-সি পড়ব। ফিজিক্স কোমিসিট আর বায়োলজি ইন্টারমিডিয়েটেই ছিল। পরীক্ষা দেবার সময় কিন্তু অঙ্ক না থাকলে বি এস-সি পড়া যায় না, আলাদা করে আই এস-সিএর অঙ্কের পরীক্ষা দিতে হয়, তাই দিলে। তারপর বি এস-সি পরীক্ষাও দিলে। ফল বেরুলো, ওর নাম নেই। কি ব্যাপার? না অঙ্কে ফেল করেছে। গিয়ে জিগ্যাস করলে, আর বি এস-সি, তাতে পাশ করেছে তো, কিছুতেই জানতে পারলে না। আবার এক বছর ধরে শ্রদ্ধে ইন্টারমিডিয়েটের

‘সাক্ষী’

অক্ষই পড়ল। পরীক্ষা দিলে ফের। অঙ্ক খার্ড হয়ে গেল। খুশী হয়ে বি এস-সি’র রেজাল্ট জানতে গেল। এতদিন বাদে শুনল তাতেও ফেল। দু বছর লাগল ফেল করতে। সেই যে বাড়ি থেকে বেরিয়ে গেল আর ফিরলে না। দুদিন বাদে হেলার স্ট্রীট থানা থেকে খবর পেয়ে মর্গ থেকে তার মৃতদেহ বের করে আনলাম।

কদিন ঘরে কটি মাত্র ঘটনার কথা বললুম। আরো ঘুরলে আরো মিলত। কিন্তু সরস্বতীর খাস তালুকের ঠিকদারদের রাজগারে বিন্দুমাত্রও ঘাটতি হত না, বিশ্ব্যপর্বতের অনড়তায় একটুও চাম্গুল্য জাগত না। ব্যবসা যে একচেটে!

ধোড়দৌড়

(এক)

রূপেয়ার ঝিলিক কড়া-ঝিলিক। যার আঁখিতে সে ঝিলিক একবার চোট মেরেছে, সে জখম। তার চক্ষে লাগে ধাঁধাঁ। তারপর ঘেঁদিকে আলো-আলো দেখে, সেই দিকে দৌড়য়। আগুপাছু চাওয়া নাই, ভাবাচিন্তা কিছু নাই, একেবারে বে-দিশা, বে-হুঁশ, বাওরা। তারপর একদিন যখন ঠেক খায়, হুঁশের গাছে পাতা ওঠে নতুন করে, আক্কেলের পানি চোখের ঘুম মূছে ফেলে, তখন বোঝে যাকে নিশানা করে ছুটেছিল, তা আলো নয়, আলোয়া। তা পথ দেখায় না, পথ ভোলায়।

এই রেস অর্থাৎ ধোড়দৌড় এমনি এক আলোয়া। ঢোকবার মূখে হৈ হৈ, বেরুবার মূখে হায় হায়।

হুঁতার বেবাক দিনগদলি একেবারে পান্‌সে। ইনফুলুয়েঞ্জার শেষের মত। হ্যাঁ, বিষদ্যতবার হল তো একটু নড়াচড়া, একটু উস্‌খুস্‌। শব্দুবার হল তো একটু চুলবুল চুলবুল। চাপা পড়া উত্তেজনার চুলে উৎসাহের চিরুণী বুলোনা শব্দ হল। তারপর শনিবার হল কি, বাস্‌, বাঁধ ভাঙা স্রোত চলল, হেঁটে, নয় মোটরে, নয় ট্রোমে। কোথায়? না, রেস-ময়দান। দূরে দূরে, শয়ে শয়ে, হাজারে হাজারে।

দুটি টাকা ফ্যালো, ‘গেট্‌মার্নি’, টিকিট কেনো, ভেতরে ঢোকো। তারপর আর কি? হিসেব তো কষাই আছে। কিসে খেলবে? কত খেলবে? ট্যাকের অবস্থা বেশ মোটা তো? বহুৎ আচ্ছা। প্রেম্‌সে খেলো। এসো টিপ্‌স্‌ বলে দিই।

কি, বেলুড় স্লেট্‌ থেকেই শব্দ বদ্বি আজকে? আচ্ছা। তবে তো ভালোই, এসো স্বামীজীর নাম নিয়ে ঝুলে পড়ি, কাটো শালা ‘উইনে’, পনর টাকা লাগাও। ‘ড্রাই ডে’, ‘ড্রাই ডে’তে ধরবে ভাই, মনটা সকাল থেকে ‘ড’ ‘ড’ করছে। আপিসে বেরুবো, ছোট ছেলেটা হামাগুড়ি দিয়ে সামনে এল। কোন দিন করে না ভাই, ধর্মত বলাই, দু-হাত দিয়ে কোঁচা চেপে ধরে, মূখ তুলে আওয়াজ ছাড়লে, ডা ডা ডা। আপিসে দেবী হয়ে গেস্‌ল, সাহেব গাল দিলে, তাও মাইরী ড্যাম্‌ বলে, এতগুলো বোগাবোগ যখন তখন ‘ড্রাই ডে’, শালা

‘সার্কাস’

‘সিওর উইন্’। নির্ঘাৎ বাজী মারবে। এই বলে দিলাম। দস্ত, জন্ন বাবা বেলুড়েবর বলে ছ’খানা ‘উইন’ কেটে ফ্যাল।

আরে খেদর, তোমার ‘ড্রাই ডে’, ও-শালার বত লপচপানি ‘স্টাটে’। ‘ফিনিসে’ গিয়ে হেঁদিয়ে পড়ে। ঘোড়া চেনো বাবা। আমি ‘বলছি ‘কলি ফ্লাওয়ার’। ‘পাস্ট্ রেকর্ড’টা দেখেছ একবার! অর্ডিনারী ঘোড়া নয় বাবা, ‘জেক্ট প্রোপেল্ড’। আর কি বংশ! একেবারে নৈকুণ্ঠ কুলীন। ওর ঠাকুমা তিনবার ডার্বিতে সেকেন্ড, দিদিমা দু’বার আইরিশে ‘উইন’, বাপ গ্রান্ড বরাবর স্লেস রেখেছে, আর মা, আহা হা, অমন একটা মেয়ে লাখে মেলে মশাই। ডার্বির পর ইন্ডিয়াতে এল। প্রথমেই বোম্বাইতে দৌড়লে, জকি ছিল কানা প্যাট্। একেবারে হাউই ছোঁড়া দেখিয়ে দিলে মশাই। ‘গোল্ডেন বারের’ দৌড় তো সেবারে দেখেছিলেন, অমন তেজী ‘এনিমাল’টাকে তিন লেংথে মেয়ে বোরিয়ে গেল। তারপর মাদ্রাজ, তারপর দিল্লী, কোথাও আর সে বছর বাকী রাখলে না। তার পরের বছরই বিয়োলে, আর সেই সন্তান হল এই ‘কলি ফ্লাওয়ার’।। এই রেকর্ড আপনার ‘ড্রাই ডে’ কোথায় পাবে? ‘কলি ফ্লাওয়ারের’ পাশে ‘ড্রাই ডে’ মশাই হিমালয়ের পাশে উইয়ের ঢ্যাপঢেপে ঢিপি। গাঁট গচাঁ দেবার ইচ্ছে থাকে, ‘ড্রাই ডে’তে লাগান।

ঘোড়া বললে পাছে ‘প্রেস্টিজে’ লাগে, হাজার হোক কেন্টের জীব, মান অপমান জ্ঞান তো ওদেরও আছে, মেজাজও আছে, কথাটা ঠোঁট থেকে বোরিয়ে বেষ্টকরে কার কানে লেগে যাবে, মেজাজটা যাবে তার বিগড়ে, দৌড়তে গাড়িসি করবে আর যাবে তকদিরের বারটা বেজে, কি দরকার কবা ঘোড়াকে ঘোড়া বলে, অনেকে তাই আদর করে বলে ‘এনিমাল্’। সাহেব বললে এককালে হ্যাট-কোটধারী বাঙালী বাবুদা খুশমেজাজ হতেন। ‘এনিমাল্’ বললে ঘোড়াদের ‘প্রেস্টিজে’ও বোধহয় তেমনি সুড়সুড়ি লাগে, অন্তত এদের ধারণা।

দলে দলে লোক ঢুকছে। বসবার জায়গা ফুল তো মাঠ আছে কেন? শরু হল পয়লা রেস্। ঘোড়া তো দৌড়বে শেষে, দাঁড়ন, আগের কাজগুলো আগে শেষ হোক! টিকিট কেনা হোক! ঝড়াক কল্লো বোর্ড টাঙানো হল। বোর্ডের গায়ে বিস্তারিত লিখন। রেসের নম্বর। ঘোড়ার সিরিয়াল—এক, দুই, তিন, চার.....বতগুলো ঘোড়া দৌড়বে ততগুলো নম্বর। এক নম্বরে যার নাম সে বোড়ার পাশে দাঁড়াবে, দু নম্বরে যার নাম সে এক নম্বরের বাঁ পাশে দাঁড়াবে, এমনি করে তিন নম্বর দু নম্বরের বাঁ পাশে, চার নম্বর তিনের বাঁ পাশে.....যে বত ডাইনে, তার দিকে তত নজর, বাজী মারবার তার তত ‘চান্স’।

ঘোড়ার সিরিয়ালের পর ঘোড়ার ‘রাইডারের’ নাম। ‘রাইডার’ অর্থ যে

‘সার্কাস’

ঘোড়ায় চড়ে, শাদা বাঙলায় ‘জকি’। জকির নামের পাশে ঘোড়ার আসল নম্বর। বোর্ডের গায়ে দ্যাক্ত তো রে কত নম্বর? নয়। নয়? মিলা তো হাতের কেতাবের সঙ্গে। কি বলে? ‘ব্ল্যাক স্টর্ম’। বাঃ, ‘পোজিশন’ ভালই আছে দেখি, তিনের ‘পোজিশন’। ঠিক হয়, ধরে রাখ, ওটাকে ‘প্লেসে’। ‘উইনে’ বাবা যাকে স্বপ্নে পেয়েছি, তাকে ছাড়া আর কাউকে খেলছিনি, সে রহস্য বিস্ট, মহেশ্বর এসে বললেও না। কুলি বিশ্বাসের একটা মূল্য তো আছেই। কথায় বলে, বিশ্বাসে মিলায় কেঁচু তর্কে বহুদূর।

কার কথা বলছেন মশাই? আশ্চর্য না, এই বলছিলুম আর কি? আপনি কাকে ‘উইনে’ রাখলেন? ‘গোল্ডেন ইগল’। ‘গোল্ডেন ইগল’। মাই ঘড়! ওটা কি রেস খেলার যুগ্ম নাকি মশাই? অ্যা। ও তো গাড়ি টানার ঘোড়া। পাছা নিয়ে নড়তে পারে না, দৌড়বে কি মশাই?

বটে! ঘোড়ার দৌড় কাকে বলে দেখেছেন কখনো? ফুটবল মারছেন খুব যে, অ্যা। আমাকে ঘোড়া চেনাচ্ছেন মশাই! কদিন ধরে রেসে আসছেন? ক’খানা বাড়ি বেচেছেন? বাজারে ক’টাকা দেনা হয়েছে? শুনুন, মেলা ফটফট করবেন না, বাগবাজারের ওপর তিনখানি বাড়ি, সাত বিঘে জমি বরানগরের, সব এই ময়দানে গেছে, এই অশ্বিনীকুমারদের খুঁড়ে খুঁড়ে, আমাকে ঘোড়া চেনাবেন না। রোজ সকালে এই ময়দানে আসছি মশাই। সব ঘোড়ারই ‘ট্র্যাকিং’ দেখেছি। দু’দিন ‘গোল্ডেন ইগল’কেও এনেছিল। দৌড় দেখলুম। কি ‘গ্যালপ্’ ওয়াণ্ডারফুল! তবু তো বাচ্চা, এখনো ‘ফর্মে’ আসেনি। ফর্মে এলে দেখবেন, ও-ঘোড়া ছপায়ে দৌড়বে। এখনই ‘ফাল্ং’ ক্রয়ার করছে স’ বারো, সাড়ে বারো সেকেন্ডে। জকির যে বাবুর্চি তার সঙ্গে আমাদের আপিসের পদা খুব জমিয়ে নিয়েছে। পদা বললে, শালা নাকি ঘুমুসা ঘুমু। মুখ আর খুলতেই চায় না। ভুইয়ে তাইয়ে, মাল টাল খাইয়ে তবে পদা তাকে জপিয়েছে। এত সিঁওর কি মশাই সাধে হই। ‘সোস’ পাকা বলেই না। বাবুর্চি বলেছে, ফাল্ংএ ‘গোল্ডেন ইগল’কে মারবে এমন কেউ এই ময়দানে নেই।

তবে আপনি বলছেন, গোল্ডেন ইগল? নিশ্চয়ই। ‘প্লেসে’ ধরি। কি বলেন? কল্‌জে ফোলান। টিপ্‌ টিপ্‌ করবেন তো রেসে এসেছেন কেন? তবে কি ‘উইন’? এঃ আবার ‘হেজিটেশন’ কি! চোখ ব’দজে খেলে যান।

‘উইন’ কি? ‘সোস’ কি? ‘উইন’ মানে জেতা অর্থাৎ ‘ফাস্ট’। যে ঘোড়ায় ‘উইন’ খেলবে, সে যদি ফাস্ট হয় তবেই কিছু প্রাপ্ত, নইলে লবডস্কা। আর ‘প্লেস’? ফাস্ট, সেকেন্ড, থার্ডের মধ্যে হলেই হল। ‘উইন’এর টিকিট আলাদা। ‘প্লেস’এর টিকিট আলাদা। এতো গেল অর্ডিনারি। আবার আরেক

‘সার্কাস’

কায়দা আছে। তাকে বলে ‘ফোরকাস্ট’। কোন্ ঘোড়া ফাস্ট হবে, কোন্টা হবে সেকেন্ড তোমাকে আগে বলে দিতে হবে। টিকিট কিনতে হবে সেই রকম। যদি লেগে গেল তো পেলো এক থোক, আর যদি ফস্ক গেল তো বাস। পায় আর কটা? লাখে এক। যায় সন্বার।

টিকিট কেনবার সময় তো সন্বারই ‘উইন’। এ বাবা ব্যোপ বুকে কোপ নয়, একেবারে অংক, ‘ম্যাথমেটিক্যাল ক্যালকুলেশন’, দস্তুরমতো হিসেবের কড়ি। এই যে ধর ‘ফেরার ফেরে’ টাকা ধরলুম, সে কি হুট করে? কক্ষনো না। বেস্পতিবার সকালে আমি ট্রাকে ছিলুম। দু ফালং চম্বিশ সেকেন্ড দিবা মেরে দিলে। ওকে এক মারতে পারে ‘প্রিম রোজ’। তা তার হিসেব দ্যাখ, ‘সেম্ ডিস্ট্যান্স কভার’ করেছে, ‘টাইমিং’ দ্যাখ, সময় নিয়েছে পঁচিশ সেকেন্ড। আর যারা আছে তাদেরকে ও থোড়াই কেয়ার করে, তারা সব ছান্বেশেই কেউ উঠতে পারেনি। এতক্ষণ চুপ করেছিলুম কোন্ শ্লেস পায় দেখবার জন্য। এক নম্বর পেলে না, তিনে দাঁড়াল, তেমনি ‘প্রিম রোজ’কে ঠেলেছে সাতে। কম্পিটিশনের যেটুকু চান্স ছিল, গেল। তাই বলাছি তিনকে ‘উইনে’ রাখ। আর ‘ফোরকাস্ট’ খেল তিন সাতে। দ্যাখ কপালের ঘড়িতে টিক টিক কি বলে?

অফিসে তুমি বড় সাহেব আমি কেরাণী, তুমি ম্যানেজিং ডিরেক্টর, আমি আদালী, সর্বদা ততস্থ থাকি, মুখ তুলে চাইনে, সেলাম বাজাই চলতে ফিরতে, জী হুজুরে সর্বদা হাজির থাকি। কিন্তু রেসের ময়দানে তোমায় আমার ফারাক শুধু বসায় জায়গার। আমি গরীব, পায়দলে আসি, আমার স্থান দু টাকার স্ট্যান্ডে। তুমি রইস্লোক। মোটর হাঁকাও, দুর্বান কবে দৌড় দ্যাখ, ‘বারে’ ঢুকে গলা ভেজাও, পাঁচ টাকা আট টাকার স্ট্যান্ডে বস। এই শুধু ফারাক। কিন্তু সাহেব, কিন্তু বড়বাবু, খেলার শেষে তুমি আমি এক সমান। তুমিও হার আমিও হারি। তখন আমরা হারতুতো ভাই।

সাহেব ইশারা করেন, বেরারা ছোটো। ওদিকটা পাঁচ টাকার স্ট্যান্ড, এদিকটা দু টাকার। এপারে স্ট্যান্ড ওপারে স্ট্যান্ড মাঝখানে পাঁচিল। সাহেবে বেরারাতে বাতচিং চালাচালি হয়। সাহেব ডাকেন, রামধারী! বেরারা হাঁকেন, হুজুর। সাহেব বলেন, টিপস্ মিলা? সলুদু সন্ধান পেয়েছ? বেরারা বলেন, জী হাঁ। সাহেব বলেন, বাতাও? বলো? বেরারা বলেন, হুজুর ফোরকাস্ তিন এক। সাহেব বলেন, খবর পাক্সা হ্যার? বেরারা বলেন, একদম পাক্সা। সাহেব বলেন, তো, রুপেরা লো, হমারে নামপর পন্দর রুপেরা ফোরকাস্ট লাগাও। টাকা নাও, আমার নামে পনের টাকা ফোরকাস্টে ধর। বেরারা নারাজ। বলেন, হামকো নসিব আছা নোই, আপ্ খুদ লাগাইয়ে।

‘সাকার্স’

আমার কপাল ভাল নয়, আপনি নিজেই লাগান। সাহেব বলেন, হাম বড়া আনলাকি হ্যায়। তুম্‌হারা ভাতিজা কাঁহা? উসকো লারা নেহি? আমিও তো ‘পোড়া কপাল্যা’, তোমার ভাইপোকে আনোনি।

খুঁড়ে এই তাকেই ছিলেন। অনেকদিন ধরে ফাঁক খুঁজছেন, ভাতিজার আশেরী এক বন্দোবস্ত করে দেবার জন্য। মওকা মিলল। বললেন, হুজুর বেচারা বস্ত মন-মরা হয়ে আছে। চাকরী বাকরী নেই। সাহেব বলেন, ঠিক হ্যায় উল্লুক, সময় নষ্ট করো না। শিগ্গির টিকিট কেন। ওকে কাল থেকে ঠিক সময় অপিসে আসতে বল।

পাঁচটাকা আট টাকার স্ট্যাণ্ডে কি আহামরি শোভা। লাল নীল হলদে, পোষাকের জেল্লা কি! লেডিরা বসে আছেন ওঁদিকে, যেন নব রঙের সূর্যোদয়। এক হাতে ঝোলানো-ঝোলা, অন্য হাতে ‘দি টাফ’। ঘোড়ার ঠিকুজী-ফুষ্ঠি। এঁরা সব সোসাইটি-মেয়ে। ঘোড়ার নাম, জকির নাম, ট্রেনারের নাম, আস্তাবলের সহিসের নাম, ঘোড়ার মালিকের নাম ওঁরা লিপিস্টকের সঙ্গে ঠোঁটে মেখে রাখেন। ডিনার খানায় কি ক্লাব-নাচের ফাঁকে ফাঁকে মিহি করে দুটি একটি ঝেড়ে দেন। কে? জকি গর্ডন রে? ও! উনপঞ্চাশ সালে ওর পায়ে একবার খিঁচ ধরেছিল। মিলি বোনাজী তো খবরটা পেয়ে কেঁদেই একশা। সমবেদনা জানিয়ে একটা রোডিও মেসেজ পাঠিয়েছিল। কেন শিবাজীর ঘোড়া ‘হোপলেসে’র যখন অসুখ হয় তখন কি মিলিকে দেখেছিলেন? খাওয়া দাওয়া ছেড়ে দিয়েছিল প্রায়। মিলির ‘হট্‌ ফেভারিট্‌’ ছিল। ওকে নিয়েই তো ডাইভোর্স হয়ে গেল বোনাজীর সঙ্গে মিলির। পুঁওর ডক্টর, কি করে রেসের খরচ জোগাবে? না পারবে তো মিলিকে বিয়ে করতে যাওয়া কেন? ফুঃ। শুনছি জৈদ্‌কার সঙ্গে এবার ওর বিয়ে হবে। জৈদ্‌কা উইল বি এ রিয়েল ম্যাচ ফর হার। হি টু ইজ্‌ এ হর্স লাভার।

ঘোড়া দৌড় আর কতক্ষণ। বড় জোর দু আড়াই মিনিট। কিন্তু টিকিট কেন, পেমেন্ট নাও, হ্যান ত্যান সাত সতেরোর সময় যায় বেশী। প্রথম চোট যদি হারলে তো ‘লস্’ ‘মেক্‌ আপ্‌’ করবার জিদ্‌ চাপল। তারপর চলল হারের পর হার। যতক্ষণ দম। যতক্ষণ পকেটে শেষ কাঁড়টুকু। যদি প্রথমে জিতলে, তো আরো জেতার লোভ। আরো খেলা, আরো হার। আবার সেই জেদের বাদ্‌—‘লস্‌ মেক্‌ আপ্‌’ করব। আবার সেই হার। হারের পর হার। যতক্ষণ বকে দম। যতক্ষণ পকেটে শেষ কাঁড়টুকু।

যে কটা সেকেন্ড ঘোড়া দৌড়, সেই সময়টুকুতেই আশা, উদ্‌দান, উত্তেজনা, আকাশে চাঁৎকারের পিণ্ড ছুঁড়ে দেওয়া। দৌড় শেষ তো প্রান্তি।

‘সার্কাস’

ভাবী অবসাদ। একবার একবার ঘোড়া দৌড় দেয়, সহস্র কণ্ঠের আওয়াজ ঠেলাঠেলি ধাক্কাধাক্কি করে আকাশে ওঠে। দৌড় শেষ তো আড়াল থেকে বেরিয়ে আসে প্রান্তি। অবসাদ নিবিড় করে পেঁচিয়ে ধরে।

সব কটা রেস শেষ হয়। বারে ভীড় বাড়ে। যারা জিতেছে তারা আনন্দে ঢাকা ওড়ায়। যারা হেরেছে তারা তো ডুবেছে। ডুবতে ডুবতেও প্রাণপণে আঁকড়ে ধরে বোতলের গলা। যাদের কিছই আর নেই, তাদের শূন্য দৃষ্টি প্রাণহীন ট্র্যাকের উপর নিজীব পড়ে থাকে। টারফার রিপোর্টগুলো, ঘোড়ার হিসাবগুলো, গোপনীয় টিপসগুলো পাশাপাশি পড়ে থাকে। এলোমেলো বাতাসে ওড়ে। খেল খেতম। তারপর দৃশ্যটাকে ঢেকে দিতে রাশির যবনিকা নেমে আসে ধীরে ধীরে, অতি নিশ্চিত নিরীখে।

(দুই)

ঘোড়ার পিঠে চেপে বসলেন, ছিপটি দিয়ে কসলেন এক সপাং ঘাই, আর অমনি ঘোড়া আপনার পংখীরাজের পুস্তুর হয়ে টকাস করে বাজীটি জিতে আপনার পাশ-পকেটে ঢুকিয়ে দিয়ে গেল নোটের তাড়া, ব্যাপারটা অত সহজ নয়। এলোপাতাড়ি টিকিট কিনে রেস জিতে বাড়ী ফেরা তার চেয়ে ঢের সহজ কাজ।

ঘোড়দৌড়ের জিয়নকাঠি মরগকাঠি ঘোড়া। যে সে ঘোড়া নয়। এবং রেসের ঘোড়াও যে সে নয়। আদরে যত্নে নতুন জামাই, আরামে বিরামে রাজাগজা আর নামডাকে ‘ফিল্ম এস্টার’। এই তিনে এক হয়ে কামনা সাগরে ডুবে মরলে পরজন্মে নির্ঘাত রেসের হর্স।

দৌড়ের ঘোড়ার যেমন জন্মও আলাদা তেমনি তাদের তালিম ট্রেনিং। পেট থেকে পড়ল আর জিন চাপিয়ে রেসের মাঠে নেমেই দিলেন কষে দাবড়, মোটেই তা নয়। মাছে আর মাছ ভাজায় যেমন তেল কড়াই-এর ফারাক তেমনি ঘোড়ায় আর রেসের ঘোড়ায়। ঘোড়ার মায়ের আর কি? বাচ্চাকে বহাল তবিয়ে ডেলিভারী দিয়েই খালাস। তারপর সে নিশ্চিন্ত। আর বাচ্চার জিম্মা? ট্রেনারের। বাচ্চা তো বাচ্চা, তার হাঁচি কাশির জিম্মাদারও ট্রেনার।

দৌড়ের ঘোড়ার তোয়াজ কি! ঘোড়াটা কি থাকবে? কতটা থাকবে? কতক্ষণ আশ্রিতাবে থাকবে? কতক্ষণ রাউন্ডে? সব দিকে নজর চাই কড়া। ঘোড়া পোষার মূলমন্ত্র হল ফিট রাখা। ঘোড়া বলে যে তাকে যা তা গুচ্ছের খাইয়ে বাবে তা চলবে না। এক আধ টাকার মাল নয় মশাই, এক একটা

ঘোড়ার দাম শুনলে নিতান্ত আপন লোকের নামও গুবলেট হয়ে যাবে, তাই আর সে কস্ম করলাম না। কোন কিছুর ইতরবিশেষ হলেই চক্ষুটি উল্টে ফেলা হয়ে যাবে আর বাস দুনিয়া অন্ধকার। হাতীর খরচ হাতীর খরচ করেন, ঘোড়ার খরচের কাছে সে তো শাক ভাত। ঘোড়ার ভিশ্বর তদারকে শত ফৈজ্ঞ। একঃ ঘোড়াকে নিয়মিত খাওয়ান, দুইঃ নিয়মিত ব্যায়াম করান, তিনঃ দলাই মলাই, আর চারঃ নাল পরান। এই চারটে কাজই ঘোড়া পোষার নিত্যকর্ম পশ্চাত্তর বীজমন্তর। একটিও কম হলে চলবে না।

সহিসটা বললে, তিন দোফে খাওয়াতে হোবে, সোকালা, দু'পারে আর সন্ধেকা সোমায়। হররোজ এই টাইম চলবে। ইখার উখার একরোজ হোবে তো সাহেব লাখ মেরে বোলবে যাও সালে ভাগো। কি খাবে? আরে ভাই, বহোৎ চিজ্ খায়। আর কুখা থিকে থিকে সোব আসে। লন্দন, অস্ট্রেলিয়া, আমেরিকা।

কত কি আসে? ওট্ আসে, মেজ্ আসে, বার্লদানা। আবার চানা, দাল, শূখা খড়। যতটা ওট্ কি দানা আর ততটা শূকনো খড়, এই হল সাধারণ। তো যেসব ঘোড়া জোর ছোট্টে তাদের বেশী দানা আর কম খড় দিতে হবে। নয়তো 'ফিট' থাকবে না। মাঝে মাঝে মুখের সোয়াদ বদল করতে কাঁচা ঘাসে মৃদু লাগাতে দেওয়াতে পারো আর তাও খুব হুঁসিয়ার হয়ে, আবার তাও গরমকালে। কাঁচা ঘাসে রুচি ঠিক থাকে, স্বাস্থ্যও ভাল থাকে। কিন্তু কাঁচা ঘাস বেশী খাওয়ালে ঘোড়ার 'স্পীড' কমে যায়। সে ঘোড়া আর জোর কদমে ছুটতে পারে না। মহা লেদ্‌ডুস্ মেরে যায়। খাওয়ার পর ঘোরাফেরা, একটু আধটু ব্যায়াম করানো দু' চার কদম ছোটানো অবশ্যই চাই। নইলে ঘোড়ার পা থাম হয়ে যাবে। তারপর হল দলাই মলাই। দপাস্ দপাস্ থাম্পড়, আর ভুরদুস্ ভুরদুস্ বুরদুশ চালানো। এ কার্খটি ঠিক মতো না করেছ কি ঘোড়ার মেজাজ তেরিয়া হয়ে যাবে। আর সব শেষে নাল ঠোকা। নাল ক্ষয়ে যাক আর না যাক, পুরানো নাল খুলে ফেলে খটাস খটাস নতুন 'জুতো' পরাতে হয়। মাসে একবার করে অন্তত এই কস্ম করতে হবে। ঘোড়ার দৌড়টি আমার দরকার। সেটি পরিপাটি চাই বলে পায়ের উপর এত নজর। নাল যদি না পরাও তো বাড়তি খুঁদে ছেঁটে ফেল। পায়ের উপর খবরদারী শেষ হল? তো এবার এস আস্তাবলটা দেখি। আরে একি ব্যাপার? এই নাকি আস্তাবল? এই তার জানালা? চলবে না। হাওয়া বাতাস খুঁশী মতো যেখানে হাসতে খেলতে না পারে সে জায়গার ঘোড়া দৌড়বাজীতে 'খেল' দেখাবে কি করে?

সহিস বললে, এক একটা ঘোড়াকে দ্রুত করতে ঘামের পানিতে বর্ষা নেমে যায়। ঘোড়া যা ‘জানবর’ একটা আছে না, একদম বিলকুল জেনানাকা মাফিক। মন বুঝে না চললে কিছুতেই বাগ মানানো যায় না। একটুতে ঘাবড়ে যায়, একটুতে বেকে বসে। ঘোড়ার উপর চড়বেন ঝেন ওর গায়ে আঁচড়টি না লাগে। যদি একটু লাগল তো ব্যস্, গড়বড় হয়ে গেল। ঘোড়ার থেকে নামবেন তাও আলগোছে। একটু কড়া ঝাঁকুনি ঘোড়ার পিঠে লাগল কি ব্যস্, মেজাজ বিগড়ে গেল। লাগাম ধরে টানলেন, একটু কড়া হল, কি চোট লাগল গায়ে, তো আর কাজ হবে না তাকে দিয়ে।

সহিস বললে, এমন বৃদ্ধি আছে কি পিঠে যে সওয়ার থাকবে তার বোসবার কায়দা দেখেই মালুম কোরে লিবে, এ সওয়ারের কি ‘পাওয়ার’ আছে। যদি বুঝে যে হাঁ, ই আচ্ছা আছে, ‘ইস্পর’ বিশোয়াস করা চোলবে তো সে সওয়ারের কথায় জান দিয়ে দিবে। আর যদি বুঝে যে ই আদমী কাবিল না আছে তো এক কদম ভি যাবে না। কেন, না ডর লেগেছে। সওয়ার তো কাঁচা। উ নিজে ভি গিরতে পারে আর ‘জানবর’কে ভি গিরতে পারে। তো জান কবুল, এক কদম ভি চলবে না। পিঠ থেকে সওয়ারকে গিরাইয়ে দিবে। এমন খচ্চর আছে।

রেসের এক চাই বললেন, তোয়াজ। সেরেফ তোয়াজেই এ জানোয়ার বশ। আর রেসের ব্যাপার, জানেন তো, এক চুলে হার জিত ঠিক হয়ে যায়। সত্যিই চুল পরিমাণ, কথার কথা নয়। আর ঘোড়াগুলো তা যে বোঝে না, তা নয়। এমন স্পর্শকাতর জানোয়ার আর দুটি পাবেন না। বড়লোকের একমাত্র আদরে মেয়েরও বাড়া। কথায় কথায় তার যেমন ঠোঁট ফোলে, মেজাজ বিগড়ে যায়, ঘোড়ারও তাই। ইসারাই যথেষ্ট। চাবকের শব্দই ঢের। তাতেই যা করবার ওরা করবে। ঘাঘু জাঁক কখনোই ঘোড়াকে চাবক মারে না।

দৌড় চলেছে ফুল ফোর্সে। গলায় গলায় চলেছে ঘোড়া। হিস্ হিস্ শব্দ, মৃদু মৃদু পায়ের ঠোঁকর। ওই যথেষ্ট। তাতেও সন্তুষ্ট না হয়ে দিলেন এক ছিপটির বাড়ী কবিষে। ঘোড়া চমকে উঠলো। গতি মৃদুতের জন্য কমে এল। ব্যস্, ‘উইন’-এর বারোটো ওথেনেই বেজে গেলো। ঘোড়ার গায়ে বতটা ব্যথা লাগল, তার দুনো লাগল মনে। পাঁচ ঘোড়ার সামনে বেইঞ্জ? বাস্শা কে আর দৌড় করায় দেখি? ঘোড়া বসল বেকে। আর ত্যাড়া ঘোড়াকে সিধে করবে কে?

ঘোড়ার হার জিতে জকীদের দায়িত্বই বেশী। ভাল ঘোড়া, সিওর জিত, সেরেফ ‘ক্যালকুলেশন’ের অভাবে মার খেয়ে গেল। এই তো সোদিনকার রেসের

কথাই বলি। টিপ্‌স্ দিয়েছিলাম। ঘোড়াটা সিঁগর। প্রত্যেকেই ধরে নিয়েছিল ঘোড়াটা জিতবে। জিততোও, জকীটার সমঝোতার অভাবে পারলে না। কি করলে মশাই, ঘোড়াটাকে সেরেফ ফারাকে নিয়ে দৌড়ুলে। অথচ ওটা দঙ্গুলে ঘোড়া। ওটাকে ফাঁকে না রেখে জকীটা যদি দঙ্গলের মধ্যে এনে ফেলত তো দেখতেন, কারো সাধি হতো না ওকে ছাড়িয়ে যায়। আবার অনেক ঘোড়া সিঁধে বেশ দৌড়ায়, 'টানে'র মধ্যে এসে স্পীড্‌ কমে যায়, অনেকে আবার 'টান'টাকে কাজে লাগায় পুরো। টুকুস করে ওই টানে আধ 'লিংথ্' মেরে দিলে। তাহলে আর পায় কে? যে জকী তার ঘোড়ার গলদ যত বুঝতে পারে তার তত সুবিধে।

এখানে ফ্ল্যাট রেসই আকর্ষার হয়। কম পাল্লা, মাঝ পাল্লা আর দূরের দৌড়। চার থেকে ছয় ফার্লিং-এর দৌড় কম পাল্লার দৌড়, নাম হল স্প্রিন্ট্‌। সাত থেকে আট ফার্লিং-এর দৌড়, মাঝ পাল্লা। 'মাঝ পাল্লা'কে রেসের মাঠে কেউ চেনে না, ওখানে বলবেন 'মিডল্‌ ডিস্ট্যান্ট্‌'। আর দশ ফার্লিং থেকে পোনে দুই মাইল, এই হল কলকাতার রেস-ময়দানের মসজিদ। মোল্লাদের দৌড় এর বাইরে আর যায় না। এর নাম 'স্টেয়ার'। এক এক পাল্লার ঘোড়া অন্য পাল্লায় বড় বিশেষ যায় না। একেবারেই 'কি যায় না? মিডল্‌ ডিস্ট্যান্সের ঘোড়া কি 'স্প্রিন্ট্‌'-এ দৌড়ায় না? দৌড়ায় বৈ কি। সেখানে জকী যদি মাপজোক ঠিক রেখে দৌড় করাতে পারে তো কামিয়াব হয়। নচেৎ ফটাং।

এক একটা ঘোড়ার যেমন এক এক রকম পাল্লা তেমনি এক এক ঘোড়ার এক এক রকম ওজন। হুট্‌ করে রেসের মাঠে নামিয়ে অমনি দিলেই হল, কেমন? তার আর হিসেব কিতাব নেই, না? আগে দেখ, কি রেস হচ্ছে। এবার কি 'টোমে' দৌড়বে, না কি 'হ্যান্ডিকাপে'? কি, 'টোমে'? তা বেশ, আনো ঘোড়াগুলো, ওজনে চাপাও। সব ঘোড়ার ওজন সমান করে দাও। জিনের গায়ে পকেট আছে। ওজন চাপিয়ে দাও। বাজারে গিয়ে মাছ কেনোনি? পাল্লার পাষাণ ভেগে নাওনি? তবে, তেমনি করেই ঘোড়ার পাষাণ ভেগে নাও। তারপর নামাও দৌড়ে। দেখি কার হিম্মত কত?

এবার কোন্‌ দৌড়? 'হ্যান্ডিকাপ'? আচ্ছা আনো ঘোড়া। আবার পাষাণ ভাঙতে হবে। তবে অন্য কায়দায়। আগের বার যদি সকলের ওজন সমান করে দিয়ে থাক, এবারে ওজন কমিয়ে বাড়িয়ে সকলের 'চান্স' সমান করে দাও। এই ঘোড়ার এত ওজন? সেকেন্ডে ফার্লিং কিল্লয়ার' করছে। ও ঘোড়াটা এর সঙ্গে পারছে না। ওজন বেশী আছে ওর। আচ্ছা এ ঘোড়াটার ওজন একটু চাপিয়ে দাও। এমনি করে ওজন কমিয়ে বাড়িয়ে একটা সামঞ্জস্য আনো,

‘সার্কাস’

ভারপর মাঠে নামাও। এই ওজন কমানো বাড়ানোর অঙ্ক কষে কষে একটি ভদ্রলোকের মাথার চুল বেবাক ফাঁক হয়ে গেল। সে-ভদ্রলোককে বলে ‘হ্যাণ্ড-ক্যাপার’। তাই বেশ মোটা রকম একটা টাকা ইনি চুলের বদলি পেয়ে থাকেন।

লালয়েৎ পঞ্চবর্ষানি শৃদ্ধ মানুষের বাচ্চার বেলায়। ঘোড়ায় বাচ্চা দু বছর বয়সেই মাঠে নামে। তার আগেই তার তালিম ট্রেনিং ‘কম্পিলিট’। ঘোড়দৌড়ের মাঠের সঙ্গে সেই যে তার পায়ের মিতালী শৃদ্ধ, সে সম্পর্ক আর বছর আষ্টেকের মধ্যে ছিন্ন হয় না। দশ বছর বয়সে পর্যন্ত ঘোড়ার দম থাকে। ততদিনই তার কদর। তার দাম। তার নাম মূখে মূখে। দশ বছরের পর সচরাচর আর ‘ফর্ম’ থাকে না। মাঠ থেকে ঘোড়া ঢোকে ‘স্টাড্ ফার্মে’। তখন তার কাজ বাচ্চা পয়দা করা।

ঠিকুজী কুলজী মিলিয়ে অশ্ব আর অশ্বিনীর ‘কোর্টশিপ’ চলে। ইংরেজীতে বলে ‘ব্রিডিং’। বাপদাদার নাম রাখতে, বংশের মূখে বাতি দিতে জন্ম হয় বংশধরের। নতুন এসে পুরানোর সিংহাসন দখল করে।

নতুন ঘোড়ার পরিচয় হয়, রেসের সমাজে প্রবেশ হয় বাপ মায়ের জীবনের রেকর্ড দেখে। রেশুড়েরা বাজী ধরবে, চট করে বই বের করে দেখে নেন কে এই নবাবতের বাপ আর কে এর মা। ও এরই ছেলে! ওর বাপ এই সালে মাদ্রাজে অমুক কাপ জিতেছিল। ওর মা কলকাতায় পর পর তিনটে সিজিনে ডেলুকী দেখিয়ে ছেড়েছিল। তাদেরই বাচ্চা। ধর ‘উইন’-এ।

একটা বাজী জেতে, দুটো বাজী জেতে। আবার বাপ মায়ের নামটা লোকের মূখে মূখে ফেরে। কিন্তু লোকের চোখে চোখে? না, বড়ো বাপ মা নয়, জোয়ান বাচ্চাটাই সেই জায়গা জুড়ে আছে।

আর বড়ো বাপ? বিগত দিনের ‘ফেভারিট’? সে কোথায়?

পাবলিক জানে না, জোয়ান বাচ্চাটা জানে না, শৃদ্ধ সেই ঘোড়াটা জানে, আর জানে ঘোড়দৌড়ের এই মাঠটা। সে দেখেছে, আস্তাবল থেকে বড়োটাকে বের করে আনতে। সে দেখেছে, খুব বেশী দূরে নয়, একটা ঘেরা জায়গায় তাকে নিয়ে যেতে। সে দেখেছে গোটাকয়েক সার্জেণ্টকে কোনো একদিন খুব ভোরের দিকে আসতে। সেই শৃদ্ধ পর পর গোটাকয়েক টোটোর আওয়াজ শুনছে। বড়োর কাজ শেষ। মানুষের চোখের সামনে আর কোনদিন সে আসবে না। ঘোড়দৌড়ের মাঠটা নিশ্চিত জানে, কেন? আর জানেন জু-বাগানের কতৃপক্ষ। কারণ কোন বাঘকে কতটা মাংস দিতে হয়, সে হিসেব তারা করেন।

তাই এখন ঘোড়দৌড় হয়, ‘গ্যালপে’র তাড়নায় ঘোড়দৌড়ের মাঠের নরম

‘সাক্ষী’

মাটি কে'পে কে'পে ওঠে, বিস্ময়হীন চোখ মেলে ঘোড়দৌড়ের মতটা বিজয়ী ঘোড়ার ‘গ্যালপ’ গুণতে থাকে। গ্যালারী ফেটে পড়ছে চীৎকারে। ‘বাক্ আপ্’। আরো জোরে, আরো জোরে, আরো আরো জোরে। থাড' থেকে ‘সেকেন্ড, সেকেন্ড থেকে ফাস্ট’। ‘শেলস’ থেকে ‘উইনে’। আরো জোরে। আরো জোরে। ‘বাক্ আপ্’। তারপর ‘উইন’ থেকে? মৃত্যুতে। সারা-জীবনের কটিকাগতির স্মারী পুরস্কারে।



মাহেশ্বর রথ

সেই কবে, আজকের এই এখানে দাঁড়িয়ে ফেলে আসা সেদিনটির দিকে নজর দিতে গেলে চোখের পাওয়ার বাড়িয়ে নিতে হয়, ভুরু দুটো কুঁচকে আসে আর কপালের ওপর জমে ওঠে অনেকগুলো হিজিবিজি দাগ। একটি মেয়ের সঙ্গে আমার পরিচয় হয়েছিল, তার বয়েস এগারো, নাম রাখারাগী। রুদ্ৰনা মাকে সে ঘরে ফেলে এসেছিল, বন্য ফুল কুড়িয়ে কয়েকগাছি মালা গেঁথে এনেছিল মাহেশ্বর রথে। বিক্রী করে মায়ের জন্য পথ্য কিনবে বলে। বৃষ্টি এল, হঠাৎ ভেঙে গেল রথের মেলা, মালা রইল অবিক্রীত। মালাগাছি বদলে করে নিরুপায় বালিকাটি মাহেশ্ব থেকে ফিরে যাচ্ছিল, এইটুকু শব্দ মনে আছে আর সবই আবছা হয়ে গেছে। হ্যাঁ আর মনে আছে মাহেশ্বকে, মাহেশ্বের রথকে, রথের মেলাকে।

কতদিন ধরেই তো আমার জীবনে ঘুরে ফিরে সমারোহ করে আঘাট আসছে। নবজলদে সজ্জিত হয়ে, বনে বনে শ্যাম ছায়াঘন দিনের মেলা বসিয়ে, কদম্ববনে পলক সঞ্চার করে, সবুজ তুণে তুণে রোমাঞ্চ জাগিয়ে আঘাট আসে। রথযাত্রার মেলা বসে। মলিনমুখী একাদশী এক কিশোরীর মত আমার মনের দীঘতে ভেসে ওঠে। আঘাটের আকাশের সঙ্গে সে মূখের কত-না সাদৃশ্য, দুই-ই জলভারে ভারাক্রান্ত ও শ্যামকরণ। সে মেয়েটি একা তো মনে আসে না, মাহেশ্বকেও আনে। এমনি করে মাহেশ্বের সঙ্গে আমার পরিচয়ের নিবিড়তা।

আঘাট প্রত্যাসন্ন হয়ে এলেই, আকাশে ঘন মেঘপদঞ্জের সমারোহ শব্দ হলেই ভেবেছি এবার মাহেশ্ব যাব। কিন্তু প্রতিবারের ভাবনাই আমার পলাতক হয়েছে। এবারে কি যোগাযোগ হল জানিনে, মাহেশ্ব যাওয়া সত্যিই ঘটল।

মাহেশ্ব এলাম। কী ভীড়! গ্রান্ড ট্রাঙ্ক শড়ক লোকে বোকাই। পথের দু'পাশে বাড়ীর ছাতে ছাতে লোক, একজন কে বললে, এ আর কি ভীড়, এখন কটাই বা লোক, উল্টো রথে আসবেন, তখন দেখে নেবেন, পুরী ফেরতা যাত্রীরা সব আসবে তো, পথে পা ঠেকাতে পারবেন না, লোকে লোকে একেবারে 'জনমানবশূন্য' হয়ে যাবে।

পেঁছাতে দেরী হয়েছিল। এসে দেখি রথ বোঁরয়ে পড়েছে। পাঁচ সাড়স লোক রথের দড়া ধরে টানছে, বাজনা বাদ্য হচ্ছে, রথ চলছে। হঠাৎ কিসের শব্দ

‘সার্কাস’

হল, বাজনাবাদ্য থেমে গেল, রথ পড়ল থেমে। একটুখানি বিশ্রাম। হঠাৎ ফটাস্ করে আওয়াজ হল, বন্দুকের আওয়াজ, ফাঁকা-ফায়ার, বাজনাবাদ্য শব্দ হল, পয়সা আনির বন্টি, এমনকি টাকারও। রথের গায়ে পটাস পটাস টাকা পয়সা এসে পড়ছে, কুড়িয়ে নিচ্ছে সেবাইতরা, অন্য লোকের নো-আডমিশন। বড় বড় মই দিয়ে গোটা রথের চতুষ্পার্শ্ব ঘেরা, রথ চলছে তো মইএর বেড়াও, রথ থামছে তো মইও হলট। সেপাই শাস্ত্রী ভল্গেটিয়ার সদাজাগ্রত চক্ষু। মার্ছিটি গলতে দেবে না সেই বেড়ার ভেতরে। রথের উপর কলস চাপানো, কুড়নো পয়সার ভাতি হলেই মুখটি বন্ধ করে ফেলা হচ্ছে।

সেই বেড়ার মধ্যে একফাঁকে ঢুকে পড়লাম। হাঁ হাঁ করে ছুটে এলেন এক সেবাইত। বললেন, এখানে ঢুকেছেন কেন? বললুম, কাছ থেকে রথের কারুকর্ম একটু দেখব বলে। একটু নরম হলেন, ও, তা বেশ দেখুন। তবে কি জানেন, কারুকর্মের নিদর্শন এ রথে বিশেষ পাবেন বলে মনে হয় না। মাহেশের উৎসবটাই পুরানো, এই রথটা নয়। পূর্বে ছিল দারুময় রথ, একজন এসে তাতে গলায় দাড়ি বেঁধে সুইসাইড্ করেছিল। তাই সেটাকে পুড়িয়ে ফেলতে হয়। তারপর শ্যামবাজারের কেটবাবু, কৃষ্ণচন্দ্র বসু, এই লোহার রথটি বানিয়ে দেন, প্রায় হাজার প'য়গিশ চিল্লিশ খরচা হয়েছিল। ওদের খরচেই এখনো রথটির রক্ষণাবেক্ষণ চলে।

সেই স্মরণাতীত কাল থেকে মাহেশে রথযাত্রার উৎসব হয়ে আসছে। মাহেশের ঘাটে এসে প্রভু স্নান করেছিলেন। হাটে ছিল এক ময়রার দোকান। স্নান করে প্রভুর ক্ষিদে পেল, সৎগে পয়সাকাড়ি নেই, হাতের কঙ্কণ বন্ধক দিয়ে ময়রার কাছ থেকে মিষ্টি কিনে খেলেন। পুরুরী প্রধান পাণ্ডা স্বপ্ন পেলেন, ওরে আমার হাতের বালা নেই, বন্ধক দিয়ে মিঠাই খেয়েছি মাহেশের হাটে, যা আমার বালা খালাস করে আন। ধড়মড় করে পাণ্ডার ঘুম ভেঙে গেল। পাড়ি কি মরি মন্দিরে ছুটলেন, দেখেন সত্যিই, প্রভুর বালা নেই। ছোট্ট ছোট্ট। মাহেশে এসে খুঁজে-পেতে ময়রাকে বের করে, সে বালা উদ্ধার করলেন। যে ঘাটে প্রভু স্নান করেছিলেন, সেই জগন্নাথের ঘাটের উপরেই আগে মন্দির ছিল। গঙ্গায় ভেঙে যাবার পর মন্দির উঠে এসেছে বর্তমান স্থানে, গ্র্যান্ড ট্রাঙ্ক শড়্কের উপরে।

চৈতন্য মহাপ্রভুর আবির্ভাব ১৪৮৬ খ্রিষ্ট সালে, ৪৬৬ বছর আগে, মাহেশের রথের মেলা তারো আগের। তখন সেবাইত ছিল ধুবানন্দ রহমতারী সম্প্রদায়। প্রত্যেক বছরই নতুন রথ বানানো হত। নতুন রথে চড়ে প্রত্যেক বছর

‘সার্কাস’

প্রভু, মাঝখানে বোন, আর ওপাশে ভাইকে নিয়ে মাসীর বাড়ী গিয়ে ফুঁতফুঁত করতেন, আট দিন পর বাড়ীতে ফিরতেন।, প্রভু ঘরে ফিরে এলে সেই রথ, ঘোড়া মায় গাড়ুর পক্ষীটি অশ্বি দিয়ে সাধু-সন্ন্যাসীদের ধূনি জ্বালানো হত, মড়াপোড়ানোর কাজেও লাগত।

চৈতন্যদেবের প্রিয় শিষ্য ছিলেন কমলাকর চক্রবর্তী, আমরা তাঁরই বংশধর, সেবাইতটি বললেন, মহাপ্রভু আদর করে নাম দিয়েছিলেন পিম্পলাই, তিনি ছিলেন দ্বাদশ গোপালের এক গোপাল, পরে এ বিগ্রহের সেবাইত হন তিনিই। তারপর থেকে সেবার ভার আমাদের হাতেই আছে।

প্রায় দশ বছর হবে এই মাহেশ্বেরই এক ভক্ত, ওরা ছিল ময়রা, একখানা বেশ বড়সড় রথ বানিয়ে দেন। সেখানা পুরানো হলে এই শ্যামবাজারের কেষ্টবাবুদের পদপদরূষ, ওদের দেশ ছিল আরামবাগ সাবডিভিশনে, কৃষ্ণরাম বসু, বড় ভদ্রলোক ছিলেন কি না, এক বিরাট রথ বানিয়ে দিয়েছিলেন। শুনেছি ঘাড় টেনটন করে উঠত চুড়ো দেখতে গেলে, এমনই বিরাট, তেরটা চুড়োই ছিল, বিবেচনা করুন একবার, কান্ডখানা কি?

শুধু কি রথ বানিয়েই খালাস, যাবতীয় ব্যয় তিনিই চালিয়ে এসেছেন। সেই রথ ভাঙলে তাঁর ছেলে গুরুচরণবাবু আবার একটা নতুন রথ বানিয়ে দিলেন। তা মশায়, সেটা গেল দৈবগতিকে পড়ে। তা সে-ও প্রায় নব্বই একশ বছরের কথা হল। গুরুচরণবাবুর ছেলে রায় বাহাদুর কালাচাঁদবাবু আবার একখানা রথ বানিয়ে দিলেন, সেখানায় যখন আর কাজ চলল না, তখন তাঁরই দৌহিত্তির বিশ্বম্ভরবাবু, তিনি একখানা রথ বানিয়ে দিলেন, সে রথের ছিল পাঁচটা চুড়ো, তা সে রথখানার কথা তো আগেই বললাম, প্রভুর কি লীলা কে জানে, একজন গলায় ফাঁস দিয়ে আত্মহত্যা করলে। তারপরই এই লোহার রথ, চারতলা, নয়টা চুড়ো। সেই রথই চলছে। চলছে মানে কি চালাচ্ছেন তাই বিনা ক্লেশে চলছে। তাঁর ইচ্ছা না থাকলে এই তো পিচবাঁধানো পথ কাদা নেই, উঁচু-নীচু নেই, তেলের মতো ‘পেলেন’, চালাক দেখি, নড়াক দেখি ইণ্ডিয়ানেকও কেউ? হরিবোল হরিবোল, প্রভু হে দয়াময়। আজ ক বছর ধরে ঠাকুর খুবই প্রসন্ন, কোনই কষ্ট দিচ্ছেন না, বেশ যাচ্ছেন। কিন্তু বছর পাঁচেক আগে, উয়াঃ সে কী কান্ড মশাই, মাসীর বাড়ীর কাছ বরাবর গিয়ে রথ আর চলল না, চলল না তো না-ই। টানা হ্যাঁচড়া করে করে হয়রান, তারপর হাল ছেড়ে দিলুম। বিগ্রহকে কোলে করে মন্দিরে নিয়ে তুললুম আর ওমা, রথ গড়গড়িয়ে চলল। হরি হরি বল, প্রভু দয়াময় হে।

‘সাক্ষী’

সেবাইত ভদ্রলোককে নমস্কার করে ভিড়ের অরণ্যে ঢুকে গেলাম। ইতিমধ্যে বন্দুকে ফায়ার হল। ঠং ঠং, ঢং ঢং বাজনা বাদ্য শব্দ হল, টাকা পরস্যা, আনি সিকির বষণ শব্দ হল, হৈ হৈ করে রথ চলল। মই-এর বেড়ার ভেতর পরস্যা কুড়োনের ধুম পড়ল। দূপাশ থেকে সাবধান সাবধান, চাপা পড়োনা, হুঁশ রেখে চলো। এই পরস্যা জমা হবে কলসীর ভেতর, কলসী যাবে সেবাইভের ভান্ডারে। যে সেবাইত এবারের মেলা ডেকে নিয়েছেন, এ সব প্রাপ্য তাঁরই। ডাক প্রতি বছরই হয়, তবে ফার্মালির মধ্যে, এ ঘর, নয় ওঘর, এ পকেট নয়, সে পকেট, উঠোনের সীমানা ছেড়ে অদ্যাবধি তা অন্যত্র যায়নি।

আরেকজন বললেন, এই যে দেখছেন পথের দুধারে দোকানপাট, এর খাজনা তোলাও এই কদিনের মতো জগন্নাথের অধিকারে। আর এ অধিকার আজকের নয়, নবাব আলীবর্দীর দেওয়া। ব্রিটিশ সরকারও এ অধিকারে দাঁত বসাতে পারেনি। দেখলেন না, রথ যাবে বলে কতদূর থেকে রাস্তা বন্ধ করে দিয়েছে। পথের মোড়ে পলিশ কনস্টেবল দাঁড়িয়ে। ট্রাফিক ঘুরিয়ে দিচ্ছে কেমন।

কিন্তু আমি তো রথই দেখতে আসিনি, রথ দেখলাম, লোক দেখলাম, এবার ইচ্ছে কলা বেচাটাও দেখি। সেই তাগেই ফিরছিলাম। একজন বললেন, কী আর দেখবেন, মালপত্তর যা এসেছে অধিকাংশই প্লাস্টিকের। সেদিন আর নেই, কোথায় বা আপনার ভেঁপু বাঁশী, আর কোথায় বা সেই মাটির ঘোড়া, গরু, পুতলা, কাঠের বন্বন গাড়ী। ছেলেবয়সে দুতিন মাইল ঠেঙিয়ে রথের আড়ং-এ জুটতাম। ছোট ছোট গাড়ী এক একটা কিনে ঠেলে ঠেলে নিয়ে যেতাম, চাকার উপর চরকী ঘুরত বন্বন। সে তো চরকী নয়, আমাদের মনেরই খুশী। আর মশাই পাপর, আর ফলের মধ্যে লটকা, সেই ছোট ছোট ফলগুলো, তিনটে করে আঁটি, কেমন অস্বাদু। আর মশাই বেলুন, আর ঘুড়ি। আঃ! চোখ বন্ধে ভদ্রলোক ছেলে বয়েসটায় একবার উঁকি মেরে নিলেন।

মাহেশ এখন শুধু পাপর আর চিনেবাদাম, আর যা আছে চোখে পড়বার মতো নয়, বরং কলকাতা ভাল। বৌবাজারে যে মেলা জমে তেমনি আর কোথায়? কত গাছগাছালির চারা আর পাখী, আর বেতের, বাঁশের কড়ি ডালা।

ইহাং শুনলাম হৈ হৈ। কি? মদহুতে লোক জড়ো হল, পলিশ এল পালে পালে, কটাকে গ্রেফতার করে নিয়ে গেল, আবহাওয়া খমখম, রথ

‘সাক্ষী’

আর চলবে না। কেন? কি হয়েছে? মিলমজুররা প্রতিবার রথের দড়ি টানে, বহুদিন ধরেই টেনে আসছে, তেমনি প্রতিবারই রথের দড়ি টানবার আগে মদ টেনে আসছে, সেও আজ অনেকদিন। ‘রঙ চড়ালে দুনিয়া বাদী’, ভাবখানা এই রকম। ‘দুনিয়া কেয়া হ্যায়’ বলে ওরা লুঠপাট শূদ্ধ করে দেন, প্রতি বছরই করেন, এবারও তাই করতে গিয়েছেন। আর ভলেন্টাররা এসে বাদ সাধলে। অ্যাসা নেহি হোগা। বাদ সাধতেই বেধে গেল। শেষটায় পদলিখ এসে ফয়সালা করলে, দুস্কর্মের পাণ্ডাদের ধরে ঠান্ডা গারদে চালান করলে। অমনি স্ত্রীক। ন্যায় অধিকারে হাত দিয়েছ, লুঠ করবার হক আমাদের বহুদিনের, সেই স্বাধীনতায় হস্তক্ষেপ! টানবনা রথ। ওরা রথ টানলে না, এবার রথ টানলে মধ্যবিত্ত ভদ্রলোকেরা, হৈ হৈ করে এগিয়ে গেল।

একটু এগিয়ে এসেছি মন্দিরের কাছ বরাবর। বেশ ভিড় এক মহিলাকে ঘিরে। বছর পঁচিশেক বয়েস। ফুঁপিয়ে ফুঁপিয়ে কাঁদছে। কি ব্যাপার? সর্বস্ব চুরি গেছে। রথ দেখতে আসছিলেন। স্বপ্ন পেয়েছেন। থাকেন অনেক দূরে। ছেলেপুলে হয় না, অনেক প্রার্থনা করেছেন জগন্নাথের কাছে। শেষে প্রভু স্বপ্ন দিলেন। মাহেশে যা, দড়িতে হাত ঠেকা, তোর মনস্কামনা পূর্ণ হবে। স্বামী বিদেশে, লোক পেলেন না তাই একাই আসছিলেন। স্টেশনে এক ভদ্রলোকের সঙ্গে দেখা, ভিড়ে টিকিট কাটতে পারছিলেন না, সে কেটে দিলে। বললে, সেও আসছে মাহেশে। কত আলাপ। হোটেল নিয়ে খাওয়ালে। মাহেশে এসে মন্দিরে ঢুকল, সে বললে, দিদি, গহনাপত্র নিয়ে ঢুকো না। যে ভিড় ভরসা হয় না। আমার কাছে রেখে দর্শন করে এসো, একটু তাড়াতাড়ি এসো, তুমি এলে আমি যাব, আমাকে আবার পূজো দিতে হবে।

ভদ্রমহিলা ফুঁপিয়ে ফুঁপিয়ে বললেন, ঘৃণাকরেও অবিশ্বাস করলাম না গো। আমার কি মরণ হল, সম্বশ্শো ওর হাতে সমর্পণ করে ভেতরে ঢুকলাম। দেবতার মন্দিরে এমন প্রবণ্ডনা, হা জগন্নাথ, তোমার চোখের উপর এত বড় রাহাজানি, তুমি সহ্য করলে! জগন্নাথ, বুঝলাম, সত্যিই তোমার হাত নেই। ভলেন্টাররা সামান্য দিতে লাগল, অমন উতলা হবেন না। পদলিখে স্বয়ং দেওয়া হয়েছে দেখুন কি হয়।

সন্ধ্যার দিকে ফিরে আসছি। দেখলাম ছোট্ট একটা ছেলেকে পদলিখে ধরে নিয়ে যাচ্ছে। ছেলোট বলছে, আমি কিছু করিনি, সত্যি কিছু করিনি, আমাকে ছেড়ে দাও। পদলিখটি ধমক দিয়ে বলছে, চোপ, এখনো বলাই, বল

তোমার দলে বড় কে আছে, ছেড়ে দেবো নইলে ডেকে জেলে দেবো। ছেলেরিট হাউ হাউ করে কেঁদে উঠল, কেউ নেই আমার সঙ্গে, আমি একা আর বাড়ীতে মা আছে, তার বড় অসুখ, আমায় ছেড়ে দাও। চমকে উঠলাম। কি মনে হল পিছ পিছ থানায় এলাম। কনস্টেবল দারোগাকে বললে, বড়া বদমাস, বড়া হোকে ডাকু হোগা। দারোগা বললেন, কি, এ কে? কনস্টেবল বললে, পকেটমার। ছেলেরিট বললে, না আমি পকেট মারিনি। আমি তো মালা বিক্রী করছিলাম। দারোগা জিগ্যেস করলেন, তোমার বাড়ী কোথায়? গোঁদলপাড়া। নাম কি? বিজু। পকেট মেরেছিস? না না। তবে কি করছিলাম? মালা বেচছিলাম। কোথায় মালা? ফেলে দিয়েছে। কে? বলতে পারল না। কিন্তু বদলালাম। এগিয়ে গিয়ে বললাম, দারোগাবাবু, আমি জানি ও পকেটমার নয়, ওকে ছেড়ে দিন। অনেক বলে কয়ে ছাড়িয়ে আনলাম। জিগ্যেস করলাম, মালা আছে? চুপ করে রইল, তার পর বললে, পদলিশ ফেলে দিয়েছে। বললাম, আচ্ছা, বাড়ী যাও। যেতে পারবে? ঘাড় নেড়ে বললে, হ্যাঁ। ফিরে আসতে আসতে মনে হচ্ছিল, কি আশ্চর্য যোগাযোগ। মাহেশের মেলায় বণিকমবাবুদের রাধারাণী কি রূপ পাণ্ডিয়ে এল?

কামদেবের ওলা

কেমন করে যে দেশটার 'কামকোটি' নামখানা খসে গেল, কারা এসে কবে যে 'বীরভূমি' এই সাইনবোর্ডখানা ঝুলিয়ে দিলে, সে তথ্য আমার কাছে দূর ঠিকানার। লায়েক ইতিহাসবেত্তারাও যে নিশানা নিরীখে সবাসাচী এমনত মনে হয় না। মহেশ্বরের কুলপঞ্জিকা এক লাইনেই সেরে দিয়েছে, 'কামকোটি বীরভূমি জানিবে নির্যাস।' তা না হয় জানলাম। কিন্তু জানিলে মানিতে হবে, এমন কি কথা? গোটা বীরভূমের সরকারী দলিলদস্তাবেজে 'কামকোটি' নামটি গরহাজির কেন? থাকগে পশ্চিমবঙ্গের উনুনে খিচুড়ি চাপিয়ে হাঁড়ি অবধি ফাটাবার বাসনা আমার নেই। কাজে কাজেই ও পথ পরিত্যাজ্য।

আমার মোশদা কথাটা হচ্ছে বীরভূম কামকোটি কিনা তাতে মতশেষ থাকতে পারে, কিন্তু বীরভূম যে আদৌ বীরের ভূমি নয়, বৈরাগীর ভূমি সে বিষয়ে আমার মত একেবারে অবৈত।

বীরভূমে পা যখনই ঠেকাই কেন জানিনে সঙ্গে সঙ্গে আমার চোখ দুটো গিয়ে ঠেক খায় আকাশে। যাতায়াতের পথে কোনো একদিন এই দেশটির ঢলঢলে কাঁচা মৃৎখানিতে উদয় অস্তের ফেরীদার সূর্যদেব আলগোছে এক সোহাগের চিহ্ন একে সটকে পড়েছিলেন। সেই প্রণয় চিহ্নই বোঝা করি বলসানো বীরভূমের সর্ব-অঙ্গে মাথা। টানের দেশ, প্রায়-নেই-জল বললেই হয়। তবে বীরভূম মাটির সরসতার অভাবের কড়া-ক্রান্তি উশদল দিয়েছে লোকের মনে রসের দেদার জোগান দিয়ে। দেশটা বেশভূষার বাহার ছেড়েছে। ষোণিনীর গেরদুয়া তুলে গায়ে দিয়েছে আর মানদুগ্ধলোকেও পরিয়েছে আলখালা, নিজের ধূলোয় রঙদার করে। এদের দেশে রঙ, এদের বেশে রঙ, এদের মনে রঙ, রঙে রঙে রংছট। গেরদুয়া পাগলিনীর রঙ। প্রেমিকও পাগল। প্রেমের স্বভাব বোঝা যায়। তাই সোজা লোকও বাঁকা হয়ে যায়।

প্রেম কথাটি শুনতে ভালো

প্রেমের স্বভাব বাঁকা গরলমাথা

প্রেম ভেবে ভেবে অঙ্গ কালো॥

যদি প্রেম সাধ চাও আচারিতে

কুলসাধ রেখনা চিতে

‘সাকীস’

মিঠে বলে এঠো খেলাম

পেট ভরল না জাতও গেল॥

নিশিযোগে দীপভাসে

আনন্দ গুণ গায় সকলে॥

মেওয়া খেতেও নারে যেতেও নারে

উত্তমারে সেইদিনের দিন কেমনে ঠেলো॥

যে মেওয়া গলায় তুলেও গেলা যায় না, গলা থেকে ফেলাও যায় না তাই প্রেমমেওয়া। এই প্রেম পেতে চাও তো কুল ছাড়। গরঠিকানা হও। পাগল বনো। পাগলদের আবার ঠিক ঠিকানা কি? সাকিন মোকাম কোথায়? তাই এরা সবাই বেঠিক, সবাই বেভুল, এরাই বাউল। বিচিৎ আচার এদের, সচিৎ আকার।

বাউলের সংগে পড়ে, ঘুরে ঘুরে ভবের মাঝে ভেবে মরি
দেখে এদের রংগভঙ্গ জ্বলে অঙ্গ কিছই ব্যাপার বদ্ব্যভিচারি॥

একতারা আছে ধরে, হস্ত নাড়ে, এই বদ্ব্য ওর হাতে খড়ি।

জানেনা এসব তত্ত্ব মদে মত্ত, করে বেড়ায় ছলচাতুরী।

বাঁয়া বাজাচ্ছে যেটা, ঐ যেটা ভুলেও ভাবেনা হরি॥

তালে তো দেয়না রে তালে, বড় বেতাল ভালবেতালে বাজায় জুড়ি॥

গুণপিয়ন্ত যে ধরে কিমিয়ে পড়ে মৌতাত লেগেছে ভারি।

খঞ্জনি বাজায় যে জন বদ্ব্য সে জন দম দিয়েছে আহা মরি॥

দেখি তোর একী বেহাল, যেন ইন্দ্রজাল দীর্ঘ ফোঁটার কারিকুরী।

গলাতে কণ্ঠি পরে, মাথা নেড়ে গাছে সবে আহা মরি॥

আনন্দলহরী করে, আনন্দভরে, নৃত্য করে বলে হরি।

নয়নে চিনে নেনা, করে সোনা সে ধন হরি নামের তরী॥

বাউলের রূপ বর্ণনা ওদের কথাতেই দিলাম। বাউলদের সম্পর্কে আগ্রহ ছিল। শুনোছিলাম মকর সংক্রান্তিতে বাউলদের এক মেলা বসে জয়দেব-কেন্দুলীতে। কেন্দুলী হচ্ছে বীরভূম জেলায়। পোষাকী নাম কেন্দুবিশ্ব। ‘পশ্চিমবর্তী চরণ-চারণ চক্রবর্তী’ কবি জয়দেবের খাস মোকাম। দড়টোর সম্মানে নাম পশ্চিম নতুন করে দাঁড়িয়েছে এসে জয়দেব-কেন্দুলীতে। জয়দেব যাবার বাসনা হল। সে বাসনা ত্যাগ করে তুললেন দুই গুণীজন। রাজেশ্বর মিত্র এবং অহিভূষণ মালিক। একজন যদি সদরকার তো অন্যজন তুলিকা-সার। আর গুণ বোকাই

‘সার্কাস’

এই দুই ওয়াগনের মধ্যে ‘বাকার’-রূপী সাংখ্যের নিগূঢ় পদ্রবকারের এক জ্যাস্ত এন্ড্রাস্পদল স্বয়ং আমি।

পথ সম্পর্কে ওয়াকিবহাল ছিলাম না। পানাগড় থেকেই মেলার কদিন বাস চলে। বর্ধমান আর অন্ডাল থেকেও সিধা মেলার বাস ছাড়ে। সুন্দরক স্থান জানা ছিল না। অন্ডালে নেমে ট্রেন বদলিয়ে উথরা স্টেশন থেকে বাস ধরলাম। নামলাম অজয় নদের এপারে। ওপারে জয়দেব। এপারে গ্রাম ওপারে গ্রাম মধ্যখানে চর।

ইস্কুলে যখন পড়তাম এ তখনকার গল্প। ভূগোলের মাস্টার জিজ্ঞাসা করলেন, ‘নদ কাহাকে বলে।’ একটি ছেলে জবাব দিয়েছিল, ‘আজ্ঞে নদীর মতো থাকে দেখতে অথচ নদী নয়, যাহার মধ্যে জলের বদলে থাকে শুধু বালু, তাহাকে।’ সেদিন হেসেছিলাম। আজ নদ দেখে বুঝলাম আমার আগাম হাসিটা তার ঠোঁটে গিয়েই উঠেছে। অজয় নামেই নদ। জল বওয়া যেন মহা অপমানের কাজ। কেউ দেখে ফেললেই ‘প্রেস্টিজ নট’ হয়ে যাবে। তাই ছিটেফোঁটা জল বালুর পোষাকের নিচে লুকিয়ে রাখবার জন্য সদা সচেষ্ট। মাইল প্রমাণ বালুর বিছানা মাড়িয়ে আমরাও জয়দেবে উঠলাম আর ডিউটি-খতম দেব দিনমণি রাত্রির জিম্মার আমাদের গাছিয়ে দিয়ে ঘরমুখো লম্বা দিলেন।

কোথায় উঠব, কোথায় থাকব কিছু ঠিক ছিল না। পথে শুনলাম, ভয়ভাবনার কিছু নাই। থাকবার স্থানের অভাব নাই। দু তিনতলা বাড়ি আছে। উকিল ব্যারিস্টার, কত বড় বড় বাবুরা এসে থাকেন। ঘর ভাড়া পাওয়া যাবে। এসে দেখি, হরি হরি কোথায় দোতলা তিনতলা বাড়ি। একটা বড় কোঠা বাড়ি আছে অবশ্য, কিন্তু তা গদীর মোহান্তের দখলে। অন্যান্য আস্তানা ভাড়া হয়ে গেছে। কলিকাতার এক ভদ্রলোক সপরিবারে গিয়েছিলেন। একটা মাঠকোঠার দুটো কামরা নিয়েছেন, ভাড়া ষাট টাকা। বাউল বোস্টমদের কয়েকটা স্থায়ী আখড়া আছে। কাঙাল স্ক্যাপার আখড়ায় যেতেই স্থান মিলে গেল। ঘরের ভেতর বসেছিলেন এক বাউল। একগাল হেসে বললেন, জয়া স্ক্যাপার মেলায় এসেছেন, ভয়ভাবনা দূরীভূত করুন। মনের ভেতর আসন পাতুন আনন্দের।

বাউল আনন্দেরই জীবিতরূপ। বাউলতত্ত্ব বড় চমৎকার। আনন্দই কেবল। আনন্দ ধ্যান, আনন্দ জ্ঞান, আনন্দ শৃঙ্খল সার। আনন্দ বন্যাস রসের তরীখানা শৃঙ্খল পারাপার করছে। এই পাথর পারাবারের লক্ষের পারে আছে বাউল তার নৃত্য নিয়ে গীত নিয়ে। আর অন্য যে পার সেই অলক্ষ্যে আছেন এক অলখ-রসিক। নানা কর্মে একেবারে চৌকস।

‘সার্কাস’

মানব জন্ম রে ভাই তাঁতির তাঁত বোনা।

ভবের মাঝে মানব তাঁতে বুনছে কাপড় একজনা॥

(হরি বলে)

ও ভাই মানব জাতির চোন্দ পোয়া মাপ

নানা বর্ণের সূতো তাঁতে উঠছে পড়ছে ছাপ

টেরিকাটায় টেনে ধরে পাপ

ও বাপ বিষনলী দিচ্ছে জেগান (হায় হায় রে)

বাঁটি নেয় তা ছয়জনা॥

আপনারে যে জড়ায় সূতো

আবার টানা গেঁথে নানা মারছে রে গুঁতো

দিনে দিনে গুণছে মনমতো

জীব কর্মসূত্রে মাকুর মতো

ওরে করতেছে আনাগোনা॥

ওই তাঁতি আছে তাঁতসালে বসে

তত্ত্ব দত্তি লাজনি করে বেঁধে মায়াপাশে

ওরে টেপার নলী টিপছে সাহসে

ও রামচরণ বলে তাঁতি মলে

তখন এ তাঁত চলবে না॥

এই মানব জন্মের মধ্যেই নানা রঙ্গ আছে। প্রতিটি কর্মই রঙ্গঠাসা। এই রঙ্গেরই রং অঙ্গে মাখো। আর তামাসা-রসে হাবুডুবু খাও। যতদিন দেহ ধরো ততদিন আনন্দ করো। দেহ-তাঁতি ফোঁত হলে মৌতাত আর জন্মেই। এই তত্ত্বই বোধ করি দেহতত্ত্ব।

ঘুরছিলাম ফিরছিলাম, এই আনন্দের তুফান গায়ে লাগাচ্ছিলাম আর ভাবছিলাম জয়া ক্যাপার কথা। আঁকিয়ে বন্ধুটি খাতা পেন্সিল নিয়ে বাউল-দলগলে আঁকিয়ে বসেছেন বাউলের ভাবরূপের ছাপ তুলবেন। বিদগ্ধ বন্ধুটিকে জিজ্ঞাসা করলাম, হ্যাঁ মশাই, জয়দেব-সংবাদ কি বলুন তো? এই ক্যাপার আসর এখানে কেন? বন্ধুটি জবাব দিলেন, বড় গোলমেলে ব্যাপার, সঠিক আর আমি কি বলব বলুন। এ বিষয়ে বিশজ্ঞান মূর্খের অন্তত এক কুড়ি মত। কেউ বলেন, জয়দেব মিথিলা ফেরং। বিদ্যাশিক্ষাটি এখানেই করেছেন। কেউ বলেন, তিনি এখানেই সিঁধাই লাভ করেন। আবার কোথাও পাই তাঁকে মহারাজ লক্ষণসেনের সভাকবি রূপে। পদ্রী রাজসভার হাজরে খাতার তাঁর নাম প্রজেক্ট আছে দেখি।

‘সাকান’

বৌদ্ধ সাধন পদ্ধতি উত্তরকালে নানা ঋণ্ডিতভাবে ইতরজনের মধ্যে প্রভাব বিস্তার করে। তন্ত্র ও সহজযান সাধনতত্ত্বই রাঢ় দেশে বিশেষ করে জনসাধারণের আচরণীয় হয়ে ওঠে। সহজিয়াভাবের সঙ্গে গোড়ীয় বৈষ্ণব ধর্মের একটা কোর্টশিপও তৎকালে হয়। আর তা শেষ পর্যন্ত গাটছড়াও বাঁধে। এই বৈষ্ণব সহজিয়াদের প্রধান হলেন নয়জন রসিক। কেন জানিনে জয়দেবও কেমন করে এই নবরসিকদের একজন, শূদ্ধ একজন নয় আদিজন বলে কল্কে পেয়ে এসেছেন। সহজিয়ামার্গে আর বাউল সাধনায় মিল অমিল প্রচুর আছে। কিন্তু বর্ডার লাইনে আগল তোলা নেই। এক পা এ ধারে এক পা ও ধারে দিয়েও দিব্য থাকা যায়। এই মেলায় যারা জমায়েত হয়েছিলেন, তাঁদের মধ্যে দৃ একজন ছাড়া বেশীর ভাগই দৃ দিকে পা দেওয়া।

ওদের মধ্যে ঘুরছিলাম, হেথা হোথা বসছিলাম, গান শুনছিলাম আর টুকটাক জিজ্ঞাসা করছিলাম। প্রকাণ্ড বটগাছের নিচে বাউলদের জমায়েত। নানা স্থান থেকে এসে হাজির হয়েছে। সুন্দর ময়মনসিংহ আর এদিকে মানভূম, পাল্লা বড় কম নয়। তবু পথের পাড়ি জমাতে ঠিকে ভুল হয়নি কারো।

কলকাতার চিড়িয়াখানায় একটা ঝিল আছে। শীতকালে উড়ে-আসা পাখীতে সেটা ভরে টইটব্দর। কোথাকার পাখী না আসে? মানস সরোবর আর সাইবেরিয়া, কত দিক দিক থেকে এসে জড়ো হয়। যতক্ষণ দেশে থাকে, ততক্ষণ কোন দলটা বা সাইবেরিয়ার, কোনটা বা মানস সরোবরের আর কোনটা বা গডুইন অস্টেনের ওপারের। ঝিলে এসেই মিলে মিশে একাকার, জাতবিচারে তাল্য ঝোলে। এদের মধ্যেও সেই একই ব্যাপার। যতদিন গেরস্থ ছিলে ততদিনই ~~জমা~~ তাঁতি কি জোলা। কিন্তু যেদিন থেকে আলখাল্লাটি সার করে কাঁধের ঝোলা কাঁধে তুলেছ, যেদিন ঘরের বার হয়েছ সেদিন থেকে তুমি শূদ্ধ বাউল। কামার কি কুমোর, নাপিত কি তাঁতি, হিন্দু কি মহম্মদী—তোমার সব লেবেল ঘুচে গেছে। এবার মন থেকে ঘরের চিন্তা ছাড়। ঘরের বাইরে মনকে আনলেই চলবে না, মনের ঘরে গিয়ে ঢুকতে হবে। বাইরে ঘোরাঘুরি কিসের জন্যে? রহস্য রস সবই তো ভেতরে।

ঘরে গেলে নারে মনা, বাইরে ঘোরালে

ঘরে গিয়ে দেখলি নারে মন পাগলা

একতাল্য খুলিয়া দেখে খোলা আছে নয়তাল্য।

তাল্য তাল্য ফুল ফুটেছে

দ্রমর বেড়ার মধুর লোভে

‘সাকলি’

জোয়ারে সে ফুল ভেসে যায় গঙ্গা ধমনায়
চম্বিশে এক ছনের ছানি
নিরলে বেধেছে বেণী
দশনম্বরে তার জুত গাথুনি তিন তারে টানা
ষোড়শ ভালার উপরেতে হংসের বাসা
চারষড়্গে এক ডিম পাইড়াছে, ডিম্মেতে কুসুম কাঁচা
মধ্যম গেহ কদমতলা সদাই করে নৃতালীলা

শ্বিজদাস কয় ওরে পাগলা চেয়ে দেখলি না॥

সত্যি বলতে কি, আমাদের অবস্থা একটু শোচনীয় হয়েই দাঁড়িয়েছিল। আমরা পাকা জহুরী নই যে হাঁ দেখেই আসল নকল চিনে নেব। আমাদের কাছে সব ‘ভুটানী’রই ভোঁতা নাক, আসামী করবো কাকে’ গোছ ব্যাপার হয়ে দাঁড়াল। তবে আবার একটা গল্প বলি, শুনুন। একদিন কথা হচ্ছিল, বোঁচা নাক ভুটানীদের সকলেরই এক রকম চেহারা, চেনা বড় মৃশকিল। এক বৃদ্ধ বললেন, তা হলে ওরা নিজেদের চেনে কি করে? ভিন্ন করার চিহ্ন একটা কিছ আছে।

সেই চিহ্নই আমরা খুঁজছিলাম। কিছু কেশের বাহার বেশের বাহার সকলেরই তো এক। লম্বা চুল, লম্বা দাড়ি। তাই এ পথে একদম আনাড়ি আমরা আর বাছবিচার করলাম না। একধার থেকে বাউলসঙ্গ করতে শুরু করলাম। যেখানে বাউল দেখি সেখানেই বসে পড়ি। কাঁচ হও কি কাগুন হও আমার কি আসে যায়। কিছু গান শোনাও, ভাল যদি লাগে দুদমন্ড বসব। মওকা পেলে সঙ্গে করে নিয়ে যাব দু একখানা।

একপাশে বসেছিলেন এক বৃদ্ধ বাউল। এক হাতে গোপীবন্দ আর অন্য হাতে ডুঁগি। গান শুনতে চাইলাম, কথা না বলে ডুঁগিতে তাল দিতে দিতে গান ধরলেন।

তাল খেয়ে তাল ঠাণ্ডা করো আমার মন

ঐ তালে জুড়ায় রে জীবন

তাল বাল্যকালে ডঙ্কণ করে শিশুগণ।

ওরে কাঁচ তাল খেতে ভাল অতি মিষ্ট তাহার জল

বাঁটির ভেতর হয় তরল অতিশয় পকতা হলে হয় কঠিন

তালের গুণ বলতে নারি তালের রসে নেশা ভারী

মেহরোগের উপকারী সকলেতে কয় বচন।

‘সার্কাস’

আখালবৃদ্ধ পুরুষ নারী চিবিয়ে খায় ছোবড়া মাড়ি
আঁটি রাখে যতন করি শাঁসটি খেতে বাদে মন।
ভাই দেখ ভালের ডোংগায় জলপথে হয় চলাচল
ওরে গড়ল ডোঙা চিতমাঝারে বৃক্ষে নেরে কথার ঘের।
নীলকণ্ঠের এই বাণী তাল খেয়ে বেতালে গেলি
(ওরে) দেখবি যদি বনমালী তালবনে কর গমন॥

বীরভূম বৈরাগীর দেশ, ক্ষাপাক্ষেপীর আস্তানা। একা কি জন্মা ক্ষাপা?
বিশ্বমঙ্গল নেই? কেন্দুলীর থেকে কুঞ্জে এক মাইল হবে কিনা সম্ভেদ বিশ্ব-
মঙ্গলের সিংহপীঠ। নাম্নর কোথায়? সেও তো এই বীরভূমেই। চণ্ডীদাস
ক্ষাপার আপন আখড়া সেখানে। এখানে, এই বীরভূমের ক্ষাপাক্ষেপীর
ছড়াছড়ি। জয়দেব মেলাতে ক্ষাপাক্ষেপীরই প্রাধান্য।

মেলাটার দূটোভাগ। একটা পণ্যের, অন্যটা পুণ্যের। পণ্যের দিকটা
সচরাচর-দৃষ্ট। মাইলখানেক জায়গা ব্যাপী দোকান। পরিচিত পসরা সাজানো।
খাবারের দোকান সুপ্রচুর। মনোহারী, বেলোয়ারী—সব বাইরে থেকে আমদানী।
স্থানীয় শিল্প সবই কাঠ আর লোহার। হলের কাঠ, দরজার কাঠামো। এর
মধ্যে চমক খেলাম, পাঙ্কীর ঠাট দেখে। যাকে প্রাগৈতিহাসিক যুগের বাসিন্দা
বলে জানি তাকে হঠাৎ জ্যান্ত ঘুরে বেড়াতে দেখলে যে অনুভূতি জাগে, পাঙ্কী
বিক্রি হতে দেখে ঠিক তার সহোদর অনুভূতি নাও যদি টের পেয়ে থাকি, তো
যেটা সেদিন অনুভব করলাম সেটা যে ওরই মাসতুতো পিসতুতো তাতে আর
ভুল নেই।

পণ্য আর পুণ্যের এই খিচুড়ীশালার রসুইকারটি নিশ্চয়ই কাঁচা। আসিস্থ
খিচুড়ী থেকে সহজে আলাদা-করা চাল ডালের মতো দূটো দিক মিশ খায় নি।

মকরসংক্রান্তির ভোরে স্নান-যোগ। এই দিন এইখানে অজয় নদে স্নান
করলে গঙ্গা স্নানের ফল লাভ হয়। কারণ কি? না সেই দিন এইখানে গঙ্গার
আবির্ভাব ঘটে। কেন?

জয়দেব কেন্দুলী থেকে রোজ কুড়ি বাইশ ক্রোশ দূরে কাটোয়ার বেতেন
গঙ্গা স্নান করতে। তখন তিনি পুঁথি লিখছেন—গীত-গোবিন্দম্। কৃষ্ণ আগের
রাত্রি রাধিকার কুঞ্জে আসেন নি। রাধিকা ভেবেছেন অন্য কোথাও তিনি রাতি
ষাপন করেছেন তাই অভিমানে তাঁর গাঢ়দাহ। এ দুর্জয় অভিমান ভাঙতে কৃষ্ণ
রাধিকার পায়ে নিজে থেকে বিলিয়ে দেবেন। কিন্তু ইটকে অত হীন করতে ভক্তের
মন চাইছে না। শ্লোক অসম্পূর্ণ রয়ে গেছে। পাদপূরণ করবেন কি করে?

‘সাক্ষী’

জয়দেব অতিক্রমে স্নান করতে চলেছেন কাটোয়ার ঘাটে। ডকবৎসল ডকের এই কষ্ট আর সহ্য করতে পারলেন না। জয়দেবের রূপ ধরে ফিরে এলেন। অসময়ে স্বামীকে ফিরতে দেখে পদ্মাবতী বিস্মিত। প্রভু একী! প্রভু বললেন, শ্লোকের পাদপূরণ হয়নি, শ্লোকটা মনে পড়তেই ফিরে এলাম। তুমি ভোক্তাদের আয়োজন কর। ভোক্তাদের প্রভু ভেতরে শয়নে গেলেন। স্বামীর উচ্ছ্রিত প্রসাদ পদ্মাবতী সবেমাত্র মুখে তুলেছেন, এমন সময় স্নাত জয়দেব আগমন করলেন। একী পদ্মাবতী, একী আচরণ তোমার! আমি অভুক্ত আর তুমি খেয়ে চলেছ। পদ্মাবতী হতভম্ব। বললেন, রহস্যটা বোধগম্য হচ্ছে না। আপনি ফিরে এলেন, পাদপূরণ করলেন, ভোজন করলেন, শয়নে গেলেন। আমি তাই প্রসাদ পেতে বসেছি। জয়দেব ততোধিক বিস্মিত, চমৎকৃত। পাদপূরণ করছি! ছুটে চললেন ঘরে। পদার্থ খুঁজে দেখেন কি আশ্চর্য। দেহিপদপল্লবমুদারম্। যে পদটি তার মনে মনে ছিল, কিন্তু প্রকাশ করতে পারছিলেন না, রাধিকারমণ সেটি নিজ হাতে পূরণ করে দিয়ে গেছেন। স্বেচ্ছায় প্রসাদ পেয়ে গেছেন। ছুটে গিয়ে পদ্মাবতীর উচ্ছ্রিত খেতে বসলেন। পদ্মাবতী বাধা দিতে গেলেন, জয়দেব বললেন, পদ্মা, তুমি অতুল ভাগ্যবতী, তোমার উচ্ছ্রিত কি, এ-পাতে যদি কুকুরের উচ্ছ্রিত থাকত তো তাও আমি খেতাম।

যেখানে স্বয়ং নারায়ণ হাজির হতে পারেন, সেখানে গঙ্গা আসবেন। এ আর বেশী কথা কি? গঙ্গা বললেন, বাছা তোমাকে আর কষ্ট করে আমার কাছে যেতে হবে না, আমিই তোমার কাছে আসব। তাই গঙ্গা মকরসংক্রান্তির যোগে উজান বেয়ে আসেন। তাই তিন দিনব্যাপী এখানে অন্ন বিতরণ হয়। সমপংক্তিতে বসে আরাহ্মণ-চন্ডাল অন্ন গ্রহণ করেন আর চীৎকার করে জানান, সাধু সাবধান, ফের করি অবধান। একজনের সাবধানবাণী সবাই মিলে প্রাপ্তি স্বীকার করেন, সমস্বরে বলে ওঠেন হাঁ—আ—আ।

অনেকেই বললেন, এ আর কি দেখছেন, এতো কিছুই নয়। আগে যা হত। আগে কি হত তা জানবার সুযোগ আমার ঘট্টিন। যা দেখলাম তাতেই আমি তৃপ্ত। এই তৃপ্তির ভাব সঙ্গী দৃষ্ণের মুখেও লক্ষ্য করলাম।

ফেরবার পথে একজন শূদ্র বললেন, এলাম বীরভূমে, কিন্তু না দেখলাম একটা বীর, না পেলাম একটুকরো বীরখণ্ড। আফসোস শূদ্র এইটুকুই।

রাসের নবমী

শব্দ এক শ্রীরাধিকা নন, তাবৎ গোপাঙ্গনাগণের মনোরজনের জন্যই প্রয়োজন হয়েছিল রাস উৎসবের। বৃন্দাবনের কান্দ প্রেমের যে এজলাসের গোড়াপত্তন করেছিলেন, যুগে যুগে ভক্তগণের দৌলতে সে রাসোৎসবের রাশ অদ্যাপি টলে হয়নি।

শ্রীচৈতন্য শ্রীকৃষ্ণের অবতার বলে বিদিত। আর শ্রীধাম নবম্বীপ শ্রীচৈতন্যের খাসতালুক। কিন্তু আশ্চর্যের কথা নবম্বীপের যে রাস উৎসব তার সম্পূর্ণটাই শক্তির উৎসব। বৈষ্ণবীভাবের টিকিও দৃষ্ট হয় না।

জগাইমাধাই ছিলেন শাস্ত্রসমাজের মুখপাত্র। কলসীর কানার আঘাতে প্রভু নিত্যানন্দের রক্তপাত ঘটিয়ে যে বন্যা তারা রোধ করতে চেয়েছিলেন, একদিন তারই স্রোতে এঁরা ভেসে গিয়েছিলেন। বৈষ্ণবীর ভাবের পাথারে ডুবুডুবু শাস্ত্র সংস্কৃতি আপাত পশ্চাদপসরণ করে কালের শেলেটে ঢাঁরা কাটতে লাগল। নবম্বীপে আর শাস্ত্র অভ্যুত্থান হয়নি। তেমনি বৈষ্ণবীভাবও নবম্বীপের মজ্জায় ঢুকতে পারেনি। তাই নবম্বীপের গেঞ্জিতে শাস্ত্র-সেন্টই মাখানো; তবে উড়ুনীতে হরেন্দ্রমৈবকেবলম্। গঙ্গার ওপার থেকে যেমন সম্মার্যতির শঙ্খ-ঘণ্টা-মৃদঙ্গ বাদ্য শব্দে নবম্বীপের গোটাটাকেই ঠাকুরবাড়ী বলে ভ্রম হয়, তেমনি বিদেশ থেকেও। আসলে আছে নবম্বীপচন্দ্রের নামটাই। খামটি বরাবরই বেহাত।

তাই নবম্বীপ শাস্ত্রভিত্তিই পোস্ত। আর রাসপূর্ণিমা তারই ‘এনি-ভার্সারী সেলিব্রেশন।’

সব্বাচ্ছরে নবম্বীপও বা, অন্যান্য পাঁচটা মফঃস্বল শহরও তাই। নিজীব জীবনবাঘা। ক্ষীণ জীবন আর হীন জীবিকা দেখে বাইরে থেকে বোঝবার উপায় নেই, এই অতি সাধারণ দেহগুলি কোন একদিন আবার চঞ্চল হয়ে উঠতে পারে। উদ্দামতায়, উন্মাদনায়, চাঞ্চল্যে টগবগ, রঞ্জে রঞ্জে ডগমগ যে হতে পারে, না দেখলে বিশ্বাস করা কঠিন। এই একটি দিন এরা দাসের প্রবৃত্তি কেড়ে ফেলে প্রবৃত্তির দাস বনে।

শীতের প্রথম আভাষ, চাঁদের পূর্ণ আলো, শানাই-এর চাঞ্চল্য সজ্জনী সুর,

‘সার্কাস’

ঢোলকের উদ্‌দামনাময় সঙ্গত, সব মিলে একটা নতুন মানে এসে যায় জীবনে, আর সে শুধু এই একটি দিনের জন্যই। ন্বাপরের বৃন্দাবনের সেই রাতের সঙ্গে হেথাকার একটি বড় মিল চোখে পড়ে, বাঁশী শুনে ঘর ছাড়বার আকুলতা। বদল হয়েছে অনেক কিছুর। মুরলীর বদলে সানাই, যমুনা-তটের বদলে খোয়া বাঁধানো রাস্তা। গোপবালাদের বদলে নৃত্য করে গৌড়ওয়ালারা। কিন্তু আকুলতা-টুকু ঠিক আছে। তেমনি আদম, তেমনি অবিকৃত। এক বংশীধারীর পারবতে এখানে শত সানাইদার। “রাধা রাধা রাধা”র বদলে “বলি মাগো সুরধনী, কাতরে তোমারে ভাঁগ, কেন মাগো বহাও নাকো সুরা।” থেমটা আর পিলু ব্যারোয়ার সস্তা সুর ও চটকদার সঙ্গতের সঙ্গে কোমর বোর্কিয়ে ঝাঁকে ঝাঁকে নাচ। চৌন্দ থেকে চল্লিশ, চল্লিশ থেকে চৌষটি বছরের ভেদ নিমেষে লুপ্ত, বাছবিচারের বাধাবাধো ভাবটুকু ভাঙ করে ওতফণে পকেটে চলে গেছে। উচ্চ নীচ, ভদ্রজন আর জনগণ এমন মাইডিমারী মিলাজ্জা আর কোথায় পাওয়া যাবে? এই রাসপার্শ্বিমার রাতটুকু ছাড়া নবম্বীপেই কি আর কোনো দিন তার দেখা মেনে :

এর সবটাই যে শোভন, সুন্দর, শালীনতাপূরুষত তা নয়, তবু জীবন্ত। রাত বাড়বার সঙ্গে সঙ্গে মানুষের চেহারা বদলাতে থাকে। বেলেক্সাপনা বাড়তে থাকে, খিস্তিখেউড় শিকল খুলে বেরিয়ে আসে। বাকী রাতটুকু এদেরই রাজত্ব। রোজকার ওজনকরা রুচি আর ভদ্রজ্ঞানের সামনে নোটিশখানা ঝুলতে থাকে ‘আউট অব বাউন্ড’। সুন্দর তখন মনের বোতলে, শিব উজাগিনীর পদতলে। সত্য শুধু জেগে এই ঘোর লাগা মানুষদের অন্তরে। জগৎকে জানিয়ে দাও উদ্‌দাম হয়ে বাঁচা যায়। বাঁধন ছিড়ে নাচা যায়।

একটা দুটো নয়, প্রায় শ'খানেক, যঁত রাস্তায় যতগুলো মোড়, ততগুলো প্রতিমা। তার মধ্যে পাথ'সারথি, হরিহর আর কৃষ্ণকালী ছাড়া সব “ক”ই “কালী” হয়েছে। প্রধান যে কালী, তিনি ভদ্রকালী। তিনি ভদ্র তাই বোধ হয় সারা অপোগে কালোর লেশমাত্র নেই। দিবিয়া ফর্সা, টকটক কচ্ছে রং, বিরাট উঁচু (এখন হাত আঠারো। আগে হাত চব্বিশেক হতেন। ইলেকট্রিক হবার পর থেকে তারে ঠেকে যাবার আশংকায় হাতচারেক কমছেন) দশাসই চেহারা। দিবিয়া কাঠামোর উপরে জাঁকিয়ে বসেছেন। নীচে এক বিরাট হনুমান আসন-সুন্দর গোটা প্রতিমাই মাথায় করে বয়ে বেড়াচ্ছেন। দুই কাঁধে ফাউ হিসেবে রামলক্ষ্মণ দু'ভাইকে চাপিয়ে রেখেছেন। দেবী ভদ্রকালী সিংহবাহিনী।

‘সার্কাস’

বিরিট বর্শা অসূরের বৃকে বসিয়ে মিটিমিটি হাসছেন, যেন সূড়সূড়ি দিয়ে জিজ্ঞেস করছেন, কিরে, আর দন্টুঁমি করবি?

নববর্ষীপের রাস উৎসবে কেন জানিনে দেবীর এই রূপটিরই প্রাধান্য বেশী। খাঁটি ভদ্রকালীই অনেকগুলো আছে। আর রকমফের ধরলে প্রায় দশ আনাই তো এই মূর্তি। ভদ্রকালীর মধ্যে সেরা হচ্ছেন চারিচারাপাড়ার। প্রোসেশনের দিন পথে বেরুলে একে দেখেই চোখ টারা হয়ে যাবার উপক্রম। খুব পোস্ত চাকার উপর বসিয়ে ধীরে ধীরে তোয়াজ করে করে একে এগিয়ে নিয়ে যেতে হয়। সারাক্ষণ সামাল সামাল। রাজপথের ইজ্ঞে সেদিন একদম টিলে চললে হয়ে যায়। চওড়া রাস্তার এপাশ ওপাশ জুড়ে শ্রীমতী ভদ্রকালী আহ্লাদী মেয়ের মতো গজেন্দ্রগামিনী হন এবং মাঝে মাঝে বিগড়ে গিয়ে ভক্ত অভক্ত সবাইকে বিলক্ষণ বিপদে ফেলেন।

কম্পনা করুন, ভাসানের দিন প্রত্যেকটি প্রতিমা সারবন্দী হয়ে পড়া ঘুরতে বেরিয়েছেন। রাস্তায় যতগুলো পাথরকুঁচি প্রায় ততগুলোই লোক। তার মধ্যে রাস্তা জুড়ে বের হলেন ভদ্রকালী। ধীরে ধীরে এক মিনিটের পথ এক ঘণ্টায় অতিবাহিত করতে করতে চলেছেন। ইঠাৎ হৈ হৈ। কী ব্যাপার? ভদ্রকালীর ধুড়ো ভেঙেছে। বাস্, সব কাজের আঁটি পোঁতা হয়ে গেল। আবার ধুড়ো বদলাও, চাকা লাগাও, ঘণ্টা দেড়েকের মতো একেবারে নিশ্চিন্ত।

ভদ্রকালী ছাড়া এই ফ্যামিলীর মধ্যে গগ্যমান্য হচ্ছেন আমড়াভলার মহিষমর্দিনী, জোড়াবাঘ গৌরাংগিনী, বিম্ব্যবাসিনী প্রভৃতি।

এর পরেই আসেন শ্যামা পরিবার। একেবারে ট্র্যাডিশন্যাল কালী। করালবদনী, লোলজিহ্বা, বিকটদর্শনা, উল্লংগনী, আলশথালশ কেশপাশ, পদতলে শয়ান শান্ত শিব। সবচেয়ে বড় তেঘরিপাড়ার শ্যামা। আকাশে উঠতে পারে না, তাই উন্মাংগামী হবার শখ মেটাতে কারিগর এই শ্যামা মূর্তি গড়ে। ভদ্রকালীর মাথা ছাড়িয়ে ভেঁচি কাটবার চেষ্টা করতে গিয়ে আশেপাশের কথা আর চিন্তা করবার ফুরসৎ হয়নি। তাই ভদ্রমহিলা শৃঙ্খল মাথাতেই বেড়ে গেছেন। শ্যামারও আবার বর্ণফের, নামফের আছে। নৃত্যকালীর রংগের সঙ্গে এড়ো-কালীর বর্ণভেদ নজরে পড়ে। ঘোরতর কুকুবর্ণের পাশাপাশি ধূসর বর্ণের, শ্যামবর্ণের কালীও উঁকিঝুঁকি মারেন।

এঁদের মধ্যেই আবার বিশিষ্টা হচ্ছেন শবিশবা। শবের উপরে শায়িত শিব। শিবের উপরে উপবিষ্টা শ্যামার গঠন-বিশিষ্টা সহজেই নজরকে টানে।

‘সাক্ষী’

কৃষ্ণকানীর কথা আগেই উল্লেখ করেছি। গণেশজননী, কাত্যায়নী, অন্নপূর্ণা আর কমলেকামিনী দেবীরাও আছেন।

এদের সকলের সংগে স্পষ্ট তফাৎ চোখে পড়ে গঙ্গার। মকরবাহিনী গঙ্গা, একপাশে শিব, অন্যদিকে নারায়ণ। সম্মুখে শাঁখ-কন্ড ভগীরথ।

প্রার্থসারথি অবশ্য নিভেঁড়াল কৃষ্ণপূজা। হরিরহরের অধেক শ্রীকৃষ্ণ অধেক শিব।

রাসপূর্ণিমার দিনের বেলাতেই পূজা সমাপ্ত হয়ে যায়। সন্ধ্যার সময় থেকেই rush শুরূ হয়। রাত বাড়বার সংগে সংগে রাশ-আলগা উদ্দামতা আসর বিছাতে শুরূ করে। ঢোল সানাই-এর সংগে গান শুরূ হতে থাকে। “গোলাপ, তোর বুকে যে কাঁটা আছে, তাতো আমি জানি, তা বলে কি তোমায় ছোঁব না।” কিম্বা “তোমায় তো দিয়েছি সখি, দিয়েছি তো আমার সবি, তবু কেন প্রাণে মার ঘাঁরিয়ে তোমার নাকের ছাঁবি।” সদ্য রং ধরে ওঠা ভদ্র মুখে কিছূ উন্মত্ত গানও শোনা যায়। “একটা এঁড়ে গরু দুধ দেয় দশ সের, এক টানে কি দুই টানে হয়।” সানাইদার বাজিয়ে চলে। রঙের উপর রঙ চড়ে। মুখের বাঁধন টিলে হয়ে আসে। হেঁচ বাজনার কটা দল এগিয়ে আসে। হা রা রা রা রা। “এই গিজিঘিনাতা বাজাও।” ডগর কাড়া ঢোল ঢাক উদ্দাম বেজে ওঠে। লাফকাঁপ শুরূ হয় প্রচণ্ডভাবে। “এই চূপ। গান ধর, গান ধর।” টলতে টলতে একজন এগিয়ে আসে। ঢোলের উপর হাত রেখে দাঁড়ায়, বাকীরা নুঁকিয়ে থাকে। “এই সানাই বাজা—ও। মাথা খাও ঠাকুরজামাই কাল সকালে বাড়ি যেও। আজকে যদি থাক রেতে—” অমনি হৈ হৈ করে বাধা দেয় কজনে। এই খবরদার। নো খিস্তি। ভাল গান গাও। আরে যা শালা ভাল গান শুনবি তো কেতন শুনগে যা। রাত দশটা পার হয়ে গেছে। বাজাও গিজি-ঘিনাতা। হা রা রা রা রা। আচ্ছা আচ্ছা ভাল গান হোক। চূপ চূপ। এই সানাই ধর। “আহা পা টলে টলে খানায় পড়ে সে ভারি মজা। সে ত ভারি মজা সখি। ‘জলদ বাজাও’। সে তো ভারি মজা।” হাস্য হাস্য। কোমর বের্কিয়ে নাচ শুরূ হয়। ছেলে বড়ো যুবো সবো চোখেই লাগে নাচের ঘোর। ওদিকে ভোর হতে আর কত বাকী?

যারা একটু হুঁশিয়ার, একটু সন্ধানী, একটু রসিক তারা একটু খোঁজে থাকে। সুযোগ মতো ফরমাস কর। ‘কত্তা এবার একটা ইমন’। কান ভরে সানাই শুনো নাও। ঢোল বাজাবার কসরৎ দেখ। ‘একখানা দরবারী। এই নাও বাড়ি নাও।’ ‘একখানা কেতন।’ ‘একখানা মালকোষ।’ তারপর চোখের

‘সার্কাস’

সামনে থেকে সব গলতে শব্দ করবে। এই শহর, এই মানব। সদরের কোটাল নামবে। ধীরে ধীরে ডুবে যাবে জগৎ সংসার সদরের পাথারে। ‘আঃ কি মাইরী রাবিস, এই বড়ো লারে লাম্পা বাজাও।’ হ্যাঁ হ্যাঁ লারে লাম্পা হোক। লারে লাম্পা লারে লাম্পা। হায় হায়। শব্দ হল নাচন। কেটে পড় ওখান থেকে। ধর আরেকজনকে দাও সিগারেট। ‘কি পদুরিয়া বাজাব? ভীম পলাশ?’

তারপর এক সময় রাত কাবার। পরদিন ভাসান।

দুপরের পর থেকে আয়োজন। তারপর যাত্রা। হৈ চৈ লারে লাম্পা নাচ ভীড় মারামারি সবই চরমে। রাত বাড়বার সঙ্গে সঙ্গে প্রতিমা বিসর্জন। সব উত্তেজনার শান্তি।

পরদিন থেকে আবার ভদ্র, নিরীহ, নিজীব জীবন। প্রবৃত্তির দাস আর কেউ নয়। সবায়েরই আবার দাসের প্রবৃত্তি নিয়ে ঘরকন্যা।

কলকেতা কীর্তন

কলৌ নামেই কেবলম্। কলিতে শূর্য নামই স্মর। নাম গানই হচ্ছে কীর্তন। ক-এ কৃষ্ণ নয়, কালী নয়, কলির শহর কলকেতা, আমার তাই কলকেতা কীর্তন। কোথা দিয়ে শূর্য আর কোথা গিয়ে সারা তা ভেবেই দিশাহারা।

কলকেতার রূপের কি শূর্য শেষ আছে? মহিমার কি আদি অন্ত আছে? কি করে ফোটাবো? গদ্যে বলবো না পদ্যে?

কোন শব্দ কোন ভাষা

পূরাবে যে অভিলাষা

তাহা কিছ্ না পাই উদ্দেশ।

জয় জয় কলিকাতা।

মোহ নাশা মোক্ষ দাতা

তব ক্রোড়ে হই যেন শেষ॥

এই আমার অন্তিম প্রার্থনা। পালার শূর্যতে একেবারে আর্থের চাওলা চেয়ে নিয়ে গাওনা শূর্য করলুম।

খোশ গল্পটা সবাই জানেন। একবার চারটে অন্ধকে হাতী দেখাতে নিয়ে যাওয়া হয়েছিল। হাত বুলিয়ে হাতী দেখে চারজনে চারটে রিপোর্ট দিলে। জবাবগুলো একেবারে সরকার আর বিরোধী দলের সওয়াল জবাবের জোলাত-গোস্তর। কারো সঙ্গে কারো মিল নেই। যার হাত হাতীর পায়ে ঠেকল, সে বললে, হাতীর চেহারা খামের মতো, যার হাত কানে ঠেকল, সে বললে, হাতী কুলোর মত। ইত্যাদি ইত্যাদি।

তত্ত্বের গন্ধ পেলে যাদের নোলায় জল সন্ সন্ করে তাঁরা বলেন, শূর্যখন্ড, গল্প পড়েই ক্ষান্ত দিও না, এগিয়ে গেলেই 'মরাল' পাবে। হাতীটা হল পৃথিবী, আর আমরা বেবাক ব্যক্তি ওই অন্ধ দর্শক। হাত বুলিয়েই ঠাহর করে যাচ্ছি। আমাদের জ্ঞানের দৌড় ওই অন্ধিই।

বলতে পাত্তম, আমার দেখাটাও এমনিতো, কিন্তু তাতে সত্যকথন হত না। আমার কলকেতা দেখা চার অন্ধের হাতী দেখা নয়, এক অন্ধের হাতী

‘সার্কাস’

দেখা। তাই কখনো থাম দেখব, কখনো কুলো দেখব, কখনো শড়্‌ড়কে ভাববো বোম্বাই জ্যেঁক।

অতএব দাঁড়িয়ে দাঁড়িয়ে পায়ত্যা না কবে গুরু গোঁসাই স্মরণ করে যাত্রা শুরুর করলুম।

কলকেতা কলকেতা তো খুব করে যাচ্ছেন। পিণ্ডর কলকেতা কতটুকু? না যতটুকু কর্পোরেশনের চোহাঁন্দ। অতএব সেই পথেই চলি। পথের কথাই আগে বলি।

উত্তর থেকে আসতে চান? কাশীপুর রোড থেকে কাশীনাথ দত্ত রোড। সেখান থেকে ‘নাক বরাবর ডান দিকে চোখ রেখে’ চলুন কালীচরণ ঘোষ রোড, তারপর রামকৃষ্ণ ঘোষ লেন। এষার খানিক দক্ষিণে আসুন—বাস্, আগের কালের ইন্সট ইন্ডিয়া রেল কোম্পানীর শড়্‌ড়ক। ‘রেল কম বম্বাম্’। যদি বরাতকে পাকিস্তানে চালান না করে থাকেন তো ‘পা পিছলে আলুর দম’ বনবার কোন চান্স নেই। রেল শড়্‌ড়কে পাশ কাটিয়ে ঝপ্ করে ঢুকে পড়ুন নয় খালের পাশে। ধার ধরে ধরে এগিয়ে গেলেই বেলেঘাটার খাল। বেলেঘাটা খালের দক্ষিণ পাড় দিয়ে পশ্চিম দিকে টাল খেলেই পাগলাডাঙ্গা রোড। চিংড়িঘাটা রোডের সঙ্গে গোস্তা খেয়ে দক্ষিণমুখী খানিক ছুটুন। তারপর চিংড়ি শেষ, শেষ হল তো মূখ বদলে নিন ট্যাংরা দিয়ে। ট্যাংরা রোড। সাউথ ধরে পদবধুধারে এগুলেই পাবেন তপ্‌সে। খা-সা মশাই। এতো বাউন্ডারী নয়, একেবারে মাছের বাজার। দরদামের সময় নেই, ধরো আর খালুয়ে ভরো। তপ্‌সে নর্থকে কায়দা করে ততক্ষণে পেঁছে গেছেন এন্টালী-পার্ক সার্কাসের হে পারে, হিউজ রোডে। হিউজ রোডের পদব্‌ ফুট ধরে ধরে গুটি গুটি এগুলেই ‘আহা ভেতরে বাহিরে সে কী মেশামেশি’। একেবারে ‘টাইনের’ বাহে’ আর গ্রামের ‘বাহে’তে মোলাকাত। উত্তর বাঙলার গ্রামের লোকদের ‘বাহে’ বলে। তাদের রীতি প্রকৃতি সরল বলে হুঁশিয়ার লোকেরা তাদের সঙ্গে মজা মেয়ে দটো সুখ সলুপো উশুল করে নেন। একবার এক বাহে দুধ বেচতে এসেছে। বাবু শব্দধ্বনন, কি হে দুধ ভাল তো? হেঁ হেঁ করে বাহে বললে, কতী কি যে বলেন? একেবারে আসল গোরুর দুধ। দুধ যে নকল গোরুর নয় তা জানি, বলি খাঁটি তো? খাঁটি হবে না বলেন কি, দুধ তো নয় বটের আঠা। কিন্তু আমার হুঁ জল মেশানো দুধ চাই হে, ডাক্তারের হুকুম। বাহে একগাল হেসে বললে, কিছ্‌ কি আর না মিশিরেছি সার, আমরা টাইনের (টাইনের) বাহে, খাঁটি দুধ বোঁচিই না।

‘সাক্ষী’

হিউজ রোডের পূর্ব মূড়োটা নাক ঠেকিয়েছে দুটি প্রমাণ সাইজের পয়সার সঙ্গে। একাট বেশ চালাক দেখলেই টাইনের। অন্যটি আশপাশ মফস্বলের। তপসে রোড কয়েক চক্র এখার ওখার মেরে আবার সরে পড়েছে। কলকেতার সীমানার গেটে পাহারা দেবার ডিউটি তারপর থেকে খানিকক্ষণ পড়েছে তিলজলা মসজিদবাড়ী লেনের উপর। এ তলাটে আমদানী শুল্ক চামড়ার আর ছোট লোহা আর ধোপা আর কাঠ মিস্ত্রীর। গন্ধে তিস্তনো দায়। একটু পা চালান মশাই। তারপর পূর্ব দক্ষিণে পাড়ি মারলেই তিলজলা রোড। হরেক রকম চিজ বোঝাই তেত্রিশ নম্বর বাসের একটুক্কণের সংগী। যেন হাটুরে পথের সাথী। মিঞা, যাবেন কন্দুর? রাজা বাজার, আপনি? চাঁদনী চক। লেন তবে বিড়ি ধরান। আচ্ছা, আদাব আরজ। আদাব আরজ। ভাবখানা এই। বেশ যাচ্ছিল, তিলজলা মসজিদবাড়ী, দক্ষিণে মোড় নিয়েই ফ্যাসাদ বাধালে। হুস-হাস ট্রেন যাচ্ছে। খটাংখট মালগাড়ি। সেরেছে। বের হই কোথা দিলে। ডায়মন্ডহারবার, ক্যানিং লক্ষ্মীকান্তপুর লাইনের হাত যদিও এড়ালুম, ফের পড়লুম গিয়ে বজবজ লাইনের কবলে। জট ছাড়িয়েই রসা রোড। এবার একটু জিরিয়ে নেওয়া যেতে পারে। এক কাপ গরম চায়ে গলা ভিজিয়ে চাঙ্গা শরীরকে আরো দক্ষিণে ঠেলে দিল। টালিগঞ্জ সাকুলার রোড। আরো দক্ষিণে যান তো পোর্ট কমিশনারের ডক বানাবার বিরাট পতিত জমি। ছড়িয়ে আছে ওদিকে সেই ডায়মন্ডহারবার রোড ইস্তক। এই তামাম ভূই চক্র খেয়ে আর ধারে পড়লেই সাকুলার গার্ডেন রীচ খিচ খিচ করে উঠবে। গার্ডেন রীচের এই মাথা আর সেই মাথা দৌড় মেরে পূর্ব দিকে এগুলেই প্রিন্স দিলওয়ারজার গলি। তারপর পোর্ট কমিশনারের জমি। আর তারপরই ভৌপ ভৌপ জাহাজ ইন্সটিমারে শুরুর-ঠাসা হুগলী নদী। পাড় ধরে পাড় ধরে এগিয়ে যাও সেই পশ্চিম দিকে। আরো আরো আরো। হ্যাঁ, এই হল পরামাণিক ষাট রোড। তারপর কাশীপুর রোড। যেখান থেকে যাত্রা করা, সেই ঠেঁরে আবার এসে পড়া। সুকুমার রায়ের মতো ‘আমড়াতলার মোড়’ থেকে যাত্রা করে ‘চলতে চলতে দেখবে শেষে রাস্তা গেছে বোঁকে।’ তারপর—

‘দেখবে সেখান ডাইনে বায়ে পথ গিয়েছে কত,
তারি ভিতর ঘুরবে খানিক গোলক ধাঁধার মতো।
তার পরেতে হঠাৎ বোঁকে ডাইনে মোচড় মেরে,
কিরবে আবার বায়ের দিকে তিনটে গলি ছেড়ে।
তবেই আবার পড়বে এসে আমড়াতলার মোড়ে।’

‘সার্কাস’

একটার পর একটা রাস্তা দিয়ে শিকল গড়ে প্রায় একট্রিশ বর্গমাইল পরিমাণ যে জায়গাটুকু কর্পোরেশন বেঁধে রেখেছেন সেইটুকুই কলকাতা। বিঘের হিসেবে ঊনষাট হাজার আর তারো উপর একানন্দই বিঘে জমির পরে শহর কলকাতা ঘর বাড়ী পাক পুকুর ইত্যাক গড়ের ময়দানখানা টাকে পড়ে খাড়া।

শুনছি কাশী নাকি বিশ্বেশ্বরের খাস তালুক। সেখানে হাজার পাপ করেও কেউ যদি মরে তো তার আত্মার মোকাম কৈলাসে। যমের বাপের সাক্ষ্য কি কাশীর সীমানায় ঢোকে। যমের দাপট কাশীতে গিয়েই তেজ পক্ষের স্বামীর মতো ঠাণ্ডা মেরে যায়। ঠিক তেমনি ব্যাপার কর্পোরেশনের। এই একট্রিশ বর্গমাইলের মধ্যে তার দাপট যমকেও বাপ ডাকিয়ে ছাড়ে। কিন্তু কেল্লা এলাকায় দাদার আমার সব পাওয়ার খোলা শিশির কম্পন্ন হয়ে যায়। কেল্লা ইজ কেল্লা। এখনো সে ফোর্ট উইলিয়ম। স্বাধীন বাঙলায় ক্লাইভ স্ট্রীট নেতাজী সড়ঘাষ রোড হয়ে গেল। কর্ণওয়ালিশ স্কোয়ার হল আজাদ হিন্দ বাগ। কিন্তু ফোর্ট উইলিয়ম, ফোর্ট উইলিয়মই থাকল। তার টাকিতে টান দেবে অমন লম্বা হাত কার। ফোর্ট উইলিয়ম কলকাতার কাশী। তার বিধি-বন্দোবস্ত আলাদা। কর্পোরেশন তার দেওয়ালে দাঁত ফোটাতে পারে না। আরো খানিকটে জায়গা হেস্টিংসের কিছটা, ক্লাইভ রো-এর উত্তর মাথা দক্ষিণ মাথা আর স্ট্র্যান্ড রোড থেকে হুগলী নদীর কিনারের জায়গাটুকু কর্পোরেশনের ট্যান্ডকে লবডঙ্কা দেখায়।

শহর কলকাতা শূন্য বাঙলার নয়, বাঙালীরও শূন্য নয়, তামাম দুনিয়ার। শার আর কোথাও ঠাই নেই তার কলকাতা আছে। বোম্বাই দিল্লী মাদ্রাজও শহর। কিন্তু কলকাতার পাশে কিছদ না। এত লোক, এত বৈচিত্র্য তারা কোথায় পাবে? এক বর্গমাইলে ৭৭ হাজারের উপর লোক বাস করে এখানে। সন ১৬৯৮ সালে কোম্পানী মান্তর ১৩০০ টাকায় তিনখানা গ্রাম ইজারা নিয়ে কলকাতার পত্তন করে। আঠারো বছর পরে লোক গুনে দেখা যায়, সব নিয়ে লোক হলো একুনে বারো হাজার। আর স্বাধীনতা পাবার পর ১৯৫১ সালের আদমশুমারীতে দেখা গেল সাড়ে পঁচিশ লাখের কাছাকাছি। প্রতি ঘণ্টায় গড়ে সাতজন জন্মাচ্ছে আর প্রতি দু ঘণ্টায় গড়ে নয়জন মরছে।

হাওড়া ইন্সটিশান থেকে মোগলসরাই সিধে চারশ এগারো মাইল। মেল গাড়ী চেপে বারো ঘণ্টা দৌড় দিলেই মোগলসরাই। কলকাতা শহরে যে

‘সাক্ষী’

রাস্তাগুলো আছে তাদের মাদী মন্দা আশা বাজা ধরে ধরে এক লাইনে দাঁড় করিয়ে দিলে তারাও হাত বাড়িয়ে মোগলসরাইকে ছুঁই-ছুঁই করে।

অলিতে গলিতে কলকেতা একেবারে গোলকধাঁধা। গাইগেরামের লোকের মতো সদাসতর্কতার আঁচলে গিঁট দিয়ে না চললেই গুবলেট। একবার, তখন আমি কাঠ বাগাল, কলকেতা দেখতে এসেছি এক মদ্রুদ্রুস্বীর সঙ্গে। শেয়ালদায় নামা মান্তর আমার আক্কেল সেই যে ল্যাক্স তুলে দৌড়ুলো আর তার নাগাল পেলুম না। মদ্রুদ্রুস্বীটি এর আগেও বার কতক এসেছেন। তাই তাঁর ভরসায় নাও ভাসিয়ে হালটি তাঁকে দিয়ে পালের দড়ি ধরে বসে রইলুম। মদ্রুদ্রুস্বী বললেন, এই খুব কাছেই বোবাজার আর চিত্তরঞ্জন এভেনিউয়ের মোড়টা। হেঁটে গেলে পাঁচ মিনিট, বাসে চড়ে আর কি হবে, কি বলিস? সায় দিলুম। কলকেতায় যা দেখি তাই ভাল লাগে। মফঃস্বলের লোক। প্রতাহ যা দেখি, প্রতাহ যা শুন, তার সঙ্গে কলকেতায়-পা-দেওয়া দিনের কোনো সম্পর্ক নেই। এ একেবারেই সৃষ্টিছাড়া। মফঃস্বল যদি গোরুর গাড়ী তো কলকেতা হাওয়া গাড়ী। কি গতি! কত প্রাণবন্ত! জড়তাহীন উদ্দামতা। চিরযৌবনা উদ্দামনা আর উত্তেজনা। বোবাজারের ফুটপাথে পা দিতে না দিতেই একেবারে আলদুর দম! মদ্রুদ্রুস্বী বললেন, লাগল না কি হৈ ছোকরা। ক্যাবলার মতো জবাব দিলুম, আশ্চর্য না। কিন্তু মনে মনে জানলুম কলকেতা আমাকে কোল দিলে। কানে কানে বললে, এখানে গতি। খুট খুট পা ফেলো না। চল উধ্বংসবাসে। গুনে গুনে পা ফেললে আবার পপাত হতে দেবী হবে না।

ধুলো ঝেড়ে পায়ের অসাড়তা ভেঙে উঠে দাঁড়ালুম। বদ্বলুম কিংবদ্বিধরা গেঁয়ো পায়ের এখানে চলা যাবে না। এর চলন স্বতন্ত্র। সেই থেকে কলকাতাই চলন রসত করতে চেষ্টা করেছে। পেরেছি তা বলব না। ‘কলকাতাই চলন এ যুগের চলন। ভাল না খারাপ, এগুচ্ছি কি পিছচ্ছি সে হিসেব আমার রাখবার নয়। এখানে চলাটাই নয়, ঠিক চালে চলাই আসল। ভুল ঠিকানায় পেরেছে গেলেও মজার কর্মটি নেই। অতএব চল চল কলকেতা, কলির কলকেতা। কলিতে সার শব্দ কলিকাতা। আমার কেন্দ্র, এরই কেন্দ্র।

হাওড়ার ইন্সটিশান

কএ যদি কৃষ্ণ নয়, কালী নয়, কলকেতা; তো হ-এ ও হরি নয়, হর নয়, হাওড়া। ওপার হাওড়া এপার কলকেতা, মাঝখানে এক বিভেদ; হুগলী নদী, ওরফে ভাগীরথী, মূখের কথায় গঙ্গা।

ওপারে হাওড়া, হাওড়ার ইন্সটিশান। পার্টিকলে তার রঙ। মাথায় ঘড়ির তাজ। আর চার পাশে সব ইয়ার বজ্রী—ট্রাম, বাস, ট্যাক্সি, রিক্‌শা, এমন কি জলদুস-চটা ঘোড়ার গাড়ি। সকাল থেকে গভীর রাত্রি পর্যন্ত প্রত্যহই পুরো মাইফেল। জোড়া জোড়া সমান্তরাল ইম্পাতের লাইন পাঠিয়ে হাওড়ার ইন্সটিশান তাবৎ দূরের টিকি বেঁধে রেখেছে। যখন যাকে দরকার, কি কাছে পেতে ইচ্ছে, দিল্লী বোম্বাই মাদ্রাজ, কি আরো জানা অজানা, চেনা অচেনা অজস্র স্থানকে, এই জোড়া লাইন ধরে টান মারে আর স্‌ড় স্‌ড় করে তারা এসে হাজির হয় গাড়ির রূপ ধরে ধরে। এটা কি? বোম্বে মেল। ওটা কি? দিল্লী এক্সপ্রেস্‌। আর ওইটে? মাদ্রাজ মেল। নাগপুর প্যাসেঞ্জার, মোগলসরাই প্যাসেঞ্জার, দানাপুর, কিউল, সাহেবগঞ্জ—অজস্র অজস্র।

মেল, এক্সপ্রেস্‌, প্যাসেঞ্জার—এরা তো সব রেল বংশের কেষ্ট বিস্টু। দূর পাল্লার পাড়ি জমায়। এ ছাড়া লোকাল আছে। খুচরো থেপের কারবারী। কিন্তু এদের তুচ্ছ করেন আপনার সাধি কি? রেল কোম্পানীর তোষাখানায় রেস্ট জোগানোর এক মোটা হিস্যা এদের। এ ছাড়া আছে পার্সেল আর গুড্‌স্‌ মানে মালগাড়ী। পার্সেল আর গুড্‌স্‌ বেশী তবে বোধ করি ভেমন দর্শনধারী নয়, কলকেতার বড় চাকুরের বাড়িতে হাফ শিক্ষিত পাড়ারগেয়ে খুড়তুতো ভাই, এসেছ যখন থাক, দেহে শক্তি আছে, বাজারটা আসটা করো, ক্রীকম্‌তু ধাপ্‌ খবরদার, ওই ভূতো চেহারায় নিয়ে সদরে বোরিয়োনা, লোকজন হরদম আসছে, কে ফস্‌ করে পরিচয় জিগ্যাস করে বসবে আর মাথা কাটা যাবে। তাই মালগাড়ির স্থান হয়েছে হাওড়া ইন্সটিশানের ষিড়কীতে। ও তল্লাটের নামই গুড্‌স্‌ শেড্‌ হালফ্যাসানের বাবু বিবির নজর ওঁদিকে পড়বার কথা নয়।

পার্সেল ট্রেন বড় উপর-চালাক। ব্যাটা আসলে বয় মাল।

‘সার্কাস’

কিন্তু কখনো সখনো প্যাসেঞ্জার নিয়ে জাতে ওঠবার আশ্রয় চেষ্টা চালাচ্ছে। দেহটাকেও ঘষে মেজে চেকনাই ছাড়বার ব্যথা আয়াসে ব্যস্ত। বেন গ্রামের মেয়ে ‘ডেরেস্’ করে ‘খ্যাটার’ দেখতে ‘ইস্টারে’ এসেছে। ব্যক্তিটি খলিফা সন্দেহ নেই। ঠেলে ঠেলে প্যাসেঞ্জারদের মধ্যেই আপন ঠাই বাগিয়ে নিয়েছে। হোকনা তা একেবারে একটেরে, সেই বার নম্বরে।

আমরা যারা নিত্য নিত্য যাতায়াত করি হাওড়া দিয়ে, আজকাল কেউ বারো নম্বর প্ল্যাটফর্মটায় ভুলে ভুলুক মেরেও চাইনে। ও বেন বাবুদর আগের আমলের কোট। টনকো আছে, কিন্তু পুরোনো, তাই এখন উঠেছে চাকরের গায়ে। এখন আমাদের কারবার এক থেকে এগারো নম্বরের সঙ্গে।

মেন বিল্ডিং ছেড়ে ডি এস অফিসের দিকে দূপা গিয়েই ডান দিকে মোচড় মারুন। সার সার কতকগুলো অফিস। হাওড়া কন্ট্রোল। কানে হেডফোন আর চোখের সামনে নকশা। সদা সতর্ক লোকগুলোর মূখ থেকে অনবরত বেরুচ্ছে, হ্যালো বর্ধমান, সার্বিশ আপ? এই ছাড়লো। তো ছকের উপর পিন পৌঁতো। হ্যালো আসানসোল, টু ডাউন? খবর নেই। তো ফোন চলল আরো দূরে। হ্যালো কাটোয়া, হ্যালো ব্যান্ডেল, হ্যালো খানা, হ্যালো অন্ডাল? থার্টিন ডাউন? ইলেন্ডেন আপ? অমুক গুডস্? তমুক পার্সেল? লাইট ইঞ্জিন, সাটল্? কে কোথায় কখন কোন লাইনে, আসছে কি যাচ্ছে, নাকি উল্টে পড়ে আছে সব খবর কন্ট্রোলে। জিগোস করতে না করতে জবাব। ফোর ডাউন? এখনো আসানসোল ছাড়েনি। এক ঘণ্টা সার্বিশ মিনিট লেট। কন্ট্রোল অফিস ছাড়িয়ে একটু এগুলেই জলদুসহীন এক প্ল্যাটফর্ম। ‘খাঁচা’ ঘরের সামনে। খাঁচা ঘর কি? নো স্ট্রং রুম্। রেল কোম্পানীর বিরাট সিঁদুক। পার্সেলে যে সব দামী দামী মাল আসে তা গাড়ি থেকে খালাস করে কোথায় রাখা হয়? এই ‘খাঁচা’ ঘরে। মোটা মোটা লোহার শিক দিয়ে ঘরটা সুরক্ষিত। তাই কুলীরা বলে খাঁচা। ও সব টং ফং আংগরেজী বোলি, দেহাতি আদামী আমরা, আমাদের মূখে ঠিকসে বাজে না। তার চেয়ে এই বেশ বাবা, সিধা সাধা খাঁচা ঘর! এই খাঁচা ঘরের সামনেই প্ল্যাটফর্ম নম্বর বারো। এখন আর কেউ ফিরেও চায় না।

কিন্তু সে আরেকদিনের কথা। হাওড়া ইস্টিশানের এত বড় ইমারত ওঠেইনি। এত জমজমাট, এত এরিরা, এত বাস-ট্রাম টার্মিনাল, রিক্সার ভিড় কিছই ছিল না। শব্দ ছিল ঠিকে ঘোড়ার গাড়ি। সেদিন তাদেরও চেকনাই ছিল, কারণ তারাও ছিল একমাত্র যান। যাতে চেপে সাহেব-বাঁবি কলকোতা

‘সাকর্শন’

যেতেন। আর জলদুস ছিল এই প্ল্যাটফর্মটার। তখন এ বায়ো নয়, একমেবাস্বতীয়ম্। একমাত্র প্ল্যাটফর্ম। সে আমলের তাৎপ্যাসেজারের ‘একমাত্র নির্ভরযোগ্য প্রতিষ্ঠান’। অরিজিন্যাল হাওড়ার ইন্সটান ছিল এই তল্লাটেই।

রেল কোম্পানীর সুযোগাযোগ হয়েছে এখন ও-মহল—এগারোটা প্ল্যাটফর্মের গর্বে ফাট ফাট নতুন বিন্দিং। প্রতিদিন সাতাশখানা গাড়ি ছাড়ছে, সাতাশখানা গাড়ি আসছে।

প্রতিদিন কুড়ি হাজার মাথা কোলাপসিবল্ গেটের চৌকাঠ পেরিয়ে ঢুকছে, আর বেরুচ্ছে যেখান দিয়ে, গড়ে যেখানে টিকিট বিক্রী হচ্ছে দৈনিক এক লাখ টাকার, নিশ্চয়ই তার আদর বেশী হবে। কে মনে রাখে পুরাতনে? তবু কোনো কৌতুহলী যদি হটগোলের স্রোত ঠেলে পুরানো মহলে এসে পড়েন কখনো, খাঁচা ঘরের পাশ দিয়ে পার্সেল আফিসের দিকে এগুতে গেলেই তাঁর নজরে পড়বে, আপন অভিমান বৃকে চেপে দাঁড়িয়ে থাকা এক অভিজাত পিস্তল ফলকের উপর। মাঝখানে এক তারা। উপরে আর নিচে ইংরেজী হরফে খোদাই করা কটি কথা অরিজিন্যাল জিরো মাইল, ই আই আর। এখান থেকেই ই আই রেলের শুরুর। এই হল পুরোনো হাওড়ার প্রথম প্ল্যাটফর্ম। এক পার্সেল ছাড়া এখন আর কে পৌছে তাকে।

এলাহী কথাটার যদি কোনো আকার থাকে, তবে তা নিঃসন্দেহে হাওড়া। ভারতের আর কোথাও দৈনিক এত গাড়ি যায় আসে না, আর কোথাও এত প্যাসেঞ্জার নামে ওঠে না, পৃথিবীর আর কোনো ইন্সটানে এত বিচিত্র যানবাহন নেই, এত বেশী যানবাহন নেই।

মশাই, চাটুখানি কথা নয়, এই ইন্সটানের স্টাফ কত জানেন? পুরো পাঁচটি হাজার। চোদ্দশ’ আটশজন তো কুলিই আছে। তাতেও কি কুলোয়, হিমসিম খেয়ে যাচ্ছেন! অজস্র ডিপার্টমেন্ট অজস্র লোক, এদের সবার উপরে কত’া হলেন স্টেশন সুপারিন্টেন্ডেন্ট। অফিসও হেথা, কোয়ার্টারও হেথা। উঁচু গাছে হাওয়া লাগে বেশী, বৃক্সলেন স্যার। আমরা শা—রা চুনোপট্টি, কে চায় আমাদের দিকে। সিমেন্ট ডিউটি করে যাচ্ছি, কখনো ভোরে, কাকপক্ষীর ঘুম না ভাঙতেই অফিসে এসে হাজরে দিচ্ছি, কখনো ইভনিং ডিউটি, কাজ বখন সেরে উঠলাম তখন জগৎ ঘুমে অচেতন। বড় বড় বাবুদের বড় বড় কথা বৃক্সলেন না, এই দেখুন না, ওদের দশটা পাঁচটা ডিউটি, তবুও ওদের এখানেই কোয়ার্টার। কেন? না বিগ্গান যে! আর আমরা স্যার সাতঘণ্টা মাইল পাড়ি

‘সার্কাস’

মেরে সেই খাপখাড়া গোবিন্দপুর থেকে ডিউটি করতে আসছি। পোড়া পেটটি না থাকলে চাকরীর মুখে ঝাড়ু মেরে কবে চলে যেতাম। হ্যাঃ!

আর আর সব ডিপার্টমেন্ট তো পাবলিকের চক্ষুর আড়ালে থাকেন। কিন্তু গেটের টি সি মানে টিকিট কালেক্টর আর বৃকিং ক্লার্ক, এরা যাবেন কোথায়? ভাই ষত খেঁচাখোঁচ এদের সঙ্গে। আর সব কাজ টিমে ভালে কিন্তু ট্রেনের কম্ম টাইমে চলে। ঘড়ির কাঁটার তিলেক পরিমাণ কারচুপীতেই কোয়েশেন্ অব্ লাইফ্ অ্যান্ড্ ডেথ্, স্যার। তাই কারো আর তর সয়না। একবার ভিড়ের সময় এসে দেখবেন না টিকেট কাউন্টারে। চক্ষু ঠিকরে বেরিয়ে যাবে।

তিনটে শিফট্ বৃকিং কেরাণীদের, আট ঘণ্টা ডিউটি। ছ ঘণ্টা টিকিট বিক্রী, দু ঘণ্টা তার হিসেব। হেডে আর মাথা থাকে না স্যার। হাওড়ার কাউন্টার। সাত আট হাজার টাকা করে দৈনিক এক এক কাউন্টারে উশ্‌দল। থার্ড ক্লাশ কাউন্টারের কথা বলছি। বৃকুন দেখি, টাকা বাজিয়েই বা নেব কখন, নোটটাই বা দেখি কখন, আবার হিসেব করে পরসাই বা ঠিক ঠিক ফেরৎ দিই কি করে। একটু সময় নিলেই তো দুনিয়া অশ্বকার। খন্দেদের গালের চোটে স্বগ্গ থেকে ঠাকুন্দা নেমে আসেন। আর তাদেরই বা দোষ দিই কি করে? মনে সর্বদা ভাবনা, এই বৃকি তাকে রেখে ট্রেন ছেড়ে দিলে। মনের আতঙ্ক কার মেজাজ ভাল থাকে? আমারই কি থাকত? তারপর আবার লাইনে দাঁড়াবার মল্লগা। কতারা প্রতি বছর তো রেল বাজেটে বক্তৃতা ঝাড়ছেন পাবলিকের সন্নিবিধে করে দিচ্ছেন বলে। খালি বাত, খালি বোয়াম্ ঝাড়া মশাই। এই হাওড়া, এত ইনকাম, এখানে কত মাল্‌থলি ইস্‌দ হয় জানেন? বিশ হাজার! বললাম না, ধারণা করতে পারবেন না, কিন্তু থার্ড ক্লাশ টিকিট কাউন্টার মান্তর তিরিশটি। তাও আঠারোটোর বেশী একসঙ্গে কাজ হয় না এতে কি হয় বলুন। ‘রাশ্‌ আওয়ারে’ বৃকিং কেরাণীদের বৃকের রক্ত জল হয়ে গঙ্গায় গিয়ে জোয়ার তোলে। একটুও বাড়িচ্ছিনে স্যার। আমার এক বন্ধু, তার টি-বি হয়ে গেছে, কাজের চাপে, এখন কাঁচড়াপাড়ায় ভুগছে, হাওড়া বৃকিংকে বলত কৃকিং অফিস্‌। রেল কোম্পানী তার কেরাণীদের এখানে পাঠিয়ে ভাজে, ভেজে তেল বের করে। সেই তেলে রেলের চাকা সড়গড় রাখে। কথাটা কি মিথো স্যার?

বাইরে শুনুন, শুনবেন বৃকিংএর চাকরী রাজার চাকরী। কেন? না টু-পাইস্‌ ইনকম্‌ খুব। স্যার রেলের চাকরী, কোথায় উপরির কারবার নেই, বলুন তো। ‘অল্‌ বার্ড্‌ ফিস্‌ ইটার ওন্‌লি মাছরাঙ্গা ইজ্‌ থিব্‌’, শৃধ্‌ মাছ-

‘সার্কার’

রাগ্যাটাই দোষী, বেড়ে জাস্টিস্ দাদা। উপরি না পেলে রেলচাকুরের ছেলে
অশ্লিষ্ট ভূমিষ্ঠ হয় না, তা জানেন?

তবে বলি শুনুন। রেলের বেশ বড় গোছের অফিসার, কন্স্টেবল্ গোছ,
তার ওয়াইফের সময় হয়ে গিয়েছে, কিন্তু ডেলিভারী হয় না। এগারো মাস
পার হয়, তবু না। ডাক্তার বদ্যি হার মানলে, শেষকালে এলেন এক ‘রিটার্ড’
রেলের ডাক্তার। তাঁর তিনপুরুষে রেলের কাজ। তিনি দেখে শুনে বললেন,
গোলমাল কিছ্ নেই, প্রসূতি সুস্থ, বাচ্চার অবস্থাও ভাল। তবে শব্দ হাতে
ওকে বের করা যাবে না, ঘৃষ লাগবে। ঘৃষ না পেলে বেরবে না, ব্যাটাচ্ছেলে
রামঝাঘু। ছেলের বাপ বললে, ঠিক হ্যায়, কি চাই? ডাক্তার চাইলেন এক
আংটি। আংটিটি হাতে দিয়ে ডাক্তার কুটুস করে কাজটি হাঁসিল করে দিলেন।
ছেলের হাতের বন্ধমর্দা খুলতেই টুক্ করে আংটিটি খসে পড়ল। এই তো
মশাই এখানকার রেওয়াজ। ঘৃষ নেওয়া রেল-চাকুরের বার্থ্ রাইট।

কিন্তু এর আরেকটা দিকও আছে। তাহলে সেটাও শুনুন। ওই খাঁচার
মধ্যে গিয়ে ঢুকি, আর প্রাণটা চ্যাপ্টা করে বেরই। প্যাসেঞ্জাররা সব ঘোড়ায় জিন
চাপিয়ে ড্রাসেন তো। টিকিটগুলো খোপ থেকে নামাতে হবে, পরের টিকিটখানায়
সিরিয়াল ঠিক আছে কিনা দেখে নিতে হবে, একখানা গড়বড় হলোই দাও গাঁট
গর্চা। গর্চা তো হরবখং দিতে হচ্ছে। তারপর ঘটাং করে পাণ্ড করো, তারপর
তো খদ্দেরকে দেওয়া। কিন্তু সব প্রথমে পয়সা নাও গুনে। অধিকাংশ লোকই
টিকিটের দাম জানে না। কোথাকার টিকিট? বোলপুর। দিন দু টাকা
চোন্দ আনা ন পাই। তো সে দিলে একখানা দশটাকার নোট। তো হয়ে গেল
মশাই। সে নোটটি ভাল করে দেখতেই দু মিনিট কাবার। ওদিকে কাউন্টারের
বাইরে চিল্লাচিল্লাই লেগে গেছে। একখানা টিকিট দিতে ক ঘণ্টা লাগে, ও
মশাই! বলি দাদার কি রাতে ভাল ঘুম হয়নি। ও স্যার, টিকিট দিতে দিতে
গাড়ী যে বর্ধমান পেঁছে গেল। এখন বলুন, শত মূখের অগ্নি উষ্ণায়ণ আমি
সামলাই কি করে? অনামনস্ক হয়ে নোটটি যদি নিয়ে ফেলি, আর সেটি যদি
জাল নোট, কি বাতিল নোট হয়, তখন? হেড্ অফিস থেকে ‘ডেবিট’ হয়ে
আসবে। আর মাস মাইনে থেকে কচাং—তত টাকা কর্তন করে রাখবে।
ভবিষ্যতের কথা নয়, নিয়ত হচ্ছে। কিন্তু পারলিক তো সে খবর জানে না।
একবার বলে দেখুন তো, মশাই নোটটা পাল্টে দিন। দেখবেন তখন। চোন্দ
হাজার জেরা। কেন, নোটটার কি পেট খারাপ হয়েছে? শুনুন কথা! সেই
ভিড়ের মাথায় এই সব চুলকুনিতে কার মেজাজ ভাল থাকে। তখন

‘সাক্ষী’

কাউন্টারের সামনে ওই অজগর লাইন দেখেই তো প্রাণ হাফ হয়ে গিয়েছে। হরত একটা জবাব দিলাম। একটু কথান্তর হল, হয়ে গেল রিপোর্ট। অফিসার আছেন না পিছনে, কোথায় সার্ভিসনেটদের একটু সাহায্য করবে তা না উল্টো। এসেই কাউন্টার থেকে হয় সরিয়ে দিলে, নয় সস্পেন্ড করলে। পাওয়ার দেখাবার যে কয় কায়দা আছে সব একে একে ঝেড়ে দিয়ে নিশ্চিত মনে বোরিয়ে গেলেন। নয়ত এসে ধমক দিলেন, জলদি করুন। বৃকিংএ অত স্লো হলে চলবে না।

সে তো আমরাও বৃকিং বাপু। সাধ করে কেউ কাজ আটকে রাখে না। আমি বলি, কাউন্টারে নোট দেবার দরকার কি? পরসা ভাঙিয়ে, টিকিটের দামটা গন্ত করে দিলেই তো আশ্বক সময় বেঁচে গেল। আরে দাদা, আগে এই হাওড়া ইস্টশানেই টাকা ভাঙানোর দূটো কাউন্টার ছিল। সেটি ভুলে দিয়ে ফায়দাটা কি হল? জিগ্যেস করুন না রেল কোম্পানীকে।

এই যে দেহাতী প্যাসেঞ্জাররা কাউন্টারে কাউন্টারে ঘুরে ঘুরে অথবা হয়রান হচ্ছে, সময় নষ্ট করছে, গাড়ি ফেল করছে, আমাদের সময় নিচ্ছে, জোচ্চর দাগাবাজদের কবলে পড়ছে, রেল-কোম্পানী দেখছে তা? কি হয় বলি শুনুন। গ্রামের লোক। সাদাসিধে আদমী। ঘ্যান ঘ্যান করছে, বাবু এখানে বালিয়ার টিকিট মিলবে? কেউ একজন মাথা নেড়ে দিলে তো তার পিছনেই দাঁড়িয়ে গেল। আধ ঘণ্টা পর কাউন্টারে যখন এল, দেখা গেল সেটা কাউন্টার কাউন্টার। যত বলি, বাপু তোমার টিকিট এখানে মিলবে না, তত কাকুতি করে। দিয়ে দাও বাবু, অনেকক্ষণ দাঁড়িয়ে আছি। তখন ধমক লাগাই। সরে যায়। আরেক কাউন্টারে গিয়ে ঝামেলা বাধায়। এমন একজন কেউ কি নেই, এদের একটু সাহায্য করতে পারে! কেন, প্যাসেঞ্জার গাইড? তারই তো কাজ এইসব। প্যাসেঞ্জার গাইডের টিকিট আজ পর্যন্ত কেউ দেখেছে মশাই? ওরা মানুস না পায়জামা তাই তো কেউ আজ পর্যন্ত জানল না। আর হেড অফিসটিও করেছে এমন একটেরে, এন্কোয়ারীতে না জিগ্যেস করলে হানিশ পাওয়া মর্স্কিল। অবিশ্যি হেড অফিসে ওরা পারতপক্ষে থাকেন না। প্যাসেঞ্জার গাইডকে খুঁজছেন? তবে এখানে কেন? ওই চায়ের স্টলে দেখুন। সেইটে ওদের ব্রাণ্ড অফিস। গেলদম। আরে স্বাপস! স্কাট বট পরে অ্যাসা চেহারা বাগিয়েছেন, যে জনরল্ মান্জর না মাজেস্টর, কে কহিবে? কাছে এগুতেই বৃক টিপ টিপ, শৃশৃবো কোন প্রশ্ন? আমরাই যদি এই অবস্থা তো মল্কাী আদমীদের অবস্থাটা কি হয় বৃক দেখুন।

‘সার্কাস’

অথচ প্যাসেঞ্জার গাইড্‌রা একটু গা লাগালে আশ্বেক মামলা ডিসমিস করে দিতে পারেন। লাইনে গিয়ে কোথা যাবেন কোথা যাবেন করলেই বেরিয়ে পড়বে ভুল ঠিকানার প্যাসেঞ্জার। তাদের ঠিক কাউন্টার বাতলে দাও। ভাড়া কত বলে দাও। দ্যাখ ঠিকমতো পয়সা ফেরৎ পেল কিনা।

একদল জোচ্চর মশাই হাওড়ায় ঘুরে বেড়ায়। লিলুয়া রামরাজাতলার টিকিট গুচ্ছের কিনে রাখে। গ্রামের লোকেদের ভিড়ের কাছেই ওদের ঘোরাঘুরি। দূরপাল্লার টিকিট একজন কিনলে। হয়ত বললে, বাবু দেখিয়ে তো, ঠিক হ্যাঙ্গ কি নেহি। এদের পাল্লায় পড়েছে কি তার ও-কম্ম হয়ে গেল। হাতসাফাইয়ের খেল দেখিয়ে আসল টিকিট গ্যাব্ব করে দিলে, তারপর লিলুয়ার টিকিট গাছিয়ে, ঠিক তো হ্যাঙ্গ বলে, কেটে পড়লে। কিম্বা পুরোনো টিকিটই একখানা গছালে। যদি হাওড়াতে ধরা পড়ল বেচারী তো বুকিং ক্লার্ককে নিয়ে টানাটানি। তার কাউন্টার তক্কুনি বন্ধ করে সার্চ, পয়সা বেশী হয় কিনা? ওদিকে দোষী যারা তারা হাওয়া দিলে। কত কেস্‌ যে হাওড়ায় হয় দৈনিক, কে তার খোঁজ রাখে?

ভোর চারটে পনেরো, তখনো চতুর্দিকে ঘুম ছড়ানো থাকে। হাওড়া ইন্সটিশান জেগে ওঠে। দিনের প্রথম ট্রেন আসবার সময় হল। চারটে পনেরোয় পুরী প্যাসেঞ্জার। টি সি গিয়ে গেটে দাঁড়াল, কুলীরা প্ল্যাটফর্মে। বুকিং ক্লার্কও এসে খাঁচায় ঢুকেছে। চারটে পঞ্চাশে ছাড়বে পয়লা ট্রেন, মেদিনীপুর লাইট ট্রেন। টিকিট বিক্রীর সময় হল। কিন্তু তারও ঢের আগে থাকতে বুকিং বাবুর কাজ। শুধু কি টিকিট বিক্রী। তার আগে টিকিটের ক্রোজিং নম্বর মিলিয়ে নিতে হবে না? পাণ্ড মেরিনে তারিখ বদলাতে হবে না?

চোখ থেকে ভাল করে ঘুম ছোটেনি, জোর পাওয়ারের আলো চোখে এসে ঘা দিচ্ছে। একাউন্টস্‌ অফিসের বারান্দায় কাঠের বেঞ্চিতে শুয়ে গায়ে বাথা হয়েছে। ভোর চারটের ডিউটি, বাইরে থাকে, বুকিং বাবুকে আসতে হয়েছে গত রাত সাড়ে নয়টায়। কোয়ার্টার কোয়ার্টার করে হন্দ হয়ে গেল। রেস্ট রুম বানাচ্ছে কোম্পানী আজ আট বছর ধরে। সাতটা টি বি কেস বেরিয়ে গেল, রেস্ট রুম বানানো হল না। চেন্নারগুলোতে ছারপোকা ভর্তি। হাওড়া ইন্সটিশান থেকে ডেলি কত আয় হয়? গড়ে দৈনিক লাখ টাকা। তাহলে বউনি শূরু হল। কাউন্টারের বাইরে আওয়াজ শোনা যাচ্ছে। লোক এসেছে। কিন্তু কাজ যে এখনো বাকী? খাতার স্টেশনের নাম ডুলতে হবে। গতকাল হিসেব মেলেনি। সাড়ে বারো টাকা স্ট। হিসেবেই গোল হল, না টাকা বেশী দিয়ে দিল? চারটে টাকা চলবে

‘সার্কাস’

বলে মনে হয় না? দশটাকার নোটটা কি ‘ফোজ’ড’, জাল? না ‘কেমিকেলি ইরেজ’ড’? বার্মার নোট থেকে বার্মা কথাটা কেমিকেল দিয়ে ঘষে তুলে দিয়েছে? টিকিটই বেচব না নোট এক্সপার্ট হব। একশ বাহামটা ইন্সট্যানের নাম টুকতে হবে খাতার। পরশু ছিলাম ফরেনে, আড়াইশ’র উপর নাম লিখেছি। আজ সর্ট কিছু মেক্-আপ্ করতেই হবে। নইলে মাস গেলে আর মধুে অন্ন জুটবে না। প্রতি মাসে ‘সর্ট’ যায়। ছ’ হাজার থেকে চার হাজার টাকা ডেলি এক এক কাউন্টারের আদায়। প্রতিদিন একজন লোক এত কাজ করতে পারে কখনো। লোক বাড়ো, কাউন্টার বাড়ো, কাজ কমাও। সর্ট হবে না। কাজেই অসং কাজ কেউ করবে না। কাজ নাও, আরামও দাও।

কাজ কাজ কাজ। ঢেউ-এর পর কাজের ঢেউ আসে। আর অচল অটল হাওড়ার ইন্সট্যান, মাথায় এক ঘড়ির তাজ পরে, বাস, ট্রাম, ট্যাক্সি, রিকশ, ঘোড়ার গাড়ীর সাংগপাংগ নিয়ে দাঁড়িয়ে থাকে। সকাল থেকে দুপুর, দুপুর থেকে বিকেল। অজস্র ভিড় বাড়ে। দুপুরে যাত্রী, লোকাল যাত্রী। মোট ঘাট। দর দস্তুর। চে’চামেচি। বিকেল থেকে রাত্রি। দশটা তিরিশ। বর্ধমান লোকাল। শেষ ট্রেন এসে গেল। বৃকিং-এ তখনো লোক। চু’চুড়ো দিন একথানা। শ্রীরামপুর দূটো। ওতোরপাড়া আড়াইটে। দশটা পঞ্চাশ। ব্যান্ডেল লোকাল। দিনের শেষে ট্রেন ছেড়ে দিল। ক্রিমুনি এসেছে হাওড়ার। বাস ট্রাম চলে গেছে কখন! রিকশ, ট্যাক্সি, ঘোড়ার গাড়ী নেই। গেটে তালা পড়েছে। তখনো বৃকিং ক্লার্ক তহবিল মেলাচ্ছে। দ্যাখ তো চায়ের দোকান খোলা আছে কি? খিদে পেয়েছে প্রচুর। সাড়ে এগারো, জিরো, ঘড়ির কাটা ঘুরে বাজল একটা। বৃকিং বাবু ফ্লোজিং নম্বর লিখছেন। ঘুম আর নেই, শব্দ ক্লান্তি। ঘাড়ে পিঠে টন্ টন্ ব্যথা। রাত দেড়টা। হাওড়া বৃকিং-এর আলো নিভলো। টাকা পরস জমা করে আবার সেই একাউন্টস অফিসের বারান্দার টেবিল। ভাল বেশিখানার আরেকজন এসে শূরে পড়েছে। তার মনিং ডিউটি।

কুশলি, এঁই কুশলি

আগে এত ছিল না, এই টিঙেল-ফিঙেল, মোট, সর্দার, সাত-সতের। কুশলিরা সিধা এসে মোটটি তুলত, গাড়িতে গিয়ে বসিয়ে দিত, কি গাড়ি থেকে মোট নামাত। তারপর প্ল্যাটফর্মের বাইরে দাঁড়ান হাওয়া-গাড়িতে মোট তুলে পয়সা নিত। এমন তেমন বদলে মোট-গার্টিসহ কুশলি কে কুশলি হাওয়া হয়ে যেত হাওয়া থেকে। প্রচুর হয়েছে।

তা বলে সকলেরই কি এক রীতি? তা কখনো হয়? তাহলে দুনিয়া চলবে কেমন করে? হাওয়ার কুশলিদের বাইরে একটু বদনাম আছে। দেবতা-ভেদে ওরা পুজো পাল্টায়। যেই দেখল হ্যাট, কোট, বড় অঙ্গে, আদর্শালি, চাপরাশী আছে সঙ্গে, মুখ ডাম, ফুল, সোয়াইনের কামান দাগছে, অমনি বিনয়ের মূখোশখানা কামিজের ভেতর থেকে বের করে ঝেড়ে পড়ে মূখে বসালে। তারপর কথাটি না কয়ে কাজ-কম্ম চুকিয়ে দিয়ে সাহেবের সামনে হাত পাতলে। যদি সাক্ষা সাহেব হয়, কথা কইবে না, যা হাতে আসবে দিয়ে দেবে। বেশি পেলো খুশি মনে সেলাম কর, কম পেলো মনে মনে খিস্তি কর, কিন্তু মূখে কিছ্ বল না, আর সেলামটিও ঠুকে যাও।

শক্তের ভক্ত আছি বলে নরম মাটিতে নখ বসাবো না? বড়সাহেব যে ঠোঁকরাটি দিলে, বউয়ের উপর দিয়ে তা যদি না-ই তুললুম, তবে আর আর্ষবংশের মূখ রইল কোথায়? সাহেবদের কিছ্ বলো না, বিনা ঝামেলার যেতে দাও। কিন্তু তা বলে ঝামেলা ছেড় না। দ্যাখ, কে এল? বাঙালী বাবু? ছোকরা নাকি? সঙ্গে কে? এক খুবসূরং জেনানা? আরে বড়ো আপ টু ডেট্ আছে। এখানে হাঙ্গামা হবে না, 'আসানিসে' কাজ হাঁসিল হয়ে যাবে। জোয়ানার এক রীতি আছে না? দু-চার আনার জন্য খিচাখিচ করবে না। মাল তুলে দাও। বাবু বিবিকে বসতে দাও আরামে। তো সিরুফ্ এক বাত পুছো, ক্যারা বাবুজী আরাম তো মিলা? বাস্ তার পর মেরেটির দিকে চেয়ে একটু হেসে হাতটা বাড়াও দিকি। কিছ্ না বলতেই দেখবে একটি টাকা। যদি একটু কজ্ববও হয় তো এক আঠ আম্র, একটি আধূলি। এই হল ভাল কুশলি ইন্ট মন্তর।

তবে যদি সুবিধেমত লোক দ্যাখ তো ঝাঁপিয়ে পড় তাদের উপর। খিচাখিচ কর, ঝামেলা বাধাও, হাঙ্গামা উঠাও। কি বাবু, এক কুশলি, এক কুশলি করছেন, সাতটা মোট আছে, তিন কুশলিকা কমে হবে না। দেখিয়ে বাবু, তিন

‘সার্কাস’

টাকা লাগবে কমসে কম। কি তিন টাকা! মগ্কা মদ্রুদ পায়্যা হ্যায় নাকি? তোমাকে নিতে হবে না বাবা, তুমি রাখ দেও। আচ্ছা বাবু, তো টাই টাকা। না বাবা, কহে দিগদারি করছ। হাম তিরিশ বছরসে হিল্লী দিল্লী করছি, বদ্বা, সাত ঘাটকা পানি হামরা পেটেমে খলবল করতা হ্যায়। হামারা সাথমে শদু শদু পেয়াজি করে কই ফয়দা হবে না। তার চেয়ে যা বলছি বাপ্কা সদুপদুর হোকে তাই কর। একটি কুলিকে মাল দিয়ে সন্ত-সাগর চষে এলুম, আর উনি এলেন নবাব খাজা খাঁএর নাতি। কুলি বদ্বলে ‘মিস্ ফায়ার’। দেখতে নরম কিন্তু ভেতরে শক্ত। তো চলল কাকুতির পালা। একটু দেখে-শুনে দেবেন বাবু। বাপু এত বাত না বলে গাড়িতে ওঠাও না। কথা পরে হবে। গাড়িতে মাল উঠল। দুটি সিকি বের করে কুলির হাতে দিতেই, কি বাবু, কি দিচ্ছেন? ঠিক দিচ্ছ বাবা। আবার ঝামেলা, আবার খ্যাঁচাখেঁচি, চেঁচামেঁচি, কথাতে কথাতে অশেষ ধনস্তাধনস্ত। তারপর দু পক্ষ এক-গা ঘামে নেয়ে উঠলে প্যাসেঞ্জারের পকেট থেকে এক আনি বের হল একখানা।

গ্রামের লোক হলেই কুলিদের পোয়া বারো। মেয়েরা একা হলে বিশেষ টা-ফোঁ আজকাল করে না। কেননা, পার্বলিক এসে পড়বে। তেমন-তেমন জাঁহাজ মেয়ের সংগে টক্কর লাগলে বাপ ডাকিয়ে ছেড়ে দেবে। তাই কুলিরা পারতপক্ষে আওরাতের মোট বইতে চায় না, এড়িয়ে যাবার চেষ্টা করে। অর্বাণ্য আপ্-টু-ডেট্ জানানাতে এদের তত আপত্তি নেই, যতটা কিনা তীর্থক্ষেত্রদের বেলায়। পদুরীর গাড়ি, বানারস-গয়ার গাড়ি এলে এদের হংকম্প। তাই বত তাড়াতাড়ি পারে, থার্ড কেলাস জানানা ডিবিয়া থেকে মুখ ফিরিয়ে অন্য ধারে টকটে পড়ার চেষ্টা করে।

কিন্তু তাতেই কি পার আছে? অ-রে অ কুলি! এই মিনসে, হাঁ করে দাঁড়িয়ে দেখছিঁস্ কি, নামা না মোটগলো। আস্তে আস্তে, আঃ ওটাতে গঙ্গা আছে রে মদুখপোড়া। ফেললি তো! বলি চোখের মাথা কি গুলে থেইছিঁস্! আহ-হা, ওটা সোজা করে নামা। উল্টুস্ নি। যদি কিছু ভাঙে তো তোরই একদিন কি আমারই একদিন। অ-মা, অ-কি, দিলি তো জলটুকু ফেলে। হারামজাদা, নচ্ছার, উট, বললুম না যর করে নামাতে। গেরাজিয়া হল না। বেরো, শূয়ার, তোকে মোট বইতে হবে না।

গালাগাল খেতে হবে, কিন্তু মদুখে কিছু রলা চলবে না। উত্তর-প্রত্যন্তর হলেই আর দেখতে হবে না। ভদ্রমহিলা এদিক-ওদিক চেয়ে বলে উঠবেন, বলি অ গার্ড বাবু, অ পদলিশ, অ ভালমানুষের ছেলেরা, তোমরা উপস্থিত থাকতে এই

‘সার্কার্স’

ছোটলোক নজ্জারটা আমাকে নাহক অপমান করছে গা। জিনিসপত্তর ভেঙে তচনচ করে দিলে। বলি দেশ কি অরাজক হয়েছে? আইন কি নেই?

আইন নেই মানে? প্রত্যেকটি লোক আজ আইন পকেটে নিয়ে ঘোরে। কিসের থেকে কি হল, কার দোষ, সে বিচারে কাজ কি? মার শালাকে। শূর, হল পাবলিকের বিচার। একেবারে মোক্ষম, দৃন্দাড়, দৃন্দাম। মারপিটের পর, কুলিটিকে আধমরা করে পাবলিক বললে, শালে, জানানাকে অপমান কর। মাফ মাঙো। মাপ চাও। কিন্তু যার কাছে মাপ চাইবে, তিনি ততক্ষণে আরেকটি কুলি ঠিক করে মালপত্তর ঠিকে গাড়িতে চাপিয়ে গাড়োয়ানকে বলছেন, পটল-ডাঙ্গায় চল বাছা। আর গাড়ির সঙ্গে সঙ্গে ছুটতে ছুটতে কুলিটি চেপ্পাচ্ছে, মাইজী পয়সা। মাইজী তখন কোমরের খুঁটের পাঁচ খুলছেন। কথাবার্তা বিশেষ বলছেন না। কুলি ওদিকে সমানে চেপ্পাচ্ছে, মাইজী, পয়সা দিজিয়ে। এতক্ষণে মাইজীর ট্যাক থেকে পয়সা বেরুল। বেছে বেছে তেলা দু’আনি দু’খানি বের করে ধমক লাগালেন, মিন্‌ষের রকম দ্যাখ না, যেন পালিয়ে যাচ্ছি। বাবা বাবা, এত তীখ্‌থ ঘুরে এলুম, কিন্তু তোমাদের মত ছিলে জৌক আর কোথাও দেখলুম না। খুরে দন্ডবৎ।

আর ডেজারাস হচ্ছে শেঠজীরা। গাদা গাদা মোট-মুটর নিয়ে যাতায়াত করবে। কিন্তু মুটিয়াকে পয়সা দিতে গেলেই প্রাণ বেরোয়। ঝঙ্কাঝঙ্কি করতে করতে কুলিদের মূখের জল শুকিয়ে যায়। আধপয়সা নগদা খসাতে আধ ঘণ্টার কথা খসাতে হয়।

আজকাল তো বশে এসেছে। কি দেখছেন বাবু। বহিঁশ স্নাল তো এই ‘ল্যাটফর্মে’ই (প্ল্যাটফর্ম) হয়ে গেল। এখন লেবর ডিপার্ট হয়েছে। আগে সেসব কিছু ছিল না। গোরা টি সি, টিশন সুপ্রিটেন্ট, মেম ‘বুর্কিন ক্লারিভ’ ছিল। লেবর মানজর ছিল উ ভি এক গোরা। তো সে সাহেবের মর্জির উপর সব। আমার সঙ্গে সাহাবের ভাব তো আমি ঢুকিয়ে লিলাম আমার আদমীকে। তো তখন এত কুলিও ছিল না, প্যাসেঞ্জারও না। এখন তো খুব কড়াকড়ি আছে।

একজন দু’জন তো নয়, চোদ্দশ আটাশ জন কুলি হাওড়ার প্ল্যাটফর্মে। তুমি আমি মন করলুম আর ট্রেন থেকে মোট নামিয়ে পয়সা কামালুম, সের্টি হবার জো নেই এখন। দু’নিয়া বড় কড়া। তুমি কুলির কাজ করতে চাও? কোথায় তোমার বাড়ি? কি পরিচর? কে তোমার চেনে? এসব যদি জানা হল তো বেশ, দ্যাখ, লোক আর লাগবে কি না? লেবার সুপারভাইজারের কাছে ষাও। এগারো নম্বর গেটের কাছে তাঁর অফিস। কন্সট্রাক্টরের হাতেই এই

‘সার্কার্স’

ব্যবসা। রেল কোম্পানীর কাছ থেকে তিনি এই কাজের ঠিকে নিয়েছেন। প্যাসেঞ্জাররা যাতে হয়রান না হয়, কষ্ট না পায়, তাদের কোনরূপ ক্ষতি না হয়, তা দেখাই এই অফিসের কার্য। এই অফিসের দুটো হাত, এক হাতে প্যাসেঞ্জারদের মালপত্র চলাচল দেখছেন, আর হাতে খালাস করছেন পার্সেলের মাল।

কুলি ভর্তি করতে হবে এই অফিসের মারফৎ। কি নাম তোমার? বল। কোথায় ঘর? বল। কে চেনে এখানে? বল। ফটো তুলিয়েছ? দেখাও। আচ্ছা যাও। পদুলিশে খবর দিই। তারা খোঁজখবর করুক তোমার বিষয়ে। রিপোর্ট পাঠাক। সন্তুষ্ট হলে খবর দেব। কাজে লেগো। অমনি অমনি কি হয়? তোমাকে লাইসেন্স করতে হবে, এই অফিস থেকে। মাসে তিন টাকা ফি। লাইসেন্স পেলে তোমার কার্মিজে তার নম্বর সেটে রেখো। তোমার বাঁ হাতেও পিতলের যে চাক্তিখানা লাগানো থাকে, সেটা কি? সেটাও লাইসেন্স নম্বর। সেটা যদি প্যাসেঞ্জার চায় তো দিয়ে দিতে পার। প্যাসেঞ্জারের মনে ভরসা বাড়বে।

আজকাল অবিশ্বা মালপত্রের খোয়া বড় একটা যায় না। আমাদের হাতে ভারটা আসা ইস্তক অনেক কন্ট্রোলে এনেছি। লেবার সুপারভাইজারটি বললেন, পাবলিক কম্পেন্স হবার সংগে সংগেই আমরা তদন্ত করি। নালিশও কমে আসছে। প্যাসেঞ্জাররা যদি এক কাজ করেন তো বড়ই ভাল হয়। প্রতিটি কুলির কাছে তাদের পরিচয় দেওয়া কার্ড আছে। ওদেরকে কাজে লাগাবার আগে সেই কার্ডটি দেখে নেবেন। তাতে কুলিটার একটা ফটোও সাঁটা আছে। যদি কোন গোলমালে পড়েন, কিছু ভয় নেই, সটান আমাদের অফিসে চলে আসবেন, রাতদিন লোক থাকে প্যাসেঞ্জারকে সাহায্য করবার জন্য। কুলির নম্বরটা যদি মনে থাকে ভালই, ফটো দেখেও চিনে ফেলতে অসুবিধে হবে না, যে কি রকম কার্ড আছে। আপনার মাল নিয়ে সরে পড়েছে? রেট বেশী চেয়েছে? না কি কুখ্যা বলে মর্যাদাহানি করেছে? সটান এই অফিসে এসে সেরেফ নালিশটা পেশে দিন তো, ব্যাটার ঘাড়ে হাউ মেনি হেড্ একবার দেখে নিই। প্রতি মোট চার আনা, এই হল এখানকার রেট। প্রতি মোট মানে প্রত্যেকটা আইটেম নয়। আপনার বোর্ডিং, ট্রান্স্ক, জলের কুঁজো কি টুকুরি এই নিয়ে ওজন যদি এক মণ পর্যন্ত হল তো ওটাকে এক মোট ধরব। বাইরের গাড়ী থেকে ট্রেনের কামরায় পেশে দেবে। মজুরী চার আনা। আজ নগদ কাল ধার। এর এদিক-ওদিক হয়েছে কি নম্বরটি টেকে নিয়ে সটান চলে আসুন তো একবার। কিম্বা তারই বা কি প্রয়োজন, প্রতিটি প্ল্যাটফর্মেই টিঙেল পাবেন, সর্দার পাবেন, জুনিয়র

‘সার্কাস’

সুপারভাইজার পাবেন, সিনিয়র সুপারভাইজার পাবেন। তকমা-আঁটা চেহারা। একটু ঠাইর করে তাদের বের করা, বাস্ তারপর নালিশটি ঠুকে দেওয়া। দেখতে দেখতে ত্যাড়া ঘাড় সিঁখে হয়ে যাবে। বলে জোড়নে পড়লে বাঁকা কেষ্ট অশ্বি কালী হয়ে যায় আর এ তো মশাই কুলি। হ্যাঃ।

একটি বড়ো কুলি বললে, জুলুমবাজী ভাল নয়, এটা তো সবাই জানে, হাওড়ার কুলিরা জুলুমবাজ, এটাও সবাই জানে, কিন্তু জুলুম কি সবাই করে বাবুজী? জানো, আমাদের উপর কত জুলুম হয়? নতুন টাকা লাইসিন ফি মাহিনামে। আচ্ছা বাবা ঠিক আছে, তো কুলি ভি বাড়তে যাচ্ছে। ফটু ভি তোলাতে হচ্ছে। খর্চা ভি আমাদের দিতে হচ্ছে। পোষাক-ওষাক সব কুছ আমার। চার আনা মোট তো পেট চলবে কেমন করে। আরো খেল আছে। শুনুন। রেল কোম্পানীর পার্সেল ট্রেন থেকে ‘লোডিং-আনলোডিং’ (মাল তোলা, মাল নামানো) নিয়েছে কন্ট্রাক্টার। কোম্পানীর কাছ থেকে রূপিয়া খিঁচে লিচ্ছে, নিজের পার্কেট ভরছে। আর আমরা রোজ এক এক ঘণ্টা, দেড় ঘণ্টা, তিন তিন ঘণ্টা বেগ্যার খাটছি।

এটা জানতুম না। ধরে ঘরে সম্বান নিলুম। বড়ো কুলিটা বললে, ফৌকটসে খাটায় না বাবু, পয়সা দেয়। কত শুনবেন? প্রতিদিন এক ঘণ্টা খাটলে মাসে বিশ আনা। তিন ঘণ্টা রোজ খাটলে মাসে চল্লিশ আনা। আপনারা কত দেন? এক মোট চার আনা। তো কেন জুলুম হবে না? পেট কি মানবে বাবু? এত কুলি হয়েছে, তার উপর টিঁডাল, উঁডাল, সদাঁর, মেট, ফলানা কে জানে কত, ওদেরকে রোজগারের হিস্যা দিতে দিতে ঘরে যখন যাব, তখন কি থাকবে আমার হাতে আর বালবাচ্চার মূখে ভি কি দেব?

একটু থাক, নিজেই দেখবে। ভাল ভাল মোট, যেখানে কিছু বকশিস মিলবে, সে সব আপন আদমীকে দিয়ে দিবে। শালা সদাঁর বনেছে। আমি একটা ভাল মোট ধরব তো তার মধ্যেও একটা আপন আদমী ঢুকিয়ে দেবে। কেন? না কত বকশিস পাই দেখতে। মাঝে মাঝে এমন ইচ্ছা হয় কি—

বড়ো চুপ মেরে গেল। এক তকমাধারী সদাঁর আসছে। বড়োর চোখ জ্বলছিল। চোখ তো নয়, আগুনের মালসা। একখণ্ড জ্বলন্ত কয়লা চিমটে করে সেই মালসা থেকে তুলে ফুঁ দিয়ে যেন তাতিচ্ছিল, লোক আসতে দেখে খপ করে তারই মধ্যে গুঁজে দিলে। তারপর একটু হেসে বললে, আচ্ছা, নমস্তে বাবুজী।

পারাপার

বিদেশী বেনে বহর ভেড়ালে এপারে। সূতোনুটিতে নোঙর করলে, শালকের নয়। ওধারে জল কম। জাহাজ বাঁধা সম্ভব হয় না। 'তাই শিবপদ্রে জুত হল না, ডক গড়ল খিদিরপুরে।

তখন চলাচল পায়ের জোরে, কি গো-গাড়ীতে, কি খট্ খটা খট্ ঘোড়ার পিঠে। এ হল ডাঙায় ডাঙায়। আর জলে? নৌকা, কি জাহাজ। মাস্তুলে পাল আর পালে বাতাস। খোলা হাওয়া লাগিয়ে পালে সাত সমুদ্রে থেয়া মার। এদেশের লোক পেঁছাও সেদেশে, সেদেশের মাল গছাও এদেশে। তাই হল। বিদেশী মল্লুকের মাল এনে তুললে কলকেতায়। সূতোনুটি গোবিন্দপুর কালীঘাট তখন কলকেতা হয়ে বসেছেন। ব্যাপারে ব্যবসায় ফুলে ফেঁপে একেবারে বিয়ের জল গায়ে লাগা এক মেয়ে যেন। এমন চেকনাই।

এতো এপারের কথা। আর ওপার? ইংরেজের নেকনজর পড়ল না বলে দিনকতক মৃদু ঘূরিয়ে রইল অভিমানে। তারপর ঘোমটা আড়াল চোখদুটো ওপারের ভরা যৌবনের বাড় বাড়ন্ত দেখতে লাগল আর হিংসে রিবেয় বুক পোড়াল। এপার কলকাতা, আর ওপার হাওড়া।

কিন্তু এমন আড়ি আর কদিন? ইংরেজের দৃষ্টি ওধারেও পড়ল।

নদী ডিঙিয়ে ওপারে উঠলে। কপালে পরালে সোহাগের টিপ। সেই থেকে এপার ওপার এক হবার বাসনা পুষেছে মনে মনে। যত দিন যায় তত কাজ বাড়ি। কাজের ফিকিরে এপারের লোক ওপারে, আর ওপারের লোক এপারে নিত্য পারাপার করে। কি উপায়ে? না দিশী মাঝির পান্‌সি ভাউলের সওয়ার হয়ে। প্রধান ঘাট দুটো। এদিকে শিবপুর আর উদিকে শালকের বাঁধাঘাট।

কিন্তু নদী নয়তো, সাক্ষাৎ শমন। এই বেশ শান্ত, কোথাও কিছ্ নেই। এই বান ঢুকল সাগর থেকে। তখন রব উঠল সামাল সামাল। কে থাকল কে গেল সে হিসেব পরে দেখো। মাঝি এখন কর পার, মাঝখানে ডুবিলে তরী কলম্ব তোমার। কিন্তু তরী হুঁশিয়ার মাঝির হাতেও অজস্র ডুবেছে। ধনে প্রাণে মারা গেছে কত যে অজস্র লোক তার হিসেব কে রেখেছে? ১৮৪০ সনে মানে একশ দশ-বার বছর আগেকার এক রিপোর্টে জানা গেছে, সে সময় মালিয়ানা শ-আড়াই লোক সশরীরে গঙ্গা পেতেন। গিল্মীর খোঁচার তিতি

‘সার্কাস’

বিরক্ত হাওড়ার লোকেরা তখন প্রায়ই কলকেতা রওনা দিতেন। মনোগত হচ্ছে, অল্প খর্চার স্বগ্গে যাবার চেষ্টা করা।

ইদিকে ব্যবসা পত্তরও বেড়ে উঠতে বিঘ্ন ঘটছে। যত ফ্যাসাদের গুরু-ঠাকরুণ এই নদীটি। ওকে বাগে আনা বড় সহজ কন্ম নয়। পারাপারের সুবাহা করবার নানা ফিকির চলতে লাগল। শেষকালে আমদানী হল এক ভৌণা কল। আঃ মানুষের কি কেরামত। বৈঠা লাগে না পাল লাগে না, কোম্পানী কি কসই বানাইছে মিঞাভাই। গলগল করে চোঙ্গার মূখে ধোঁয়া ছাড়ে, ভৌ-ও ভৌ-ও চিকির ছাড়ে, ঘস ঘস পানি, উথাল পাথাল করে, আর কোম্পানীর কল এপার ওপার পাড় দেয়। সন ১৮২৩-এর আগস্ট মাসের গল্প। এমন নাকি অশুভ কল গঙ্গায় ভেসেছে। চল চল আর্মিনীর ঘাটে। ছুটোছুটি লুটোপুটি। নদীর দ্বার লোকে লোকে ছেয়ে গেল। কি তাম্জব! মাঝগঙ্গায় ভাসছে দ্যাখ, যেন পেঙ্গায় এক পানকৌটি। প্রথম যে ইন্টিমার এপার ওপার ফেরী মারলে, তার নাম ডায়োনা।

কিন্তু কলের জাহাজও ফেল পড়ল। তখন রোয়াব উঠল পদল বানাব। হাওড়া আর কলকেতা এতদিনে অনেক নিকট হয়েছে। ‘এই যে, কেমন আছেন’-এর সম্পর্ক আরও নিবিড় হয়ে ‘কেমন আছো’-তে এসে ঠেকেছে। এতেও চলছে না। এবার দৃঢ়বন্দন চাই। খেপ মারা কাজে প্রাণ ভরছে না আর, আকাঙ্ক্ষা মিটছে না।

এক পদল বানাবার তোড়জোড় শুরুর হল। তোড়জোড় নয়, কথাবার্তা। মাঝে মাঝে বাতচিৎ হয় আবার চাপা পড়ে যায়। গভর্নর সাহেবের খানা টেবিলে খোসগম্পের ফাঁকে কেউ হয়ত কথাটা তুলে বসেন। বেশ উত্তেজনা সৃষ্টি হয়। খাওয়াটা বেশ জমে। খাওয়া শেষ তো কথারও ইতি। আর মাঝে মাঝে বাগড়া মার, এই দিশী জাঁদরেল বাবুরা। বাবু স্মারকানাথ ঠাকুর, বাবুও বটেন প্রিন্সসও বটেন, সে আমলের এক প্রধান চাই, হুগলীর নদীতে পদল চাই বলে সোরগোল তুললেন। ফাঁকা আওয়াজ নয়, টাকার আওয়াজও শোনাতে রাজী হলেন। বাবু জয়কেন্ট মধুস্জেও তাঁর দোহারকি করলেন।

সন ১৮৪৪-এ রেল বসল। সব প্রথমে হাওড়া থেকে হুগলী। তার পরের বছর রেল পৌঁছল রাণীগঞ্জ। তার সাত বছর বাদে কাশী অবধি পৌঁছে গেল। তারপর আরো দূর দূর চলে গেল। দেশ থেকে দেশে। এন্ডিন হাওড়া ছিল কলকেতার মূখের দিকে চেয়ে। এবার তার আপন মূল্যে নিজের গরব।

চোখ বৃজে আর থাকা যায় না। রেল আসা না পৃথিবী আসা। খেয়া

‘সার্কাস’

ইন্সটিমার আর পানসি ভাউলেতে পৃথিবী আঁটে কখনো! পূল চাই, পূল।
মানুষ যাবে, মাল যাবে, গাড়ী যাবে। তার ব্যবস্থা করছ কোথায়?

পূল হবে? কেমন পূল গো? ঝোলা সার্কো না ভাসা সার্কো? প্রথমে
কথা হল ভাসা পূল হবে। তার পরক্ষণেই আবার কর্তাদের মতি বদলাল।
বললেন, ভাসা পূল নয়। ঝোলা পূল হবে। ১৮৫৫ থেকে ১৮৭১ এই ঝোল
বছর ধরে খালি জম্পনা-কম্পনা চলেছে। পূলটা ঝুলবে না ভাসবে?

পূলটা ভাসলই শেষ পর্যন্ত। বড় বড় কস্তাদের সব ভাবনার শান্তি
হল ১৮৬৮ সালে। ঠিক হল বেড়াল ঘুমাক আর জাগুক ঘণ্টা বাঁধা এবার
হবেই তার গলায়। কে এমন মন্দ আছে এই দিগরে? কে বাঁধতে যাবে ঘণ্টা?
কেন, সরকার। সরকারই শেষ পর্যন্ত কাজটা হাতে নিলেন। ঠিক হল একটা
ট্রাস্টের হাতে ব্যবস্থা বন্দোবস্ত তম্বির তদারকের ভারটা দেওয়া হবে।

তখন বাঙ্গলার তখতে রাজ্যপাল নন, গদীয়ান আছেন লেফটেন্যান্ট
গভর্নর। তাঁকেই ভার দেওয়া হল ঝিল্লি সামলানোর। টাকা জোগাবেন, পূলে
যাবার পথ তৈরী করাবেন, খচাটা যাতে উঠে আসে, মাথট বসিয়ে তার ব্যবস্থা
করবেন। কাজ কি একটা যে এক কথায় হিসেব লেখা হয়ে যাবে। পূল
বানাবার যোগাড় না হয় করা গেল, সে পূল সঠিক রাখবে কে? মেরামত
করবে কে? কেন পোর্ট কমিশনার। তার উপরই ভার পড়ল হেফাজতের।
একেবারে এর জন্য এক আইন বানিয়ে সেই আইন মোতাবেক হাওড়াপূলের
সারাজীবনের জিম্মা দিয়ে পোর্ট কমিশনারকে বলা হল, প্রতিগৃহ্যাম। পোর্ট
কমিশনার বলে উঠল, প্রতিগৃহ্যামি।

জায়গা নিয়ে কিঞ্চিৎ গোলযোগ উঠেছিল। কিন্তু এদিকে ডালহৌসী
স্কোয়ার ততদিনে জেঁকে উঠেছে, আর ওদিকে হাওড়ার ইন্সটিশান। যেই কেউ
শালকে শিবপূরের নাম করে আর হাওড়া ডালহৌসী গর্জে ওঠে, মোদের দাবী
মানতে হবে। তাই হলো। মল্লিক ঘাটের আড়পারই হচ্ছে হাওড়ার ইন্সটিশান। এরাই
শেষে এপারে ওপারে মিলনের ঘটকালি করলে।

স্যার ব্র্যাডফোর্ড লেসলী। ভাঙন নয়, গড়নের কারিগর। তাঁরই
কেরামতীতে নদীতে বাঁধন পড়ল। ভাসা পূল এপার ওপার ডাঙ্গার ডাঙ্গার
জুড়ে দিলে। ১৮৭৪ সালের অক্টোবর মাসে, আজ থেকে উনআশী বছর
আগে সব প্রথম কলকাতার লোক হাবড়ার আর হাবড়ার লোক কলকাতার পারে
হেঁটে পার হল। দুনিয়ার কাছে কলকাতার দরজা হাওয়া হয়ে খুলে গেল।
পূল বানাতে টাকা লাগল বাইশ লাখ।

‘সার্কাস’

বড় বড় জাইগ্যান্টিক নৌকোর উপর পদ্মখানা বসানো। মাঝখানটা, চিচিংফাঁক, তো খুলে গেল, উত্তরের গঙ্গায় বন্দী হয়ে বেসব জাহাজ ইন্সটিমার ফৌস ফৌস ফুঁসছিল, তারা দক্ষিণে সাগরে গেল, নৌকো, কিস্তি, বোট, গাথাবোটও স্ফুট স্ফুট করে তাদের পিছ পিছ রওনা দিলে। দক্ষিণ থেকে আগত যারা পদ্ম খোলার অপেক্ষায় গঙ্গার জলে চিং হয়ে (আকাশে কড়িকাঠ নেই, গোনার অসুবিধে) দৃদৃন্দ ঘূর্ণিয়ে নিচ্ছিলেন, মওকা পেয়ে তাঁরা উত্তর দিকে রওনা দিলেন।

মানুষ যাবে, তো জাহাজ ইন্সটিমারের এখার ওখার যাতায়াত বন্ধ কর। জাহাজ ইন্সটিমার যদি ছাড়লে তো মানুষকে আটকাও। নোটিশ পড়ল, বেলা অত ঘটিকা অত মিনিট হইতে অত ঘটিকা অত মিনিট পর্যন্ত হাওড়ার পদ্ম খোলা থাকিবেক। সেই সময় মধ্যে যাবতীয় গমনাগমন বন্ধ। পোর্ট কমিশনারের আদেশানুসারে।

আ থেলে যা। টেলিগেরাপ এসেছে মশাই, ছেলে মর মর, দুটো সায়গিগশের ট্রেন না ধরলে পেঁছতে পারব না। আর আপনি পদ্ম খোলবার টাইম পেলেন না! গমনাগমন বন্ধ বলে তো মুখ ঘূর্ণিয়ে বসে আছেন, এখন আমি করি কি, একটা বিহিত কিছু করুন? বিহিত করবার আর আছে কি, নৌকায় পার হয়ে চলে যান। অগত্যা। আবার সেই নদীর হাতে প্রাণ সমর্পণ।

১৯০৬ সালের জুন অবধি এমন চলেছে। তখন দিনের বেলাতেই পদ্ম খুলে জাহাজ নৌকা পাশ করতো পোর্ট কমিশনার। জুন থেকে ব্যবস্থার বদল হল। ঝঞ্জট এড়াবার জন্য গভীর রাত্রে হাওড়ার পদ্ম খোলা হত। কলকাতার লোক ভুলেই গেল যে এ পদ্ম খোলা হয়। শব্দ ক্রীচিং কদাচ শেষ ট্রেনখানা বেজায় লেট থাকলে তার চড়নদারেরা সে রাত্রে আর কলকাতায় পেঁছতে পারত না। এসে দেখত মাঝখানের পশ্টুনখানাকে টেনে নিয়ে একপাশে রেখেছে, আর পিল পিল করে জাহাজ ইন্সটিমারের স্রোত এখার ওখার যাতায়াত করছে। ভৌ ভৌ শব্দে সে তল্লাট তখন সরগরম।

শব্দ পদ্ম খোলা আর বন্ধ করার জন্যই নয়, অসুবিধে আরো বাড়তে লাগল। লম্বায় ১,৫২৮ ফিট, গাড়ীঘোড়া চলার রাস্তা চওড়ায় ৪৮ ফিট আর লোকচলার রাস্তা চওড়ায় কুলে সাত ফিট। এই তো ভাসা পদ্মের বহর। গাড়ী ঘোড়া মর্নিষ্য বাড়ছে তো বাড়ছেই। ওইটুকু চওড়া স্থানের মধ্যে তা আর ধরে না। বড় পদ্ম চাই। আবার চাই চাই দাবী উঠল।

‘সার্কাস’

এবার আর ভাসা পদল নয়। ঝোলা পদল। একজনকে থামিয়ে আরেক-জনের ষাওয়া নয়, এমন পদল বানাও যাতে একই সঙ্গে সবাই যাবে, উপরে ডাঙ্গার বাহন, নিচে জলের যান।

১৯০৬ সালে বাঙলার সরকার আবার নড়ে বসলেন। এক বিলাতী কোম্পানীকে ঠিকে দিলেন। ক্লিভল্যান্ড ব্রিজ এন্ড ইঞ্জিনীয়ারিং কোম্পানী লিমিটেড ঝোলা পদল বানাবার ভার পেলেন। বিস্তার টাকার মামলত। ১,৬০৫,০০০ ষোল লক্ষ পাঁচ হাজার পাউন্ড। এক পাউন্ড ডাঙগালে দিশী টাকার ফেলে ছেড়েও তের টাকা মেলে। চোখ একেবারে চড়ক গাছে উঠে পড়বে স্যার, হিসেবটা কষলে।

কি পেঙ্গায় ব্রিজ! যামসা লম্বা তায়সা চওড়া। ভেতরে ঢুকলুম না যেন আস্ত এক শহরের মধ্যে সের্খিয়ে গেলুম। যেন ময়দানবের শহর। উঁচু দিকে চাই তো ঘাড় মটমট করে। এপার থেকে ওপার হল ১৯০০ ফুট। ঝোলাপদলের কেলাসে হাওড়ার পদল পৃথিবীর মধ্যে থার্ড। আর চওড়াও কি কম নাকি? দুই ফুটপাথের মাথাখানের ফাঁকটাই হল সস্তর ফুট। ফুটপাথ পনের ফুট। আর দুই তীরে ওই যে দুই চুড়া আকাশে গিয়ে ঢুঁ মারে, তার এক একটাই হল গিয়ে তিন শ ফুট উঁচু।

ওই অত উঁচুতে বসেই এক ভন্দরলোক পা কদলিয়ে জোছনা রাতে মনের সুখে তান ধরেছিলেন। তারাগুলোকে গান শোনাবার ইচ্ছে ছিল। কিন্তু দন্ট লোকের প্রাণে তা সহিবে কেন? কারা যেন টের পেয়ে পদলিশে খবর দিলে। তারপর হৈ হৈ। নাম, নাম। পড়ে যাবেন মশাই। পড়ে গেলে মরে যাবেন, ওখান থেকে মরলে আর বাঁচতে হবে না। কিন্তু কে শোনে? কে ভ্রক্ষেপ করে সে কথা? ওই উপরে, ফুরফুরে হাওয়ার যার প্রাণের পদলক পেম্ব মেলছে তার কাছে কি তুচ্ছ কথার পদছ নাচানি ভাল লাগে। যে চেঁচাচ্ছে চেঁচাক। ভন্দরলোক আকাশ পানে গান ছুঁড়তে লাগলেন, সাঁঝের তারকা আনি পথ হারালে এসেছি ভুলে। শেষকালে দমকল ডেকে এই পথভোলা পৃথককে পথে নামাতে হয়। তারপর বোধ হয় রাঁচীর ঠিকানায় চালান দেওয়া হয়েছিল, ঠিক মনে নেই। আরেকবার দুই বন্ধু শহরের গরমে টিকতে না পেরে হাওড়া ব্রিজের মাথায় চেপেছিলেন দুহাত তাস খেলতে। দমকল তাদেরও নামিয়েছিল। পরে জানা গেল সেটা কড়া সিঁদির এফেক্ট। আরো জনা তিনেককে পদলিশ ওঠবার আগেই ধরে ফেলেছিল।

‘সার্কাস’

কেন এমন হয়? কার হাতছানি এরা পায়? এদের নিজে এ রহস্য
রিজটা কেন করে? জানেন? আমি জানিনে।

তবে এটা জানি হাওড়ার নতুন এই প্রকাণ্ড রিজটি প্রথম খোলে ১৯৪০
সালের পয়লা এপ্রিল নয়, পয়লা ফেব্রুয়ারী।

চমুদাশু

ঘুম নয়। যেন নাছোড় কাবুলী। লাঠি ঘাড়ে চোখের দরজায় বসে থাকে। পাওনা না চুকিয়ে বিদেয় করে সাধা কার? উঠতে মন আরো আগে। রান্ধুর তার ডিউটি খতম করে সেই যে সময়ে 'কল-বয়' পাঠায় দিনের কাছে, ('কল-বয়' কি? রেল কোম্পানীতে কাজ করা থাকলে আর বিস্তান্তটা ব্যাখ্যা করতে হত না। রেলের গার্ড কি ইঞ্জিন-ড্রাইভার কি কন্স-বাবু মানে চেকার, তাদের যখন গভীর রাতে কাজে বেরতে হয়, তখন সময় হিসেব করে এক লোক ছোট্টে তাঁদের ঘুম ভাঙাতে। এই যে ঘুম ভাঙানো থোকা, একেই বলে 'কল-বয়') গঙ্গা থেকে সেই সময়ে কেমন এক নতুন হাওয়া ভেসে আসে, বড়বাজারে একাটি রা নেই, হাওড়ার পল জোর-বাতির একনরী হার গলায় পরে ঝিম মেয়ে দাঁড়িয়ে থাকে, ওপারে হাওড়া ইন্সটিশানের একচোখো ঘড়িটা কাঁটা দিয়ে চুঁ মেয়ে মেয়ে ওপারের সময়কে এপারে এনে কৈলে যখন, স্নান চায় তখনই ওঠে। কিন্তু আলিসা, কিন্তু কুঁড়োমি। বেণের উপর চাটাই মাদুর, তার উপরে একটা বিছানামত, তার উপরেই দেহখান। ভোরের হাওয়ার ঠান্ডা লাগে তো আধখানা বিছানাই জড়িয়ে নাও গায়। কিন্তু না, এইবারে ওঠো। গান শোনা যাচ্ছে প্রভাতী বৃদ্ধের। নাইতে আসছে, তার মানেই চারটে বাজে।

প্রভাতী বৃদ্ধের থেকে ভোরে আর কেউ নাইতে আসে না। ওই হল ঘাটপান্ডাদের 'কল-বয়'। বড়বাজারের ঘাটে চল্লিশটে ঘাটপান্ডা। যজমানরা নাইতে আসবেন। শূকনো-সাকনা কাপড়-জামা সঙ্গে থাকে, সেগুলো রাখবার ব্যবস্থা কি? না ঘাটপান্ডার টুকরী। জুতো খুলে রাখুন ওর মাঝখানে মধ্য, জামা-কাপড় টুকরীতে। তারপর নিশ্চিন্তে নেমে যান গঙ্গার শীতল গর্ভে। চানটান সেরে উঠে আসুন। নিশ্চিন্তে এগিয়ে যান ঘাটপান্ডার কাছে। ওর এলাকার চাটাইয়ে দাঁড়িয়ে ভিজ়ে কাপড়টি ছেড়ে রেখে শূকনো কাপড় অঙ্গে পরুন। চান করেই প্রসাধন। ব্যবস্থা আছে। আর্শি আছে, চিরুণী আছে। চুল আঁচড়ে মৃদু দেখুন। ফাঁকা ফাঁকা ঠেকলে তিলক-মাটির ছাপ লাগিয়ে নিন, চন্দনের প্রলেপ লাগান মৃদু। আর্শিতে মৃন্মের ছায়ার চেহারা দেখে মলম করুন, বাহার খুলল কেমন।

‘সার্কাস’

যজমান একবার আসতে শূন্য করলে আর ফরাস কোথায়? তাই নিজের কাজ সেরে রাখতে হয় সেই প্রত্যক্ষকালেই। শূন্য তো টুকরিই নয়, টুকটাক আরো দ্রব্য রাখতে হয়। ধরুন দাঁতনকাঠি। অত ভোরে যজমান আসবে, এসেই এক কাঠি দাঁতন চাইবে। যদি দিতে না পারলুম তো জগন্নাথ জানেন, ও খন্দের আর আমার বাস্তু-মুখো হবে না। একা তো নই, এই যে ঘাটটুকু দেখছেন, এই বড়বাজারের ঘাট, এখানে চার্লিশটে পান্ডার পারামিশন আছে। তার বেশী আর একজনেরও বসবার হুকুম নেই। বিনা হুকুমে কেউ বসবে? পোর্ট কমিশনারের রেজিস্টার্ড গোমস্তা আছে কি করতে। রিপোর্টটি করে দিলেই ঘাড় ধরে সঙ্গে সঙ্গে বাইরে বের করে দেবে।

আইন বড় কড়া। ইচ্ছেটা খুস খুস করল আর একটা বাস্তু নিয়ে ঘাটে এসে পান্ডা হয়ে বসলুম, সেটি হচ্ছে না। পান্ডা হতে চাও, তো পোর্ট কমিশনারকে দরখাস্ত কর। সব লিখে জানাও, কি নাম, সাং মোং (সাকিম মোকাম) কোথায়, কে তোমার বাপ, পান্ডাগিরি ক’পুরুষ ধরে করছ ইত্যাদি ইত্যাদি। তারপর সে দরখাস্ত পোর্ট কমিশনারকে পাঠাও, সেখান থেকে হুকুম পেলে তবে বাস্তু পেতে বসতে পার।

যারা আছে এখানে, সবাই বনেদী। কেউ দ’পুরুষ, কেউ চার পুরুষ কাটালে এই চানের ঘাটের শানে বসে। বাঁধানো ঘাটের মেঝেতে আমরা আর কার্নিশের খাঁজের ওই পায়রাগুলো বনেদিয়ানায় এক বয়েসী।

যদি একেবারে দক্ষিণ থেকে ধরেন তো কালীঘাট। খুব পুরানো ঘাট। চান করলে অক্ষয়-পূর্ণিমা। তাই খন্দেরপাতি ওখানে বেশী। পান্ডাদেরও দ’পয়সা হয়। তারপর চাঁদপাল, প্রিন্সেসপ্, আমানীঘাট, বাবুঘাট, এদিকে এই বড়বাজারের ঘাট, গোয়েস্কার ঘাট, হাওড়ার পল ছাড়িয়ে জগন্নাথ ঘাট, আহিরীটোলার ঘাট, বাগবাজারের ঘাট—এগুলো নাম করা। পান্ডাও আছে।

বাবা এই ঘাটে সারাজীবন পান্ডাগিরি করে দেহ রেখেছেন। তাঁর বাবাও এই ঘাটে জীবনপাত করেছেন। এই যে চন্দনের বাটি দেখছেন এটা বাবার, এই যে তিলক-ছাপ দেখছেন এটা ঠাকুরদাদার। বহুদিন এসব বাস্তু ভরা ছিল। জোয়ান বয়স, ভাবলাম কি, ঘাটে আর বসব না। কাকাকে বাস্তুটুকু দিয়ে এখার-ওখার ঘুরলাম। দ’চারটে কাজও করলাম। কিন্তু ভাল লাগল না। দ’চার বছর পরে কি মনে হল, পোর্ট কমিশনারে দরখাস্ত করে হুকুম নিয়ে নিলাম। এখন তো পঁচিশ বছর হয়ে গেল।

‘মার্কাস’

মাঝখানে পোর্ট কমিশনার বললে, ‘লাইসেন’ দিতে হবে। এমনি খেতে পয়সা পাইনে ‘লাইসেন’ কোথা থেকে দেব, খুব গোলমাল হল। যজ্ঞমানদের গিয়ে ধরলাম। তারা বললে পোর্ট কমিশনারকে, বাপ-দাদার আমল থেকে যেমন চলছে, তেমনই চলবে। পাণ্ডাদের কাছ থেকে পয়সা-টয়সা নেওয়া চলবে না। যজ্ঞমান সব ভারী ভারী আছে কিনা। তাদের কথা পোর্ট কমিশনার ঠেলতে পারে না।

শুনুন তবে এক মজার গল্প। আর্মেনীর ঘাটটা শীলবাবুরা বানিয়ে দেন। এ গল্প আমার বাবার মুখে শোনা। সেই তখনকার আমলেই খচাঁ হয়েছিল প্রায় লাখ টাকা। অমন মজবুত ঘাট। তা পোর্ট কমিশনার বললে, ওখানে গুদোম বানাবো। শীলেদের মত চাইলে। তাঁরা বললেন, বেশ, আমাদের আপত্তি নেই। তবে কি না যেমন ঘাটটি ভাঙবে, অবিকল সেই নক্সামত আরেকটি ঘাট বানিয়ে দিতে হবে। বাস্, একথার পর পোর্ট কমিশনার ঠাণ্ডা।

বাবুরা ঘাট বানিয়ে রক্ষণাবেক্ষণ ছেড়ে দিয়েছেন পোর্ট কমিশনারের হাতে। ঝাড়ুদার খরচা, লাইট খরচা সব তার। ঘাট পার্বালকের পাঁঠা বটে, তবে ল্যাজের দিকে কাটবার কোন উপায় তার নেই। চান করতে পেরুব আসছে, মেয়ে আসছে। তাদের দেখে কেউ খিস্তিখাস্তা বেমালুম চালিয়ে যাচ্ছে, এ দৃশ্য যদি ইন্সপেক্টরের নজরে একবার পড়েছে তো যার এলাকায় এসব হাঁচিল, সেই পাণ্ডার দফা গয়া হয়ে গেল। এখানে যত পাণ্ডা, তত নম্বর। আমার নম্বর সতের। যদি আমার এখানে কোন বেচাল, বেয়াদাশি ধরা পড়ে তো আমার পাণ্ডাগিরি একেবারে ঠাণ্ডা।

ওই যে দেখছেন, কোণের দিকে এক ছোকরা বসে আছে, ওর বাবার নামে ছিল পারামিশন। অফিস-ফেরতা কেরানীবাবুদের কেউ কেউ ওর কাছে আসতেন। ওর কাছে গাঁজা-টাজা সব থাকত। বাড়িতে অফিসে লজ্জা করে, এই ঘাটের ঘুপসীতে বসে দুটান তাই দিয়ে ঘরে ফিরতেন। পড়াব তো পড় একদিন ইন্সপেক্টরের মুখোমুখি। বাস্, আর যাবে কোথায়? হয়ে গেল। শেষে অফিসে হাটাহাটি দৌড়-ঝাপ। কিছতেই হল না। বড়ো তো পাগল হয়ে উঠল। তারপর একদিন না-পাস্তা হয়ে গেল। ছেলেটা ছিল নাবালক। সেই শেষ পর্বন্ত নম্বরটা পেল। তবে নিয়ম হচ্ছে, নাবালকের গার্জিয়ান-স্বরূপ কেউ না থাকলে রোজিস্টার্ড গোমস্তাই টাকাকড়ি উসুড় করে দেয়। রোজগার আর কত হয় আমাদের? বড় জোর টিশ-পঁয়তিশ টাকা

‘সাক্ষাৎ’

মাসে। যজ্ঞমানদের কাছে বাঁধা বরাদ্দ আছে। সেই যা ক’টা পরস্যা মাস গেলে আসে। নগদ খন্দেরে আর কত হয়? রোজ দু-চার-পাঁচ আনা।

তবে যাকে তাকে ডেকে ভরসা পাইনে। কত রকম যে ফিকিরবাজ লোক আসে, তার কি ঠিক আছে? একবার হল কি? দু’জন লোক এল চান করতে, নতুন লোক। জামা-কাপড়ের নমুনা দেখে তো আমাদের জিভ লক লক করে উঠল, এ-শাঁস কার কাছে যায়? আসুন আসুন বাবু! সবাই টুকরি এগিয়ে দেয়। শেষে একজন তো পাকড়াল। বাকী সবাই তাকে পারে তো চোখ দিয়ে গিলে খায়। জামা-কাপড় খুলে, গামছা এনেছিল সঙ্গে, তাই পরে তো চান করতে গেল। ফিরে এসে জামা-কাপড় পরেই একজন চোঁচিয়ে উঠলে, আমার টাকা? আরেকজন চোঁচালে, আমার সোনার বোতাম? দ্যাখ দ্যাখ করতে করতে বিস্তর লোক জমে গেল। পাণ্ডাকে ধরে এই মারে তো এই মারে। সে বেচারার তো হয়ে গেছে। হৈ-টৈ শব্দে পদলিখ এসে তো ধরে নিয়ে গেল তাকে। দু’মাস সাজাও হল। পরে জানা গেল, পাণ্ডা নির্দোষ। যার সোনার বোতাম চুরি গিয়েছিল, কারসাজিটি তার। সে নিজেই এক পাকা চোর। বন্দুর টাকা গাপ করে সরে পড়ার চেষ্টায় কেসটাকে এইভাবে ঘুরিয়ে দিয়েছিল। ভাগ্যি ভাল যে শয়তানটা ধরা পড়ে গেল। আর একবার এক চোর, আরেকজনের কাপড় পরে পালিয়ে গেল, আর সে কাপড়ের দাম দিতে হল বেচারার পাণ্ডাকে।

তবে আরেকটা ঘটনা বলি। এক অর্ধোদয় যোগে, এই ঘাটে, দু’জন ভদ্রলোক এলেন, আর তাঁদের সঙ্গে এক বৌ। চান করবেন। ওঁদের দু’জনে আমার কাছে এলেন। টুকরি এগিয়ে দিলাম। ওঁরা জামা-কাপড় ছাড়লেন। বৌটিকে মেয়েদের ঘাটে এক পাণ্ডার হাতে তুলে দিয়ে এলাম। তারপর বসে আছি। তিন ঘণ্টা কাবার হয়ে গেল। দু’জনের একজনও এল না। চার ঘণ্টা পরেও না। আর এলোই না। কি বলব বাবু। খুব ভয় পেয়ে গেলাম। মেয়েদের ঘাটের পাণ্ডারও সেই দশা। আর বিলম্ব না করে পদলিখে খবর দিলাম। পদলিখ জামা-কাপড় নিয়ে গেল। পরস্যা কাড়ি নাকি অনেক ছিল। কিন্তু পদলিখও বের করতে পারল না। সবাই বললে, মরে গেছে। তিন-তিনজন একসঙ্গে মরল, একটু আশ্চর্য লেগেছিল। তার চার-পাঁচ বছর পরে, পুরী গিয়েছিলাম, সেইখানে সেই বৌটিকে দেখেছি বাবু, অন্য এক ছোকরার সঙ্গে। কি তাজব।

এখন তো এইরকম দেখছেন। মেয়ে ছেলে একসঙ্গে চান করছে। সেকালে

‘সার্কাস’

এমন পারত না। আমার বাপ একটা ঘটনা বলেছিল, সেটা বলি শুনুন। সে অনেক দিনের ঘটনা। আমার ঠাকুর্দা তখন পাণ্ডা। বাবা ছেলেমানুষ। গংগার ঘাটে তখনো এমন কোঠা ওঠেনি। পাণ্ডারা বসত ঘাটের কিনারে। যার যার বড় বড় ছাতা ছিল, সেই ছাতা দিয়ে রোদ আটকাতো। বিস্টিকালে ভিজতেই হত। তখন শহরে এত মানুষ ছিল না। তেমন জলেরও ভাল বন্দোবস্ত ছিল না। দূর দূর থেকে আসত সব গংগা নাইতে। তখন তো এখনকার মত এত মোটর-গাড়ি-টাড়ি হয়নি। টমটম ফিটন ছিল, পাস্কী ছিল কোন কোন বাড়িতে। বাবুদা আসতেন টমটম, কি ফিটন, কি পাস্কী-গাড়ি করে। আর অন্দরেব মেয়েছেলেরা আসত পাস্কী চড়ে। সেই অন্দর মহল থেকেই তারা পাস্কীতে উঠে দরজা বন্ধ করে দিত, পাছে কেউ দেখে ফেলে। আর গংগার ঘাটে এসেও পাস্কী থেকে নামত না। বেয়ারাগুলো সেই দরজা বন্ধ পাস্কী গংগার জলে ডুবিয়ে আবার বাড়িতে বয়ে নিয়ে যেত। এই ছিল সেকালের নিয়ম।

আমি যখন গংগার ঘাটে গেলুম, তখন স্নানার্থীর ভিড় চারদিকে গিসগিস করছে। ফাঁকে ফাঁকে পাণ্ডার সঙ্গে আলাপ জমালুম। পূরুষ ঘাটের পৈঠায় দু-তিনটে হিপোপটেমাস রোদ পোয়াচ্ছে? না, হিপো নয়, প্যালেয়ানের পো। সম্ব অগ্নে কাদা মেখে জাংগিয়াসার চেহারাগুলো আরামের আমেজে তা দিচ্ছে। ওপাশে একজন উপড় হয়ে শুষে পড়ে আছে, আর চটাস-পটাস ঘাড়ে গর্দানে তৈলমর্দন চলেছে। একপো তেল চার আনা, সেদিন আর নেই। তেল মাখার লোকের অভাব পড়ে গেছে। মালিসের ব্যবসা ক্রমেই মন্দা।

তেল ষাঁদের দিতে হয়, তাঁরা নদীতে আসেন না, তাঁরা এখন সরকরী গদীতে। তাঁদের নাগাল এদের হাত পাবে কেমন করে?

জীবন সংগ্রাম

চক্ৰাক, বাবু

তাড়াতাড়ি বেরিয়ে পড়েছিলুম। জামাটা কাপড়টা বদলাতে খুব একটা সময়ের বাজে খরচা করিনি। হনহন করে পা চালিয়ে শ্যামবাজারের পাঁচ মাথাটায় পৌঁছে ঘড়ি দেখে বুঝলুম তাড়াতাড়ি করা ভুল হয়েছে। সময় যথেষ্ট আছে।

—“এই যে বাবু চক্ৰাক। আসুন পালিশ করে দিই। আয়না করে দিই। মৃদু দেখতে দেখতে বাড়ী চলে যান।”

ছোকরাটাকে দেখে আকৃষ্ট হলুম। জুতোটারও অবশ্য সংস্কারের দরকার ছিল। পা এগিয়ে দিলুম ওর কাঠ-বাক্সটার উপর। বাক্সটা ছোট। একটা সাধারণ প্যাকিং বাক্স কেটে এটা তৈরী। তিনটে শিশিতে তিন রঙের গোলা রঙ (ওর মতে ভাল কালি)। লাল, কালো আর সাদা। তিন-চারটে বদরুশ। একটা একটু ভালো। বাকী কটা রোয়া ওঠা। দুটো ‘কিউই’ বট পালিশের বড় কোটা, একটা “চেরী ব্লসেম”র তিনটে ‘কোবরা’র, ফণা গুটানো পরিচিত গোল্ডেন বন্ডুটি, একটা “টিয়াপাথী” আর গোটা কয় বকলসধারী “কুকুর” আর দু খণ্ড, বহুতর রঙে ছোপানো মেটে মেটে কাপড়ের টুকরো, আর কম’ঠ সততচঞ্চল দুটো ছোট ছোট হাত। ওর ব্যবসার প্রধান পদার্থ এই।

ওর বাক্সের উপর লাগানো ঢালু কাঠখানার ওপর আমার একখানা পা রাখলুম। ছেলোট একটু ঝুঁকে পা-খানাকে টেনে নিলে। একবার গোড়ালী আর ডগা ধরে নেড়ে চেড়ে সুবিধে মতো বসিয়ে নিলে। তারপর শব্দ হল ওর কাজ।

অন্যমনস্ক হয়ে পড়েছিলুম। হঠাৎ খুব জোর একটা হাসির আওয়াজে চোখ ফিরিয়ে দেখলুম ছোকরাটি চোখ টিপে পাশের ছোকরাটিকে হাসতে মানা করছে। ওর ঠোঁটে দুশ্চিন্তাভরা হাসিটি হালকা চালে এধার-ওধার আনাগোনা করছে। আর পাশের ছোকরাটি মাঝে মাঝে আমার দিকে চাইছে আর হেসে কুটিকুটি হচ্ছে। —হোঃ হোঃ হোঃ—

‘সাক্ষী’

—“গিরধারী, অ্যাঁই গিরধারী খামোশ। চুপ কর।” যথাসম্ভব আমার নজর বাঁচিয়ে ওকে বারণ করতে করতে আমার পায়ে বুরুশ ঘষছে।

—“হোঃ হোঃ হোঃ আরে বাপু।”

আমি হঠাৎ জিগোস করে বসলুম, “কি হয়েছে?”

—সঙ্গে সঙ্গে গিরধারীর হাসি বন্ধ হয়ে গেল। এই ছোকরাও মনোযোগ দিয়ে কাজ করতে শুরু করে দিলে। আমার কেমন সন্দেহ হল। আবার জিগোস করলুম, “কিরে হাসিছিল কেন, এই গিরধারী।” ছোকরাটি যেন আমার কথা শুনতেই পেলো না। পথচারীদের দিকে অধিক মনোযোগ দিলে।

—“পালিশ বাবুজী? আসুন।”

কিন্তু কিছু যে একটা লুকোচ্ছে এটা স্পষ্ট বুঝতে পারলুম। আমারও কেমন রোখ চেপে গেল। জানতেই হবে ব্যাপারটি কি? শেষ পর্যন্ত আমার কোতুহলই জয়ী হল। ছোকরাটি যথেষ্ট অনুরক্ত হয়ে বললে, “গিরধারীর কোন কসুর নেই বাবুজী। আমি ওকে বললুম, বাবুদের চোখ দুটো বিনিদের চোখে থাকে। শাদী না হলে বাবুদের চোখ ফোটে না। আর এ বাবুর এখনও চোখ ফোটে নি। তাই ও হাসতে শুরু করল।”

ওর কথার ধরনে আমিও হেসে ফেললুম।—“কি করে জানলি আমি শাদী করিনি?” আমার কথায়। “তুকের সাড়া পেয়ে ও সাহস পেল। খুশীতে ওর চোখদুটো ইন্দুরের চোখের মতো চকচক করে উঠল।

“সে আমি বললুম।”

“কি করে বুঝলি?”

দার্শনিকের মতো বলে উঠল, “বাবু আপনার জামা কাপড় কত পরিষ্কার, আজকেই বদলি করেছেন হয়ত। কিন্তু জুতোটায় সাত-আট দিন কালি পড়েনি। বিবি থাকলে এমনটি হত না।”

ছোকরাটির কথায় বিস্মিত হলুম, বড় জবর চোখদুটি তো! চকচকে চণ্ডল দুটো চোখ, মুখখানা ময়লা, তবু বুদ্ধিমানী! ছোট কপাল আর খাড়া চুলে উদ্ভত স্বাধীনতার ছাপ মারা। কালি লেগে লেগে চুলের রং বাদামী হয়ে গেছে।

“তোঁর নাম কি?”

“আম্পা রামাইয়া।”

“ঘর কোথায় তোঁর?”

“গুণ্টুর জেলা।”

‘সার্কাস’

তারপর ধীরে ধীরে শূন্য হ'ল এক ইতিহাস। ছোকরাটির বয়েস বছর ১২।১৩ হবে। সাত বছর আগে মায়ের সঙ্গে কলকাতায় আসে। তারপর মা ওকে ছেড়ে চলে যায়। কষ্ট করে দিন কাটতে থাকে, বেশী ভাগ সময়ই ভিক্ষে করে খেয়ে আর ফুটপাথে, প্ল্যাটফর্মে শূন্যে। ভিক্ষের রোজগারের স্থিরতা নেই, নিশ্চয়তা নেই। চেষ্টা করতে থাকে ভালোমতো রোজগারের। এমন সময় ওর নজরে পড়ে ওরই সমবয়সী একটা ছেলের দিকে।

রামাইয়া চোরগাঁতে ঘুরছিল সেদিন। তখন লড়াই-এর মরশুম। সাহেব, কালা সাহেব ফোজে সহর ছাওয়া। সেই ছেলোট এমনি একটা বাস্তব পেতে বসে একটা সাহেবের জুতো পালিশ করছিল। সাহেব ঠন্ করে একটা আস্ত টাকা ফেলে দিলে। আরে বাবা! একটা টাকা! রামাইয়া ছেলোটের কাছে গেল। তার সঙ্গে ভাব করলে, বন্ধু পাভালে। সে-ই ওকে এক আড্ডায় নিয়ে গেল। সেখানে সদ্যের সঙ্গে পরিচয় করিয়ে দিলে সদ্যর সব কথা শুনলে ওকে দলে ভর্তি করে নিলে। চুক্তি হল, ওর সারাদিনের রোজগারের অর্ধেক সদ্যরকে দিতে হবে। তার বদলে সদ্যর ওকে দেবে বাস্তব, বদরশ। কালি ওকে কিনে নিতে হবে। সে পয়সাও অবশ্য প্রথমটায় সদ্যরই ওকে দিয়েছিল ধার হিসেবে। টাকায় দু' আনা হিসেবে সুদও নিত আগেভাগে আদায় করে। প্রথম প্রথম অসুবিধে হত। হাত চলত না। কাজ ভাল জানত না, কালির ভালমন্দ বুঝত না। কালি লাগাবার কায়দা জানত না। তবে রক্ষে এই যে, সেটা লড়াই-এর সময়। কাজ কিছু না কিছু জুটতোই। না খেয়ে থাকতে হত না। তবে মাসখানেকের মধ্যেই কাজ রপ্ত হয়ে গেল। লজ্জা ভাঙলো। রোজগারও বাড়লো। একদিন ওর পাঁচ টাকা রোজগার হয়েছিল। অবিশ্য সে একদিনই। নইলে রোজানা কামাই ছিল আড়াই টাকা, দু'টাকা। সদ্যরকে দিয়ে কালিটালি কিনে দিন এক টাকা, বারো আনা থাকত। লড়াই খতম হল। সাহেবরা দেশে চলে গেল আর ওদেরও কপাল পড়লো। এখন সারাদিন আট আনা রোজগার হয় কি না হয়।

ওর খুশীভরা চোখ দুটো বিষন্ন হয়ে আসে। গোটা শরীরের ওপর পড়ে ক্লান্তিক্রান্ত এক ছায়া। কোথাও-না-ফেলা এক দৃষ্টি হেনে বলে, “দিনকাল বস্তু খারাপ।”

বললুম, “এ কাজ ছেড়ে অন্য কাজ করিস না কেন?”

“অন্য কাজ?” ওর চোখ দুটো তীক্ষ্ণ হয়ে আসে। “কাহে? এ কাজটা

‘সার্কাস’

ভালই আছে বাবুজী। রোজগার কোন্ কাজেই বা এমন বেশী। কাজ করি আপন খুশীতে। কেউ ‘বলনেঅলা’ নেই। এই নিন বাবু। আয়না বানিয়ে দিয়েছি।”

পরসা মিটিয়ে দিয়ে ছেলোটিকে আর একবার ভাল করে দেখে নিলুম। ও আর আমার দিকে চাইলে না। ওর কাছে আমার প্রয়োজন ফুরিয়েছে। আমার জুতো চক্‌চক্‌ করছে। আলো ঠিকরে পড়ছে। ও এখন চায় এক-জোড়া মলিন জুতো, নিঃশেষিত প্রাণ। ও তাকে দেবে নতুন জীবন নতুন সৌন্দর্য নতুন দীপ্তি।

ভাবিছিলুম কি বৈপরীত্য! ও যখন সকালে এসে বসে, তখন কত তাজা, নতুন জীবনে পূর্ণ। বেলা গড়িয়ে চলে। বহু ময়লা জুতো দীপ্তিময় হয়। ওর দীপ্তি ক্ষয় হয়। ও যখন সন্ধ্যার সময় বাজু হাতে ঘরে ফেবে, ওঁকে তখন দেখায় ঠিক প্রথম আসা জুতোর মতোই মলিন, নোংরা আর তের্মান বিপর্যস্ত।

ওর কাছে আমার প্রয়োজন ফুরিয়েছে। ও আর আমার দিকে চাইবে না জানি, তবু আমি আর একবার চাইলুম। ওর দুটো সন্ধানী চোখে তখন বড় ব্যস্ততা, নতুন খন্দেরের খোঁজে।

“এই যে বাবু চক্‌চক্‌। আয়না করে দেবো। মুখ দেখে লিবেন বাবু।”

অগ্রদানী

জন্ম মৃত্যু বিয়ে, তিন বিধাতা নিয়ে। বিধাতা তো বটেনই। তবে মরলোকে আকারভেদ, পরলোকে কি তা জানিনে। জন্মালে ধইএর স্পর্শ আপনাকে পেতেই হবে। বিয়ের দিনে পুরোহিতের মন্ত্র আপনার কানে ঢুকবেই। আর মরে যে ট্যাক্স ফাঁকী দিয়ে ড্যাং ড্যাং করে চলে যাবেন সেটি হচ্ছে না। পথ আগলে আছেন অগ্রদানী। তিনি এসে দানটি গ্রহণ করেন, তবে সিটি বাজিয়ে আপনার পরপারের রেলগাড়ী গা নড়িয়ে চলতে শুরূ করবে।

লোকটি যে সুরাসিক তা তার কথা বার্তায় বেশ বুকিয়ে দিলে। শুধু তাই নয়, বাড়ীটি মৃত্যুর স্পর্শে ম্যাজমেজে হয়েছিল এই কটা দিন। কতটি পরলোকে পাড়ি দেবার সময়, মনে হল বাড়ীসুন্দর হাসিখুশী, খোলা-মেলা ভাবগুলোকে কোন অদৃশ্য সিদ্ধকে চাবি আটকে রেখে গেছেন। সে চাবির

‘সার্কাস’

হাঁদিশ আর কেউ রাখত না। ভাগ্যিস পূর্ণ ভ্রম্ভাষ এসেছিল। চাবির সম্ভান ছিল তার কাছেই। এক মৃহুর্ভে সিন্দুক খুলে বের করে আনলে সেগুলো, ভিজ্জে আবহাওয়া শূন্যকিয়ে উঠল। মৃখে মৃখে হার্সি ফুটল।

আজকাল কি আর সে দিন আছে মশায়, কটা লোক ‘সংকাজ’ করে বলুন। এই দেখুন না লিষ্ট করব, এক গাদা, শ্রাম্ভের ফর্দ। কিন্তু এর মধ্যে কটা জিনিস কিনবে এরা, কিনবার কি যো আছে। সব আমাকে ‘মূল্য’ ধরে দেবে। আমিই যোগাড় করে দেব।

এতক্ষণ পরে জিজ্ঞাসা করলাম, মূল্য ধরাটা কি?

আমার দিকে বিস্মিত হয়ে চাইলেন পূর্ণ ভ্রম্ভাষ।

—মূল্য মানে দাম। এই যে খাট, বিছানা, ঘড়া, থালা, ঘাড়ি এই সব দান-সামগ্রী—শ্রাম্ভ ভেদে এক এক রকম দান। যোড়শ করবেন না দান সাগর, বৃষোৎসর্গ না অম্ভজলি, তা যাক গে, মরদুক গে, শ্রাম্ভ করতে গেলেই দান লাগে আর সামগ্রী না হলে কি দান করবে? এই দান-সামগ্রী পূর্বকালে নতুন কেনা হ’ত; এবং শ্রাম্ভান্তে এই সব জিনিস দান করে দেওয়া হ’ত। এই আমরা অগ্রদানীরা আগু বাড়িয়ে সে দান গ্রহণ না করলে আত্মার সদর্গতি হ’ত না মশায়। এখন কোন সামগ্রী তো দূরের কথা বৃষকাস্টটা অবধি আমাদের যোগাড় করে আনতে হয়। বদলে মূল্য ধরে পাই। একটা খাটের দাম কম করেও পঁয়ত্রিশ টাকা, তোবক দশ, বালিশ তিন, চাদর তিন, থালা-বাটি ঘড়া গাড়ু ধরুন আরও কুড়ি পঁচিশ—তা’হলে কত হল হিসেব করুন। এত টাকার জিনিস আমি যোগাড় করে এনে দেব, আবার আমাকেই এগুলো গ্রহণ করতে হবে। তার দরুন পাব কি জানেন, সামগ্রী-বাবদ হয়ত গোটা তিরিশেক আর দক্ষিণা হয়ত ছোঁয়াবে গোটা চারেক। তিরিশ টাকা তো ভাড়াই গুনে দিতে হবে জিনিসগুলোর। ওই চারটি টাকাই যা—তাও যদি অচল না হয়।

এবার আমার বিস্ময়ের পালা।

—আবার অচলও চালায় না কি?

—নাকি কি মশায়, হরবখত্ চালাচ্ছে। একে তো দক্ষিণা তক্ষুনি তক্ষুনি বাজিয়ে দেখে নেবার নিয়ম নেই—যত নিয়ম আমাদের বেলায়। এই তো খুব বেশী দিন নয়। বছর সাত আট হবে। পাশুয়োর ওদিকে এক নাম করা জায়গার জমিদার বাড়ি গিয়েছিলাম ওদের বড়ো কস্তার কাজে। ইস্টশান থেকে নেমে পাক্সা তিন কোশ রাস্তা কুপিয়ে তবে গে যেতে হয়।

‘সার্কাস’

গেলাম। ভেবেছিলাম পাড়াগেঁয়ে জমিদার, প্রাস্ত্রাস্ত্রাস্ত্রিত ভালই হবে। গিয়ে বুকলুম, কি গদ্বুরী করেছি। কিছু দিলে না, একেবারে হাড় কিপটে। দুজন ছিলাম। পাঁচটি টাকা দক্ষিণে দিয়ে সেরে দিলে। ক্ষম মনে তো ইন্টিশানে ফিরে এলাম। টিকিট কাটতে দিলাম। সপের লোকটি এসে বললে, এ টাকা দুটো অচল। বুকুন একবার, বাপের একটা সঙ্গতি করছিল, তা সেটাও ফাঁকি দিয়ে।

পূর্ণ ভাষায়ের মধ্যে খই ফুটেতে লেগেছে। হাঁফ নিতে একটুখানি থামল, তারপর শব্দ করলে।

আবার গেলাম অতখানি রাস্তা ঠেংগেয়ে। বাবকে ধরলাম। বাব, মধ্যে তো বিনয়ের অবতার। খুব খাতির করলে। পারেন তো পাদা অর্থ্য দেন আর কি। কিন্তু আসলে মশায় একেবারে চোলাই করা ছোটলোক। টাকাদুটো পালটে দিতে বলতেই মদ্ব কাঁচুমাচু করে বললে, বড় লজ্জায় ফেললেন ঠাকুরমশাই, তখন যদি দেখে নিতেন। কিন্তু এখন কি করে দেই। আমাদের আবার ক্যাশ বন্ধ হয়ে গিয়েছে কিনা।

একটানা এতগুলো কথা বলে পূর্ণ ভাষায় চূপ করল। একটুখানি চূপ করে থেকে বললে, সব নিয়মই এক এক করে উঠে গেছে, কিন্তু ইচ্ছে করলেই আমি তো আর আমার নিয়ম বন্ধ করে দিতে পারি নে। কুল-গত প্রথা বজায় রাখতেই হবে। ডাকলেই দান নিতে যেতে হবে। কস্তাদের আমলে ভাবনা ছিল কি? দান নিলে সমাজে নীচু হতে হ’ত। তবু অগ্রদানী না হলে সমাজে চলত না। তাই দানের বহরও ছিল কড়া। জমি জায়গার অবধি দান মিলত তাদের। আর এখন? যা কিছু ‘মূল্য’ ধরা। আরে বাবা সবাইকেই তো মূল্য ধরে আসলে ফাঁকী দিচ্ছস্। একবার যমকে মূল্য ধরে মৃত্যুকে ফাঁকী দে দিকিনি! অগ্রদানী নিজের রসিকতায় নিজেই হেসে উঠল, ওর হাসির ছোঁয়াচ লেগে গোটা শোকার্ত বাড়ীটার উপরই যেন একটা আনন্দের পলস্তারা পড়ল।

কই গো তোমাদের যে সাড়াশব্দ নেই। দেখছেন তো নিজে চমকেই।

আমার দিকে চেয়ে বললে, ওই যে একটা কথা আছে না—

কার প্রাম্ব কে বা করে

খোলা কেটে বাবুন মরে।

‘সার্কাস’

প্রজাপতির নির্বন্ধ

কন্যাদায়ে পড়েছেন? না-কি ছেলের বের ভাবনা? অব্যাহত সোমন্ত কোন আত্মীয়-কন্যা বৃদ্ধি বৃদ্ধি চেপে বসেছে? জল নামছে না গলা দিয়ে?

তা ভাবনা কি আপনার। আপনি পুরুষ মানুষ। বৈঠকখানায় বসে গুড়ু গুড়ু টানুন, আঙা মারুন ইয়ারবক্সী নিয়ে। যদি তারপরও কিংবদন্তি উৎসাহ বর্তমান থাকে, কখনও সখনও অসতর্কভাবে জিজ্ঞাসা করুন পাত্রপাত্রীর কথা। দিনটা রবিবার হলে সংবাদপত্রে জিজ্ঞাসনের পাতাটা আটপৃষ্ঠে চোখ দিয়ে চষে যান।

কিন্তু খুব বেশী দিনের কথা নয়, যখন খবরের কাগজ কোমর বেঁধে আসরে নামেন, সেইদিনও। আপনি, পুরুষ মানুষ, বৈঠকখানায় তেমনই আঙা মেরেছেন। কিন্তু অন্দরমহলের তো আর অমন নিশ্চিত নির্ভর থাকলে চলে না। তাই তারা সর্বদা তৎপর। আপনি যখন তাস-পাশায় ফেসে গেছেন, অন্দর তখন লোক পাঠিয়ে নিরি ঘট্টিকনীকে ডাকিয়ে এনে ফিসফিসিয়ে চলেছেন।

পানে ছোপা একরাশ দাঁত বের করে চোখ দুটো কপালে তুলে নিরি বলে চলেছে, ও মিনসের কথা বলনি মা, বলনি। ওর যা খাঁই তাতে রাঘব বোয়াল ইস্তক পেলাম করে পালায়। ওথেনে সর্বাধিক হবে না। তবে বলছ যখন চেষ্টা চারিত্র্য করে দেখতে পারি। তবে কুটুম্ব ভাল হবে না মা। চামার, সাক্ষাৎ চামার।

বাস সম্বন্ধের এইখানেই ইতি। আর এগুবেন এমন মনের জোরের জড়তক উপড়ে গেল নিরি ঘট্টিকনী।

আবার উল্টোটিও হয়। আবার নিরির আগমন, আবার ফিসফিসানি। লালচে লালচে দাঁত বের করে চোখ দুটো কপালের উপর তুলে নিরি বলতে থাকবে, বললে না পেতায় যাবে মা, কাস্তিক ঠাকুর যেন শাপভেদেই হয়ে নেমে এয়েছে। আর তেমনি মা বাপ। কি মিষ্টি কথা। বৃদ্ধো মিনসে স্নেহ একেবারে সাক্ষাৎ ভোলানাথ। যেমন আমাদের মেয়ে তেমনি তাদের ছেলে, আমি বলছি মা একেবারে রাজঘোটক হবে। এ পাস্তুর হাতছাড়া কর না।

নিরি যে ধাক্কা অন্দরে দিয়ে গেল তার ডেউ বৈঠকখানায় এসে লাগল। তারপর খাওয়া শোওয়া আর পরম নিশ্চিন্তে চালানো সম্ভব হল না। একটা ফয়সালা করে তবে নিশ্চিন্ত। নিরি, ক্ষীর, গোপালী, কদমদের তখন ছিল এমনই প্রতাপ। এমনই ক্ষমতা।

‘সার্কাস’

কিন্তু সে-দিন এ-দিন নয়, আজ নয়। সে-দিনের জীবন্ত প্রতাপ, আশ্চর্য করিৎকর্ম আজ যেন প্রাগৈতিহাসিক হয়ে গেছে।

ভদ্রলোক দরদ দিয়ে বলে যাচ্ছিলেন, আমি শুনছিলাম। মোটাসোটা চেহারা, মাথায় এক প্রশস্ত টাক। কালো গলাবন্ধ কেট আর হাতে ছাত্তি।

—তখন মশাই, মোড়ে মোড়ে এত প্রজাপতির অফিস বসেনি। এই অফিসওলারা কি বোঝে, কাকে চেনে? ব্যবসা শুধু ব্যবসা মশাই। আমরা এই যে ঘুরি, বাড়ী বাড়ী যাই, আচার আচরণ দেখে বুঝে ফেলতে পারি সে বাড়ীর লোকজনের চরিত্র। সেই চরিত্রের সঙ্গে সংগতি রেখে পাশপাশী ঠিক করতে হয়। বিয়ে দেবার কাজ সোজা নয় মশাই। প্রজাপতির নির্বন্ধ। মেজাজে মেজাজ মেলান চাই। রুচিতে রুচি মেলান চাই। ঠিকুজি কুটির হাঙ্গামাটা আসে কি আর সাথে! আর গ্রহ-নক্ষত্রের ভাষা অত কে বোঝে মশাই, তারায় তারায় কি ইশারা হল আর যোগাযোগ ঘটে গেল অমনি, কথটা তা নয়। আসল কথা হল পারিবারিক চরিত্র বুঝে সেই মত পারিবার থেকে পাশ-পাশী নির্বাচন করতে হবে। চারহাত এমনভাবে জুড়তে হবে, যেন বিবদ্মুগ ফাঁক-ফাঁকির না থাকে। এ খেলা খেলা নয়।

ভদ্রলোক ঘটক। এসেছেন পাশের ঘরের এক ভদ্রলোকের সম্বন্ধ নিয়ে। কথায় কথায় জমিয়ে নিলেন আমাব সংগে। কথার ভিগিটি বড় আন্তরিক ঠেকল। বেশ কইয়ে বলিয়ে লোক।

জিগ্যেস করলাম : ক্ষমতা আছে মশাই আপনাদের। অঘটন ঘটাতে পারেন বটে। কোথায় এঁদো গিলির মধ্যে মেসবাড়ী, তার এক কুঠুরীর মধ্যে একগাদা লোক, তার মধ্যে কে এখনও অবিবাহিত ঠিক খুঁজে বের করেছেন তো।

ভদ্রলোক হা হা করে হেসে উঠলেন, বললেন, বিয়ে তো আপনদেরও হয়নি। কাজ করেন খবরের কাগজের আপিসে। দেশে জমিজমাও কিছু আছে। মা, বাপ বর্তমান। আর তো ভাই নেই, থাকবার মধ্যে পাঁচ বোন। এক বোনের বিয়ে.....

বিস্ময়ে লাফিয়ে উঠলাম। থামিয়ে দিয়ে বললাম, থাক থাক বুঝছি। মহাপুরুষ লোক মশাই আপনারা।

ভদ্রলোক দিল-খোলা হাসি হেসে বললেন, খবর রাখতে হয়। খবর না রাখলে চলবে কেন। লোক চরিত্রে খেতে হয় আমাদের। তবে আপনার বিব্রত হবার কোন কারণ নেই। আপনার জন্যে তো আঁসি নি, সে হবে একদিন। আচ্ছা এখন উঠি।

‘সার্কার্স’

ভদ্রলোক উঠে দাঁড়ালেন। হঠাৎ জিগোস করে বসলাম, লোকের বিয়ে তো দিয়ে বেড়াচ্ছেন, নিজের কাজটি হাঁসিল করেছেন তো?

ভদ্রলোক হঠাৎ গম্ভীর হয়ে গেলেন। তাড়াতাড়ি করে বেরিয়ে যাবার সময় বললেন, দূর দূর বিয়ে কি মানদুষে করে?

হাত সাফাই

বন্ধুটি একেবারে চটে আগুন হয়ে গেলেন। ‘তাহলে কি বলতে চান, আমি মিছে কথা কইছি?’

বন্ধুর আচমকা এই কেঠো প্রশ্নে আমিও থতমত খেয়ে গেলুম। কিন্তু আশ্চর্য ভদ্রলোকের সহনশীলতা। চমৎকৃত হয়ে গেলুম তাঁর রসিকতাবোধে।

একখানা খবরের কাগজ পড়ছিলেন, ধীরে সুস্থে সেখানা মূড়ে রেখে মৃদু হেসে মোলায়েম করে বললেন, “অত্যধিক গরমে ভারতীয় চা, কি বলেন? ও বাবা হরসুন্দর, তিনটি ডবল হাফ দাও দিকিনি।”

কিন্তু আমার বন্ধুটির দেহে পম্পাপারের রক্ত টগবগ করছে। নিরস্ত করা অত সহজে সম্ভব নয়।

“তাহলে কি বলতে চান, যা বললুম এ সব বাজে?”

“আজ্ঞে আপনার মুখের সামনে আপনার কথাকে বাজে বলি কেমন করে।”

ভদ্রলোকের হাসি হাসি মুখের রদবদল হল না কোথাও।

কথাটা চলছিল গাঁটকাটাদের সম্বন্ধে। দিনাতিনেক হল বন্ধুটির ঘাড়িটি পকেট থেকে খোয়া গেছে। ঘাড়িটি দিয়েছিল বড় শালাজ। কাজেই ঘাড়ির মুখ আর দেখতে না পারার দরুন যতটা না হোক দুঃখটা বেশী করে বাজল বড় শালাজের কাছে মুখটা হাজির করার মুখ নষ্ট হয়ে গেল বলে। দুঃখ যতটা হল রাগটাও সেই পরিমাণে চড়ল। দুনিয়াসুন্দ পকেটমারের ধুংসকামনা করছিলুম আর চাখানায় বসে বসে চা টানছিলুম। কিছুদ্ধগের মধ্যেই বন্ধুটি কথিগুং ধাতুস্থ হয়ে শোক এবং ক্রোধ দুটোকেই টাঁকে গুঁজে ফেললেন। প্রসঙ্গ পরিবর্তন হল না, তবে অন্য মোড় নিল।

কলকাতার পকেটমারদের সম্পর্কে নানাবিধ তথ্য বন্ধুর বিনামূল্যে যোগান দিয়ে যেতে লাগলেন।

“একবার হয়েছিল কি বৃক্কে, আমাদের গ্রামের একজন, সম্পর্কে আমার কাকা হন, কলকাতায় আসছিলেন মেয়ের বিয়ের বাজার করতে। সংগে ছিল

‘সার্কাস’

দুহাজার টাকা। ভদ্রলোক খুবই সাবধানী। ফতুয়ার ভিতর পকেটে টাকা রাখেন। তার উপর আবার শীতকাল। ফতুয়ার উপর জামা, তার উপর সোয়েটার, তার উপর কোট, তার উপরে আলোয়ান। বেজায় শীতকাতুরে ছিলেন কি না। পাশে বসেছিলেন এক ভদ্রলোক। খবরের কাগজ পড়ছিলেন। খানিক-পরে পকেট থেকে রুমাল বার করে যেই না মুখ মুছেছেন ভদ্রলোকটি, অমনি টপ করে একটা সোনার দুল মেঝের উপর পড়ে গেল। খুড়োমশাই দেখতে পেয়ে সেটা কুড়িয়ে নিয়ে ভদ্রলোককে দিতেই তিনি ধন্যবাদ দিয়ে সেটি আবার পাশ পকেটে চালান করে দিলেন। খুড়োমশাই আর থাকতে না পেরে বলে উঠলেন, সোনার জিনিস, অমন অসাবধানে কি রাখতে আছে? ভদ্রলোক থতমত খেয়ে দুলটিকে যত্ন করে ভাল জায়গায় রেখে দিলেন। ধীরে ধীরে দুজনের পরিচয় গাঢ় হল। শেয়ালদায় এসে দুজনে নামলেন। এক হোটেল খানাপিনা করলেন। খুড়োকে তো একটা পয়সা খরচ করতে দিলেন না। তারপর ট্রামে চেপে একই সিটে ঘেঁষাঘেঁষি করে বসলেন। খুড়ো যাবেন কালীঘাট, মাকে দর্শন করতে। ভদ্রলোক যাবেন ভবানীপুর। মেয়ের বাড়ী, প্রথম নাতির অন্নপ্রাশনে দুল গাড়িয়ে নিয়ে চলেছেন। জগদ্বাজারের কাছে ভদ্রলোক নেমে গেলেন। ট্রাম ছেড়ে দিতেই খুড়োর হৃদয় হল ভদ্রলোক খবরের কাগজখানা ফেলে গেছেন। এমন ভুলোও মানুষে হয়। খুড়ো কাগজখানা খুলে পড়তে লাগলেন। আরে এ যে পুরোনো কাগজ। খুড়োর হার্সি পেল। বেশ মজার লোক তো। সাতবাসটে কাগজ বয়ে নিয়ে বেড়ায়। কালীবাড়ী গিয়ে তখন খুড়োর মাথায় আকাশ ভেঙে পড়ল। কি একটা কাজে টাকা বের করতে গিয়ে দেখেন পকেট খাঁ খাঁ। ফতুয়ার পকেট একেবারে হাওদাখানা হয়ে গেছে। সর্বনাশ! মাথায় হাত দিয়ে বসে পড়লেন সেইখানেই। বুঝতে বাকী রইলনা কার কীর্তি। কিন্তু বুঝে আর কি করবেন। মেয়ের বিয়ে মাথায় রইল, এখন ফিরে যাবার পয়সা কোথায়। ধীরে ধীরে রাত হল। খুড়ো মরীয়া হয়ে হাঁটতে শুরু করলেন। কোনদিকে যাচ্ছেন তার ঠিক নেই। চेतলার পূলে উঠে ঠিক করলেন আত্মহত্যা করবেন। যেই ঠিক করা আর সেইমত কাজ। ঝাঁপ দেবার জন্য যেই না ঝাঁক দিয়েছেন অমনি কে তাকে পেছন থেকে চেপে ধরল। এই, করিস কি আত্মহত্যা মহাপাতক, তা কি জানিস নে। খুড়ো ফিরে দেখেন এক সন্ন্যাসী ইয়া জটাজুট। সোম্য শান্ত চেহারা। খুড়ো একেবারে তাঁর পা জড়িয়ে ধরে কেঁদে বললেন, একটা বিহিত কর বাবা। তারপর ধীরে ধীরে সমস্ত কাহিনীটা বললেন। সব শুনে সন্ন্যাসী খানিকক্ষণ চোখ বুজে ভাবলেন। তারপর বললেন, আচ্ছা চল। তারপর এ-গালি সে-গালি

‘সার্কাস’

দিয়ে ঘুরিয়ে এক জায়গায় এসে বললেন, ঘাবড়াস নে, এবার তোর চোখ বেঁধে নিয়ে যাব। বলে বেশ করে খুড়োর চোখ বেঁধে অনেক ঘোরাঘুরি করিয়ে এক জায়গায় এনে যখন চোখ খুলে দিল, তখন প্রথমটায় আলোকছটায় খুড়োর চোখ ধেঁধে গেল। বিরাট একটা হল ঘর। অনেক লোকজন। সব ভদ্রলোক ছোটলোক এখানে এসে এক হয়ে গেছে। সন্ধ্যাসীকে আর দেখতে পেলেন না খুড়ো। হঠাৎ একজন লোক এসে জিগোস করল, কোথায় পকেট কাটা গেছে আপনার? খুড়ো বললেন, ভবানীপুত্রে। কখন? আন্দাজ আড়াইটে তিনটে। আপনার যে সতিাই টাকা চুরি গেছে তার প্রমাণ কি? আঞ্জে আমার সব নম্বরী নোট। নম্বর মনে আছে? আঞ্জে হ্যাঁ। আচ্ছা তবে আসুন আমার সঙ্গে। খুড়ো ঘরের পর ঘর পার হয়ে গেলেন। ঘরে ঘরে সব কত র্যাক। র্যাকে র্যাকে হাজারো রকমের জিনিস সাজানো। আংটি, ঘাড়, বোতাম, গহনা, হেন জিনিস নেই পৃথিবীতে যা সেখানে নেই, সব জিনিসের গায়ে টিকিট ঝোলান আছে। লোকটি খুড়োকে একটা র্যাকের সামনে নিয়ে গিয়ে একতাড় নোট তুলে বলল, নম্বর বলুন। খুড়ো নম্বর বলতেই তাড়টা খুড়োকে দিয়ে বলল, চলুন আপনাকে পৌঁছে দিই। খুড়ো দেখলেন নোটের তাড়ার গায়ে একটা টিকিট ঝুলছে। টিকিটের গায়ে লেখা, কোথায় পকেট মারা হল, কত টাকার নোট, কটার সময় ইত্যাদি। কথায় কথায় খুড়ো জেনে নিলেন যে, ওটা পকেটমারদের কলেজ। ওখানে হাত সাফাই-এর ডিগ্রি দেওয়া হয়।”

এক ভদ্রলোক পাশের চেয়ারে বসে একমনে কাগজ পড়ছিলেন। কখন এক সময়ে বন্ধুর কথায় জমে গেছেন। বন্ধু থামতেই বলে উঠলেন, “যতটা বললেন, তার অর্ধেকটাও যদি হত!”

“তার মানে?”

মৃদু হেসে ভদ্রলোক কাগজ পড়ায় মন দিলেন।

“তাহলে কি বলতে চান এসব একেবারে গাঁজাখুরি।”

চা দিয়ে গেল। তিনজনে চায়ে চুমুক দিয়ে চললুম।

“দেখুন, আপনি মিছে বলছেন আমি তা বলছি। আপনার খুড়োমশাই যে ঠিক দেখেছেন এইটে ঠিক বিশ্বাস করতে বাধ্যছে। শহরের উপর পকেট কাটারদের কলেজ হাতসাফাই-এর ডিগ্রি বিতরণ করছে, পুঁলিসরাজ্বে বাস করে যদি এই কথা বিশ্বাস করি তবে হস্তাকস্তারা কি ছেড়ে দেবেন ভেবেছেন? এলটোতে মখমল বিছিয়ে চাবকে ছাড়বেন না?”

‘সার্কাস’

লোকটি সত্যিই রসিক। হাসিয়ে তবে ছাড়লে। ওর কথার ধরনে বন্ধুটি পর্যন্ত হেসে ফেললে।

“পুলিসের কথা আর বলবেন না মশাই, ভাল একটা গল্প বলি তবে শুনুন। একজনের ভয় হল যে সে হয়ত খুন হয়ে যেতে পারে। তার সন্দেহ হল তার পেছনে লোক লেগেছে। বেজায় ঘাবড়ে গিয়ে এক বন্ধুর পরামর্শ চাইলে বন্ধুটি তাকে আশ্বাস দিলেন, “ঘাবড়াচ্ছেন কেন? পুলিস আছে কি করতে, আমাদের পুলিস খুব এফিসিয়েন্ট; খুন হবার পর আধটি ঘণ্টাও পার হবে না, পুলিস এনকোয়ারি শুরুর করে দেবে।”

হাসতে হাসতে অন্তরঙ্গ হয়ে গেলুম। ভদ্রলোক খুব ঘনিষ্ঠ হয়ে বসলেন।

“ব্যাপার কি জানেন। হাতসাফাইটা হল কুটিরশিল্প। ‘মাস্-স্কেল’ ও শিক্ষা দেওয়া যায় না। এর টেকনিক একেবারে ব্যক্তিগত। ওঃ হারি বারটা বাজল। আচ্ছা দাদা চলি।”

ভদ্রলোক হস্তদন্ত হয়ে চলে গেলেন। বন্ধুটি বললে, “বেড়ে মজার লোক কিন্তু। আরে এই দ্যাখ কাগজখানা ফেলে গেছে।”

বন্ধু কাগজটি তুলে নিয়েই অবাক। “আরে তিন দিনকার পুরোনো যে কাগজখানা।”

অমনি আমাদের হাসি মিলিয়ে গেল। ষষ্ঠচালিতের মতো একসঙ্গে দুজনেই পকেটে হাত দিলুম, তারপর বোকার চাউনী চোখে সেঁটে দুজন দুজনের দিকে চরে ফিলুম।

ঝুকে নিলুম হাতসাফাই-এর কোঁশল ব্যক্তিগতই বটে।

লেকাতায় নেহরু

প্রধানমন্ত্রী শ্রী নেহরু কলকাতায় এসেছিলেন শনিবার, ১৮ই অক্টোবর, ১৯৫২ সকালে। সঙ্গে ছিলেন তাঁর মেয়ে। শ্রীমতী ইন্দিরা গান্ধী। দমদম বিমান ঘাঁটিতে তাঁর বিমান যে সময়ে অবতরণ করেছে, পরদিন প্রায় সেই সময়েই তাঁকে নিয়ে দমদমের মাটি ছেড়েছে। নেহরুর এই স্বল্প ভ্রমণ তাঁর ঝটিকা সফরের অন্তর্গত। দমদম বিমান ঘাঁটি থেকে রাজ্যপালের গাড়িতে সোজা রাজভবন। পথের দুধারে লোক কাতার দিয়ে দাঁড়িয়েছিল। তাঁদের সামনে দিয়ে নেহরু চলে গেছেন, তবু জয়ধ্বনিতে আকাশ ছেয়ে যায়নি। কখনো কখনো জিগীর উঠছিল তাও জোরালো নয়।

এবারে নেহরুর প্রোগ্রাম বেশ ভারী। মধ্যাহ্ন ভোজনের পর সামান্য মাত্র বিশ্রাম। তারপর শুরুর হবে তাঁর কার্যসূচী। কাজ কম নয়। পাসপোর্ট প্রথা চালু হবে, 'দেশের সঙ্গে সম্পর্ক' তাহলে তো চুকল। পাসপোর্ট না জানি কি একটা ভীষণ রকম কিছুর। হয়ত এক 'লৌহ যবনিকা'। তাই আতঙ্কে অধীর পাকিস্থানের হিন্দু সম্প্রদায় দলে দলে নিতান্ত নিঃশব্দ অবস্থায় পাকিস্থান ছেড়ে আবার একচোট ভারত সীমান্ত অতিক্রম করল। একচোটে প্রায় আড়াই লক্ষ উদ্ভাস্তু পশ্চিমবঙ্গে এসে হাজির হল। পশ্চিমবঙ্গ ইতিমধ্যেই উদ্ভাস্তুর বিরাট চাপে ভেঙে পড় পড়। তারপর আবার নতুন আগমন। পশ্চিমবঙ্গ গ্রাহি গ্রাহি ডাক ছাড়ছে।

পশ্চিমবঙ্গের অর্থনৈতিক অবস্থা চরম বিপর্যয়ের মুখে দাঁড়িয়ে, তার শাসন শৃঙ্খলা বজায় রাখা অসম্ভব হয়ে উঠেছে, নৈতিক অবস্থা শোচনীয়তম। এর থেকে উদ্ধারের ব্যবস্থা হবে কিনা? পশ্চিমবঙ্গের সীমা নির্ধারণ সম্পর্কে সাফ জবাব একটা পাওয়া যাবে কিনা? পাসপোর্ট ব্যবস্থায় ভারতের স্পষ্ট নীতি কি? কেন এখনই অর্থনৈতিক চাপ দিয়ে পাকিস্থানকে বানচাল করে দেওয়া হচ্ছে না? উদ্ভাস্তু পুনর্বাসনের কি হচ্ছে? ইত্যাদি সমস্যা নেহরুর সামনে। তার উপর সংখ্যালঘুদের আবেদন। ভারত পাকিস্থান নয়, এটা ধর্ম-নিরপেক্ষ রাজ্য। তাই তাদের আবেদনও সমাভাবে বিবেচ্য। তাদের যে সব জমিজমা জবরদখল হয়েছে তা ফিরে পাওয়া যাবে কিনা? ভারতীয়

‘সার্কাস’

মুসলমান যারা পাকিস্থানে রুজি রোজগারের জন্য ছুটোছুটি, তারা আবার ফিরে এসেছে, তাদেরও পুনর্বাসনের ব্যবস্থা হবে তো? এই রকম নানাবিধ সমস্যা, সমস্যার পর সমস্যা জমে উঠেছে। আলাপ আলোচনা করে নেহরুকে ওয়াকিবহাল হতে হবে। তাই তাঁর কর্মসূচীতে যথাসম্ভব সব দলই স্থান পেয়েছেন। সরকারী বেসরকারী, নানা দলের নানা স্মারকলিপি নেহরুকে দেওয়া হল। সবাই চণ্ডল, সবাই অসহিষ্ণু, সবাই একটি লোককে কেন্দ্র করেই ঘুরপাক খাচ্ছেন। সেই লোকটিই শূন্য স্থির, ধীর, চিন্তিত এবং গম্ভীর। নেহরু কার সঙ্গে না আলোচনা করেছেন? পশ্চিমবঙ্গের মন্ত্রী, সেক্রেটারী, দায়িত্বশীল রাজকর্মচারী, বিরোধী দলের নেতৃবৃন্দ, সংখ্যালঘু সম্প্রদায়ের মাতব্বর, বঙ্গীয় প্রাদেশিক কংগ্রেস কমিটি, সমাজসেবী, সংবাদপত্র সম্পাদক-মণ্ডলী, কে না এসেছেন? সবাই নেহরুর দিকে চেয়ে আছেন, নেহরু কি করবেন? সমস্যা জর্জরিত পশ্চিমবঙ্গে আশার আলো কি তিন বয়ে এনেছেন? সকলের মনেই এই প্রশ্ন। এ প্রশ্ন আমাদের মনেও পাক খেয়ে ফিরছে।

অমরা, সংবাদপত্রের রিপোর্টাররা ঘণ্টার পর ঘণ্টা বাইরে অপেক্ষা করে আছি। রাজভবনের প্রধান তোরণের মধ্যে ঢুকতেই আমাদের আটকে দেওয়া হল। আর এগিয়ে যাবার হুকুম নেই। প্রত্যেকটি আলোচনাই রুদ্ধস্বার। সেখানে সংবাদপত্রের প্রতিনিধিদের প্রবেশাধিকার নেই। নেই তো নেই, অপেক্ষা এখানেই করি। এক গাছের তলায় জটলা করাছি। সকলেই অস্পৃশ্যের অসন্তুষ্ট, কিংবা অপমানিত। রাজভবনের ব্যাপার এই, সংবাদপত্রের প্রতিনিধিদের সঙ্গে মোটেই ভদ্র ব্যবহার করা হয় না। এত প্রশস্ত প্রশস্ত সব কক্ষ, এর কোথাও একটু ঠাই জোটে না, আমরা কি এতই অত্যাজ? আর কিছ্ না হোক, সামনে যে ধবল সিঁড়ির সারি, ওখানে যেতে দিতে আপত্তি কি? যে গাছের নিচে দাঁড়িয়ে আছি তার উপরে আচ্ছাদন নেই। আছে পাখীর ঝাঁক, অনবরত জামা কাপড় নষ্ট করছে। এক আধ ঘণ্টার অপেক্ষা নয়, ঝাড়া ঘণ্টাচারেক। রাজভবনের ব্যবহারটা আমাদের মধ্যে বেশ চাঞ্চল্য সৃষ্টি করল। ঠিক করা গেল প্রেস-ক্লাবের সভায় ব্যাপারটা তুলে তো হবে। আমাদের প্রবেশাধিকার নিয়ে একটা ফয়শালা এবার করা চাই। সে বিষয়ে সমবেত সকলেরই এক মত।

সহকর্মী রিপোর্টাররা অস্থূল লোক। সব অবস্থায় মানিয়ে নেবার এমন আশ্চর্য ক্ষমতা যাদের থাকে, তাদের সিঁধি ঠেকায় কে? এতক্ষণ সবাই

‘সার্কাস’

দাঁড়িয়েছিলাম, কিন্তু কাঁহাতক আর দুপায়ের উপর দেহভার রাখা যায়, তাই একে একে বসে পড়তে লাগলাম। অল্পক্ষণেই পরিবেশ গল্পমুখর হয়ে উঠল। দু'জন তিনজন মনোমত লোক নিয়ে এক একটা চক্র গড়ে উঠল। সে গল্পের মাথামুণ্ডু নেই। স্ত্রীর ডিস্‌পেপ্‌সিয়া থেকে স্তালিনের গৌফের দৈর্ঘ্য, কিছ্‌ আর বাদ গেল না। কিন্তু যতই এলোমেলো আলোচনা হোক কতব্যজ্ঞানটি এদের সর্বদা টনটনে। চোখ ঠিক রাজভবনের নুড়িবিছানো প্রশস্ত পথের উপর। হুস্‌ করে একটা গাড়ী রাজভবন থেকে যেই বেরুলো, মুহূর্তে সব গল্প চূপ। একজন বলে উঠলেন, কে আসে দেখ। রাজভবনের গাড়ী। একজন বেশ একনজর দেখে নিলেন, বললেন, ইন্দিরা গান্ধী। আওয়াজ হল, ছেড়ে দাও। ইনি চূপ করলেন তো আরেকজন মুখ খুললেন, সংগীটি কে? জবাব এল, মনে হচ্ছে রমেন চক্রবর্তী। বাস বাস। আবার সতর্কতা টিলে হয়ে এল। জানা গেল মন্ত্রীদেব বৈঠক বসেছে। খাদ্যমন্ত্রী পি সি সেন, পদনর্বাসন মন্ত্রী রেণুকা রায় বৈঠকে আছেন। কেন্দ্রীয় পদনর্বাসন মন্ত্রী জৈন ও অন্যান্য মন্ত্রীরাও আছেন। সাহায্য দপ্তরের দু'জন ডেপুটি মন্ত্রীকেও ডাকা হয়েছে।

রুদ্ধশব্দ বৈঠক। কতক্ষণে শেষ হবে ভাবছি। কিছ্‌ বিরক্তি কারো কারো মনে জন্মে উঠছে। একজনের বিরক্ত মন্তব্য শোনা গেল, কি এমন বৈঠক যার জন্যে এত চূপ চূপ। যথো সব।

কেউ কেউ আলগাভাবে পায়চারি করছেন। বাকী সবাই বসে। গাছ-তলায় একটির পর একটি সিগারেটের পোড়া অংশ জন্মে উঠছে। একখানি গাড়ী ফটকে ঢুকল। একজন এগুতে যাচ্ছিলেন। কিন্তু পাহারাদারদের এক অফিসার স্বর চড়িয়ে নিষেধ করলেন, ওদিকে যাবেন না। কথা না শুনলে বাইরে যেতে হবে।

সম্মানে ঘা দিল কথাটা। যারা শুনলেন পরস্পর মুখ চাওয়া-চাওয়ি করলেন। চাপা অসন্তোষটুকু এক মুখ থেকে অন্য মুখে, এমনি করে সব মুখে ছড়িয়ে পড়ল। একজন জিগ্যেস করলেন, এরকম ব্যবহারের অর্থ কি? আরেকজনের অভিযোগ শোনা গেল, তাঁর অফিসে ফোন করতে চেরেছিলেন, সে সুযোগ তাঁকে দেওয়া হয়নি। বেশী কিছ্‌ নয়, সামান্যাত্র সৌজন্যও যে অর্তিথিবৎসল বাংলা দেশের রাজভবন থেকে পাওয়া যায় না, এ সত্যিই এক বিস্ময়।

‘সাবার্নাস’

তবে এত অস্পষ্ট মূর্ষড়ে পড়বে, এমন বাস্তব রিপোর্টাররা নন। অনেক পোড় ঝাওয়া তাঁরা। যেমন করে পাখীর ময়লা জামা থেকে ঝেড়ে ফেললেন, তেমনি করেই মন থেকে এই অসৌজন্যটুকুও। অস্পষ্ট পরেই তাদের ‘সেন্স অব হিউমার’ মাথা চাড়া দিয়ে উঠল। একজন সাংবাদিককে প্রশ্ন করা হোল, তুমি তো দমদমে ছিলে, নেহরুকে কেমন দেখলে? জবাব এলো, বেশ চিন্তিত। কে একজন ফোড়ন কাটলেন, তাকে কি বললে রে নেহরু। তিনি তেমনি গাম্ভীৰ্য বজায় রেখেই জবাব দিলেন, ছোট মেয়েটার হৃদপিং কাসি হয়েছে, বস্তু ভুগছে, তার কথাই শুনলেন, অতিশয় ব্যস্ত হয়ে বললেন, তোমার ছোট মেয়ের খবর কি? মূহুর্তের মধ্যে হাসির দমকায় মনের গুমোট হাল্কা হয়ে গেল। কে একজন বললেন, তবে যে শুনলাম, তোর হাতে ‘গ্রিমল্ট’ সিরাপের এক শিশি দিয়ে বলেছেন, দিনে তিনবার করে খাইও? তৎক্ষণাৎ তার জবাব এল, দিয়েছিলেন, তবে ওটা ‘অফ্ দি রেকর্ড’ তাই প্রকাশ করিনি। কিন্তু ওটিও ‘স্কুপ্’ করে বসে আছ, বলিহারী বাবা। আবার হাসির ঢেউ উঠল। তারপর হঠাৎ সব চুপ। চোখ কানে ব্যবসায়ী সতর্কতা জেগে উঠল।

প্রথম বৈঠক ভেঙেছে। মন্ত্রীরা সব বেরুচ্ছেন। পি সি সেনকে দেখা গেল সিঁড়ির উপর। সবাই তখন উঠে দাঁড়িয়েছি। সর্বসম্মত সিদ্ধান্ত হল, গাড়ী আটকাও, এ ছাড়া আর উপায় কি?

পি সি সেনের গাড়ী সারবন্দী সাংবাদিকের দেওয়াল ভেদ করতে পারল না, থেমে পড়ল। গাড়ীর উপর সবাই হুর্মাড়ি খেয়ে পড়লেন। কি খবর? বিশেষ কিছু নেই।

আলোচনা কি হল তাই বলুন।

পি সি বললেন, বলবার মতো তেমন কিছু নয়। গাড়ী ছেড়ে দেওয়া হল। একজন টিপ্পনী কাটলেন, কী এমন মারাত্মক কথা বে বলা যায় না। কিছু না সরেফ্ পোজ আর কি? কথা উঠল, ডাঃ আমেদই ভরসা। কিন্তু কোথায় ডাঃ আমেদ? একজন বললেন, বেরিয়ে গেছেন, আমি দেখেছি। ষাচ্চলে, ধরলেন না তাঁকে! তাহলে এখন উপায়? হঠাৎ সিঁড়ির উপর রেন্দুকা রায়কে দেখা গেল। সব্বাই স্বস্তির নিশ্বাস ফেললেন। যাক্ পাওয়া গেছে। গাড়ী আটকাও।

গাড়ী থামল। সাংবাদিকরা হুর্মাড়ি খেয়ে পড়লেন। রেন্দুকা রায় প্রথমে কিছু বলতে চাইলেন না। স্ট্রী-সুলাভ অভিমান তাঁর কণ্ঠে বেজে উঠল। বললেন, আপনারা আমার নামে যা তা লেখেন, আপনাদের কিছু বলব না।

‘সাক্ষী’

সেদিনকারই এক সরকার-সমর্থক ইংরেজি দৈনিকে কি বেরিয়েছে তাঁর নামে। চটেছেন বোঝা গেল। টেনে টেনে বললেন, না বাবা, আর নয়।

তিনি বলতে না চাইলে হবে কি? সাংবাদিকদের কথার প্যাঁচ, একেবারে যেন ইন্সট্রাক্ট। পেটের কথা পেঁচিয়ে ঠিক বের করে আনবেই। প্রথমে ছিল তোষণ নীতি। সে পথে সুবিধে হল না। সাংবাদিকরা তখন মরীয়া। খবর না পেলে কি নিয়ে অফিসে ফিরব? তাই টাক্‌টিক্‌ বদলে ফেলা হল। চারদিক থেকে মূঠো মূঠো প্রশ্ন ছোঁড়া হতে লাগল। প্রশ্নের পর প্রশ্ন, কেজো, অকেজো। এই হঠাৎ আক্রমণে সফল ফলল। রেগুকা রায় বিভ্রান্ত হয়ে পড়লেন। না না করতে করতেই কিছ্‌ সংবাদ পাওয়া গেল, সংবাদ নয় সংবাদের সূত্র। তাও টুকরো টুকরো, এলোমেলো। এগুলাকে নানা সূত্র থেকে যাচাই করে তবে খবর তৈরী করা যাবে। আচ্ছা ছেড়ে দাও। জানা গেল, নেহরু উম্বাস্ত্রদের পুনর্বাসনের জন্য তাঁর স্বাধীনতা করছেন। বিভিন্ন প্রদেশে এমন স্থান ঠিক করা হয়েছে, যেখানে উম্বাস্ত্ররা ‘সাদরে অভ্যর্থিত’ হবেন।

মন্ত্রীদের পর রাজ্য সরকারের সেক্রেটারীদের বৈঠক। এরা ঘাঘু আমলা, বুরোক্র্যাট। কিছ্‌ পাওয়া যাবে না এদের কাছ থেকে। পরিভ্রমই সার।

চিফ্‌ সেক্রেটারী, হোম সেক্রেটারী, সাহায্য কমিশনার, অতিরিক্ত সাহায্য কমিশনার, পদলিসের ইন্সপেক্টর জেনারেল, কলকাতার পদলিশ কমিশনার, আর একজনকে চেনা গেল না, সম্ভবত নদীয়ার জেলা ম্যাজিস্ট্রেট, একের পর এক বেরিয়ে গেলেন। স্‌বারক্ষী এটেনশন হল, খটাস খটাস সেলাম ঠুকল। ওটা যেন স্বয়ংক্রিয় একটা সেলাম ঠোকা কল।

বেলা গাড়িয়ে এসেছে, ছায়া ক্রমেই দীর্ঘতর, রাজভবনের মালী নিজস্ব এক হোস পাইপ দিয়ে জল ছিটাতে ব্যস্ত আর ঝাড়ুদার ঝাড়ু দিতে দিতে ক্রমে এগিয়ে আসছে। আমাদের ক্রান্তি এসেছে। আর বৈচিত্র্য নেই। কিছ্‌ আগে কোঁসলি হাউস্‌ স্ট্রীটে, যেখানে এম্‌প্লয়মেন্ট এক্সচেঞ্জের অফিস, তার একটু সামনে এক পাগল সামরিক কুচকাওয়াজ করছিল, তবু তাই দেখে সময় কাটাচ্ছিলাম, ক্রান্ত হয়ে সেও চুপ করেছি।

আর কিছ্‌ হবে না, চল যাই। কেউ কেউ রণে ভগ্ন দিলেন। একজন সহকর্মী ফিস্‌ ফিস্‌ করে বললেন, যেও না। নেহরু এখন চা’ খাবেন। তারপরেই সোজা কংগ্রেস ভবন। সেখানে রাজ্য কংগ্রেসের হোমরা চোমরাদের সঙ্গে আলোচনা। দেড় ঘণ্টার বৈঠক। কথা উঠল উম্বাস্ত্রদের দৃশ্য প্রত্যক্ষ করতে

‘সাক্ষী’

নেহরু শেয়ালদায় যাবেন কি না? কেউ বলল হ্যাঁ, কেউ বলল না। ‘হ্যাঁ’-র দল যুক্তি দেখালেন, নেহরু যদি না-ই যাবেন তবে আর সরকার এই দুর্দান্ত নিন্দা অটেল পরিস্থিতি খরচ করে ইন্সটিশান সাক্ষ্য রাখছেন কেন? পরস্পর প্রতি সরকারের আমলাদের দরদ না থাক, নিজেদের গতির প্রতি তো আছে। গা তুলতে যাদের ছ সাত মাস লাগে তারা যে দিনরাত এখানে কাজ করছে সে কি খামোখা? ‘না’-র দল বললেন, ঠাসা প্রোগ্রাম, সময় কোথা পাবেন?

এটা একটা কড়া যুক্তি বটে। কিন্তু নেহরু নেহরুই। ফাঁক পেলেই ছুটবেন। এমনও হতে পারে কংগ্রেস ভবন যাবার পথে ঢুক করে ঘুরে যেতে পারেন। তাই বসে রইলাম। রাজ্যপাল আর ইন্দিরা গান্ধী আবার কোথায় বেরিয়েছিলেন। অশোকসম্ভলিখিত রাজ্যপালের রোলস্ রয়েস তাঁদের নিয়ে রাজভবনে ঢুকল। শোনা গেল তাঁরা শেয়ালদায় গিয়েছিলেন। এরই ফাঁকে নেহরু সংখ্যালঘু মাতৃস্বরদের সঙ্গে একটা ছোট্ট বৈঠক সেরে নিলেন। নেতাদের গাড়ীগুলো একে একে বেরিয়ে গেল। এইবার নেহরুর চা-পান। তারপর তিনি বেরবেন, হয়ত শেয়ালদা, হয়ত কংগ্রেস ভবন, ঠিক জানা নেই। এইটুকু শুধু জানা, তিনি যেখানেই যান, তাঁকে অনুসরণ করতে হবে।

তোড়জোর শব্দ হল বেরুবার, ফট্ ফট্ পাইলটের লাল চিহ্নিত মোটর সাইকেল রাজভবনে ঢুকল। একটু পরেই সিকিউরিটি পুলিশের মোটরকার। সাদা পোষাকের দুজন পুলিশ কর্মচারী নামলেন। একটি বেহারী চাষী এক-ছড়া মালা নিয়ে কোন ফাঁকে ঢুকে গিয়েছিল, পাহারা তাকে আটকে দিয়েছে। নেহরুর সে আপনার লোক, তিনি ওঁদের গ্রামে গিয়েছেন, ওঁদের সঙ্গে কথা বলেছেন। ও কলকাতায় এসেছে দেশ থেকে, এসেই শুনল নেহরুও কলকাতায় এসেছেন। তাই সে এসেছে তার নেহরুর সঙ্গে দেখা করতে, নিজে হাতে মালা পরাতে। আর, আর সুখদুঃখের দুটো কথা বলতে। এতে ওরা বাধা দিচ্ছে কেন, লোকটি বৃদ্ধ উঠতে পারছিল না। মিনতি করে বললে, আমি তো বিরক্ত করব না, শুধু দেখেই চলে আসব। আচ্ছা, না হয় আমার নাম তাঁকে বলুন।

কিন্তু কিছতেই কিছু হল না। বেচারী বৃদ্ধকে পারেনি তার নেহরু এখন পুলিশের হেফাজতে। এমন হেফাজতে তাঁকে অতীতে বহুবার থাকতে হয়েছে। তারপরে বন্দীশালা থেকে বেরুলেই জনসাধারণ তাঁকে বৃদ্ধ তুলে ধরেছে। হয়ত এ বন্দীশালা থেকেও তিনি বেরুতে পারবেন, কিন্তু সাধারণের বৃদ্ধ ততদিনেও

‘সার্কাস’

কি তাঁর জন্য জায়গা থাকবে? অথবা তাঁদের নেহরুকে তখনই তারা নিজের করে ফিরে পাবে?

সহকর্মী বললেন, চল বেরিয়ে পড়ি, এখনই বেরুবেন মনে হচ্ছে। কোন ফটক দিয়ে বেরুবেন তা নিয়েও জল্পনা হল। সিদ্ধান্ত হল, আমরা বেরিয়ে মোহনবাগান ছাউনীর কাছে গাড়ী রাখব। আন্দাজ করা গেল নেহরুর গাড়ী রোড্ রোড্ ধরেই কংগ্রেস ভবনে যাবে। তাই এখান থেকে পিছন নিলেই সর্বাধা হবে।

উদ্ভ্রম প্রতীক্ষায় মোহনবাগান তাঁবুর কাছে বসে আছি। স্টার্ট রাখা গাড়ীখানা থরথর কাঁপছে। পথের দুধারে লাল পাগড়ী। দূরে রাজভবনের তোরণপার্শ্বে সমবেত জনতার ভিড় ক্রমশই বাড়ছে। আমাদের নজর তীক্ষ্ণ হয়ে উঠছে। সবার আগে একখানা বেতার ভ্যান বেতারে পথের খবর যোগান দিতে দিতে বেরিয়ে গেল। তারপর ক্ষণকাল বিরতি। আমাদের দৃষ্টি রাজভবনের তোরণে। বেরিয়ে এল পাইলট। তারপর নেহরুর গাড়ী। চক্ৰলাঙ্কন রোলস্ রয়েস্ পেছনে পেছনে সিকিউরিটি পুলিশের গাড়ী। একটা সশস্ত্র রক্ষীর ট্রাক। হুস্ হুস্ করে বেরিয়ে যেতে লাগল। ওই তো নেহরু, এক ঝলক দেখা গেল। পাশে প্রদেশ কংগ্রেসের সাধারণ সম্পাদক শ্রীবিজয় সিং নাহার।

কংগ্রেস ভবনের সামনে গাড়ী থেকে যখন নামলাম তখন নেহরু ভিতরে ঢুকে গেছেন। লোয়ার সার্কুলার রোড্ থেকে কাতার দেওয়া কংগ্রেস স্বেচ্ছাসেবকরা কংগ্রেস ভবনের প্রাঙ্গণের মধ্য পর্যন্ত খাড়া। তাদের ঠেলে এগিয়ে যাব কার সাধ্য। এরা পুলিশেরও বাড়া। অতিকষ্টে ওদের হাত এড়িয়ে ভেতরে ঢুকলাম। নেহরু দোতলায়, ওখানেই বৈঠক। এটাও রুদ্ধশব্দ। তবে এঁরা ভদ্রব্যবস্থা একটা করেছেন। বসবার জন্য টেবিলের ধারে সার সার বোঁগুপাতা। এখানে স্লিপোর্টারদের একেবারে গাঁদা লেগে গেছে। প্রত্যেক কাগজ থেকে দূরত্বজনন।

দেড়ঘণ্টা বাদে বৈঠক শেষ হল। একজন ছুটে এসে খবর দিলেন। ভলেন্টাররা বুক চিতিয়ে দাঁড়াল। দরজার দুপাশে মঙ্গল কলসের বদলে লাল পাড় সাদা সাড়ি পরা দুটি কিশোরী। তাদের বকুবকানি থামল। কাঠের সিঁড়িতে পদশব্দ জাগল। দরজার পাশে আমরা সরে দাঁড়লাম। এক ফোটোগ্রাফার ক্যামেরা তাক করে রইল। নেহরু বেরুলেই ফ্লাশ বাল্ব ঝিলিক মেরে উঠবে। নেহরুর মূখ ফটোর ফিল্ম গাঁথা হয়ে থাকবে।

নেহরু নন, এক কংগ্রেস নেতা তড়বড় করে বেরিয়ে এলেন। যেন

‘সার্কাস’

কত বড় মাতশ্বর, ভাবখানা এই।—সব রেডিভো? আচ্ছা,—বলে দরজার পাশে সরে দাঁড়ালেন। হলের ভেতরে সাংবাদিকরা প্রতিবাদ করে উঠলেন। যারা ভেতরে ছিলেন তাঁদের আটকে দেওয়া হয়েছে, বেরুতে দেওয়া হচ্ছে না। অবশেষে তাঁরা একরকম জোর করেই বেরিয়ে এলেন। সিঁড়িতে আবার পদশব্দ উঠল, এবারে অনেকগুলি। নেহরু বেরিয়ে এলেন। এই প্রথম তাঁকে এত নিকট থেকে দেখলাম। তিনি কোনো দিকে চাইসেন না। অভ্যাসবশে হাত জোড় করে নমস্কার করলেন। বড় গম্ভীর, মূখের প্রতিটি রেখা চিন্তাভারাক্রান্ত। নেহরু এখান থেকে আবার রাজভবনে গেলেন। আমি আর গোলাম না, আমার কাজ এখানেই। রাজভবনে তাঁর জন্য অপেক্ষা করছে নতুন বৈঠক। বিরোধীদের নেতৃবৃন্দ, কম্যুনিষ্ট, সেবাদলের কর্তৃবৃন্দ, সংবাদপত্র সম্পাদক-মণ্ডলী। প্রতীক্ষাউন্মুখ শৈয়ালদার জনতা গভীর হতাশায় মুহাম্মান হয়ে পড়ল। নেহরুর যে মোটে সময় নেই, তারা তা কি করে জানবে?

ভাববার সময় ছিল না। উপরে উঠে গোলাম। চাকভাঙা মৌমাছির দলে যেন এসে পড়লাম। এখানে গুঞ্জন উঠছে নানাবিধ। তার মধ্যে অসন্তোষই প্রবল। এখানে কংগ্রেস এক স্মারকলিপি পেশ করেছিল। তাতে যা লেখা ছিল দ্বিতীয় অনুচ্ছেদেই বর্জিত। বাড়তির মধ্যে শৃংখল একটি সমস্যা। যাবতীয় চাকরীতে বেশীর ভাগ উদ্ভাস্ত্র নৈবার ফলে পশ্চিমবঙ্গের বেকার শিক্ষিত মহলে গভীর অসন্তোষ দেখা দিয়েছে, সে বিষয়ে কি করা যায়?...

বিভিন্ন সমস্যার উত্তরে তিনি কি বললেন? এই প্রশ্নের জবাব নানালোক নানাভাবে দিতে লাগলেন। প্রত্যেকেই নিজের রঙে রঙ করে। কার কথা নির্ভরযোগ্য? মনে হল বৈঠকে প্রেসকে প্রবেশ করতে না দিয়ে ভুল করেছেন এঁরা। রাজনৈতিক উত্তেজনার দিনে এই সব অসমর্থিত খবর বিভ্রান্তি ছড়াতে পারে, লোককে অযথা উত্তেজিত করতে পারে। এর ফলে নেহরুর সমস্ত দিনের পরিশ্রম বানচাল হয়ে যাবে হয়ত।

কেউ বললেন, ও সব ফিলসফি আমরা সাধারণ লোক ঠিক বুঝিনে মশাই। কেউ বললেন, সীমা নির্ধারণ সম্পর্কিত প্রশ্নটি কেমন কায়দার এড়িয়ে গেলেন দেখলেন তো, যেন শূন্যতেই পাননি। কেউ বললেন, খবরের কাগজকে খব্রুসে ঠেকেছেন। কিন্তু সোজা কথাটা কি? নেহরু কি কথা বলেছেন, ঠিক ঠিক কেউ বলতে পারলেন না। রেগুকা রায় আবার উদ্ভাস করলেন। বললেন, উদ্ভাস্ত্রদের পুনর্বাসনের বন্দোবস্ত করা হবে যত সম্ভব সম্ভব। নেহরু বলেছেন, এই সমস্যা শৃংখল পশ্চিমবঙ্গের নয় সমগ্র দেশের।

‘সাক্ষাৎ’

সমাধানও ফরাসিদের স্তরে করতে হবে। আন্দামানে এক হাজার উদ্ভাস্তু পরিবারকে—এদের সংখ্যা হবে পাঁচ হাজার, পাঠানো হচ্ছে খুব শিগগির। তারপর পশ্চিমবঙ্গের সন্নিহিত রাজ্যসমূহের কর্তৃপক্ষের সঙ্গেও আলোচনা চালানো হচ্ছে। অনেকেই উদ্ভাস্তুদের সমাদরের সঙ্গে গ্রহণ করবেন। বিরোধীদলগুলো যেন এই সমস্যাতে সমাধান করবার মনোবৃত্তি নিয়ে কাজ করেন, এই হতভাগাদের জীবন নিয়ে ছিনিমিনি খেলে নিজেদের রাজনৈতিক উদ্দেশ্য সিদ্ধ না করেন, বিরোধী দলের কাছে এই তাঁর অনুরোধ। তাঁদের যদি গঠনমূলক কোনো বিকল্প পরিকল্পনা থাকে তা তাঁরা নিয়ে আসুন, তাঁদের সঙ্গে নেহরু একযোগে কাজ করবেন, শৃঙ্খল ধ্বংসাত্মক নিষ্ক্রিয় সমালোচনায় কোনো মঙ্গল আসবে না।

শোনা গেল পাকিস্থান সম্পর্কেও তিনি তাঁর মত সার্বজনীনভাবে জানিয়েছেন। তার মোশদা বস্তব্য হল, পাকিস্থান একটি স্বতন্ত্র রাষ্ট্র, ভারতের জমিদারী নয় যে, যখন তখন তাকে শাস্যস্তা করা যাবে। আর পাঁচটা স্বাধীন রাষ্ট্রের সঙ্গে ভারতের যে সম্পর্ক, পাকিস্থানের সঙ্গেও তাই। ভারতের চোখে দক্ষিণ আফ্রিকা আর পাকিস্থান সম আসনে। দক্ষিণ আফ্রিকায় ভারতীয়দের উপর অকথ্য অত্যাচার চলেছে তা বলে তার উপর অর্থনৈতিক চাপ দেবার কথা তো কেউ তুলছেন না। কারণ এঁদের মনস্তত্ত্ব তাকে স্বাধীন দেশ বলে মেনে নিয়েছে। আর পাকিস্থানকে এঁরা তেমনভাবে না দেখে দেখেছেন বেয়াড়া বড় বেটা হিসেবে। তাই দাওয়াই বাতলাচ্ছেন খানা বন্ধ করে দাও, ব্যাটা শাস্যস্তা হয়ে যাবে। শোনা গেল, নেহরু বিরোধী দলের এই সব দায়িত্বহীন উদ্ভট যুক্তিকে আমল দেননি। বলেছেন, ‘হাতুড়ে চিকিৎসা’। নেহরু নাকি বলেছেন, পাকিস্থানের প্রতি সংগ্রামী মনোভাব তাঁর নয়, তাঁর পথ গান্ধীজীর পথ, শান্তির পথ, সৌহারদের পথ।

বিস্ময় লাগল শুনে যে কম্যুনিষ্টরা তাঁর এই নীতির বিরোধিতা করেননি। তাঁরা পাকিস্থানে এক শূন্যেজ্জা মিশন প্রেরণের প্রস্তাব করেছেন। কিন্তু অদূরদর্শী কতকগুলো দেউলিয়া রাজনীতিক এবং ঘোরতর সাম্প্রদায়িক দল একে ‘তোষণ নীতি’ আখ্যা দিয়েছে। নেহরুর বিশ্বনীতির সঙ্গে পাকিস্থানের প্রতি তাঁর আচরণ সামঞ্জস্যপূর্ণ। বলবান লোক তার চেয়ে দুর্বলকে তোষণ করে না, শোষণের সর্বোচ্চ দেবার জন্য ক্রমা করে, সময় দেয়। তিনি বলেছেন, পাসপোর্ট প্রথা ভারত চার্লিন, পাকিস্থানই তা জোর করে চাপিয়ে দিয়েছে। তিনি আজই পাসপোর্ট প্রথা তুলে দিতে রাজী

‘সার্কাস’

আছেন, যদি পাকিস্থান সম্মতি দেয়। তিনি চান উভয়বঙ্গে লোক বিনা বাধায় অক্রেমে যাতায়াত করুক। তবে পাকিস্থান এ বিষয়ে যতটা কড়াকড়ি করবে তাঁকেও বাধ্য হয়ে ততটা কড়া হতে হবে।

পাকিস্থান সীমান্তে অসহায় উদ্ভাস্তুদের যে নিষ্ঠুরভাবে হয়রানি করা হয়েছে তার বিবরণ শুনে নেহরু অশেষ ক্রেশ বোধ করেছেন। কিন্তু মদুহুতের জন্যও তিনি তাঁর রাজনৈতিক বিচারবুদ্ধি হারাননি। সংখ্যালঘু মন্যায়র হাতে যথাসাধ্য আলোচনার ক্ষমতা তুলে দিয়েছেন।

কাজ সেরে রাস্তায় নামলাম। স্মরণ হল— নেহরু এখনো কাজ করে চলেছেন, বৈঠকের পর বৈঠক, আলোচনার পর আলোচনা। সরেজমিনে তদন্ত করাই তাঁর এই সফরের উদ্দেশ্য। তার জন্য আজ সমস্ত দিনটা তাঁকে কী অসাধারণ পরিশ্রমই না করতে হয়েছে। কিন্তু আবহাওয়া দেখে মনে হল ‘তাঁর সমস্ত শ্রম পণ্ড হয়ে যাবে। উত্তেজনা-মাতাল রাজনীতিকেরা তাঁকে কোনদিনই বদ্বতে পারবে না। পশ্চিমবঙ্গের অধিকাংশ জনমত নেহরু-নিন্দামুখর হয়ে উঠবে। নেহরুকে বদ্বত সেইসব লোক, যাদের একজন প্রতিনিধি গাঁদা ফুলের মালা তাঁর গলায় ঝুলিয়ে দিতে এসেছিল। তার পক্ষেই সহজভাবে বলা সম্ভব—নেহরু আমার আপন লোক। কিন্তু যে যন্তে নেহরু আজ সমাসীন সেই রাষ্ট্র আজ নেহরুর আপন লোককে দরজা থেকে ভাড়িয়ে দিচ্ছে। রাজনীতিক নেহরুর এইটেই চরম ট্রাজেডি।

দাম্পত্য কথিনী

যদি বাইরে যেতে না হত, দাওয়ায় মাদুর বিছিয়ে, তাস-দাবা খেলে, আস্তা মেরে জীবনটা কাটিয়ে দেওয়া যেত তো বেশ হত, কোন রকম হাঙ্গামা হৃদয়ভেদর দরকার হত না। কিন্তু আজকের দিনে তা আর পারিনে। ঘর ছেড়ে বেরোতেই হয় বাইরে।

বাইরে মানে শুধু এ গাঁ ও গাঁ নয়, একেবারে কালাপানি পার। আগে একজন কারো যদি সমুদ্র পাড়ি দেবার দরকার হত তো দেশের উত্তর-দক্ষিণ-পূর্ব-পশ্চিমে সোয়াল পড়ে যেত। এটা একশ' দশ' বছর আগের কথা অবিশ্যি। অথচ সাত আটশ' বছর আগেও বাঙালীর পো'রা বৈঠার ঘায়ে সমুদ্রকে শায়েরতা করেছে। লঙ্কা জয় করেছে, বোরোবুদুর কাম্বোডিয়ায় গিয়ে উপনিবেশ স্থাপন করেছে, চীন পারস্যে গিয়ে ব্যবসা ফেঁদেছে। এসব এখন শুনলে মনে হয় গুজব কথা।

যা বলছিলাম, বিদেশ যাওয়ার রেওয়াজ আবার খই-মুড়ি খাওয়ার মতো সহজ হয়ে আসছে। যে-সে এখন একটা স্ট্রাকেশ বোর্ডিং নিয়ে হাওড়া কি দম-দম মূখো ছুটছে। জিগ্যেস করুন, কি ভায়া কোথায়? মূর্চক হেসে ভায়া বলবেন, এই যাচ্ছি একটু বিলাত। এমনভাবে বলবেন, বিলাতটা যেন ব'ড়শে-বেহালার ধারে কাছে কোথাও।

হয়ত ভাবছেন, তা মন হলে যাওয়াটা আর এমন শক্ত কি? ট্যাকে যদি পয়সার জোর থাকে তো বিলাত আমেরিকা এমন দু'টা কোথায়? পয়সা ফেলে টিকিট কিনব, তারপর জাহাজে গিয়ে উঠব। আরো যদি স্বত্ত্বতা চাই তো জলের জাহাজ ছেড়ে হাওয়াই জাহাজে আসন নিলেই হল। হিন্নী দিন্নী কি ঘুরছিনে?

এইখানেই সকল কাজের মারপ্যাঁচ। বিলাত, নিউইয়র্ক হিন্নী দিন্নীর মতো অমন হুট করে যাওয়া যায় না। নিজ দেশে ঘুরুন ঘরুন, কারো মাথা ব্যথা নেই, দারিদ্র নেই একাটি ফোঁটা। কিন্তু স্বদেশ ছেড়ে বিদেশ গেলেই আপনার জ্ঞান-প্রাণের জিম্মাদারী সেই দেশী সরকারের। একটু কিছু উনিশ-বিশ হলেই আপনার সরকারের কাছে কৈফিয়ৎ দিতে দিতে ওদের ফরেন অফিসের

‘সাক্ষাৎ’

প্রাণান্ত। স্বদেশে আপনাকে কে পৌছে? কিন্তু সেই আপনি বিদেশ গেলে, আপনার দেশের প্রতিনিধি; আপনার কথাবার্তা, খানা-পিনা, হাঁচকাশির উপর নির্ভর করছে আপনার দেশের মান, ‘প্রেস্টিজ’। যে আহাশ্মকের এ দারিদ্রবোধ জন্মাননি, তাকে পাসপোর্ট দেওয়া আর দেশের গালে চুনকালি নিজে হাতে লাগিয়ে দেওয়া এক কথা নয়কি? কাজেই পাসপোর্ট দেবার ব্যাপারে একটু কষাকষির দরকার হয়।

রাইটার্স বিল্ডিং-এর এক নম্বর ব্লকের নিচের তলে, একদম এক টেরে পাসপোর্ট অফিস। নেতাজী সুভাষ রোড দিয়ে ঢুকলাম অফিসে। বৃষ্ণ ভদ্রলোক মাথা নিচু করে কাজ করছিলেন। দেখে জিগ্যেস করলেন, কি চাই? বললাম, খবরের কাগজ থেকে আসছি।

—কি কোথাও যাবেন নাকি?

—আজ্ঞে না। আপনার কাজকর্ম একটু দেখতে এসেছি।

ভদ্রলোক খুশি হলেন। বললেন, কাজের জ্বালায় তো জ্বলে পড়ে মরাছি মশাই। পাবলিকের আর কি! ফরম ভর্তি করে দশটা টাকা ফিস দিয়ে মস্তকাঁট ক্রয় করে রাখলেন। তারপর প্রত্যহ দুরেলা তাগাদা। কই, কি হল আমার পাসপোর্টের? যেন হাতের মোয়া, গালে পড়লেই হল। ফোন আর লোকের জ্বালায় কাজ কস্ম সব শিকিয়ে তুলেছি। আজ একটু কম। কাল একেবারে খালাপালা করে দিয়েছিল। একটু সবুদ করার অভ্যাস, মশাই, আমাদের কারো ধাতে নেই। অথচ দরখাস্তখানা যাবে পুর্লিশের কাছে, তারা এনকোয়ারী করে অনুমতি দিলে তো আমরা কিছ্ করব? তুমি চোর কি দাগী, রাজনৈতিক পরিচয় কি তোমার, এটা যেমন দেখতে হয়, তেমনি বিদেশে যে যাচ্ছ, তা ব্যাঙ্কে কিছ্ আছে, না টুটু, সেটাও তো দেখতে হবে। নিজের কিছ্ না থাকলে, রেস্ত আছে, তোমার ঝুঁকি ঘাড় নিতে পারে এমন জামীনদার বোগাড় করছ? না করে থাকলে আগে তাই করো, ‘গ্যারেন্টর’ বোগাড় করো তারপরে এ আপিসের চোকাঠ পার হও।

—কেন জামীনদার কেন?

—নইলে বিদেশে গিয়ে ফতুর হয়ে যায় যদি, দেশে ফিরিয়ে আনবে কে? ফিরে আসবার টাকা দেবে কে? ওই ‘গ্যারেন্টর’—জামীনদার।

কথাবার্তা বলছি। হুড়মুড় করে ঢুকল এক মাদ্রাজী পরিবার।

—কি বাপু, কি চাই, কেয়া মাংতা?

ভাঙ্গা ভাঙ্গা হিন্দীতে বললে, বর্মিয় খাকি। কাজ করি ওখানকার এক

‘সার্কাস’

কাঠ-কলে, দেশে এসেছি বালবাচ্চা বোকে নিয়ে যেতে। এই আমি, এই আমার পাসপোর্ট। এই আমার বোঁ, ও এর আগে কখনো বারনি বর্মার, এই ওর দর-খাস্ত। এই আমার লেড়কা, এইটে হচ্ছে ওর দরখাস্ত। বাবু, থোড়া কৃপা করকে জলদি বানা দিজিয়ে দো পাসপোর্ট, নোহি তো ভুখা মরুংগা। বাবু, দয়া করে একটু তাড়াতাড়ি পাসপোর্ট দরুটো করে দাও, নইলে না খেয়ে মরব।

—মরবে তো আমার চোন্দপুরুষের চিতৈয় পিদিম জ্বালাবে! এই বর্মী-ষাত্রীদের নিয়ে মরে গেলাম মশাই। এখন সব চাইতে বেশী দরখাস্ত আসছে বার্মার পাসপোর্টের জন্য। আর যাচ্ছেও মশাই এই সব মাদ্রাজীরাই বেশী। সব লেবারার মজুর। কলকাতার বন্দর থেকে রেংগুন যাবার খুব সুবিধে কিনা, তই যত কামেলা আমাদের অফিসে। এই কোথেকে আসছে? কাঁহাসে আতা হয়?

—বাইজাগসে। ভাইজাগ থেকে।

—তা বাবু, পাসপোর্টটি কেন সেখান থেকে করোনি, তাড়াতাড়ি হয়ে যেত। ডিস্ট্রিক্ট ম্যাজিস্ট্রেটের কাছে অ্যাপ্লাই করলেই পেয়ে যেতে। নাকি আমাদের না ভোগালে সুখ পাচ্ছিলে না। এখন তুমিও ভোগো। মশাই কিছু বলতেও কষ্ট হয় এদের। অবলা জীব, কি বলে ভাল করে বোঝাই যায় না। গরীব। বার্মায় গেলে তবে পেটে দানা পড়বে। এখানে যে কাঁটি দিন পড়ে, সে কাঁটি দিনই লোকসান। বুঝি সব। সিমপ্যাথিও আছে। যতটা সম্ভব ভাল ব্যবহার করতে চেষ্টা করি। কিন্তু এত বিরক্ত করে ওরা, যে শেষে খারাপ ব্যবহার না করে আর পারিনে, হাজার হোক মানুষের শরীর তো। তার উপর জানেন, সর্বদাই ফেউ ঘুরছে এদের পিছনে। পাসপোর্ট করে দেবার নাম করে টাকা বের করে নেয় এদের কাছ থেকে, তারপর সটকে পড়ে। এই সেদিনও একটা কেস হয়েছে। পাসপোর্ট করে দেবার নাম করে একজনের কাছ থেকে কয়েক দফায় টাকা নিয়ে শেষে একটি বাজে পাসপোর্টে লোকটির ফটো সেটে দিয়ে বলেছে, এই নাও পাসপোর্ট এসো টিকিট করে দিই। বলে তো মশাই ওকে নিয়ে গেছে ম্যাকজী কোম্পানীর অফিস। তারপর নিচে দাঁড় করিয়ে রেখে বলেছে, এখানে দাঁড়াও, কোথাও যেও না, টিকিট করে নিয়ে আসি। সেই যে টিকিট করতে গেল তো ব্যস গেলই। শুধু কি এই, আরো কত রকম করে টাকা খালি করে জানেন? বলি শুনুন। দরখাস্ত লিখে দেবো তার জন্য একদফায় টাকা নিলে, ফটো এটাচ করিয়ে দেবে—তিন কপি করে ফটো লাগে পাসপোর্ট করতে, দাও টাকা। ষোল টাকা আদায় যদি করল তো ষিনি সই দিলেন ফটোর

‘সার্কাস’

তিনি আট নিলেন, বাকী টাকা গেল দালালের পেটে। এমন কত জোচ্ছুরীই যে হয়, কি বলবো।

অনেকে আবার তাড়াতাড়ি পাসপোর্ট পাবার জন্য ঘুষও দিতে চায়। একবার ভারি মজা হয়েছিল। একই বিলাতী কোম্পানীর সঙ্গে ব্যবসায়িক চুক্তি করবার জন্য দুজন মারোয়াড়ীর বিলাত যাবার দরকার। দুজনেই পাসপোর্টের জন্য দরখাস্ত করলে। যে আগে পেঁছবে কাজ হাঁসিল হবে তারই। একজন তো মশাই অর্ডিনারী কোর্সেই দরখাস্ত করলে। আর একজন দরখাস্ত জমা দেবার সময় সঙ্গে দিলে একটা মূখ-আটা খাম। উপরে লেখা ‘বাড়ী গিয়ে খুলবেন’। কেমন সন্দেহ হল। তফ্ফুনি খামখানা খুললাম। ও মা, দেখি দশটাকার পাঁচখানা নোট। ইয়াকী পেয়েছ? ...বেয়্যারাকে বললাম, ডাক তো পুলিশ, ওর আস্পর্ধাটা একবার ভাঙি। অর্মান সূট সূট করে সরে পড়লে। এ আপিস না মশাই, শ্রীক্ষেত্র। কোটিপতি থেকে নিঃস্ব, সাধু থেকে চোর, সবাই-কারই পদখুলি এখানে পড়তে হবে।

কত যে মজা দেখি, বুঝলেন, একবার হয়েছে কি, দুজন এলেন পাসপোর্ট নিতে। এক ভদ্র লোক আর এক মহিলা। বললেন, স্বামী-স্ত্রী। বেড়াতে যাবেন ইওরোপে। হিন্দু বিয়ের ওই একমজা, মুখের কথাকেই প্রমাণ বলে ধরে নিতে হয়। মুসলমান খ্রিস্টান হলে সার্টিফিকেট দেখাতে হত। হয়ে গেল পাসপোর্ট। তারা তো মহাখুশী। নিজেরাই এসেছিলেন। দেখে মনে হল আর তর সইছে না। পারলে এখুনি ডানা মেলে ওড়েন। তখন তো আর অভিশত বুদ্ধিনি। দুদিন যেতে না যেতেই পুলিশ অফিস থেকে খোজ এল এই এই নামের পাসপোর্ট কি ইস্যু হয়ে গেছে? বললুম, হ্যাঁ। কেন? অন্য একজনের বো নিয়ে ব্যাটা ভাগলবা।

আর এক ভদ্রলোকের সঙ্গে পাসপোর্ট নিয়ে কথা হচ্ছিল। তিনি সমস্ত পৃথিবী ঘুরে বেড়ান। তিনি বললেন, পাসপোর্ট তো তবু পাওয়া যায়, তবির তদারক করলে একটু তাড়াতাড়িও মেলে। কিন্তু জান বার করে ছাড়ে ভিসা বের করতে। বিশেষ করে এশিয়ার দেশগুলোর পাসপোর্ট তো দেয় আমাদের সরকার। যে যে দেশে যাবেন দরখাস্তে তা জানিয়ে দিতে হবে। সেই দেশে যেতে দিতে সরকারের আপত্তি না থাকল তো অনুমতি পেয়ে গেলেন, কিন্তু তাহলেই যে ভাবলেন এবার টপ করে চলে যাবেন সেই দেশে তা পারবেন না। যে দেশে যাবেন সেই দেশের সরকারেরও অনুমতি চাই। এই অনুমতির নামই ভিসা। ওই পাসপোর্টের মধ্যেই ভিসা নেবার জায়গা থাকে। সেখানে

‘সার্কাস’

সরকারী মোহর লাগিয়ে নিলেই কেবলা ফতে। ভিসা নিতেও ফি দিতে হয়। ভিসা দেবার মালিক ‘কনসালেট জেনারেল’, রাষ্ট্রদূতের অফিস। ইওরোপের দেশগুলোয় ভিসার এত কড়াকড়ি নেই। যত কড়াকড়ি সব এই প্রাচ্য দেশ-গুলোতে। অথচ মজা কি জানেন, ওই সব দেশেই বেশী চোরাই চালান হয়। বস্ত্র আটুনি ফস্কা গেরো আর কি? পৃথিবীর মধ্যে ভিসা পাওয়া সহজ হচ্ছে বৃটেনের। কিন্তু সব চেয়ে কম স্মাগল হয়, ওখানেই।

কত রকমের উদ্দেশ্য নিয়েই যে লোক দেশের বাইরে যায় তার ইয়ত্তা নেই। কোনো কিছু শিখতে, রোজগার করতে, বেড়াতে, ব্যবসা করতে, বক্তৃতা দিতে। এ সব তো ডাল ভাতের ব্যাপার। সময় সময় মজার মজার ব্যাপারও নজরে পড়ে। বলছিলেন এক পদ্রলিশ অফিসার।

বললেন, বেশী দিনের কথা নয়, এক আমেরিকান ক্রোড়পতির সঙ্গে আমার দেখা হয়েছিল। তার অনেক রকম ব্যবসা আছে। মিনিটে হাজার হাজার ডলার রোজগার। তিনি এখন দেশ ভ্রমণে বেরিয়েছেন। কেন? না তাঁর সরকার এক নতুন আইন করে আয়কর বাড়িয়ে দিয়েছে। ওদেশে নিয়ম হচ্ছে লোক উপস্থিত না থাকলে তার উপর নতুন আইন খাটে না। তাই আইনটি পাশ হবার আগেই ইনি কেটে পড়েছেন। বছর পাঁচেক এইভাবে কাটাতে পারলেই তিনি গবর্ণমেন্টের রাজস্ব বিভাগকে দিব্যি কলা দেখাতে পারবেন?

কথায় কথায় জাল পাসপোর্টের কথা উঠল। বললেন, অনেকে করে কি একজনের পাসপোর্ট থেকে তার ফটোটা তুলে ফেলে নিজেরটা বসিয়ে দেয়। ভর চেয়েও মারাত্মক শিলমোহর জাল করা। ছদ্মনামেও পাসপোর্ট বের করে নেয় কেউ কেউ। অনেকে আবার দুটো পাসপোর্টও করিয়ে নেয় খাম্পা দিয়ে। তবে কি জানেন, পাসপোর্টের যেমন মেয়াদ আছে, পাঁচ বছর পর পর বদল করে নিতে হয়, পাপেরও তেমন মেয়াদ আছে। পাপীরা ধরা পড়েই। চিরদিন জয়ডঙ্কা বাজিয়ে বেড়াতে পারে না।

লুই ফিশারের একদিনের

লুই ফিশার এসেছেন খবর পেলাম। লুই ফিশার ভুবনবিখ্যাত সাংবাদিক। জার্নেল জার্নালিস্ট। স্বকারণে কয়েকবার পৃথিবী ঘুরেছেন। এবারে আর একবার বেরিয়ে পড়েছেন সরেজমিনে পৃথিবীর হাল চেহারা চাক্ষুষ করতে। ভদ্রলোক আগেও কয়েকবার ভারতে এসেছেন, মহাস্বাস্থ্যের আশ্রমেও কিছুকাল কাটিয়ে গেছেন। তবে ভারত তখন ভারতবর্ষ ছিল, হিন্দুস্থান পাকিস্থান হয়নি। কাটাছেড়ার পর ভারতে পদার্পণ এই তার প্রথম। সাত সপ্তাহ ভারতে থাকবার তার প্রোগ্রাম, তার মধ্যে হস্তাধানেক কলকাতায়।

জার্নালিস্টকুলে আমি মাত্র কল্কে পেয়েছি, পুরো টানও মারা হয়নি। তাই যখন সহকর্মীরা বললেন, ‘লুই ফিশারের কাছে যাচ্ছি, চল হে, তোমারও নৈমন্ত্য’ তখন একটু চমক লাগল। ভাবতে ভাল লাগল আমি আর উনি একই পথযাত্রী। তিনি বহু আগে যাত্রা শুরুর করে যে বৃত্ত প্রায় সম্পূর্ণ করে আনলেন, আমি তার প্রথম বিন্দুতে পা রাখলাম, এই মাত্র তফাৎ। কলকাতার ‘প্রেস ক্লাব’ তাঁকে এক প্রশ্নোত্তর সভায় ডেকেছেন, মেট্রোপোল হোটেল। আমরা সেখানে গেলাম।

চারটের ওপর আসবার কথা। একটু দেরী হয়েছিল আমাদের, কয়েক মিনিট মাত্র, কিন্তু পেঁছে দেখলাম, তিনি বস্তু হিসেবে দাঁড়িয়ে গেছেন। ছোট্ট একফালি ঘর, কয়েকখানা টেবিল জোড়া দিয়ে তার চারপাশে চেয়ারপাতা হয়েছে। আর সংবাদজীবীতে সে ঘরখানা একেবারে গিসগিস।

ফিশার তখন বসেছিলেন জার্নালিস্টদের কথা, বোধ হয় কেউ তাঁকে এবিষয়ে প্রশ্ন করে থাকবে।

বললেন, ‘আপনারা যে ধরনের সাংবাদিকতা করেন তার স্বরূপটা আমার জানা নেই। আমি আমার কথা বলতে পারি মাত্র। আমি কারো হুকুম বরদার নেই। যা দেখি, যা বুঝি, যা ভাবি তা অকুণ্ঠ বলতে কারো পরোয়া করিনে। এই যে ঘরতে বেরিয়েছি, দেখে যাচ্ছি, যদি উৎসাহ বোধ করি, যদি অনুপ্রেরণা

‘সার্কাস’

পাই তবে আমার শ্রমণের অভিজ্ঞতা সম্পর্কে একখানা বই লিখতেও পারি। সবই আমার ইচ্ছের উপর নির্ভর করে।’

ফিশার একটুক্ষণ থামলেন। সেই অবসরে আমি একনজরে ঘরভর্তি সহকর্মীদের মৃদুগদুলো জরীপ করে নিলাম। বিচিত্র লোক, বিচিত্র ধরনের মৃদু। অভিজ্ঞতার তীক্ষ্ণ নখরাঘাতে অধিকাংশের মৃদুই বিচলিত। অধিকাংশই ভেটারান সংবাদজীবী। থমথম স্তম্ভতায় সকলে অবগাহন করছি। মনে হল বাহ্যিক এত তো বৈচিত্র্য, কিন্তু সকলের মনে ভাবনার জলতরঙ্গে একটি মাত্র সুরই বাজছে, ‘আহা, উনি কি স্বাধীন, ও’র স্বাধীনতার প্রতি হাত-পা-বাঁধা আমাদের কজনের মনে শূন্য দুটি তরঙ্গ ওঠা পড়া করছিল, একটি মধুর ঈর্ষা, অপরটি অবসাদগ্রস্ত শ্রদ্ধা।

ফিশার একটির পর একটি কথা বলে যাচ্ছিলেন আর একটুর পর একটু, আস্থা তাঁর করায়ত্ত হচ্ছিল। সময় সীমাতীত নয়, চারটে থেকে পাঁচটা, একেবারে মাপা একটি ঘণ্টা। আর বিষয় অনন্ত। তাই তিনি বললেন, ‘আপনারা প্রশ্ন করুন, আমি তার জবাব দিই।’

উন্মুখ হয়ে বসে রইলাম। ফিশারের গায়ে মার্কিন ধুনোর গন্ধ। আর আমার সহকর্মীদের কেউ কেউ লাল মা মনসা। একটু বা উল্বেগনও হলাম, বজ্ঞে প্রশ্নে না সময় কেটে যায়। যে প্রশ্নে আমার মন সদা পীড়িত আছে তা এড়িয়ে যায়।

অদৃষ্ট শূন্য, সেই প্রশ্নটিই কেউ করে বসলেন।

‘তৃতীয় যুদ্ধের সম্ভাবনা সম্পর্কে আপনার কি ধারণা?’

এবিষয়ে ফিশারের সোজা জবাব, ‘সম্ভাবনা খুবই কম, এই আমার ব্যক্তিগত ধারণা।’

নাছোড় সাংবাদিক প্রশ্ন করলেন, ‘এ ধারণার ভিত্তি কি?’

ফিশার বললেন, ‘ভিত্তি আমার অভিজ্ঞতা। দেখুন, আমি যুগোস্লাভিয়া, তুরস্ক প্রভৃতি হয়ে আসছি। যুগোস্লাভিয়াতে আমার সঙ্গে মার্শাল টিটোর মোলাকাত হয়েছে। তিনি তো একেবারে সোভিয়েট কামানের মৃদুতর মতো বসে আছেন, কিন্তু যুদ্ধ সম্পর্কে তাঁর কোনোরকম উল্বেগ নেই। তুরস্কের সীমানা সোভিয়েট বর্ডার ছুঁয়ে আছে, সেখানেও কোনরকম আতঙ্ক দর্শিনি। তা ছাড়া ব্যাপার কি জানেন, সোভিয়েট দেশে আমি চোদ্দ বছরকাল কাটিয়েছি, স্টালিনকে ঘনিষ্ঠভাবে জানবার সুযোগ পেয়েছি, তাছাড়া সম্প্রতি স্টালিনের সমগ্র রচনা-বলী প্রকাশিত হয়েছে, এর বহু রচনা এর আগে কোথাও প্রকাশিত হয়নি, ইচ্ছে

‘সার্কাস’

করেই সেগদুলো এতদিন প্রকাশ করা হয়নি, আমি তা পড়েছি, বর্তমানে একথানা স্ট্যালিনের জীবনী লিখছি কিনা, তা সে সমস্ত রচনা পড়ে আর স্ট্যালিন চরিত্র অধ্যয়ন করে দেখেছি বুদ্ধি নেবার প্রবৃত্তি স্ট্যালিন চরিত্রে একেবারে অনুপস্থিত। তাঁর আগাগোড়া জীবনে স্ট্যালিন কখনো একটি মাত্র ‘রিস্ক’ নেননি। আমার তো মনে হয় তাঁর এই চরিত্র-বৈশিষ্ট্য তাঁর উত্তরাধিকারীদেরও বর্তেছে। কাজেই স্ট্যালিন স্বেচ্ছায় তৃতীয় যুদ্ধের বুদ্ধি ঘাড়ে নেবেন বলে আমার মনে হয় না।’

ফিশার একটু থেমেছেন কি প্রশ্ন হল, ‘সোর্ভিয়েট যুদ্ধ লাগাবে তাই বা ভাবছেন কেন. আমেরিকারও তো বাধাতে পারে?’

ফিশারের কণ্ঠস্বর দৃঢ়ভাবে বেজে উঠল, ‘না, আমেরিকা যুদ্ধ বাধাতে পারে না। আমি যদি বুঝি আমি নিশ্চিত জিতব তবেই না আমি আক্রমণ করব। এই অ্যাটম-যুদ্ধের যুগে সে নিশ্চিত আমেরিকার কই? এই যুদ্ধে জিতে কেউ লাভবান হবে এমন ভাবনাও তো কারো নেই। তবে আর কিজন্য এই ধ্বংসযজ্ঞ? দু’পক্ষে যেমন তোড়জোড় বরষে রণসজ্জা হচ্ছে তাতে দু’দলই তো আতঙ্কিত। তাছাড়া জনসাধারণ কোথাও আর যুদ্ধের স্বপক্ষে নেই।’

বহুদিন যাবৎ যুদ্ধাতঙ্ক রোগে ভুগছি। এই যে, চতুর্দিকে বিশৃঙ্খলা, মানসিক চাঞ্চল্য, কোথাও স্থিরভাবে থাকতে পারিনে, কোন দায়িত্ব বোধ নেই, কোন আশ্রয়ই আমার অস্থিরতাকে থামিয়ে রাখতে পারে না তা সবই যুদ্ধাতঙ্কের ফলে। এ আতঙ্কে একা আমি ভুগছিলাম সমগ্র পৃথিবীর যুবক-যুবতী আজ এই কারণে অব্যবস্থিতিচিন্ত, অস্থিতথী। আমি যুদ্ধ চাইনে। যুদ্ধকে ঘৃণা করি কারণ মৃত্যুকে ঘৃণা করি। আমি যুদ্ধ চাই বা না চাই, যুদ্ধক্ষেত্রে যাই বা না যাই যুদ্ধ লাগলেই আমি মরব। কোন ফাঁকে আকাশ থেকে টুক করে একটি অ্যাটম বোমা পড়বে আর বাস্ নিশ্চিত হয়ে যাব, একদম বেকসুর। তাই আমার আতঙ্ক, তাই অস্বস্তি। আগামীকাল পরন্ত বোঁচে থাকব কিনা কে বলবে?

তাই প্রতীক্ষা করেছিলাম এমন একজন সঙ্গীকে যে উচ্চারণ করবে, মাইভে, আমি দেখে এসেছি, আমার চোখ সাক্ষী, মন সাক্ষী, যুদ্ধ দূরে, মাইভে।

কি আশ্চর্য, আমার স্বপ্ন দেখা আম্বাসারটি জেগে উঠল ফিশারের স্বরে। স্বস্তির আরাম আমার সর্বশরীরে ছড়িয়ে পড়ল।

সহকর্মীরা ততক্ষণে প্রসঙ্গান্তরে চলে গিয়েছেন। আন্তর্জাতিক ক্ষেত্র থেকে পাক খেয়ে ঢুকে পড়েছেন জাতীয়জীবনে।

‘সার্কাস’

একজন প্রশ্ন করলেন, ‘স্বাধীন ভারতকে দেখে কি মনে হচ্ছে?’ ইনি না খামতেই আরেকজন জিগোস করলেন, ‘এই দেশ বিভাগকে কি আপনি সমর্থন করেন?’

ফিশারের প্রশান্তি একটু যেন স্তিমিত হল। তবে কি এ ক্ষণমালিন্য বেদনার?

ধীরে ধীরে শান্ত কণ্ঠে বললেন, ‘দেশ-বিভাগের আমি বরাবর বিরোধী। দেশ বিভাগ করে ভারতের আর পাকিস্তানের, হিন্দুর আর মুসলমানের যে অপরিসীম ক্ষতি হয়েছে তা আগামী একশ বছরেও পূরণ হবে কি না সন্দেহ।’

একজন সাংবাদিক শিউরে উঠলেন। ‘এ-ক-শ বছর!’ তাঁর কণ্ঠস্বর বাতাসে হতাশার এক কাঁপা তরঙ্গ ছুঁড়ে দিল। ফিশারের কণ্ঠস্বরেও যেন তার খানিকটা ছোঁয়া লাগল।

বললেন, ‘গান্ধীজীও এর ঘোর বিরোধী ছিলেন। তবে দুর্ঘটনা যখন ঘটেই গেছে তখন তা ধীরভাবে মেনে নেওয়াই ভাল। আমি এক হস্তা করাচীতে কাটিয়ে এসেছি। তারাও লোক ভাল। আমার সঙ্গে বন্ধুত্বপূর্ণ ব্যবহার করেছে। একটা ঘটনার কথা বলি, গোলাম মহম্মদের সঙ্গে দেখা করতে গেছি। তখন তিনি অসুস্থ। কথা বলতে বলতে উঠে গেলেন। একটু পরে ফিরে এলেন। হাতে একটা ফোটোগ্রাফ। কার জানেন? নেহরুর। তাঁরই নিজের হাতে দস্তখত করা। গোলাম মহম্মদ ছবিটির দিকে চেয়ে রইলেন, তারপর বললেন, তিরিশ বছর ধরে আমরা বন্ধু। তারপর একটু থেমে, একটা দীর্ঘশ্বাস ছেড়ে ভারাক্রান্ত স্বরে বলে উঠলেন, ওঃ কি আফসোস!’

ফিশার এবার প্রথম প্রশ্নে ফিরে এলেন। বললেন, ‘আপনাদের দেশকে যেমন দেখব আশা করেছিলাম, সত্যি বলতে কি আমার সে আশা চিড় খেয়েছে। যে সমাজ পরিবর্তন হওয়া উচিত ছিল তা হয়নি। শিক্ষা ব্যবস্থায় যে পরিবর্তন দেখব আশা করেছিলাম তাও সফল হল না। আপনার দেশে ইংরেজ যে শিক্ষাপদ্ধতি চালু করেছিল তা কেরাণী তৈরী করার জন্য। যে শিক্ষা আগে কেরাণী তৈরী করত তা এখন বেকার তৈরী করেছে। এ পদ্ধতির নিন্দা আমি অতীতে করেছি, আপনারাও করেছেন। এ শিক্ষা সবাইকে শহরমুখী করে তুলেছে। অথচ ভারতবর্ষ হচ্ছে গ্রামে। এখন এমন শিক্ষাই চাই যা কৃষিবিদ তৈরী করবে, পশুচিকিৎসক সৃষ্টি করবে, এখন প্রয়োজন ‘সোস্যাল ইঞ্জিনীয়ার’, সমাজসেবীর? সেসব কই?

‘সার্কাস’

কোনো সরকার কি সবাইকে চাকরী দিতে পারে? সবাইকে চাকরী দিতে পারে একমাত্র ডিক্টারী সরকার। গণতন্ত্রে ব্যক্তিগত স্বাভাবিক স্থান আছে তাই প্রাইভেট ব্যবসা বাণিজ্যেরও স্থান আছে।

‘সমতা গণতন্ত্রের লক্ষ্য।’ ধনসাম্য তো দূরের লক্ষ্য, সেখানে পৌঁছাতে সময় লাগবে, আরেকটি সাম্য মর্যাদার। সব মানুষই মর্যাদায় সমান, গণতন্ত্রের এই মূল্য আপনাদের এখানে অনুপস্থিত। মানুষের সঙ্গে মানুষের এখানে যত ভেদাভেদ আর কোথাও তত নেই। আমেরিকা যে নিগ্রোদের এখনও সমমর্যাদা দিতে কুণ্ঠিত হচ্ছে তাতেই তার ডিমোক্রেসির দুর্বলতা ধরা পড়েছে। আর একটি ছেলেমানুষী হচ্ছে চার্লি চ্যাপলিনকে নিয়ে। এসব বন্ধুত্বমূলক অবশ্য একদিন দূর হবেই।’

একসঙ্গে অনেক কথা বলে ফিশার একটু বিশ্রাম নিলেন। স্পষ্টভাবে, স্বমতনিষ্ঠ এই প্রোট আরো কয়েকটি প্রশ্নের জবাব দিয়ে নিজের অসুস্থতার কথা জানালেন। সমবেত সংবাদজীবীরা তাকে আন্তরিক অভিনন্দন জ্ঞাপন করলেন। আমার কানে ততক্ষণে বেজে চলেছে তার শেষ কথা কটা, ‘আমি চাই, আপনাদের দৃষ্টিভঙ্গীর পরিবর্তন হোক, আপনারা মানুষকে মর্যাদা দিন, শ্রমের মর্যাদা দিন।’

হাজার বার শোনা কথা। তবু আন্তরিকতার স্পর্শে তার রূপ কেমন নূতন হয়ে ওঠে। গ্র্যান্ড হোটেলের দারোয়ান তাকে দেখে আসন ছেড়ে উঠে সেলাম করেছিল কেন না তিনি সাহেব। মানুষের দীনতার এই পরিচয় পেয়ে তিনি মনে আঘাত পেরেছিলেন।

হোটেল ছেড়ে পথে বেরিয়ে সেই কথাটাই মনে ঘুরপাক খাচ্ছিল। ঘটনাটা কত তুচ্ছ; কিন্তু তাৎপর্যটা? এমন এক একটি সামান্য আঁচড়ে একটি চরিত্রের পরিচয় কেমন সফল হয়ে ওঠে!

নলিন মাস্টার

এক

তাহলে নলিন মাস্টারের গল্পটাই বলি।

একদিন সকালে উঠে পকেট টাকি ইত্যাদি ঝেড়ে ঝেড়ে মাস্তুর পোনে একগুন্ডা পয়সা বের হল। এদিক ওদিক চাইছি। মদুখানা ব্যাজার ব্যাজার। আর কিছুর না হোক, নির্জলা চা-ও যদি এক কাপ না জোটে তো মনটা হয়ে ওঠে মিইয়ে পড়া মড়ি। মাস্টার তখনো ঘুমুচ্ছে। বালিশটা মাথার উপর চাপিয়ে উপদ্র হয়ে ফদস্‌ ফদস্‌ নাক ডাকাচ্ছে। জানি, উঠেই বলবেন, চা। তো বলার সঙ্গে সঙ্গেই মদুখের কাছে চায়ের বাটি এগিয়ে দিতে হবে। সুস্প সুস্প চুমুক টেনে মাস্টার নয়ন দুটি মেলবেন। তারপর আশীর্বাদ করবেন, জিতা রহো। এর ব্যতিক্রম কিছুর ঘটলেই সেদিন কুরক্লেহ।

এমন সময় নিচের উঠানে 'সবই মায়ের ইচ্ছা' বলে মাঝারি রকম হাঁক দিয়ে ঝট্টল রামভদ্দরবাবু প্রবেশ করলেন। হাঁক দিলেন, 'কই হে, মাস্টার।'

নলিন মাস্টার তড়াক করে উঠে পড়লেন, জবাব দিলেন, 'সোজা উপরে।' বলেই প্রসন্ন বদনে আমার দিকে চাইতেই, 'চা' বলে হুকুমটা তাঁর ঠোঁট ছাড়বার আগেই পকেট উপদ্র করে তিনটি পয়সা দিয়ে বললুম, 'এই মোট। আর নেই।' মাস্টারের প্রসন্নতা কিঞ্চিৎ চোট খেল বলে মনে হল। বিরক্ত মদুখে বলে উঠলেন, 'সাধন পথে দেখছি বিঘের আর অন্ত নেই।'

'তারা, মা, ব্রহ্মময়ী' বলে রামাই বাউল ঢুকলেন। তারপর খুলো সুম্ধু বিছানার উপর ধপ করে বসেই বললেন, 'আজ আবার শনিবার, মাস্টার জানোই তো সাত্তিক আহারের দিন আজ। সন্দেশ ছাড়া কিছুর গ্রহণ করবার উপায় নেই। মায়ের আদেশ।'

জল যে কোথায় গড়াচ্ছে বুঝতে পারলুম। নলিন মাস্টার ব্যাঁকা চোখে আমার দিকে চাইবার চেষ্টা করছেন জেনে আমি সোজা চোখে অন্য দিকে চাইলুম। সেদিকে ভাগীরথী। বর্ষার পদুমুদু নদী। ঘোলা জলে দুটি পাড় ভরভর। তার উপর ভোর-সূর্যের কাঁচা আলো পড়েছে। মনে হচ্ছে খোলা ভেঙে কে যেন ডিমের কুসুমটি চিনেমাটির পিরিচে রেখে দিলে। রামাই

‘সার্কাস’।

বাউল দেখলেন, নলিন মাস্টার দেখলেন। তারপর সম্বরে গান জুড়ে দিলেন। ‘রূপটুকু তোর ছাড়িয়ে দিলি রূপসাগরের কলে কলে। আমরা পাগল অচল মেলে কুড়তে যাই সকল ভুলে। রূপ দেখা মা রূপময়ী, অরূপে রূপসী তুই, সকল জগৎ ঢেকে দে মা তোর ও রূপের আড়াল তুলে।’

গান থামল তো নৃত্য। নলিন মাস্টার বললেন, ‘বাউল বাঁয়া তবলাটা ধর হে, আজ আর ধরে রাখতে পারছি না। সমস্ত দেহ, সর্ব আত্মা নাচতে চাইছে। ধর, ধা, ধা কেটে কেটে তাক্, তাক্ কড়াং তাক্, তাক্ কড়াং তাক্।’ বাউলের হাত তবলায় জোর ছুটল। শূরু হল নলিন মাস্টারের নৃত্য।

বোঝাতে পারব না, আমার কেমন লেগেছিল। নৃত্যগীতের সভার আমি অস্পৃশ্য চণ্ডাল। তবু সেই দিনের নওল আলোকে নলিন মাস্টারের নৃত্য দেখতে দেখতে দৃ-তিনবার তাকে হারিয়ে ফেলেছিলাম, এটা মনে আছে। একবার দেখলাম পীতধড়া শিখিচুড়ামণ্ডিত এক শ্যাম কিশোর চতুর হাসি ঠোঁটে মেখে কাকে যেন ইশারা করে কাছে ডাকছে। আর একবার দেখলাম স্ফূর্তিতঅধরা এক গৌরাঙ্গী কিশোরী বিরাট অভিমানে দ্রুত দূরে সরে যাচ্ছে।

নলিন মাস্টার, রামাই বাউল, নদুদা—ও আম্ভায় যারা ছিল সবাই গুণী। এক আমি ছাড়া। তবে ওদের নৃত্য দেখতে দেখতে, ওদের গীত শুনতে শুনতে মাঝে মাঝে এই রকম ছবি দেখতে পেতুম। সব দিন পেতুম না, কখনো সখনো, আর ওদের সেটা বলতুম। ঠুঁরা খুশী হ’তেন। তাই আমাকে ছাড়তে চাইতেন না। আমার নাম রেখেছিলেন রসিক।

রামাই বাউল বলতেন, ‘তুমি আমাদের কণ্ঠ পাথর। রাখলেই তো হয় না, তার ঠিক আশ্বাদটি পাবার মতো স্নতার জিভও থাকা চাই। কিন্তু তা কজনের থাকে, লাখে এক। রাখতে তো অনেকেই পারে।’ বলেই গান ধরতেন, ‘রসের জোগানদারী সবাই করে, সে রস চাখার রসিক কয়জন?’

নাচ থামতেই বললাম যা দেখেছি। নলিন মাস্টার খুশীতে উগরগ। চোখ দিয়ে আনন্দে জল গড়িয়ে পড়ে আর কি? বললেন, ‘সবই গুরুত্ব কৃপা। এই কথক নৃত্য, এর কি তুলনা আছে ভাই। সব ক্লাসিক জিনিস। কত কন্ঠ করে শিখেছিলুম এসব। ভেবেছিলুম দৃ একজনকেও দিয়ে যাব। কিন্তু তেমন পাগল একটি পেলুম না। এই গুয়ার-মাকটে সবাই তালে ঘুরছে, কি করে, কোন্ ফাঁকে টু-পাইস্ কামানো যায়। এই ডামাডোলে কে আসবে সময় নষ্ট করতে।’

‘সার্কাস’

রামাই বাউল বললেন, ‘ফালতু বাত রাখ, পেটের মধ্যে এখন কুলকুন্ডলিনী জ্বালাত হচ্ছেন, কিঞ্চিৎ আহুতি টাহুতি দেবার বন্দোবস্ত কর। আজ আবার শনিবার, সেটা মনে রেখ।’

নলিন মাস্টার বললেন, ‘হবে হবে। মনে পড়েছে। নদের গোঁসাইকে মনে পড়ে তো? সেই যে কাশীতে স্বেস্তন করে মাত করে দিয়েছিল সেবারে, তিনি দেহ রেখেছেন। তার শিষ্য, মোচ্ছব দিচ্ছে, দিব্য হবে’খন। আর মোচ্ছব খেলে তোমার মা কিছ্ বলবেন না।’

বাউল বললেন, ‘তা অবশ্য বলবেন না, তবে সন্ধ্যা বেলা, মনটা সন্দেশ সন্দেশ বললে, ভাবলুম মাস্টার আছে, ভাবনা কি?’

কথাটা শ্রুনে মাস্টার খনিকক্ষণ ভাবলেন চুপ করে। তারপর বললেন, ‘তো ঠিক আছে চল।’

মা মা রব তুলে তিনজন বেরিয়ে পড়লুম। পথে পড়তেই নন্দদার সঙ্গে দেখা। হস্তদন্ত হয়ে আসছেন। নন্দদা ভারতীয় ঐতিহ্যের একজন গোঁড়া গার্জেন্সান। বিরাট পাণ্ডিত্য। অসাধারণ শিল্পী। ওরই আস্তানায় আমাদের দিন কাটে তখন। বিয়াল্লিশ তেতাল্লিশ সালের কথা বলছি।

দেখেই বললেন, ‘ওহে, ভালই হয়েছে মাস্টার, পদুরী যাবে নাকি? ঝণ্টু কোথেকে এক যোগাযোগ করে এসেছে। পাঁচ সাতটা শো-এর বন্দোবস্ত হয়ে যাবে’খন। আমি বলি আর এতে অমত করো না। এমন জিনিসটা স্নেফ পরিবেশন করবার অভাবে লোপ পেতে বসেছে। টাকার চিন্তা করো না, আট দশজনের যাবার টাকা যাহোক করে ম্যানেজ করবো’খন। আর একবার পেঁছে গেলে তো কোনো ভাবনাই নেই। ঝণ্টু বললে, কোন রাজার ডাকবাংলো তোমাদের ছেড়ে দেবে। খাওয়া থাকা তো রাজার হালে।’ আমার দিকে চেয়ে বললেন, ‘কি বল হে? তুমিও যাও না, একদল শিল্পীর মধ্যে এরকম দু একজন অ-শিল্পী থাকা ভাল। ব্যালান্স থাকে।’

আর কথা কি? তোড়জোড় শ্রুদ হল। এখন ঝণ্টুই একমাত্র শিষ্য আমাদের মাস্টারের। আর ছিল বেলা। মেরেটি নাচ শিখেছিল চমৎকার। খুব ট্যালেন্ট ছিল। মাস্টারের খুবই আশা ছিল এর উপর। কিন্তু কিসের থেকে কি হল। কার কথায় পড়ে মেরেটি একবার চ্যারিটি শোতে আধুনিক নৃত্য দেখালে। আর বাবে কোথায়? নলিন মাস্টার রোগে কাঁই। তখন তাঁর ওই একমাত্র রোজগার কিন্তু কিসে কি? মাস্টার এক কথায় তাকে নাচ শেখানো ছেড়ে দিলে। মেরেটি কমা চাইতে এসেছিল। এমন ধারা ব্যাপার দাঁড়াতে পারে নি।

‘সার্কাস’

মাস্টারের এক কথা, ‘নিকাল হি’য়াসে। এ সাধনার স্থানে তোমার স্থান নেই। নাচকে ব্যবসা করো গে, ওই পথেই তোমার সিন্ধি। কগজে ছবি ছাপা হবে, ফিল্ম থেকে ডাক আসবে, আর কি চাই। যাও যাও ঘ্যান ঘ্যান করো না। লোক চিনতেই ভুল হয়েছিল আমার।’

অনেক কাকুতি মিনতি করে মেরেটি হতাশ হয়ে বললে, ‘তবে, আপনার বাকী মাইনেটা নিন মাস্টার মশাই।’ তিরিশটে টাকা এগিয়ে দিল। মাস্টার আর সামলাতে পারলেন না। ঠাস করে, এক চড় কষিয়ে বললেন, ‘ভিক্ষে দেবার লোক পেলো না। বেরিয়ে যাও, বেরোও।’

বেলা মুখ নীচু করে বেরিয়ে গেল। মাস্টার রাগে ফুলে ফেঁপে, তান্ডব শূর, করে দিলেন। বললেন, ‘মেরেটার আশ্পর্শ দেখলে। ভিক্ষে দিতে এল আমাকে! লক্ষ্মণ মহারাজের শিষ্য আমি, আমাকে টাকা দিয়ে কিনতে চাইল এক আউরং। আমারই দোষ, আমারই দোষ। পেটের দায়ে টাকা নিয়ে আমিই তো ওকে নাচ শেখাতে গিয়েছি। গুরুদর বিদ্যাকে হাতে চড়িয়েছি।’ ছুটে গিয়ে ঘরের কোণ থেকে ভুঁগিট দহাতে তুলে নিলেন তারপর চাঁৎকার করে উঠলেন, ‘বাস্, অব্ খতম্।’ তারপরই এক আছাড়। ঢাপ্ করে ভুঁগিটা শানের মেঝেয় পড়ল। তারপর চুরচুর হয়ে গেল। দৌড়ে গিয়ে ঘরের কোণ থেকে ঘুঙুরগুলো তুলে নিলেন। টান মেরে গগ্গায় ছুঁড়ে দিয়ে বললেন, ‘বাস্ খতম্।’

সেই থেকে নলিন মাস্টার পয়সা নিয়ে নাচ শেখানো ছেড়ে দিলেন। একেই রোজগার বলতে কিছু ছিল না। তারপর যাও বা যৎসামান্য কিছু আসত বেলার কাছ থেকে, তা বন্ধ হওয়ায় অবস্থা উঠল চরমে। দিনের পর দিন তাঁর খাওয়া জোটে নি। আমারও না। দুজনে পথে পথে ঘুরে বোড়িয়েছি, অভিজ্ঞা করে গগ্গা থেকে জল খেয়ে তৃষ্ণা মিটিয়েছি। বর্ষাকালে গগ্গার জল ভারী হয় ঘোলায়। নলিন মাস্টার বলতেন, ‘চমৎকার হে, খাদ্য ও পানীয় একই সঙ্গে মিলছে।’ ক্ষিধেটা অসহ্য ঠেকলে নৈমন্ত্যন খেতুম। তারপর সরকারী লগ্নরখানা খুললে আমাদের কি আনন্দ।

কিন্তু পেটের জ্বালা নিভলেও মাস্টারের মনের জ্বালা মিটত না। বলতেন, ‘রসিক, পেলুম না। একটা কাউকে পেলুম না হে। গুরুদর বিদ্যে কাকে দেব?’ বলেই, শোনাতেন নিজের নাচ শেখার কথা। মাস্টারের বলবার ভণীটি ছিল চমৎকার। কথায় কথায় ছবি ফুটে উঠত। মানসচক্ষে দেখতুম, পাগল পাগল এক বাঙালী কিশোর দিগ্বিদিকজ্ঞান হারিয়ে ভারতবর্ষ চব্বি বেড়াচ্ছে নাচ শেখার তাগিদে। অধিকাংশ দিন তার খাওয়া জোটেনি। অবশেষে

‘সার্কাস’

বেনারসে এসে মনস্কামনা সিদ্ধ হল। গুরুদ্ব মিলল। বিখ্যাত কথক নর্তক লক্ষ্যণ মহারাজ মাস্টারের হাতে নাড়া বাঁধলেন। সাত বছর ধরে গুরুদ্ব কৃপা করলেন। নলিন মাস্টার কথক নৃত্যে পারদর্শী হয়ে উঠলেন। কিন্তু এত বছরের কঠিন শ্রমে, অপরিমিত অনিয়মে মাস্টারের দেহ থেকে লাভণ্য ঝরে গেছে। চেহারায় রস কস নেই। মাস্টারের সে এক মহা দুঃখ। বলতেন, ‘নাচ জানাই তো শূন্য নয়, দেখানও চাই। তা এ মড়ার নাচ দেখবে কে?’

এমন সময় নন্দদা ঝণ্টুকে এনে দিলেন। ভারি সুন্দর চেহারা। কোমল কিশোর। টানা টানা মৃদু চোখ। মাস্টার বোঁচে গেল। দিনরাত পরিশ্রম করে তৈরী করলে ঝণ্টুকে। কি চমৎকার নাচ শিখলে ঝণ্টু। উভয়টি বোঁধে যখন নাচত, মৃদুস্বরে যখন তাল আবৃত্তি করত, তখন আমার চোখে রূপের রাজ্য খুলে যেত। রসের সাগরে যেন সহস্রদল পশ্বে শূন্যে ভেসে যেতুম। পৃথকীর আবেশে বিবশ হয়ে পড়তুম। নলিন মাস্টারের নাচ অন্য বস্তু, অতি বিশুদ্ধ, তবে বড় ব্যাকরণ ঘেঁষা। আর ঝণ্টু যেন মূর্ত কাব্য। অত পেলবতা, কমনীয়তা, অনাহারে, দুর্দশায়, পোড় খাওয়া মাস্টারের কোথা থেকে আসবে? আমি বেলার নাচও দেখিছি, সেও খুব সুন্দর, এসব তো তুলনা করবার নয়, শরীরের বাঁধুনি অনুযায়ী বিভিন্ন লোকের নাচে বৈশিষ্ট্যের ভিন্ন চিহ্ন ফটে ওঠে।

বেলাকে হারিয়ে মাস্টারের যে নিজীবতা এসেছিল, ঝণ্টুকে পেয়ে তার অবসান হল। নব উৎসাহে মাস্টারের ঘরখানা আবার জেঁকে উঠল।

দুই

নন্দদার কথা বলেছি। নিজে একজন উঁচুদের চিত্রশিল্পী। অবন চাকুরের কজন প্রিয় শিষ্যের একজন। তবে বড় গোড়া। নন্দদা লোকালয় ছেড়েছেন। কলকাতা থেকে বহুদূরে গঙ্গার ধারে, এক ভাঙা দোতলা কোঠা আশ্রয় করে চিত্রশিল্পের সাধনায় ডুব দিয়েছেন। আমরা দোতলা কোঠার নাম দিয়েছিলাম নন্দদার আশ্রম। আমার ভবঘুরে জীবনের অনেকগুলি দিন ওই আশ্রমে কেটেছে। সাধারণ স্থান সেটা নয়। সেটা এক রূপরাজ্য। বিচিত্র রসের আশ্বাদ সেখানে পেরেছি।

নন্দদার প্রস্তাবে মাস্টার তরুণ রাজী। পুরী যাবার একটা তোড়জোড় শূন্য হল। একটা প্রোগ্রামও মোটামুটি করে নেওয়া হল। মাস্টার আর ঝণ্টুর নাচ, রামাই বাউলের গীত, আলি খাঁ সাহেবের সারেঙ্গী। এই মিলিয়ে

‘সাক্ষী’

ঘণ্টা দুয়েকের মতো। তবলা লহরা করবে কে শেষে এই নিয়ে মৃদুকিল বাধল। শেষ পরে অনেক ধরে করে যাত্রার এক ছোকরাকে মেলানো গেল। এক মাস ধরে নলিন মাস্টার তাকেই তালিম দিতে লাগল। অনেক ঘবে মেজে তাকে দাঁড় করানো গেল। তখন ‘গেলদুম খাঁ সাহেবের কাছে। খাঁ সাহেব আমাদের কড়া দোস্ত! অমন দিল খোলা আড্ডাবাজ বড় একটা দেখা যায় না। জানবাজারে গিয়ে বড়োকে খুঁজে ধের করা হল। একটা ছেঁড়া ময়লা পায়জামার উপর মলমলের এক ধোপদস্ত চুড়িদার পাজাবী চাপিয়ে ঘর থেকে বেরিয়ে এল। আমাদের দেখে চেঁচিয়ে উঠল, ‘আরে মাস্টারজী আরে রসিকজী, বহুত দিন বাদ,—কেয়া মতলব? আসুন আসুন। ভেতরে আসুন। বসুন। নসিব কি দরওয়াজা আজ খুল্ গয়ি হ্যায়।’

গিয়ে বসলুম। নানা গল্প সম্প হল। সময় ছিল না হাতে। তাই যদ্দুর সম্ভব তাড়াতাড়ি—এই ঘণ্টা তিনেকের মধ্যেই—বাজে কথা শেষ করে কাজের কথা পাড়লুম।

নলিন মাস্টার বললেন, ‘দেখ ওস্তাদ, অনেকদিন পরে নাচ দেখাবার একটা জায়গা পেয়েছি, পুরীতে। জানোই তো পয়সা কড়ির ব্যাপার। ওখানে কি হবে বলতে পারিনে। এখান থেকে নিজেরাই টাকা খরচা করে যাচ্ছি। যদি ওখানে গিয়ে কিছু মেলে তুমি পাবে, যদি না হয়—’

বড়ো বাধা দিয়ে বললে, ‘কি কথা বোলেন মাস্টারজী। কম্ সে কম্ আপনার নাচ তো দেখা হোবে। বহোৎ রোজ হয়ে গেছে, সেই কবে আপনার নাচ দেখেছি। আলবৎ যাবো। লেकिन পান্চ্ সাত রোজ বাদ। কেন কি, বাত দিয়ে ফেলোছি, একটা মজরায় যেতে হোবে।’

বেশী আর বিস্তারিত বলব না। সংক্ষেপ করি।

পুরী স্টেশনে পেঁচে দেখি ভোঁ ভাঁ, কেউ কোথাও নেই। ঝণ্টু বেচারী ছাবড়ে গিয়ে আসতা আমতা করতে লাগল। কিছুই পরিষ্কার বলতে পারে না, শুধু বলে, ‘এক রাজার সেক্রেটারীর সঙ্গে কথা হয়েছে আমার। তিনি বলেছেন স্টেশনে গাড়ী থাকবে, গেস্ট হাউস রেডি থাকবে।’

তবে একটু অপেক্ষা করা যাক। দুপুর পর্যন্ত বসে থাকলুম স্টেশনে। তাও কিছু না। আর তো সবাই একরকম সয়ে গিয়েছে, কিন্তু বাগড়া দিলে তবলাচী ছোকরা। ওতো আমাদের দলের লোক নয়। মেজাজ একেবারে লাট সাহেবের মতো। ‘কি হল ম্যানেজার বাবু? রাজার রথ কি পথ ভুল করল?

‘সার্কান’

কি মশাই সারাদিন কি এখানেই কাটবে?’ ব্যাটাচ্ছেলে আমাকে দলের ম্যানেজার ঠাউরেছে। খুঁচিয়ে খুঁচিয়ে আমার অবস্থা কাঁহিল করে দিলে।

শেষ পর্যন্ত সবাই যখন স্বীকার করল যে আর অপেক্ষা করা বে-ফয়দা, তখন একথানা ঘোড়ার গাড়ি ভাড়া করে গাড়ি গাড়ি রওনা দিলুম। কিছুদূর যেতেই পাণ্ডায় ধরল। নামধাম ইন্সট্রাক্টরস্‌ বি চাকর ইস্তকের পরিচয় জানতে চাইলে। মাথায় কি বুদ্ধি খেলল, ঠিক সময়ে এমন বুদ্ধি কি করে আমার নীরেট মগজে খেললে জগন্নাথ জানেন, কলকাতার এক বড় মানুষের নাম ঠিকানা বলতেই এক জোয়ান পাণ্ডা এসে বললে, এ আমার ঘর। এক থেরো খাতা বের করে ঠিকার্জি কুলুজী দেখিয়ে বললে, বড়ো বাবুর তো পাঁচ গোটা ছেলে আছে, আমি তার কোনটি। বললুম, ‘আমি বড়োবাবুর ছেলে নয় নাতি, মেজ মেয়ের সেক্স ছেলে!’ বলতেই পাণ্ডা ঠাকুর গলে গেল একেবারে। বলল যে, আমার মাকে ও ভালরকম জানে। আমাদের চারপুরুষের পাণ্ডা। আমি যেন কোন কিন্তু-কিন্তু না করি, ওর ঘর বাড়িকে আমারই বাড়ি আমারই ঘর বলে যেন ভাবি।

বললুম, ‘ঠাকুর সে আর বলতে। তোমার ভরসাতেই বন্ধুবান্ধব নিয়ে আসা। দেখ অবস্থা না হয়। ক’দিন থাকার ইচ্ছে। ভাল লাগলে মাস খানেকও থাকতে পারি। ভাল সরেস পেসাদ খাওয়াবে, টাকার জন্য ভেব না। এই নাও বর্ষাকণ্ডে প্রণামী। মা পাঠিয়ে দিয়েছে। এটা তোমার।’

ট্রেনভাড়া ঘোড়ার গাড়ি ভাড়া মিটিয়ে যা ছিল উপুড় করে পাণ্ডার হাতে ঢেলে দিলুম। আর দাঁতন কাটি অবদি কেনবার পরসা থাকল না। শেষ সম্বল অন্যের হাতে তুলে দেওয়ায় দলসমূহ লোকের চক্ষু আকাশে গিয়ে বিখল। কিন্তু বিপদের সেই অকূল দরিয়ায় খোঁড়া হলেও আমিই তো কাণ্ডারী। তাই উচ্চবাচ্য কেউ করলে না। পাণ্ডাকে আর কিছুই বলতে হল না। আঁকাবাঁকা গাল ঘরে প্রভুর মন্দিরের পেছন দিকের এক বাড়িতে নিয়ে হাজির করলে। তল্লাটটার নাম দক্ষিণ দুরোর। আহা কোন দার্শনিক নামকরণ করেছিল? ঘুপচি ঘর। অন্ধকারকে দরজা জানালা খুলে ঘাড়ে ধরে থাক দিলেও সরে না। কাশীর বাড়ির মতো নির্বিকার ঘর জুড়ে দাঁড়িয়ে থাকে। তাই উত্তম উত্তম বলে পাণ্ডাকে ফুলিয়ে দিলুম।

খাওয়া দাওয়া চুকলে খন্টকে নিয়ে বের হলুম। বেরবার মধ্যে রামাই বাউল বললেন, ‘ও চ্যাণ্ডার কথায় ভুলে যেও না ভাই, যে নাচাবে তাকে এনে এখানে হাজির করো।’

‘সার্কাস’

কিন্তু কাকে হাজির করবো? ঝণ্টু নাম বলতে পারলে না, লোক দেখাতে পারলে না, জায়গা চেনাতে পারলে না। বেচারা ভয়ে লম্জার কেমন যেন নার্ভাস হয়ে গেল। বদ্বলদুম সবই। যা হবার তা তো হয়েইছে, এখন এত লোক নিয়ে ফিরেই বা যাই কেমন করে? পয়সা কাড়ি তো বেবাক ফাঁক হয়ে গেছে। কোনদিকে আলো দেখলদুম না। ঝণ্টুকে বাসায় যেতে বলে সমুদ্রের পথ ধরলদুম।

সেদিন অনেক রাত পর্যন্ত পুরুরী বোলাডুমে বসে বসে সমুদ্রের নৈশ অভিসার প্রত্যক্ষ করলদুম। রাত্রি অতি ঘনিষ্ঠতার সমুদ্রের মূখের উপর ঝুঁকে পড়ে চুম্বন একে দিচ্ছে। ‘সমুদ্র থর থর উত্তেজনায় ঢেউয়ের বাহু বাড়িয়ে রাত্রিকে নিবিড় করে বদুকে টেনে নিচ্ছে। এখানে ওখানে চক্‌চক্‌ ফস্‌ফরাস জ্বলে উঠছে। যেন আনাড়ি বরের গণ্ডে নববধূর তাম্বুলরঞ্জিত ওষ্ঠাধরের ছাপ।

হতাশ হয়ে বালুর উপর বসেছিলদুম। সমুদ্র আর রাত্রির এই নিলম্ব প্রণয়লীলা দেখতে দেখতে এক সময় সব আশংকা সব দৃশ্চিন্তা ভুলে গেলদুম।

পরদিন খুব ভোরে উঠেই পরামর্শে বসলদুম। নলিন মাস্টার, খাঁ সাহেব আর রামাই বাউলের কোনই ভ্রক্ষেপ নেই। দিব্য খাওয়া দাওয়া, দেব-দর্শন চলেছে। আর মশগুল হয়ে পুরানো স্মৃতির সাগরে ডুব দিচ্ছেন। তবলচীকে কিছূ বলি নি। ঝণ্টু আর আমিই পরামর্শ করলদুম, একটা শৌ-এর বন্দোবস্ত করা যায় কি না। শ্রীমান ঝণ্টুর তাহলে লম্জার হাত থেকে অব্যাহতি মেলে। আর আমার মতলব গাড়িভাড়ার টাকাটা যোগাড় করা।

সারাদিন আবার ঘুরলদুম সিনেমাআলাদের দরজায়। শোয়ের বন্দোবস্ত করতে পারলদুম না। আমাদের নাচ কে দেখবে? মেয়েলোক নেই। তা ছাড়া পুরুরী শহরে একই সঙ্গে দুটি নাচ চলবে কি করে? ‘কেন, আবার কে নাচতে এল?’ জিগ্যেস করতেই ম্যানেজার বললে, ‘কলকাতা থেকে একটা পার্টি এসেছে, কাল থেকে নাচ শুরূ হবে।’

যাও বা আশা ছিল, গেল। টানা এক দীর্ঘস্বাস ফেলে আবার সেই সমুদ্রতীরে এসে বসলদুম। পুরুরী বোলাতটে ঢেউ এসে ভেঙে পড়ছে। বসে বসে তাই দেখছি আর ভাবছি এখন করব কি?

কে পেছন থেকে সবিস্ময়ে বললে, ‘রসিকজ্ঞী না!’ চেয়ে দেখি গুটি তিনেক মেয়ে আর গোটা ছয় পুরুষের সঙ্গে বেলা। সেই বেলা! দবছর পর দেখলদুম। ভারি সুন্দর চেহারা হয়েছে। আমার সঙ্গে খুবই ভাব ছিল। সত্যিই ওকে খুব স্নেহ করতুম। নাচ শিখত যখন জ্বালাতন করে মেয়েছে। খালি

‘সাক্ষী’

বলত, ‘কি কেমন দেখছেন? হচ্ছে তো? কিছু দেখতে পাচ্ছেন?’ অর্থাৎ নলিন মাস্টারের নাচ দেখতে দেখতে যে ছবি ভাসত, সেই ছবি ওর বেলাতেও দেখছি কি না। তেমন কিছুই দেখতুম না বলে খুব চটে যেত। ধপ করে পাশে বসে পড়ে জিগ্যেস করলে, ‘ক-ত দিন পরে দেখা। কবে এসেছেন? কি মনে করে? কোথায় উঠেছেন?’

হেসে বললুম, ‘এত কথার জবাব একসঙ্গে দিই কি করে? তার চেয়ে আমি একটা প্রশ্ন করি, তার জবাব দাও দিকিনি। তুমি কবে এসেছ?’

বেলা বললে, ‘আজ সকালে। কাল থেকে যে আমাদের শো।’

বললুম, ‘শো. ও তাহলে এই নাচের শো-টা তোমাদের।’

বেলা বললে, ‘হ্যাঁ, তিনটে শো আছে। কয়দিন থাকব! ওঃ কতদিন পরে দেখা।’

বেলা ওর সঙ্গীদের যেতে বলে জমিয়ে বসল। তারপর এ কথা সে কথা নানাকথায় এসে পড়লুম।

বেলা বিয়ে করেছে। নাচকে শেষ পর্যন্ত পেশা করে নিয়েছে। নাম হয়েছে তার। এ পার্টিও ওর স্বামীর। নানা কথা বললে। স্লান হেসে এক সময় বললে, ‘আদর্শ’ নিয়ে থাকলে পেট চলত না রসিকজী। বাবার অমতে বিয়ে আমাদের। ও-ও নাচে। আপনাদের তো এ সস্তা নাচ ভাল লাগবে না। আচ্ছা গুরুজীর খবর কি?’

বলব কি বলব না, অনেকক্ষণ ধরে ভাবলুম। কিন্তু বেলার আন্তরিকতা আমাকে অভিভূত করেছিল। ধীরে ধীরে সব কথা বললুম। বেলা ধীরভাবে শুনল, তারপর বললে, ‘রসিকজী, কিছু ভাববার নেই। আমাদের শোয়ের সঙ্গে একটা শো দিয়ে দেবার বন্দোবস্ত করা একটুও কঠিন হবে না। ওকে সঙ্গে নিয়ে কাল যাব সকালে আপনাদের ওখানে। গুরুজীকে আমার প্রণাম দেবেন।’

তিন

সাক্ষী। বৃদ্ধ থেকে একটা মস্ত বোঝা নেমে গেল। হাস্কা পায়ে আস্তানায় চললুম। খাওয়া দাওয়া চুকলে কথাটা পাড়ব ভাবলুম। প্রথমে রামাই বাউলকে বললুম। তিনি ‘মায়ের ইচ্ছা’ বলে সটকে পড়লেন। হঠাৎ দৌঁধি খাঁ সাহেব আর নলিন মাস্টার বেরদুচ্ছে। মাস্টার বললে, ‘সাবে নাকি রসিক, ওস্তাদজীর সঙ্গে আজ সমুদ্রসংগত হবে।’ বললুম, ‘বেশ তো।’

চক্রতীর্থের কাছে জলের কিনার ঘেঁষে সে এক আশ্চর্য মাইফেল বসল।

‘সার্কাস’

খাঁ সাহেব সারেঙ্গী বাজাবেন। সমুদ্র ঢেউ-এর আওয়াজে তার সঙ্গে সঙ্গত করবে। এমন অপার্থিব সঙ্গীত-জলসায় শ্রোতা শব্দে আমি আর নলিন মাস্টার। খাঁ সাহেব সঙ্গীতের সাগর সৃষ্টি করলেন, না সমুদ্র এসে খাঁ সাহেবের পায়ে লুটিয়ে পড়ল, ঠিক বলতে পারব না। সেদিন আমার কোন চেতনা ছিল না। খাঁ সাহেবের সারেঙ্গী কখন থেমে গেল জানিনে। মনে হল আকৃতির মহৎ ক্রন্দনে কে আমাকে ডুবিয়ে রেখেছিল।

সময়ের স্রোত কতটা বয়ে গেল আন্দাজ ছিল না। আমার সঙ্গে কে ছিল, আমি কোথায় ছিলুম, বেশ কিছুক্ষণের জন্য তাও বোধ হয় খেয়াল ছিল না। কখন সন্বিত পেলাম, তখন দেখি সমুদ্রের লোনা বাতাসে আমার মুখ-চোখ চ্যাট চ্যাট করছে। ঠান্ডা বাতাসে গলায় বাথা হয়েছে চৌক গিলতে গেলে বাথা বোধ করছি। আর দেখলুম, অন্ধকারে ধ্যানস্থ হয়ে গেছে দুটো মূর্তি—খাঁ সাহেব আর নলিন মাস্টার—কত যুগ ধরে ওরা অমনভাবে বসে আছে, কে জানে?

প্রথমে মাস্টারের ধ্যান ভাঙল; পরে খাঁ সাহেবের। নলিন মাস্টার বললে, ‘খাঁ সাহেব, তোমার উপর ঈশ্বরের ভার আছে। বাজনা শুনে সমুদ্র স্তম্ভ হয়েছে, আবার সুরের স্পর্শে ঢেউ জেগে উঠে সাপের মত ফণা তুলে, এখার-ওখার দোল খেয়েছে। এমন অপূর্ব দৃশ্য আর আমি দেখিনি।’, বুদ্ধলম্ব, মাস্টার সুর-মাতাল হয়েছে। এবার আবোল-তাবোল বকবে।

মাস্টার বললে, ‘শোন, তবে বলি। কাহিনীটা আমার গুরু বলছিলেন, কাজেই গল্প কথা নয়। ঠুঁই ঠাকুরদা অচ্ছান মহারাজের কথা। অচ্ছান মহারাজের মত কথক নাচিয়ে সে সময় আর কেউ ছিল না। অচ্ছান মহারাজেরই নাচের গল্প এটা। মহারাজের বয়েস তখন অল্প। গুরুর কৃপায় তালিম শেষ করে সবে গোয়ালিয়র রাজ দরবারে গিয়েছেন। অল্প দিনের মধ্যেই চতুর্দিকে তাঁর নাম ছড়িয়ে পড়ল। এমন সময় একদিন এক তবলচী এসে হাজির। বললে, মহারাজ, তোমার এখানে নাকি এক মশহুর নাচিয়ে আছে। তাকে ডাক। আমার বাজনার সঙ্গে নাচবে। বড় দরুখে আছি। দমওয়াল কোনও নাচনেবালা মিলছে না, যে শেষতক নাচতে পারে। শুনে তো সবাই রেগে আগুন। এমন বেরাদব তো বড় দেখা যায় না। মহারাজা তো পাস্তাই দিতে চান না। কিন্তু অচ্ছান মহারাজ বললেন, বেশ নাচব, তবে কাল। পরদিন বড় ভাড়ী বন্দোবস্ত হল, আঃ, সে কি নাচ, আর তেমন বাজনা। চার-ষষ্ঠা কাবার হয়ে গেল, না নাচ থামল, না বাজনা। অচ্ছান মহারাজ নাচছেন, ঘামের সঙ্গে চন্দনের স্বেদ টপটপ করে করে পড়ছে, সাদা উত্তরীয় দেহের সঙ্গে ঝটপটি করছে আর ঘুঙুর, কখনো উত্তাল,

‘সার্কাস’

কখনো বা শান্ত মধুর—পায়ের ইশারা মত বেজে চলেছে। শ্রীমতীর অপেক্ষার আর শেষ নেই। পাতা নড়লে চমকে ওঠেন, ওই বৃদ্ধি প্রাণকান্ত এলেন। কিন্তু না, ও বাতাস, না ও মেঘচ্ছায়া, না শরের বনে পাখীর শব্দ। কিন্তু ক্লষ্ণ, তিনি কি আসবেন না, আসবেন না, আর আসবেন না? শ্রীমতীর হৃদয় ফেটে যে চৌচির হয়ে গেল। ঘুঙুরের বোলে, আর তবলার তালে, সমস্ত রাজসভা বৃন্দাবন বলে গেছে। সব স্তম্ভ আগ্রহে প্রতীক্ষা করে আছে। মিলনের প্রতীক্ষা। সমাপ্তির প্রতীক্ষা। কতক্ষণ আর উন্মেষের মধ্যে থাকা যায়? শ্রীমতীর হৃদয়ের ব্যাকুলতা অচ্ছান মহারাজের পায়ের ঘুঙুরের সহস্র ঝংকারে বেজে বেজে উঠছে। ছম ছম ছম ছম। আও, আও, এসো, এসো। ছম ছম ছম, ছম ছম ছম। আও কান্‌হা আও। নিষ্ঠুর কানাই এসো, এসো। শ্রীমতীর আকুল বাসনা ঘুঙুর থেকে ছড়িয়ে পড়ল দরবারের বাতাসে। বাতাস সে ব্যর্থ আবেদন পেঁপেছে দিলে সমবেত সমস্ত দর্শকদের মনে মনে। কারো সম্মত নেই, কারো পলক পড়ছে না। মনের মধ্যে গুমরে উঠছে শূন্য শ্রীমতীর মনোবেদনা। দ্রুত লয়ে নাচ চলেছে। দ্রুত লয়ে বাজনা চলেছে। সে কি আসবে না, সে কি আসবে না, সে কি আসবে না? হঠাৎ অচ্ছান মহারাজের সহস্র ঘুঙুর স্তম্ভ হয়ে গেল। পা দুটো কিন্তু সমান দ্রুত লয়ে পড়ে যাচ্ছে। আর ঘুঙুরের শব্দ নেই। হঠাৎ কিনি কিনি কিনি, পায়ের সেই একই গতিতে দ্রুত ওঠা-পড়ার মধ্যে অচ্ছান মহারাজের একটি ঘুঙুর সাড়া দিয়ে উঠল। এসেছে, এসেছে, কানাই এসেছে! ওই যে দূরে, বহুদূরে তাঁর চরণ কিঞ্চিনের ধ্বনি শোনা যাচ্ছে। যেই একটা ঘুঙুরের আওয়াজ শোনা, আর তাল কেটে গেল। তবলচীর বাজনার দিকে খেয়াল নেই। দীর্ঘশ্বাস ফেলে বলে উঠল, কান্‌হা তু বড়া নিষ্ঠুর হো। কানাই, তুমি বড় নিষ্ঠুর। দুচোখের জলে তবলচীর জামা ভিজে গেল। এই হল তন্ময়তা। এ-না হলে সিম্বি হবে না। খাঁ সাহেব, এই তন্ময়তা তোমাতে আছে।’ খাঁ সাহেবও এক দীর্ঘশ্বাস ফেলে বলে উঠল, ‘উ এক অলাগ্ জমানা থি। সে এক আলাদা যুগ ছিল।’

নালিন মাস্টারকে স্বাভাবিক হতে দেখে, ভরসা করে বেলার প্রস্তাবটা পাড়লুম।

মাস্টার ঝাঁকি মেরে উঠলেন, ‘তুমি কি করে ভাবতে পারলে, আমি এতে রাজী হব? নির্বোধ কোথাকার। ছি ছি, অহঙ্কারী মেয়েটা শেষ পর্বন্ত আমাকে দাক্ষিণ্য দেখাবে, আর সেই প্রস্তাব নিয়ে এলে কিনা তুমি!’

বলতে গেলুম তো ধমকে উঠলেন, ‘থামো। আমার ইচ্ছাত তুমি ধুলোয়

‘সাক্ষী’

মুঠি দিয়েছে। জান কোন ঘরাণার লোক আমি? লছমন মহারাজের। যারা কারো কাছে কখনো শির বঁদুকাই নি। তোমাকে মোড়ল করতে কে বলেছে হে? টিকিটের পরস্যা নেই হেঁটে ফিরতুম। না হয় থেকেই যেতুম এখানে। তাবলে কি ভিক্ষে নেব?’

মাস্টার ক্ষেপে উঠলেন। ধুক ধুক জ্বলে উঠল তাঁর চোখ। অশ্বকারেও আভাস পেলুম তাঁর সর্বাঙ্গ উত্তেজনায় থরথর করে কাঁপছে। বললেন, ‘আমি চললুম।’

বলেই হাঁটা ধরলেন। কি পাগলামী! কত করে বোঝালুম। কোন কথাই কানে তুললেন না। শুধু ধমকে বললেন, ‘খামোশ, দূর হয়ে যাও সামনে থেকে। নিকালো।’

হার মানলুম। কিছুতেই পারলুম না তাঁকে বাগ মানাতে। সেই অশ্বকারে জীর্ণশীর্ণ মূর্তিটাকে ধীরে ধীরে বিলীয়মান হতে দেখলুম। কতক্ষণ পরে তাও আর দেখা গেল না।

কি কৌশলে পুরী থেকে সেবার পালিয়ে এসেছিলুম, আমরা কজনই জানি।

তারপর থেকে আর দেখা হয়নি নলিন মাস্টারের সঙ্গে। তবু এই হতভাগ্য শিল্পীটির কথা ভুলতে পারিনি। কৌথায় আছে, কি করছে, জানতে বড় ইচ্ছে করে। এই ভেজালের যুগে তার বিদ্যা নিয়ে, তার দম্ভ নিয়ে, তার ঘরাণার গর্ব বয়ে এই নির্ভেজাল মানুষ্যটি এখনো এই পৃথিবীতে আছে,—না, থাক সে চিন্তাকে অকুরেই বিনষ্ট করলুম।

